

**DE BENEFICIO
CRUCIS, CEU [!]
ARTICULI
DISPUTATI DE
GRATIA...**

Louis Bail





M

14-27-M-41

A

14-27-M-41

A


14-27-M-41

DE
BENEFICIO
CRVCIS,
CEV
ARTICVLI
DISPVTTATI
DE GRATIA.

AUCTORE M. LVDOVICO BAIL,
*Doctore Theologo ac Propænitentiaro
Parisiensi.*



BIBLIOTHECA NAZ.
ROMA
VITTORIO EMANUELE.



PARISIIS,
Apud. IOANNEM POCQVET, In
viâ D. Iacobi ad insigne S. Petri,
M. DC. LXXI.

Cum Privilegio, & Approbatione,





PRÆFATIO.



T crucis beneficium præ omnibus Dei beneficijs excellentissimum semper habui : sic eius scientiam omnibus vtilissimam semper arbitratus sum. Hinc est quod ante viginti annos fructus illius varios in principijs doctrinæ Christianæ, seu Catechismo mandatorum diuinorum, ipsis etiam pueris explanare operæ pretium ducebam : & à paucioribus annis scripseram in examine Subdiaconorum triplicem esse gradum redēptionis humani generis per Christi Domini mortem.

Primus erat ab impotentia salutem consequendi per gratiam sufficientem, aut media alia, quibus fit vt nullus mortalium degat amplius in illo statu corruptæ naturæ, qui sequebatur ex Adami peccato. Secundus erat redemptio

PRÆFATIO.

ab ipso met peccato, per iustificationem actualem aut infusionem gratiæ habitualis ac sanctificantis. Tertius gradus erat ab omni miseria per ipsam beatitudinem ceu animæ, ceu corporis, ceu vtriusque.

Legit hoc quispiam sacerdos ex ijs qui Iansenij doctrinæ nomen dederunt, ac cum incommodam sententiæ quam imbiberat distinctionem præsentiret, multaque obscura elucidari ac difficilia solui posse auguraretur, obstupuit primum: tum contra me excanduit, sciscitatusque est ab eo, quem modestiæ causa non nomino, ubinam distinctionem triplicis gradus redemptionis inuenissem.

Homini satisfaciendum putavi. Ac quoniam ex tribus gradibus à me assignatis, secundus & tertius sunt extra omnem controuersiam, apud eos qui fide & mente destituti pœnitus non sunt, tantumque primus gradus reuocari possit in dubium à R. Irenensis sequacibus, vt nihil dicam asperius, abundè ipsi satisfactum putabo, si quibus in Locis patrum ac scripturarum inueniatur, patefaciam.

Ad id animum addidit Apologia nu-

P R Æ F A T I O.

per edita, quam tertiam numerant pro Iansenio, quâ quidam conati sunt ostendere non inueniri sapientiam illam in abyssis patrum, qui per reliqua sæcula à D. Augustini sæculo ad hoc præsens, floruerunt laude aliquâ scientiæ. At contra in iisdem reperiri contra ipsos contendendo: & ut aliquid maius prestem, etiam in ijs qui in retroante actis sæculis à D. Augustino ad Christum, addo etiam in omnibus Scripturæ Sacræ libris ceu veteris ceu Noui Testamenti, si eos ad suas classes reddecamus.

Non expectabant hoc à me pluribus alijs distento. Et forsân scommatibus ac rixis ad rem non pertinentibus cupient iniuriam hanc præensam vlcisci. Sed cōtemnendum istud vindictæ genus, modo malum quod serpit in Ecclesia, aliqua ex parte sistere valeamus, cum integrum curare, supra vires nostras positum sit.

Vt vero rem istam vtilius tractemus, tripartitum erit hoc opus. Prima eius pars erit de Bulla Summorum Pontificum contra Baium ac Iansenium, in qua quæ ad eam generatim spectant expendemus, variasque obiectiones quas in Gallia aut Belgio aut in tractu Treuirensi contra illam proposuerunt, re-

PRÆFATIO.

fellemus. Secunda pars erit de articulis
 78. in ea Bulla damnatis, qui omnes
 ita sigilatim ventilabuntur ac breuiter
 agitabuntur, aliquibus momentis hinc
 & inde adductis, vt patere possit error
 in ijs assertus; nec longiori sermone
 vtendum esse putauit, tum ne prolixitas
 disputationis tædio esset plerisque qui-
 bus magis arrident breuiiores tractatus,
 tum quia Nouantiū errores propalasse,
 superasse est: denique quædam ex his
 fusius alibi à nobis sunt explicata. Tertia
 denique pars solutionem obiectionum
 earum dabit, quas ipsi congefferunt
 in grandi illa Apologia, quam inuictam
 esse nescio qua præsumptione confidunt
 qui eam ex omni parte non penetra-
 uerunt. Vt idcirco eam partem inscri-
 pserimus, liberationem sanctorum pa-
 trum ab Apologia pro sanctis patribus
 &c. Quod sanctos patres ab ijs lauda-
 tos, ipsismet aduersarios esse demon-
 strare conemur, omissis pluribus con-
 trouersiarum particularium capitibus, ijs
 maximè quibus clarissimi ac doctissimi
 Theologiæ professoris distinctionibus
 insultant, parum memores infeliciter ce-
 ssisse Doctori Baio atauo suo, quod vsi-
 tatas quasdam scolæ distinctiones explo-

PRÆFATIO.

dendas censuisset : magisque solliciti
querere quid ijs responderent , vt ma-
nerent in errore; quam quantum essent
salubres , vt carerent errore.

Et si vero multi hætenus vt Ecclesiæ
laboranti adessent , doctè ac eruditè
omnino argumentum hoc versauerint :
non debemus, eorum multitudine de-
terreri ab euulgatione præsentis tra-
ctatus, quem forsàn Deus suâ benedi-
ctione donabit , sicut alia nostra scri-
pta, (quantumuis ea ipsi suggillant) vt
fructu illo non careat, quem singula-
riter intendimus , ad auertendas Iu-
niorum Theologorum mentes ab istâ
viâ suspectâ & parum tutâ doctrinâ,
quam eius defensores tanto animi ar-
dore disseminant , distractis idiomate
vulgari libris suis ad varia loca, vt plu-
res in sententiam suam inducant , cum
detrimento vnitatis ac pacis Ecclesiæ.

Ex quo iam licitum sit, cessante pro-
hibitionis Apostolicæ de huiusmodi
controuersijs agitandis, obligatione, ob
eorum inobedientiam, libros ijs oppo-
sitos in lucem emittere , ne ijs in publi-
ca commotione arma non deponenti-
bus, status reipublicæ Christianæ vehe-
mētius cōcuteretur, si inermes ac inde-

PRÆFATIO.

fensi manerēt antiquæ ac veræ doctrinæ
quã à maioribus acceperunt, adsertores,
Sed quo animo hæc à me scripta sunt,
amotò procul omni erga eos prauo affe-
ctu, solius veritatis ac eorũ salutis studio,
eodem vt accipiant, etiam atque etiam
rogo.



INDEX

LIBRI

De Beneficio Crucis;

CEV

ARTICVLORVM,
disputatorum de gratia.

PARS PRIMA.

Defensio Bullæ Piane & Urbanianæ

ARTICVLVS I.

HISTORICA *quædam de Michaelæ
Baio & Cornelio Iansenio. p. 1.*

ART. 2. *De notis & qualitatibus censure in
propositiones Michaelis Baij. p. 7.*

ART. 3. *Quod omnes propositiones in Bulla
expressæ, sint damnatæ. p. 9.*

ART. 4. *Quod damnatio Baij non cadat
in D. Augustinum. p. 13.*

ART. 5. *Quod propositiones Baij damnatæ
sint propter ipsam doctrinam quam conti-
nent. p. 16.*

ART. 6. *De prohibitionē libri Cornelij Ian-
senij, cui nomen Augustinus, p. 18*

INDEX.

- ART. 7. *De data Bulla Vrbaniane* p. 20.
 ART. 8. *De authoritate Summi Pontificis,
 in prohibendis libris ac damnandis* p. 21.
 ART. 9. *Baij propositiones infusæ in librum
 Iansenij.* p. 24.
 ART. 10. *Iansenius loquitur asserendo, non
 tantum referendo sensa* D. Augustini p. 26
 ART. 11. *An omnia communia inter D.
 Augustinum & Iansenium, & de Me-
 thodo conuincendi Iansenij* Gregales. p. 29.
 ART. 12. *Author propter celebritatem no-
 minis non est immunis ab errore.* p. 38.
 ART. 13. *An humilitas & pietas in libro
 Iansenij doceantur.* p. 40.
 ART. 14. *An licitum sit impugnare propo-
 sitiones Michaelis Baij.* p. 46.
 ART. 15. *An in hac prima parte quidquam
 acerbius scriptum.* p. 49.
-

P A R S S E C V N D A.

Damnatio iusta 78. Propositio-
 num Michaelis Baij.

A R T I C V L V S I.

NEC Angeli, nec primi hominis ad huc
 integri merita rectè vocantur gratia.
 p. 53.

INDEX.

ART. 2. *Sicut opus malum natura sua est mortis aeternae meritorium, sic bonum opus ex natura sua est vitae aeternae meritorium.* p. 55.

ART. 3. *Et bonis Angelis & primo homini, si in statu illo perseverasset usque ad mortem ad ultimum vitae, felicitas esset merces, & non gratia.* p. 57.

ART. 4. *Vita aeterna homini integro & Angelo promissa fuit intuitu bonorum operum, & bona opera ex lege naturae ad illam consequendam per se sufficiunt* p. 59.

ART. 5. *In promissione facta Angelo & primo homini continetur naturalis iustitiae constitutio, qua pro bonis operibus sine alio respectu, vita aeterna iustis promittitur.* p. 61.

ART. 6. *Naturali lege constitutum fuit homini, ut si in obedientia perseveraret, ad eam vitam pertransiret, in qua mori non posset.* p. 63.

ART. 7. *Primi hominis merita fuerunt primae creationis munera, sed iuxta modum loquendi Scripturae Sacrae, non rectè vocantur gratia, quò fit ut tantum merita, non etiam gratia debeant nuncupari.* p. 64.

ART. 8. *In redemptis per gratiam Christi, nullum inueniri potest bonum meritum,*

INDEX.

quod non sit gratis indigno collatum.
p. 66.

ART. 9. *Dona concessa homini integro & Angelo, forsitan non improbanda ratione, possunt dici gratia, sed quia secundum usum Sacrae Scripturae nomine gratia ea tantum munera intelliguntur quae per Iesum Christum malè merentibus & indignis conferuntur, ideo neque merita, neque merces, quae illis redditur, gratia dici debet.*
p. 68.

ART. 10. *Solutio pœnae temporalis, quae peccato dimisso sæpè remanet, & corporis resurrectio, propriè non nisi meritis Christi adscribenda est.*
p. 70.

ART. 11. *Quod piè ac iustè in hac via conuersati vitam consequantur æternam, id non propriè gratia Dei, sed ordinationi naturali statim initio creationis constituta iusto Dei iudicio deputandum est, neque in hac retributione bonorum ad Christi meritum respicitur, sed tantum ad primam institutionem generis humani, in qua lege naturali constitutum est, ut iusto Dei iudicio, obedientiae mandatorum vita æterna reddatur.*
p. 72.

ART. 12. *Pelagij sententia est: opus bonum citra gratiam adoptionis factum non est regni cœlestis meritum.*
p. 74.

INDEX.

H

- ART. 13. Opera bona à filiis adoptionis facta, non accipiunt rationem meriti ex eo, quod fiunt per spiritum adoptionis inhabitantem corda filiorum Dei, sed tantum ex eo quod sunt conformia legi, quodque per ea præstatur obedientia legi. p. 76.
- ART. 14. Opera bona iustorum non accipient in die Iudicii extremi, ampliorem mercedem, quam iusto Dei iudicio mereantur accipere. p. 78.
- ART. 15. Ratio meriti non consistit in eo quod qui bene operatur, habeat gratiam & inhabitantem Spiritum Sanctum, sed in eo solum quod obedit diuinæ legi. p. 80.
- ART. 16. Non est vera legis obedientia, quæ fit sine charitate. p. 82.
- ART. 17. Sentiant cum Pelagio qui dicunt esse necessarium ad rationem meriti, ut homo per gratiam adoptionis sublimetur ad statum Deificum. p. 84.
- ART. 18. Opera Catechumenorum ut fides & Pœnitentia ante remissionem peccatorum facta, sunt vitæ æternæ merita, quam vitam ipsi non consequentur, nisi prius præcedentium delictorum impedimenta tollantur. p. 86.
- ART. 19. Opera iustitiæ & temperantiæ quæ Christus fecit, ex dignitate personæ operantis, non contraxerunt maiorem valo-

INDEX.

- rem. p. 88.
- ART. 20. *Nullum est peccatum ex natura sua veniale, sed omne peccatum meretur mortem aeternam.* p. 90.
- ART. 21. *Humana natura sublimatio & exaltatio in consortium diuinæ naturæ, debita fuit integritati primæ conditionis, & proinde naturalis dicenda est & non supernaturalis.* p. 92.
- ART. 22. *Cum Pelagio sentiunt, qui textum Apostoli ad Rom. 2. Gentes quæ legem non habent naturaliter quæ legis sunt faciunt, intelligunt de gentibus Fidei gratiam non habentibus.* p. 94.
- ART. 23. *Absurda est eorum sententia qui dicunt hominem ab initio dono quodam supernaturali & gratuito, supra conditionem naturæ suæ fuisse exaltatum, ut fide, spe & charitate, Deum coleret.* p. 96.
- ART. 24. *A vanis & ociosis hominibus secundum insipientiam Philosophorum excogitata est sententia quæ ad Pelagianismum reiicienda est, hominem sic ab initio constitutum, ut per dona naturæ superaddita, fuerit largitate conditoris sublimatus & in Dei Filium adoptatus* p. 98.
- ART. 25. *Omnia opera infidelium sunt peccata, & Philosophorum virtutes sunt vitia* p. 100.

INDEX.

- ART. 26. *Integritas primæ Creationis non fuit indebita naturæ humana exaltatio, sed naturalis eius conditio.* p. 102.
- ART. 27. *Liberum Arbitrium sine gratiæ Dei adiutorio, non nisi ad peccandum valet.* p. 104.
- ART. 28. *Pelagianus est error dicere quod Liberum Arbitrium valet ad ullum peccatum vitandum.* p. 107.
- ART. 29. *Non soli fures ij sunt & latrones, qui Christum viam & ostium veritatis, & vitæ negant, sed etiam quicumque aliunde quam per ipsum in viam iustitiæ, hoc est ad aliquam iustitiam conscendi posse docent.* p. 109.
- ART. 30. *Aut tentationi ulli sine gratiæ ipsius adiutorio resistere hominem posse, sic ut in eam non inducatur, aut ab ea non superetur.* p. 111.
- ART. 31. *Charitas perfecta & sincera, quæ est ex corde puro & conscientia bona & fide non ficta, tam in Cathecumenis quam in Pœnitentibus, potest esse sine remissione peccatorum.* p. 114.
- ART. 32. *Charitas illa quæ est plenitudo legis, non est semper coniuncta cum remissione peccatorum.* p. 116.
- ART. 33. *Cathecumenus, iustè, sanctè, & rectè vivit, & mandata Dei observat &*

INDEX.

- legem implet per charitatem ante obtentam remissionem peccatorum, quæ in Baptismi lauacro demum percipitur. p. 118.*
- ART. 34. *Distinctio illa duplicis amoris, naturalis videlicet, quo Deus amatur ut author naturæ: & gratuiti, quo Deus amatur ut beatificator, vana est & commentitia & ad illudendum sacris litteris, & plurimis veterum testimonijs excogitata. p. 120.*
- ART. 35. *Omne quod agit peccator, vel seruus peccati, peccatum est. p. 123.*
- ART. 36. *Amor naturalis qui ex viribus naturæ exoritur, ex sola Philosophia per elationem præsumptionis humanæ, cum iniuria crucis Christi, defenditur à nonnullis Doctoribus. p. 125.*
- ART. 37. *Cum Pelagio sentit qui boni aliquid naturalis, hoc est, quod ex naturæ solis viribus ortum ducit, agnoscit. p. 127.*
- ART. 38. *Omnis amor creaturæ rationalis, aut vitiosa est cupiditas, qua mundus diligitur, quæ à Ioanne prohibetur, aut laudabilis illa charitas, qua per Spiritum Sanctum in corde diffusa, Deus diligitur. p. 130.*
- ART. 39. *Quod voluntariè fit, etiamsi necessario fiat, liberè tamen fit: p. 132.*

ART.

INDEX.

- ART. 40. *In omnibus suis actibus peccator
seruit dominanti cupiditati.* p. 135.
- ART. 41. *Is libertatis modus qui est à ne-
cessitate, sub libertatis nomine non reperi-
tur in scripturis, sed solum nomen liberta-
tis à peccato.* p. 137.
- ART. 42. *Iustitia qua iustificatur per fi-
dem impius, consistit formaliter in obe-
dientia mandatorum, quæ est operum iu-
stitia, non autem in gratia aliqua animæ
infusa, qua adoptatur homo in Filium
Dei, & secundum interiorem hominem re-
nouatur, ac diuinæ naturæ consors efficitur,
ut sic per spiritum renouatus, deinceps
bene viuere & mandatis Dei obedire
possit.* p. 139.
- ART. 43. *In omnibus pœnitentibus ante sa-
cramentum absolutionis, & in Catechu-
menis, est vera iustificatio, separata tamen
à remissione peccatorum.* p. 141.
- ART. 44. *Operibus plerisque, quæ à fideli-
bus fiunt, solum ut mandatis Dei pa-
reant, cuiusmodi sunt obedire parentibus,
depositum reddere, ad homicidio, à furto,
à fornicatione abstinere, iustificantur qui-
dem homines, quia sunt legis obedientia,
& vice legis iustitia non tamen ijs obtinent
incrementa virtutum.* p. 143.
- ART. 45. *Sacrificium Missæ, non alia ratio-*

INDEX.

ne est sacrificium, quàm generali illa, quæ omne opus bonum quod fit ut sancta societate Deo homo in hæreat. p. 143.

ART. 46. *Ad rationem & definitionem peccati non pertinet voluntarium, nec definitionis questio est, sed causa & originis, utrum omne peccatum debeat esse voluntarium.* p. 156. alias. 148.

ART. 47. *Vnde peccatum originis habet verè rationem peccati sine ulla relatione & respectu ad voluntatem à quo originem habuit.* p. 150.

ART. 48. *Peccatum originis est habitualiter paruuli voluntate voluntarium, & habitualiter dominatur paruulo, eò quod non gerit contrarium voluntatis arbitrium, & ex habituali voluntate dominante, fit ut paruulus discedens sine regenerationis sacramento, quando usum rationis consequutus fuerit, actualiter Deum odio habeat, Deum blasphemet & legi Dei repugnet.* p. 151.

ART. 49. *Praua desideria, quibus ratio non consentit, & quæ homo inuitus patitur, sunt prohibita præcepto, non concupisces.* p. 154.

ART. 50. *Concupiscentia, siue lex membrorum, & praua eius desideria, quæ inuiti sentiant homines sunt vera legis inobedi-*

INDEX.

tia.

p. 164. alias. 156.

ART. 51. *Omne scelus est eius conditionis ,
ut suum authorem & omnes posteros , co
modo inficere possit , quo infecit prima
transgressio.* p. 158.

ART. 52. *Quantum est ex vi transgressionis ,
tantum meritorum à generante contrahunt ,
qui cum minoribus nascuntur vitijs , quam
qui cum maioribus.* p. 160.

ART. 53. *Diffinitiva hæc sententia Deum
homini nihil impossibile præcepisse , falso
tribuitur Augustino , cum Pelagij sit.*
p. 163.

ART. 54. *Deus non potuisset ab initio talem
creare hominem , qualis nunc nascitur.*
p. 165.

ART. 55. *In peccato duo sunt : actus & rea-
tus : Transiente autem actu nihil manet
nisi reatus , siue obligatio ad pœnam.*
p. 167.

ART. 56. *Vnde in Sacramento Baptismi
aut Sacerdotis absolutione , proprie rea-
tus peccati dumtaxat tollitur , & mini-
sterium Sacerdotum solum liberat à rea-
tu.* p. 168.

ART. 57. *Peccator pœnitens non vivifica-
tur ministerio Sacerdotis absolventis ,
sed à solo Deo , qui pœnitentiam suggerens ,
& inspirans , vivificat eum & resuscitat,*
e ij

INDEX.

ministerio autem sacerdotis solum reatus tollitur. p. 170.

ART. 58. *Quando per Eleemosynas aliaque Pœnitentiæ opera Deo satisfacimus pro pœnis temporalibus, non dignum pretium Deo pro peccatis nostris offerimus, sicut quidam errantes autumant, nam alioqui essemus aliqua ex parte redemptores, sed iquid facimus, cuius intuitu Christi satisfactio nobis applicatur & communicatur.* p. 173.

ART. 59. *Per passiones sanctorum in Indulgentijs communicatas non propriè redimuntur nostra delicta, sed per communionem charitatis nobis eorum passiones impertiantur, ut digni simus qui pretio Sanguinis Christi à pœnis pro peccatis debitis liberemur.* p. 175.

ART. 60. *Illæ Doctrinæ distinctio, dixeruntque s. mandata bisariam impleri: altero modo, quantum ad præceptorum operum substantiam tantum; altero quantum ad modum quem valeant operantem perducere ad regnum æternum; hoc est ad modum meritorum, commentitia est & explodenda.* p. 177.

ART. 61. *Illæ quoque distinctio, quæ opus dicitur bisariam bonum, vel quia ex ob-*

INDEX.

iecto & omnibus circumstantijs rectum est
& bonum, quod moraliter appellare bo-
num consueverunt, vel quia est merito-
rium regni aeterni, eò quod fit à viuo Chri-
sti membro, per spiritum charitatis, reij-
cienda est. p. 179.

ART. 62. Sed & illa distinctio duplicis ius-
titiae, alterius quæ fit ex inspiratione qui-
dem Spiritus Sancti cor ad pœnitentiam
excitantis, sed nondum cor inhabitant, al
& in eo charitatem diffundentis, q
diuina legis iustificatio impleatur, simi-
ter reijcitur. p. 181.

ART. 63. Item & illa distinctio duplicis
viuificationis, alterius, qua viuificatur
peccator, dum ei, pœnitentia, & vitæ no-
ua propositum, & inchoatio per Deū
gratiam inspiratur: alterius, qua viuifica-
tur qui verè iustificatur, & palmæ viuus
in vite Christi efficitur, pariter commentiti-
a est, & scripturis minimè congruens.
p. 183.

ART. 64. Non nisi Pelagiano errore aduer-
ti potest vsus aliquis Liberi Arbitrii bo-
nus, siue non malus, & gratia Christi
iniuriam facit, qui ita sentit & docet.
p. 185.

ART. 65. Sola violentia repugnat homini
libertati naturali. p. 187.

INDEX.

- ART. 66.** *Homo peccat etiam damnabiliter in eo quod necessario facit.* p. 190.
- ART. 67.** *Infidelitas pure negativa, in his in quibus Christus non est predicatus, peccatum est.* p. 192.
- ART. 68.** *Iustificatio impij fit formaliter per obedientiam legis, non autem per occultam communicationem & inspirationem gratiae, quae per eam faciat iustificatos implere legem.* p. 194.
- ART. 69.** *Homo existens in peccato mortali, siue in reatu aeternae damnationis, potest habere veram charitatem: & charitas etiam perfecta potest consistere cum reatu aeternae damnationis.* p. 196.
- ART. 70.** *Per contritionem etiam cum charitate perfecta, & cum vero voto suscipiendi sacramentum coniunctam, non remittitur crimen extra casum necessitatis, aut martyrij, sine actuali susceptione sacramenti.* p. 198.
- ART. 71.** *Omnes omnino iustorum afflictiones sunt ultiones peccatorum ipsorum: Unde & Iob & Martyres, quae passi sunt, propter peccata sua passi sunt.* p. 200.
- ART. 72.** *Nemo praeter Christum est absque peccato originali: hinc Beata Virgo mortua est propter peccatum ex Adam contractum, omnesque eius afflictiones in*

INDEX.

hac vita, fuerunt ultiones peccati originalis, vel actualis. p. 202.

ART. 73. *Concupiscentia in renatis relapsis in peccatum mortale, in quibus iam dominatur, peccatum est sicut & alij habitus pravi.* p. 205.

ART. 74. *Motus pravi concupiscentiae sunt pro statu homines vitiati prohibiti praecepto, Non concupisces, unde homo eos sentiens, & non consentiens transgreditur praeceptum, Non concupisces quamuis transgressio in peccatum non deputetur.* p. 207.

ART. 75. *Quamdiu aliquid concupiscentiae carnalis in diligente est non facit praeceptum, Diliges Dominum Deum tuum &c.* p. 209.

ART. 76. *Satisfactiones laboriosae iustificationum non valent expiare de condigno poenam temporalem restantem post culpam condonatam.* p. 211.

ART. 77. *Immortalitas primi hominis non est gratiae beneficium, sed naturalis conditio.* p. 213.

ART. 78. *Falsa est Doctorum sententia primum hominem potuisse à Deo creari & institui sine iustitia naturali.* p. 216.

ART. 79. *Quae censurarum nota propositionibus singulis Michaelis Baij affigi possint.* p. 219.

TERTIA PARS.
 LIBERATIO SANCTORVM
 Patrum ab Apologiâ pro sanctis
 Patribus &c.

ARTICVLVS I.

Preludia & presupponenda quadam.
p. 227.

ART. 2. *An cœptum opus censura an. 1649.*
Calendis Iulij in facultate Parisiensi, sit
maximè irregulare, iniustum, & violen-
tia plusquam tyrannica. *p. 235.*

Prima Propositio. Aliqua Dei præcepta ho-
minibus iustis volentibus, & conantibus
secundum præsentis quas habent vires, sunt
impossibilia, deest quoque eis gratia, qua
possibilia fiant. *p. 237.*

Iudicium deputatorum. *ibid.*

2. *Propos. Interiori gratiæ in statu naturæ*
lapsæ nunquam resistitur. iud. dep. p. 241.

3. *Propos. An merendum in statu naturæ la-*
pse, non requiritur in homine libertas à
necessitate, sed sufficit libertas à coa-
ctatione. iud. dep. *p. 243.*

4. *Propos. Semi-pelagiani admittebant præ-*
uenientis gratiæ interioris necessitatem ad
singulos actus, etiam ad initium fidei, &

INDEX.

in hoc erant haeretici, quòd vellent eam gratiam talem esse, cui posset humana voluntas resistere vel obtemperare. iud. dep. p. 245.

5. *Propos. Secii. pelagianorum error est, dicere Christum pro omnibus omnino hominibus, mortuum esse, aut sanguinem fudisse. iud. dep. p. 254.*

ART. 3. *diluuntur obiectiones duorum priorum Arti. puncti secundi tertiæ partis Apologia, circa mortem Christi pro omnibus. p. 259.*

ART. 4. *An Christus omnes amauerit homines. p. 264.*

ART. 5. *Satisfit obiectionibus articulorum sequentium. 4. & 5. p. 266.*

ART. 6. *Quomodo Christus Saluator omnium maximè fidelium. p. 269.*

ART. 7. *An solidis rationibus probent Badiani crucis beneficium non esse pro omnibus. p. 271.*

ART. 8. *An in mente D. Prosperi gratia sufficiens sit Semipelagiana. p. 276.*

ART. 9. *An non sit doctrina Concilij Tridentini, Christum mortuum fuisse pro omnibus cum fructu & effectu. p. 279.*

ART. 10. *De concursu simultaneo liberi Arbitrij cum gratia. p. 281.*

ART. 11. *An ex mente D. Augustini, gratia, quæ non omnibus datur, sit sufficiens,*

INDEX:

- an gratia iustificans.* p. 287.
- ART. 12. *An magis prosperè cedat Apolog-
ista citatio Versuum D. Prosperi, quàm
Ripalde.* p. 289.
- ART. 13. *Excutiuntur probationes ex libro
de Vocatione gentium.* p. 298.
- ART. 14. *An euertatur funditus gratia suf-
ficiens per principia quædam D. Augusti-
ni, & de iracundia Baianorum contra
illam.* p. 300.
- ART. 15. *Excutitur secundum principium ex
Augustino petatum, quo gratia suffi-
ciens destrui putatur, & de admiratione
D. Augustini.* p. 307.
- ART. 16. *An desint in D. Augustino prin-
cipia ad adstruendam gratiam Sufficien-
tem.* p. 315.
- ART. 17. *An Patres qui D. Augustinum se-
cuti sunt, Iansenij mentem confirment.*
p. 317.
- ART. 18. *An Patres aliqui in sexto secu-
lo faueant Baianis.* p. 322.
- ART. 19. *Discutitur mens Patrum septimi
& octauæ sæculi.* p. 325.
- ART. 20. *De sententia venerabilis Bedæ,
& Alcuini.* p. 330.
- ART. 21. *De Patribus noni sæculi.* p. 333.
- ART. 22. *An nonum sæculum multum fa-
ueat dogmatibus Iansenij.* p. 335.

INDEX.

- ART. 23. *An seculum decimum nullos habuerit gratia sufficientis defensores & de D. Anselmo.* p. 343.
- ART. 24. *An Hildebertus Episcopus, & D. Bernardus Abbas conspirent pro Iansenio.* p. 346.
- ART. 25. *An Ricardus à S. Victore, & Magister Sententiarum stent à partibus Baianorum.* p. 350.
- ART. 26. *An D. Thomas recensendus sit inter aduersarios gratia sufficientis.* p. 356.
- ART. 27. *Quid censendum de Ægydio Romano, Henrico Britone, Petro de Alliaco, & Dionysio Carthusiano.* p. 365.
- ART. 28. *An ultima tempora feliciora sint pro Baianis.* p. 374.
- ART. 29. *Afferuntur sententiæ Patrum qui D. Augustinum præcesserunt.* p. 377.
- ART. 30. *Probatur gratia sufficiens ex libris noui Testamenti.* p. 383.
- ART. 31. *Probatur gratia sufficiens ex libris veteris Testamenti.* p. 389.
- ART. 32. *An argumentum ductum ab experientia destruat gratiam sufficientem.* p. 400.
- Questio an fides adhibenda demonibus propter exorcismos.* p. 411.

FINIS.

Extrait du privilege du Roy.

PAR grace & Priuilege du Roy, est permis à Maistre Louys Bail Docteur en Theologie, de faire imprimer vn liure intitulé. *De beneficio Crucis, seu Articuli disputati de Gratia*, par te's Libraires qu'il voudra durant le temps de dix ans, & defenses à tous autres, sur peine de mille liures d'amende, &c.

PAR LE ROY EN SON CONSEIL, & Signé
de MONCEAUX.

Acheué l'imprimer le 8. de Feurier 1653. & les exemplaires ont esté four-nis.

Approbatio Doctorum.

NOS infra scripti Theologiae Parisiensis Doctores fidem facimus diligenter legisse & examinasse libellum cui titulus est, *De Beneficio Crucis, seu Articuli disputati de gratiâ, compositum à S. M. N. Ludouico Bail, Doctore Theologo, Ecclesiae Parisiensis Propænitentiariorio, & sancti Petri montis Martyrium Pastore; in quo quidem libro nihil de prebendis doctrinae Ecclesiae Catholicae Apostolicae & Rom. nec non bonis moribus contrarium. Datum die 3. Decembris. anni 1652.*

C. PATV.

IOANNES DE CAYMONT.



ARTICVLI

DISPVTTATI

DE GRATIA.

PRIMA PARS.

DEFENSIO BVLLE

Pianæ & Vrbanianæ.

*Articulus I. Historica quædam de Michaele
Baio, & Cornelio Iansenio.*



ROPOSITIONES, Quæ hîc bre-
uiter discutiuntur, damnatæ sunt per
Bullam Pij V. an. 1570. promulga-
tam, suntque primum assertæ à
Magistro Michaele Baio Doctore
Louaniensi, Sacrarum litterarum Professore,
Decano Ecclesiæ Sancti Petri Louanij, qui tum
temporis nomen vsurpabat Cancellarij & con-
seruatoris priuilegiorum vniuersitatis Louanien-
sis. Maiorque earum pars inuenitur in varijs
eius scriptis ac opusculis: Quæ autem in his nota

inueniuntur, nihilominus ab ipso traditæ feruntur, vel in publicis prælectionibus, vel viuâ voce prolatae ac propugnatae, ut omniû auctor habeatur.

Cum autem per primam Bullæ Pij V. promulgationem Louanij factam anno præindicato, controuersia de illarum propositionum censura omnino sopita non esset, Gregorius decimus tertius aliâ bullâ anno 1579. easdem propositiones iterato damnauit, ac Franciscum Toleum Societatis Iesu, qui tum erat à Concionibus summo pontifici, Louanium misit ad sedandas Academicæ turbas, eiusque studio ac industria factum est, ut Michael Baius prædictos articulos publicè, sed submissè retractaret, statueretque Academia, ut ad gradum Doctoratus promouendi, prius iurarent, se prædictas propositiones nunquam defensuros. Sicque laudem amplissimam meritus est Michael Baius ex humili suæ doctrinæ post duorum Pontificum Bullas retractatione: nihilque amplius conquestus est, nisi quod plures ex iis propositionibus essent Augustinianæ. Apologiam idcirco parauerat in huius rei probationem quæ typis mandata non est, peregitque reliquum vitæ tempus in silentio, his de rebus, ac morum pietate usque ad annum 1589. in quo obiit: est autem hæc formula reuocationis quam emisit.

Ego Michael de Baij Cancellarius Vniuersitatis Louaniensis agnosco & profiteor me ex variis colloquiis & communicationibus habitis cum R. P. D. Francisco Toletò concionatore suæ Sanctitatis, & ad hanc rem specialiter missò, super diuersis sententiis & propositionibus iam olim à

sanctissimo Domino nostro Pio V. felicitis recollectionis sub datâ calendarum Octobris anno M.DL.XVII. & nuper à Gregorio XIII. moderno Pontifice Maximo sub datâ quarto Kalendas Februarij anno M.DLXXIX. iterato damnatis & prohibitis, ita motum & eo perductum esse, ut plane mihi habeam persuasum earum omnium sententiarum damnationem atque prohibitionem, iure meritoque ac non nisi maturo iudicio ac diligentissimâ excussione premissis factam atque decretam esse. Fateor insuper plurimas ex iisdem sententiis in nonnullis libellis à me olim & ante emanatam sedis Apostolicæ super iis censuram conscriptis & in lucem editis contineri & defendi, in eo sensu in quo reprobantur. Denique declaro me in præsentiarum ab iis omnibus recedere & damnationi à sanctâ sede factæ acquiescere, neque post hac ullas docere, asserere, aut defendere velle. Actum die 24. Iulij M. D L. XXX.

Michael de Baij.

Nihilominus ut accidit Berengario post multas retractationes, quod discipulos suæ doctrinæ reliquerit, quos ingemuit in proximâ morte, se non posse reuocare ab errore, quem illos docuerat, ut ex Guillelmo Malmesburiensi in Chronicis referunt Vincentius Beluacensis L. 25. *Speculi Historialis* Cap. 30. & Baronius ad annum 1088. Sic accidit Michaeli Baio, quod plures suæ Doctrinæ adsertores ac defensores nactus sit, qui eum ita errantem sequuti sunt, ut pœnitentem & retractantem se, sequi recusent. Ex quibus, inter cæteros, emerfit Cornelius Iansenius Doctor Louaniensis & Yprensis Episcopus,

quī magno volumine plures ex Baij propositionibus fulcire conatus, quadam mole testimoniorum D. Augustini, contrarium opinantes opprimere molitus est, additis quibusdam alijs propositionibus ex antiquā prædestinatorum Scola desumptis, quas D. Augustini Auctoritatibus sic fulciuit, vt plures Theologos, Libro post mortem eius edito, in suam sententiam traxerit. Vnde orta est dissensio ingēs, his adstipulantibus Iansenio, illis contradicentibus; vt propterea summus Pontifex Vrbanus, VII I. prædictum librum Iansenij prohibuerit tanquam continentem propositiones damnatas, cui prohibitioni plures acquieuerunt, plures etiam restiterunt: ita vt propterea contentio maior adhuc fuerit. Qua contentione feruescente, facultas Parisiensis an Domini 1644. die Ianuarij decima quinta in extraordinariis comitiis in quibus aderam, in aulā Collegij Sorbonæ, prohibuit tam Doctōribus quā Baccalaureis, ne probeant vel sustineant prædictas propositiones per Bullas Pij V. & Gregorij XIII. & Urbani VII I. summorum Pontificum prohibitas. Sed nec illa prohibitio ita continere potuit quosdam, quin pium ac religiosum habuerint plures ex iisdem propositionibus palam ac publice tueri. Cui malo adhiberi posse remedium, quidam spectatæ virtutis Theologi putauerunt, si facultas ipsa Parisiensis suam mentem aperiret, super quibusdam propositionibus ex Libro Iansenij, cui nomen Augustinus, depromptis: ex decreto enim facultatis & declaratione suæ sententiæ super his propositionibus, futu-

rum, vt qui variis doctrinæ ventis circumferebantur Baccalaurei, desinerent amplius mouere istas quæstiones, quemadmodum fieri solet in litigantibus non malæ fidei, qui vbi controuersia per senatum iudicata est, inter se pacem & concordiam ineunt ob honorem rei iudicatæ debitum. Propositæ sunt igitur Sacræ Facultati per Venerandum Dominū Scindicum quinque propositiones ex prædicto Libro excerptæ cum aliâ quæ spectabat ad materiam Pœnitentiæ, de quâ tunc etiam maxima erat disceptatio, de quibus si facultas vellent deliberare ac mentem suam aperire, maximas Theologorum dissensiones sospitas iri, existimabat. Placuit consilium Facultati Calendis Iulij anni 1649. selectique pro rei grauitate nouem aut decem Magistri, qui in priuatis comitiis toto mense prius propositiones ipsas discuterent, vt moris est, ac sententias suas super iisdem propositionibus prima die mensis proximi aperirent, vt ipsa pro autoritate suâ probaret vel improbareret, adderet vel imminueret & demum quid sentiendum aut non sentiendum statueret. Deputati à pluribus annis in istis quæstionibus exercitati pluries conuenerunt, contulerunt ac disputauerunt de iisdem, tandemque decreuerunt de quibusdam censurarum notis, quibus propositiones afficiendas esse putabant. Sed vbi accessit dies comitiæ mensis sequentis, Iansenianæ Doctrinæ propugnatores, eam haud ignari multo maiori numero Doctorum damnandam ac proscribendam fore, ne præcepta matris suæ cogerentur auscultare, os illio ccluserunt clamoribus ac tumultibus suis,

motâ per ipsos, aliâ nouâ & inauditâ à memoriâ hominum & inexpectatâ controuersîâ, de eo qui præsideret comitiis Facultatis, & quamuis numero longè impares, id assequuti sunt, vt ne quidem legi posset conclusio mensis præteriti, per quam statutum erat vt de istis propositionibus deliberaretur. Accessit ad eorum votum Curix supremæ arrestum, quo ad sedandas turbas interdicitur facultati in istis discernere. Vt his sic astu & tumultu peractis, sola restent antiquiora Facultatis decreta contra Lutherum, Caluinum, eorumque quosdam discipulos ad mentem eius explorandam: donec accedat summi Pontificis expressius iudicium, sub quo iudice ac Doctorum Doctore lis ista pender. Et tamen, quæ est hominum inconstantia, si ante tres annos eadem propositiones expositæ, iudicio facultatis fuissent, nescio si duo inter centum, hiscere ausi publicè fuissent. Vt ex hoc palam sit cordato cuique diiudicare, quibus medijs, Iansenij Doctrina propagatur, & quo spiritu impellente, nondum manifestè idta sit, censorio facultatis fulmine. Interim vero quia fons & origo istius Doctrinæ est in Baij propositionibus per Pium quintum, Gregorium decimum tertium aliosque summos Pontifices damnatis, ex quibus nec obscurâ nec difficili consequentia inferuntur, has breuiter discutere propositum est, tum quod in illâ discussione, profundiores Theologiæ quæstiones agitantur; tum quod in earundem damnatione præiudicata ac prædânata eiusdem Iâsenij Iprensis Episcopi Doctrina, quæ hodie controuertitur appareat. Tum vero maximè quod religiosum

fit Theologos subnascentibus quotidie nouis erroribus, quibus paulatim ad schisma & hæresim paratur aditus, etsi non sit intentio authorum, contradicere verbis & scriptis, ne errorem cui non contradixerint approbare videantur. Vt propterea ad se dictum putent istud Psal. 1; 6. Exinanite, exinanite vsque ad fundamentum in ea, filia Babylonis misera beatus qui tenebit & allidet paruulos tuos ad petram. Est quippe nouitas errorum filia Babylonis & confusionis, cuius fundamenta euellenda sunt & primordia destruenda, ne crescentibus eius paruulis, velut ab vnâ scintillâ augeatur ignis, qui siluam ingentem absumere possit.

ARTICVLVS II.

De notis & qualitatibus censuræ in propositiones Michaelis Baij.

QUæritur quibus notis Summus Pontifex Pius infamet prædictas sententias Michaelis Baij.

Respondetur eas notas exprimi in his verbis immediatè præcedentibus earum enumerationem. Magno enim mœrore afficimur, inquit Pius Pontifex, quod plerique spectatæ alioqui probitatis & doctrinæ in varias sententias offensionis & periculi plenas tum verbo tum scriptis prorumpunt, & in istis subsequentibus earumdem Catalogum. Quas quidem sententias stricto coram nobis examine ponderatas quamquam nonnullæ aliquo pacto sustineri possent, in rigore &

proprio verborum sensu ab assertoribus intento, hæreticas, erroneas, suspectas, temerarias, scandalosas & in pias aures offensionem immitentes respectiue, ac quæcumque super iis verbo scriptoque emissæ, præsentium auctoritate damnamus, circumscribimus & abolemus, deque eisdem & similibus post hæc quoquo pacto loquendi, scribendi & disputandi facultatem quibuscumque interdici-
mus.

Quibus verbis Summus Pontifex intendit omnes istas propositiones damnare tanquam falsas, & singulas afficere non quidem omnibus notis ibi expressis, sed aliquâ ex illis; itaut aliquæ sint hæreticæ, aliæ temerariæ, aliæ scandalosæ; aliæ vel aliæ ex his in pias aures offensionem immitcentes. &c. Probatum utrumque, & primò quod intendat omnes damnare tanquam falsas, quia discrimen est inter propositionem damnatam & prohibitam: quod propositio prohibita possit esse vera, licet vetitum sit illam propugnare ob aliquam rationabilem causam. Quemadmodum aliqui censent de conceptione Beatæ Virginis in Peccato Originali, assertio enim hæc tantum est prohibita: vnde nec dum declarata est falsa: at propositio damnata falsa est & veritati repugnans. Secundo quod non intendat omnibus & singulis propositionibus notas omnes singulas censurarum infligere, probatur ex isto termino addito his notis (*Respectiue*) Quo significatur has propositiones, affici his notis non omnibus omnes, sed his illis notis respectiue & in ordine ad hanc aut illam ad has aut illas propositiones: itaut præter notam falsitatis expres-

sam in verbo (*damnamus*) aliqua adhuc ex his notis illis conueniat. Vt hæc & illa sit hæretica, hæc tantum temeraria. &c. Sint insuper omnes sententiæ offensionis & periculi plenæ & mærore afficientes summum Ecclesiæ Pastorem dum à viris doctis propugnantur.

ARTICVLVS III.

*Quod omnes propositiones in Bulla expressæ,
sint damnatæ.*

Objicies non videri omnes damnatas tanquæ falsas, ac veritati repugnantes : quia Pontifex Pius piè ac benignè addit. Quamquam nonnullæ aliquo pacto sustineri possent in rigore & proprio verborum sensu ab assertoribus intento.

Respondetur si hæc obiectio locum haberet, nec Luterani nec Calvinistæ Bullæ isti se opponerent, libenter enim susciperent ea lege vt nullus Articulus in ea esset damnatus falsitatis, erroris ac hæreses in sensu ab assertoribus intento. Etiam frustra Bullam hanc post multum laborem examinis, edidisset summus Pontifex & inutilis foret ; cum enim nullam designet in particulari, sic liceret omnes defendere : vnde dicendum est omnes, nullâ exceptâ, damnari in terminis quibus exprimuntur, quia quantumuis ab assertoribus possit illis aliquis verus sensus adaptari qui etiam verbis ipsis conueniret & quem se intendisse affirmarent ob verborum amphibologiam; attamen quia cum verus & falsus sensus latent in cortice verborum alicuius propo-

sitionis, damnari potest ob falsum sensum, non obstante vero alio sensu: ideo propositiones istæ omnes, quia falsum aliquem sensum continent sub cortice verborum, quem præ se ferunt & exhibent & si verus aliquis sensus iis affingi possit ab authoribus, iure merito omnes damnantur abolentur ac circumscribuntur à summo Pontifice. Quare non est hic opus disputare de commate, vtrum repositum fuerit in Originali Bullæ post verbum *Possent*, an post alia verba, itaut verba ista (*in rigore & proprio Verborum sensu*) referantur, non ad (*sustineri possent*) sed ad (*damnamus*) vt vult Martines Ripalda To. 3. de *Ente supernaturali* disp. 1. l. 1. in Proœmio, cum vbicumque reponatur istud coma, quod in originalibus Bullarum nullum solet extare, sufficienter exprimitur damnatio istarum propositionum: Quamuis manifestius adhuc exprimitur, reposito illo commate post verbum (*possent*) sicut idem Ripalda extitisse testatur in Originali à se viso & perspecto, quod emanauerat à Gregorio XIII. qui easdem propositiones damnauit post Pium V. Quod originale Romæ impressum erat anno 1579. Febr. 4. traditumque erat Cardinali Toletio, vt Bullam vulgari curaret. Quod autem dicunt aduersarij missum fuisse Romæ exemplar Bullæ in quo coma illud non erat, vnde ansam arripiunt conquerendi vitiatam esse Bullam summi Pontificis, in qua coma istud reperitur post (*possent*) hoc nihil est, quia exemplar Bullæ ad Baium missæ, erat manuscriptum, ideoque sine vllis interpunctionibus: Exemplar autem Bullæ Cardinali Toletio tra-

ditæ erat impressum cum illo commate, quo Pontifex Gregorius manifestauit suam mentem. Sed quocumque loco reponatur interpunctio, semper vrgent Baiani summum Pontificem asseruisse, nonnullas ex propositionibus *in rigore & in proprio verborum sensu* defendi posse: vnde concludunt non omnes damnatas esse, & incertas esse illas quæ damnantur: vnde vltterius quærunt vt Summus Pontifex velit aperire quænam illæ sint quæ sustineri possint & quænam aliæ. Ideo standum est primæ solutioni quam affert Michael Paludanus Doctor Louaniensis ex ordine D. Augustini in *Apologia constitutionis Urbanianæ* P. 1. c. 14. Esto enim, inquit, sensus propositionis sit eius anima & cor & medulla, non ideo ad propositionem vndequaque irreprehensibilem suffecerit habere verum aliquem sensum: sed oportet vt & ipse cortex, id est verba quibus vti corpore anima ipsa vestitur & in publicum prodit, sint irreprehensibilia. Eodem fere modo quo ad salutem non sufficit nos fidem corde confiteri, sed eam oportet nos etiam ore profiteri. Quid enim si sub vnâ propositione, ob verborum ambiguitatem, lateant sensus & verus & falsus, nonne consultius illa prohibebitur ob sensum falsum, quam admittetur ob sensum verum?

Instabis: ergo propositiones nonnullæ tantum damnabiles sunt in sensu ab authoribus extorto & qui præter Baij mentem: sic autem vix vlla est propositio ab authoribus Catholicis asserta quæ a damnatione immunis esset; cum in alieno aliquo sensu, proscribi possit. Respondetur nul-

las propositiones hic damnari in sensu ab authoribus non intento : nam sunt quædam ambiguar quibus duplicem sensum affingere posset Baius aut eius sectatores , quarum vnus esset vtrumque probabilis , alter falsus , propter quem vltimum sensum damnatae sunt. Exemplum sit in ista propositione quæ est 27. *Liberum arbitrium sine gratiæ Dei adiutorio non nisi ad peccandum valet.* Potest enim istud intelligi , & de adiutorio gratiæ cuiusdam præuenientis , & de adiutorio gratiæ efficacis ac iustificationem propriam inferentis : vterque sensus ab authoribus intendi potuit , secundum autem primum sensum propositio est probabilis , & defenditur à Doctoribus quibusdam. At iuxta sensum secundum , est falsa , & in hoc sensu damnatur , licet in primo , aliquo pacto sustineri possit, Bonum enim ex integrâ causâ malum est ex quocumque defectu , idè propositio reprehensibilis est in quâ assertores intenderunt falsum aliquem sensum , licet alium etiam intenderint , qui probabiliter aliquo pacto sustineri possit. Sic autem propositiones aliæ Catholicorum Doctorum damnari non possunt , quia nullus sensus ab iis intentus in illis continetur qui falsus sit , sicut in propositionibus omnibus Baij : vnde si aliquæ propositiones ex Baianis defenduntur à Scolasticis vt opiniones probabiles , & quæ hoc titulo liberæ esse debent à censurâ , defenduntur tamen in alio sensu , & si in eodem sensu , à tam paucis tamen defenduntur , & à tam multis impugnantur , vt verè probabiles non sint. Sensit hoc satis Michael Baius : ac propterea hoc ef-

fugio posse se euadere immunem non putauit, sed hoc non obstante, propositiones sibi ipsi attributas credidit esse damnatas per Bullam Summi Pontificis: ideoque vt conscientię satis faceret declarauit se earum damnationi acquiescere, ab iis recedere, nunquam se velle eas tueri. Cur discipuli Magistrum non imitantur? nunquid est in eorum Scola discipulus supra Magistrum?

ARTICVLVS IV.

Quod damnatio Baij non cadat in D. Augustinum.

Obiicies non potuisse damnari has propositiones à Summis Pontificibus Pio V. & Gregorio XIII. quin simul damnetur doctrina D. Augustini, quæ ab antiquis Pontificibus approbata, à nouis Pontificibus notari non potest, quin appareat contradictio manifesta inter summos Pontifices, quorum vnus destruat in materia doctrinæ quod alter adstruxit & ædificauit. Vnde consequitur frustra iactari infailibilitatem Summorum Pontificum in materiâ fidei & doctrinæ si se inuicem mordeant & ab inuicem consummantur, vno probante doctrinam aliquam, altero vero improbante.

Respondeo multas inuolui difficultates in ista obiectione, quibus sigillatim respondere opus est, ne infirmi Scolastici earum pondere ita opprimantur, vt nullam obedientiam Bullæ Pianæ exhibere se posse existiment saluâ animâ & con-

scientiâ , quæ tamen non mediocriter periclitatur in contemptu istius Bullæ doctrinalis, quæque à Summo Pontifice lata est vt iudice doctrinæ & fidei Catholicorum, nec solum ad componendas turbas & sedanda scandala infirmorum. Respondeo igitur primò satis apparere ex breui discussione harum propositionum , maiorem earum partem euidenter D. Augustino contrariam esse, vt frustrâ prætendatur à nonnullis idemtitas doctrinæ cum sancto Doctore Augustino. Quod vero doctrina D. Augustini probata sit ab aliquot antiquioribus Pontificibus , id verum est de aliquâ parte doctrinæ D. Augustini , non de omnibus eius dictis & operibus. Quod annotare operæ pretium ad continendos quorundam spiritus qui ita loquuntur de omnibus sententiis D. Augustini , ac si confirmatæ essent omnes auctoritate Summorum Pontificum non secus ac decreta Conciliorum generalium in rebus fidei , quibus ideo aduersari nefas est. Probauit tantum post Innocentium & Zosimum Cælestinus Papa nouem articulos, seu nouem capita doctrinæ D. Augustini, contra Pelagianos ac semi-Pelagianos , protestans in fine epistolæ , se alias profundiores & difficiliiores incurrentium quæstionum partes , nolle adstruere. Horum autem capitum vel articulorum ne vnus quidem in propositionibus damnatis Baij continetur : hos videre est in Epistola Cælestini Papæ pro Prospero & Hilario *de Gratia Dei ad quosdam Episcopos Gallie* , quæ Epistola & inter opera D. Prosperi Aquitani reperitur & in tomis Conciliorum. An non miserandum est nouæ doctrinæ sectatores ad fin-

gulos errores Baij obtrudere doctrinam esse D. Augustini à Summis Pontificibus approbatam, cum nec constet vllum caput doctrinæ Baianæ à Summis Pontificibus Pio & Gregorio damnatæ esse in terminis doctrinam D. Augustini; & si istud constaret, quod tamen non admittimus, certissimum sit ex ipsâ lectione & inspectione, non esse ex illis capitibus doctrinæ D. Augustini quæ à Summis Pontificibus Innocentio, Zozimo & Cœlestino approbata est, vt inuiolabilis aliqua sanctio & Ecclæsiastica regula ac sumpta ex autoritate diuinâ documenta, quibus contradicere nefarium ac illicitum. Vnde nulla est contradictio inter Summos Pontifices qui doctrinam D. Augustini contra Pelagianos & Semipelagianos probauerunt & qui articulos 78. Baij improbauerunt ac damnaverunt, vt illi & hi infallibiles esse potuerint absque vllâ à se inuicem dissonantia. Legant Epistolam hanc; conferant omnes articulos ibidem probatos, cum articulis Baij improbatis, ipsi iudices esse possunt, non nisi ad fallendum, nuperos quosdam doctores, tam sæpe obloqui, doctrinam omnem quam tradunt de Gratia & libero arbitrio & esse doctrinam D. Augustini, & eo ipso doctrinam esse Ecclesiæ Catholicæ ad fidemque pertinere, quasi eam antiqui Pontifices probauerint Quod vbi animaduernerint, sciant se nihil habere in decretis antiquiorum Ecclesiæ Pontificum quo sibi formare tutam possint conscientiam ad obluetandum bullæ Pij V. & Gregorij XIII. contra Michaellem Baium.,

ARTICVLVS V.

Quod propositiones Baij damnata sint propter ipsam doctrinam quam continent.

Pætendunt proscriptionem propositionum Michaelis Baij sibi nihil officere, quia summus Pontifex Pius has prohibuit non ob earum vitium & falsitatem, sed ob hominum huius temporis seu infirmitatem, seu ignorantiam, qui cum in libris D. Augustini versati non sint & tam sublimis ac cælestis doctrinæ capaces non sint, ob Molinisticæ doctrinæ principia quibus præuenti sunt, ex hinc turbantur ac commouentur vehementius. Atque hanc instantiam tanti faciunt Ianseniani Baianæ doctrinæ propugnatores maiori ex parte, vt hanc non nisi diuino quodam ingenio excogitatam arbitrentur, ad conciliandos Summos Pontifices Baio aduersarios curi doctrina D. Augustini ac cum Summis Pontificibus antiquioribus, qui aliquot eius doctrinæ capita probauerunt. Sicque videntur sibi inuenisse modum quo & doctrinam D. Augustini in Baio contentam, & Summos Pontifices Pium & Gregorium simul tueantur, etsi articulos doctrinæ Augustinianæ improbauerint, quia non ob falsitatem sed ob hominum præsentis sæculi imbecillitatem illos proscripserunt. Verum si ita est, cur ita impotenter in hanc Bullam debacchantur, vt vulgaris eorum libellis constat, Si errores suos non esse hac Bullâ pro-
palatos

palatos ac manifestos, a rbitrentur, cur eam tam hostiliter impetunt, Vt per eam D. Augustini doctrinam pessumdari tam altè inclament? Sed quis non videat, non tantum prohiberi articulos istos, sed etiam damnari? Quod non nisi falsæ doctrinæ competere potest. Sed quis. ferat homines istos tantum sibi spiritus arrogare, vt cæteros mortalium qui eorum menti repugnant bardos ac stupidos existiment, quasi vero cum illis & nata sit & mori debeat sapientia? A quo ista tanta sui ingenij præfidentia, vt cæteros cæcos, se solos oculatos estimant? Et tamen videmus in quotidianis colloquiis hoc eorum esse genium. A qua mente Deus eos auertat.

Obiicies iterum saltem non omnes Baij propositiones in Bullâ expressas censerì debere damnatas propter sententias quas continent, sed solum propter felleam quandam amaritudinem, quâ oppositas sententias damnant, ita vt non propter dictum improbentur, sed propter modum dicti, quia insimulant Pelagianismi aut erroris contrarium opinantes. Non secus ac improbantur ij, qui asserunt hæresim esse, asserere Beatissimæ Virginis Conceptionem esse Immaculatam. Sicque magnæ authoritatis scriptores opinantur, Suares, Vasques, Cardinalis Toletus & alij.

Respõdetur quod etsi ita visum fuerit aliquibus, nihilominus longè probabilius esse omnes damnari ob doctrinam falsam quam continent, & non tantum ob censuram inmodicam quâ contrariam sententiam feriunt. Quia Summi

Pontifices non reuocant in authoris audaciam rationem suæ condemnationis, vt deberet fieri, si tantum propter acerbiteriam dicendi illas propositiones damnassent. Nectam sententiæ istæ indigerent damnatione quam prohibitione ad consulendum paci fidelium, quæ læditur mordacioribus quorundam dictis. At non prohibentur modo, sed quod plus est, damnantur. Est autem damnatio, declaratio & pronuntiatio falsitatis sententiæ. Demum Summus Pontifex vitur hoc modo damnationis. *Quas quidem sententias stricto coram nobis examine ponderatas. Quæ verba substantiam ipsarum propositionum denotant, non ipsarum modum quo enuntiantur. Atque ita censet Ripalda lib. citato sect. 4. Accedit quod non omnes Baij propositiones compositæ ex sintilla dicendi asperitate & acrimoniâ cum plures ex iis sint simplices, vt vocant Dialectici, quas ideo Summus Pontifex intactas reliquisset, cum nihilominus illas damnauerit.*

ARTICVLVS VI.

De prohibitione Libri Cornelij Iansenij cui nomen Augustinus.

Porro ex damnatione prædictarum Propositionum à Pio V. & Gregorio XIII. quarum damnationem confirmauit Urbanus VIII. aliâ Bullâ data anno 1641. Idem Urbanus VIII. inductus est ad prohibendum librum Cornelij Iansenij Iprensis Episcopi, cui titulus

Augustinus, sub hac prohibitionis formulâ. Motu proprio & ex certâ scientiâ nostrâ, ac de Apostolicæ potestatis plenitudine, hac perpetuô valiturâ constitutione eiusdem Pij & Gregorij prædecessorum huiusmodi, constitutiones prædictas, omniaque & singula in ijs contenta Apostolica auctoritate, tenore præsentium *confirmamus & approbamus, librumque prædictum cui titulus est Augustinus articulos, opiniones & sententias in dictis constitutionibus reprobatas atque damnatas, ut à nobis compertum est, continentem & renouantem, aliaque omnia opera, præsentibus nostris literis, subinserta eadem auctoritate per præsentem omnino prohibemus, ac pro veritis & prohibitis haberi volumus & mandamus &c.* Quæ constitutio Urbani VIII. ad Valuas Basilicæ Principis Apostolorum de Vrbe, & Cancellariæ Apostolicæ atque in acie campi Floræ publicata fuit an 1643 Iuni; 19. & deinde in omnibus parochijs Parisiensis vrbis in missis solemnioribus, ex mandato illustr. ac R. Archiepiscopi Parisiensis Ioannis Francisci de Gondy, publicè proclamata est anno 1643. die Decembris 11. cum prohibitione sub pœnâ anathematis ne quispiam ausu temerario damnatas in ea constitution: propositiones, vlllo pacto propugnaret. Quibus non obstantibus, non infimæ notæ Theologi ac sacerdotes non indocti, maximæ parti harum propositionum reprobatarum ac damnatarum, ita adhærent, easque tam mordicûs tuentur ac aliis omni viâ persuadere conantur, ac si articuli essent symboli

Apostolorum, variisque prætextibus sibi his constitutionibus resistere ita licitum arbitrantur, ut nequidem veniali noxâ se inquinari propterea existiment, de quibus timendum est, ne qui teste D. Augustino l. 1. *Confess.* c. 18. infatigabili lege spargit *pœnales cæcitates* super illicitas cupiditates hominum, de occultis iudiciorum suorum nubibus, aliquid pœnalis cæcitatatis stillauerit in ipsos, cum tot modis huic constitutioni supplantandæ, & Pontificum Iussioni conculcandæ incumbunt, ut Bullam hanc informem, abortiuam, plenam falsitatum ac nullitatum circumforaneis suis libellis in plebem distributis appellare, non erubescant.

Quoniam vero in doctoris Paludani Apologia satis exactè plura tela Iansenianorum contra hanc Bullam Urbanianam retunduntur, aliqua breuiter ex eâ delibabimus, quibus etiam alia adiungemus quibus hæc facta recta seruetur contra hominum ingeniosas quasdam inuentiones, quibus illius Bullæ vim eludere conantur eamque carpere ac arrodere aggrediuntur.

ARTICVLVS VII.

De datâ Bullæ Urbanianæ.

AC primo quibusdam suspecta est Bulla propter illius datam quæ est pridie nonas Martij anno 1641. quo die nondum prodierant nec Romam appulerant Theses, libelli & tractatus quidam alij cum libro Iansenij in eadem Bullâ prohibiti.

Responderetur Romanos in computatione anni ab incarnatione Domini, illum incipere tribus mensibus serius, quam fieri soleat in his regionibus, quod scilicet dies Incarnationis fuerit vigesima quinta Martij: cuius rei testis est Couarruias l. 1. *Var. resolut* c. 12. nu. 2. unde fit ut aliqua computent in anno 1641. quæ nos in anno 1642. computamus, quia mensis Martius est apud illos finis anni 1641. qui est apud nos tertius Mensis anni 1642. hoc autem posito, satis est spatij ut libelli & tractatus prædicti potuerint mitti Romam & examinari.

ARTICVLVS VIII.

De authoritate Summi Pontificis in prohibendis libris ac damnandis.

Obiiciunt non pertinere ad infaillibilitatem Pontificis dijudicare, an liber Iansenij contineat propositiones damnatas, quia ista quæstio est potius facti quam iuris. Iudicium autem Summi Pontificis non est infaillibile nisi in quæstionibus fidei ad confirmandos populos ne decipiantur in fide.

Responderetur authoritatem Summi Pontificis in determinandis controuersijs fidei, maxime fundari in illo loco Ioan. 21. *pasc oves meas*, ad quod officium spectat, discernere pascua salubria à noxijs, & vitalia à lethiferis, id est, libros quibus vera dogmata docentur ab ijs in quibus falsa, quibus plerumque reguntur ho-

minum ingenia in religione eligendâ: vt nihil perniciosius sit libris, qui sub prætextu pietatis ad errorem flectunt animos, qui intermixtus est veris quibusdam propositionibus, sicut dantur venena melle circumlita: nam si sola falsa & mala in iis docerentur, omnes eos repellerent. Sed omnia in iis miscentur vt ex malis bona inficiantur, & ex veris mala abscondantur. Vnde etsi vera plurima contineant, tolerandi tamen non sunt, ne ex illis quæ vera sunt fides acquiratur iis quæ falsa sunt. Quæ causa mouebatur Christus ne sineret dæmonia loqui (Luc 4.) etsi ipsum filium Dei esse palam faterentur. Quare spectat ad iudicium Summi Pontificis eiusmodi libros internoscere, ac oues suas ab ijs arcere, ne malè pereant: namque infallibilitas eius versatur circa ea omnia, quorum determinatio necessaria est, ne plebs Christiana erret in fide, aliter enim non satis prouisum esset Ecclesiæ, dum concilia generalia opus sunt sæculi integri, & tot lupi scatent vndique in vestibus ouium vt eas aut mactent aut disperdant. Vfus autem potestatis illius tum maximè debet vigere, cum errores illos docent quos Cardinalis Bellarminus libro 3. *de membris Ecclesiæ*, capite 20. vocat viuos, quod pertinaciter defendantur, propugnentur ac propagentur, vt distinguantur ab aliis antiquis & antiquatis erroribus mortuis propter quos hodie non controuertitur.

Obiiciunt Summum Pontificem non esse infallibilem, nisi adhibeat certa quædam media & conditiones, quibus positis & non aliter, Spiritus

Sanctus ei assistit : at Summus Pontifex Urbanus existimatur non adhibuisse illa media, cum parte inauditâ iudicauerit, cum animo præuento & præoccupato, & aliis defectibus quos ad nauseam vsque inculcant.

Hæc est obiectio quorundam Theologorum Treuirensium, in quâ multa difficilia inuoluuntur, quorum discussio & determinatio minimè nunc necessaria est ad illius dissolutionem. Cum sufficiat Summum Pontificem, quatenus publica persona est & Vniuersam Ecclesiam docet loquens ex Cathedrâ, id est, iubens cum auctoritate sibi datâ à Christo, vt omnes Christiani aliquam doctrinam teneant (hoc quippe significat loqui è Cathedrâ) debere sic audiri ab omnibus Christianis, vt illius iudicio ac determinationi cum obedientiâ ac humilitate se submittant, illi enim datum est vt in fide titubantes fratres suos confirmaret, vt dicit Innocentius III. in Epistolâ ad *Episcopum Arelatensem* habeturque c. maiores, extra. de baptismo. *Maiores Ecclesiæ causas præsertim articulos fidei contingentes, ad Petri fidem referendas intelligit, qui nouit pro eo dominum exorasse ne deficiat fides eius.* Qua de re plura D. Hieronymus ad *Damasum*, D. Thomas de *erroribus Græcorum* c. 7. & 72. Turrecremata in *Summâ de Ecclesiâ* l. 2. cap. 109. & 110. & Stapleton in *Relect. Scolasticâ* controuersiâ 3. q. 4.

Nec morari quemquam debet difficultas de adhibitis mediis prærequisitis ad tradendum aliquod dogma Ecclesiæ, cum Deus dando finem, prouideat de mediis & eius prouidentia

permissura non sit, ut Summus Pontifex ex officio agens tradat hæreticum dogma & temerè definiat. Vnde & dist. 19. c. *Si Roman. Romanorum Pontificum Decreto caterorum Opuscula tractatorum* approbantur vel reprobantur. quippe illius auctoritas inutilis esset, nisi ita se res haberet, cum tanta sit proteruorum multitudo.

Quod autem vrgent de parte inaudita. Certe liber ipse Iansenij Rómę lectus est; quod sufficit, ne alias libri anonymi prohiberi aut dānari nusquam possint. Nec opus fuit post prohibitionem libri, alias partes audire. Finito enim iudicio & pronuntiata sententiā, frustra petunt partes adhuc audiri, cum sic lites interminabiles essent.

Quod vero addūt de præoccupato animo Summi Pontificis, id prodit quàm cæcā animā deperirent authorem illum, cui consultum esse volunt etiam per calcatum patrem & pessumdarum honorem Summi Pontificis, cuius tuendo honori potius prospicere deberent, quā Episcopi Iprensis. Quem fateri ut hominem in aliquo errare ac decipi potuisse, magis equum est, quam accusare Summum Ecclesiæ Doctorem ac Ecclesiæ totius Pontificem; de tot vitijis ac defectibus.

A R T I C V L V S I X.

Baï propositiones infusa in librum Iansenij.

Opponunt Iansenij librum nullas continere propositiones à Pio V. damnatas, quia in alio sensu scriptæ sunt ab ipso quam à Baio.

Sed Anti-iansenij antistatera secunda utrinque; æquilibrium probabit, nec potest dubium mo-

uere qui Iansenium inspexerit, quin Iansenius has sequentes propositiones doceat. *Homo peccat etiam damnabiliter in eo quod necessario facit* to. 2. l. 4. de statu naturæ lapsæ c. 25. deinde istam. *Liberum Arbitrium nonnisi ad peccandum valet* eodem tomo & l. c. 27. item illam. *Omnis amor creaturæ rationalis aut est vitiosa cupiditas ... aut laudabilis illa charitas.* Item istas sequentes de quibus agit to. 2. l. 4. de statu naturæ lapsæ c. 26. & 27. & l. 3. de statu puræ naturæ c. 22. scilicet *omnia opera infidelium sunt peccata. Pelagianus est error dicere quod Liberum Arbitrium valet ad vllum peccatum vitandum. Non solum fures sunt & latrones, qui Christum viam & ostium veritatis & vitæ negant; sed etiam quicumque aliunde quam per ipsum in viam iustitiæ &c. cum Pelagio sentit qui boni aliquid naturalis, id est, quod ex naturæ solis viribus ortum ducit, agnoscit: non nisi Pelagiano errore admitti potest vsus aliquis Liberi Arbitrij bonus siue non malus & gratiæ Christi iniuriam facit qui ita sentit & docet.* Item *Deus non potuisset ab initio talem creare hominem qualis nunc nascitur.* Quas propositiones cum sibi prævideret Iansenius obijci posse damnatas in Bullâ Pij V. variis artibus id conatur à se amoliri, ne pondere authoritatis Pontificiæ obruatur, vt in iis se contentem reum agnoscat, præter iudicium ea de re Summi Pontificis. Sed & l. 4. de naturâ lapsâ c. vlt. agnoscit illam propositionem. *Omnia infidelium opera sunt peccata*, in eodem sensu traditam esse à Baio & à D. Augustino, cuius ipse mentem se sectari profitetur.

Quæ omnia notat Paludanus parte 1. *Apol.*
cap. 15.

ARTICVLVS X.

*Iansenius loquitur asserendo, non tantum re-
ferendo sensa D. Augustini.*

Obiiciunt Iansenium nihil ex se asserere, sed tantum sensa D. Augustini proferre ac recitare.

Respondetur etiam Iansenium Doctrinam suam efficacissimè asserere. Quod ex his rationibus conuincit idem Palud. c. 16. Primo quia cum eas refert sententias, dicit esse fundamentales contra Hæresim Pelagianam doctrinas, quas in controuersiam reuocare nihil aliud sit quam Pelagianos cineres suscitare rediuuiuos. to. 2. l. 3. *de statu pure nature* c. vlt. Item Pelagianam causam superesse integerrimam: omnia eorum argumenta mansisse insoluta, nisi illæ quas refert sententiæ veræ sint. to. 2. *de statu nature lapsæ* c. 12. Item contrarias sententias iis quas refert, reuocat ad Pelagianismum & semi-Pelagianismum, vocat deliria, nugas, insaniam, errorem, impietatem contrariam Christianorum sensui, Scripturis & fidei to. 2 l. 4. *de statu nature lapsæ* c. 17. Item pluribus in locis doctrinam illam prætentam Augustini referens, vocat illam doctrinam Ecclesiæ: sic l. 3. *de natura lapsæ* c. 3. *illa doctrina Augustini* inquit, *per sanctiones Ecclesiasticas tanquam Ecclesiæ dogma definita est.* ibid. c. 12.

Nemo doctrinam illam in Augustino exploratissimam, in veritate certissimam, in scripturis Catholicaque fide fundatissimam, suspectam habeat. Sic libro 2. de Gratia c. 28. quod nulla omnino medicinalis gratia Christi effectu suo careat, quamvis permirum videatur; veritas tamen est in scripturis sacris & Augustini scriptis explorata. Sed & ostendit luculentissimo testimonio, se non historicum ac alienæ sententiæ buccinatorem, sed propriæ assertorem ac defensorem, dum proclamatur, si quis vobis annuntiaverit præter id quod ex Augustino accepistis, anathema sit, ut conciliari non possint quæ ipse protestatur in libro præmiali c. 29. se non querere an vera sint vel falsa quæ tanquam Augustini sensa proferuntur, sed an Augustini sint, & quæ scribit tom. 3. l. 3. *de gratia saluatoris* c. 1. Sibi propositum esse non tam ex suo sensu patefacere quid sit ex parte rei de diuinæ gratiæ adiutorio, quam quid statuerit Augustinus, cum reliquo operis decursu.

In quo non leuem maculam infert vniuersis Doctoribus secum in eodem luto doctrinæ non inhærentibus, cum eos tam manifestè Pelagianismi fuligine deturpatos ac peccati eius conscios asserit: cuius peccati grauitatem, si quis inter mortales, dilucidè exaggerat Thomas Branduardinus Anglus, qui anno 1300. scripsit contra Pelagianos sui temporis, qui reiecta prorsus diuinæ gratiæ necessitate soli Libero Arbitrio omni gratiâ destituito, salutaria omnia opera vindicabant. Quot insuper, Domine, scribit Author ille, sui libertatem arbitrij extollentes,

tuam refugiunt seruitutem? vel si te cooperari cum eis saltem labiis fateantur, cum illis superbis & odibilibus ciuibus tuis quibusdam, te super eos regnare defugiunt. Imò & superbiores Lucifero, æqualitate tui nequaquam contenti, super te, Rex regum, impudentissime gestiunt se regnare. Non enim verentur assumere suam voluntatem in actione, & *preire vt dominam, te subsequi sicut seruum*, & quibusdam interiectis; Primo nãque horum Hæresiarcha Lucifero, nolēte Deo subesse, è cælo per Michaelē deiecto, surrexit Cain, existimans peccatorem nequaquam grãtis iustificari à Deo per gratiam gratis datam, sed per meritum antecedens, quo diuinã ultione prostrato, surrexit Nemroth, qui Iosepho recitante, suadebat hominibus, vt nequaquam Deo adscriberent, quod eis feliciter accidebat, sed quod eis hoc virtute propria tribueretur. Surrexerunt deinde illi vaniloqui & magniloqui arbitantes labia & sermones à se esse. Horum filij Saducæi (teste Iosepho) affirmarunt in homine esse bonum vel malum eligere sine Deo. Quibus per Prophetam correptis, surrexerunt quidam Hebræi, Græci & Romani Christiani, qui dixerunt, se meritis suis fidei gratiam suscepisse, quibus & per Apostolum redargutis, surrexit Pelagius, qui contra Dei gratiam superba bella commouit, quo per patres Catholicos condemnato, Iulianus & Cœlestius eandem hæresim renouarunt, &c. Ex quibus inferri potest, quam graui iniuriã Catholicos Doctores afficiat cum Pelagianismi insinuat.

ARTICVLVS XI.

*An omnia communia inter D. Augustinum
& Iansenium & de Methodo conuin-
cendi Iansenij Gregales.*

OBICIUNT & urgent maximè ac si in hoc solo capite tota cōtrouersia versaretur, non posse prohiberi librum Iansenij, sine iniuria doctrinæ Augustinianæ toties a Summis Pontificibus approbatæ, cūm Iansenius sit Augustinus rediuius & liber eius nihil contineat præter sensa D. Augustini, cuius ipse interpret est, in quo libro solus loquatur D. Augustinus, & alia multa addunt cum verborum pompâ & exaggeratione nimîâ, quibus volunt confodi D. Augustinum per latus Iansenij, propter identitatem doctrinæ ac spiritus, quasi per Metempsychosim Pythagoricam D. Augustini anima in corpus Iansenij transmigrasset.

Respondetur hæc falso iactari, magisque concordare Iansenium in rebus controuersis in hoc sæculo cum Baio, Caluino & antiquis Prædestinarianis Lucido, & Goteschalco, quam cum D. Augustino. Vnde sicut Virgilio-Centones Probæ Falconiæ quos ipsa excerpfit hinc & inde ex libris Virgilij, nunc integris versibus, nunc Hemistichiis & Hemistichiorum particulis velut pretiosis pannis in opus illud insutis, non sunt tamen Virgilius, & sicut non faciunt plumæ ex Cornicula Aquilam: ita neque verba Augustini ex Cornelio Iansenio Augustinum; & opus

illud tantopere laudatum à Discipulis & à Magistro ac Doctore fidei prohibitum, etsi opus sit ingeniosæ artis ac laboris improbi, verius tamen Calvinianis, quam Augustinianis splendoribus refulget. Etsi enim in quibusdam mentem eius & verba sit assequutus, at non in his quæ hodie controuertuntur de Gratia, & Libero Arbitrio de Morte Christi pro solis prædestinatis, & alijs huiusmodi, in quibus tractandis quamuis plura congerat D. Augustini testimonia, at mentem eius parum attingit, prætermittens interim quæ eius instituto manifestè aduersantur, vel ita torquens alienis interpretationibus à mente sancti Doctoris, vt parum satisfaciât ijs qui vera & genuina sancti Augustini doctrina imbuti sunt.

Atque vt rem istam in vniuersum primo agitemus, iuuat hic attexere quæ non abs re edidit Franciscus Veronus in Iansenij *pratensum Augustinum* &c. Qui Author in pusillo, sed non rebus exili libello, eadem methodo qua Calvinistas nullo scripturæ textu adiuuari in erroribus suis ostendebat, eadem methodo doctrinam Iansenij nullo D. Augustini textu fulciri, in his quæ hodie controuertuntur, demonstrat. Summa huius Methodi hæc est, vt D. Augustinus *l. de Vnitatē Ecclesiæ*, cap. 13. & 19. dicebat Donatistis: *In scripturis sanctis, hoc nobis legant, si autem non potestis quoddam iuste à vobis flagitamus ostendere, conticescite, obdormiscite, à furore expergiscimini in salutem.* Sic dicendum Iansenio & eius assecclis. Ostendite in D. Augustino de verbo ad verbum propositiones

illas controuersas, remotis expositionibus, consequentiis & discursibus, de quibus postea. Iansenius scribit, Christum vel pro infidelium in infidelitate morientium, vel pro iustorum non perseuerantium æterna salute non esse mortuum non magis patrem pro æterna liberatione ipsorum, quàm pro diaboli, deprecatum fuisse. Item scribit nullum dari post lapsum adiutorium sufficiens quin simul sit efficax. Ostendant hoc Iansenij fautores in D. Augustino in terminis: atque cum non possint, quod etiam de reliquis propositionibus controuersis, optione illis data, asseri potest, reliquũ est, vt quemadmodum Calvinistæ e puro textu Scripturæ Sacræ deiectioni, recurrunt ad æquipollentias, consequentias, interpretationes, quibus contendunt id esse ex mente Scripturæ Sacræ: sic etiam illi ad similia recurrant, dicantque vel æquipollentes propositiones in D. Augustino reperiri, aut ex veris eius principijs per certissimam interpretationem deduci, vel ita debere intelligi textum D. Augustini.

Sed vt responderetur Calvinistis, has æquipollentias, consequentias aut interpretationes, non esse in Scriptura Sacra, sicque se non habere pro sua parte Scripturam Sacram, sed duntaxat discursum quemdam aut interpretationem ex mente humana fabricatam. Similiter respondendum est, has consequentias aut æquipollentias non esse scriptas à D. Augustino, nec esse illius, sed esse opera humanæ ratiocinationis. Quæ quauis vera sit, neganda tamen est ad mentem D. Augustini & secundum illius sensum, de quo est to-

absurda si illis imponamus, tonabunt illico clamoribus suis, hæc ab eorum mente esse aliena, & esse mendacia, atque experientia quotidiana id docet, multa enim proferimus ex quibus plura alia inferri possunt, de quibus nihil cogitauimus, quæ si quis à nobis intenta esse pronuntiet, si ea mala sint, merito iudicij temerarij reos pronuntiabimus qui ea nobis imputabunt, & despiciemus vt suspiciosæ mentis ludibria.

Atque huius methodi exemplum illustre nec à proposito alienum nobis suppeditat locus Ioannis vltimo capite. Vbi Apostoli coniiciebant illum numquam è vitis excessurum, quia dixerat Christus, *sic eum volo manere donec veniam, quid ad te?* Quorum ingenia compressit idem D. Ioannes Euangelista, & non dixit Iesus quia non meritur. Idem merito dici potest, cum tantopere venditant D. Augustini auctoritatem quasi concilio & toti Ecclesiæ præualeret in istis de gratiâ controuersijs. & non dixit D. Augustinus. *Aliqua Dei mandata hominibus iustis volentibus & conantibus secundum præsentem quas habent vires sunt impossibilia, deest quoque ijs gratia qua possibilia fiunt:* Et non dixit D. Augustinus. *Interiori gratiæ in statu nature lapsæ numquam resistitur:* Et non dixit D. Augustinus. *Ad merendum & demerendum in statu nature lapsæ non requiritur in homine libertas à necessitate, &c.* Aut si hoc dixit D. Augustinus, indicent tomum, tractatum, caput, lineam. Quod sanè numquam præstabunt, sed se præclare disputasse existimabunt, si aliquem textum profe-

rant, ex quo assertionem suam consequi posse imaginentur, & si aliqua vicinitate verborum fucum facere veritati possint & sub eo fucum obtrudere imperitis. Atque vtilior est hæc methodus, quod non solum usurpari possit, ad eos conuincendos ab ijs qui primas tenent in Theologia, sed etiam ab his qui vel sola Logica rudimenta optimè callent, noruntque distinguere inter varias propositionum species, quarum alia sunt absolutæ alia modales: alia affirmantes alia negantes: alia simplices alia compositæ: alię vniuersales alia singulares: alia denique alijs differentiis discriminatæ. Videturque hæc methodus non solum Augustiniana, sed & Evangelica nuncupari posse, quod in Euangelio D. Ioannis fundamentum habeat, sicut ex ante dictis manifestum est. Si vero vbique ea methodo non vtamur, id ex indulgentia agimus, quod eam abhorreant, irrideant, contemnant, nec legere aut intelligere velint, quia satis apertè refellere nequeunt. At ob hanc magis illi assentiri deberent.

Atque hæc generatim contra identitatem præteritam doctrinæ Augustinianæ & Iansenianæ, nam si speciatim res magis discutiatur, nullus Author hætenus scripsit contra Iansenij librum, qui non insignem aliquam hallucinationem prehenderet. Legantur Habertius nunc Episcopus Vabrensis, Alphonsus le Moine Professor Regius in Sorbona, Petauius, Anthonius Ricardus, Petrus à sancto Ioseph Religiosus Fulienfis, Michael Paludanus, & alij, rem ipsam experietur. Atque vt ex hoc vltimo quem modo

præ manibus habemus, non nihil adhuc excerpamus, (conueniens enim puto, inquit Origenes Homil. 13. in *Exodum*, bene dictis alterius non abuti fatentem) Exercitij gratia, inquit ille *Apolo.* 2. p. c. 11. peto à magnis hisce identitatis vtriusque doctrinæ buccinatoribus, vt in Augustino mihi dignetur demonstrare Iansenianas hæc propositiones, 1. per assertionem gratiæ sufficientis in statu naturæ lapsæ euacuatur fides peccati originalis. 2. tanquam Catholicum & immobile fundamentum supponendum est Adamum ad perseuerandum in bona voluntate primitus accepta, indiguisse gratia actuali. Idem de peccato originali obseruatione 2. affirmat, inquit, Iansenius; nec simpliciter, sed Iansenialiter, idest more suo, confidentissimè, glorianter & plusquam ὑπερβολικῶς, apud Augustinum, inquit, peccatum Originale nihil aliud est nisi concupiscentia cum reatu, vt sexcenties passim ipse repetit. Sed quid dignum tanto fert hic promissor hiatus? Dic sodes vbi vel semel Augustinus id doceat, quod eum dicis sexcenties passim repetere? Non possum agere liberalius, quam vt pro sexcentis quæ offers, vnicum exigam. Etsi enim aliquoties peccatum originale vocat concupiscentiam nuli tamen signanter dicit, concupiscentiam, nihil aliud esse nisi peccatum, nam longè differunt producere Augustinum dicentem, & Augustinum non dicentem aliquid, quod frequenter & inutiliter facit Iansenius: cui vno verbo æquè frequenter dici potest, argumentum ab autoritate negatiua, non valet: vt aduertit Veronius in *Iansenij prætextum Augu-*

Augustinum §. 6. sed & legatur Iansenius tom 2, l. 3. de statu puræ naturæ c. 16 Vbi textum D. Augustini suæ opinioni contrarium contra omnium exemplarium fidem, ait esse corruptum, & quidem corruptione omnium pessimâ, erasâ scilicet particulâ negatiuâ, quæ licentia si admittatur, nihil est quod quibuscumque authoribus tribui non possit.

Vnde licet colligere Iansenium eorum fraudulentiam imitatum fuisse, quamuis alia fuerit intentio, qui cum, vt loquitur Vincentius Lirinensis *commonitorij* parte 1. cap. 11. sub alieno nomine hæresim concinnare machinentur, captant plerumque veteris cuiuspiam viri scripta paulo inuoluitius ædita, quæ pro ipsâ sui obscuritate dogmati suo quasi congruant: vt illud nescio quid quodcumque proferunt, neque primi, neque soli proferre videantur. Nec istud male cessit Iansenio. Iam enim plures persuasi sunt doctrinam eius esse ipsammet doctrinam D. Augustini, itaut nolint vocari Iansenistæ sed quidam ex ijs vt Thomistæ audire volunt, quasi tota Cohors Aquinatea cum ijs agmine composito concurreret, & non potius in acie contra eos staret, vt videre est in vltimo opere Petri Fulienſis cap. 5. Quod *consensum orbis de gratia sufficiēte* prænotauit. Alij vero ambiunt religioso nomine nuncupari Augustiniani, ac profitetur se non curare librum Iansenij amplius quicquid de illo iudicetur, se quippe Augustini sectatores esse, à cuius tamen & verbis & sensu longissimè absunt, vt proximiores Caluino esse possint, ex cuius institutionibus l. 2. cap. 3. tam multa illis propi-

navit Iansenius sub eodem velamine doctrinæ sancti Doctoris Augustini, ut mihi non sit dubium conferenti hoc caput institutionum Caluini cum cœlesti ut vocant doctrinâ Iansenij, aut Caluinum Iansenificare aut Iansenium Calvinificare: ut tamen ibidem Calvinus dicit num. 13. *Audiamus nunc Augustinum suis verbis loquentem, ne ætatis nostræ Pelagianis, hoc est Sorbonici Sophistæ totam vetustatem nobis aduersam pro more suo criminentur*: tum eos textus D. Augustini profert quos Iansenius ipse; quod notatum esse volumus non ad iniuriam, sed ad cautelam minus perspicacium.

Obiiciunt omnes articulos de Gratiâ & Libero Arbitrio qui inter Iansenium eiusque aduersarios disputantur, esse eosdem qui agitati sunt inter D. Augustinum eiusque aduersarios: Vnde Pontifex exponit se periculo prohibendi doctrinam D. Augustini ab Ecclesiâ receptam, si possit demonstrari identitas doctrinæ Iansenij & D. Augustini.

Respondetur id veritati absonum esse: Etenim modo controuertitur inter Iansenium eiusque aduersarios vtrum homines iustificati habeant aliquod auxilium gratiæ sufficiens & non efficax, de quo non inuenitur disputatum fuisse inter D. Augustinum & Pelagianos, nec de ista controuersia, an rectè Iansenius mentem D. Augustini, ac Pelagianorum Massiliensiumque sit allequutus in recitandis eorum sententiis, aut erroribus, de hoc enim maximè disputatur hodie: Vice versâ inter D. Augustinum eiusque aduersarios solemnis erat disputatio, vtrum gratia secundum

merita daretur, quæ disputatio hodie extincta
fere est omnino.

ARTICVLVS XII.

*Author propter celebritatem nominis non est
immunis ab errore.*

OBiiciunt laudes immensas, merita, sanctita-
tem doctrinamque Iansenij, cuius honori
derogatum sit per censurem : deinde in laudes libri
eius, laxatis totius eloquentiæ habenis excur-
runt, qui liber excipi debuit cum omnium bene-
dictionibus, applausibus, congratulationibus, qui
Deo gratias agere deberent quod ad ea se tem-
pora reseruauerit, ac in hoc sæculo nasci dede-
rit, in quo triumphantem in illo libro veritatem
intueri liceat, sed & in quo contigit solidissima
Christianæ humilitatis, ac pietatis principia atque
amoris diuini à D. Augustino olim tradita, pri-
mæuo suo splendori restituta legere. Quem pro-
indè librum opus diuinum vocant eorum non-
nulli ac supra omnem laudem efferunt, vt
longè extra aleam censuræ positum esse ve-
lint ac piaculum esse de eâ leuissimam cogitatio-
nem habere.

Respondetur Iansenium procul dubio ma-
gnum virum extitisse, Doctorem celeberrimum,
ac eximium antistitem, in cuius laudem non
inuiti referimus tam heroicæ temperantiæ exti-
tisse, vt in mensæ singula fercula tanquam toti-
dem hostes inspiceret, veritus ne ciborum sua-
uitate delectatus, creaturâ propter creaturam

vteretur: attamen homo ille erat & ex genere
 illius qui primus è terrâ formatus. Vnde for-
 san non fuit Origene mirabilior nec Tertulliano
 doctior, nec magno Hosio maior, qui tamen
 omnes lapidis offensionis & petra scandali in Ec-
 clesia multis fuerunt, | quapropter & fieri po-
 tuit vt eius oculis somnus & intellectui halluci-
 natio aliqua obrepserit, vt si diutius vixisset,
 censorium oculum intendere potuisset in prio-
 ra scripta, non secus ac D. Augustinus li-
 bros retractationum scripsit, & D. Thomas
 senior nonnulla correxit in summa Theologiæ,
 quæ se scripsisse pœnituit super libros sententia-
 rum. Sed & monet nos oportune Vincentius Li-
 rinensis *Commonitorij parte* 1. c. xv. diuinâ prou-
 dentia fieri, vt errores disseminentur ab iis ma-
 gistris qui tantæ sunt scientiæ, vt sectatoribus
 proprijs non solum quæ humana sunt nosse,
 verum etiam quæ supra hominem sunt prænos-
 cere posse videantur; quales fere discipuli sui
 iactitant fuisse Valentinum, Donatum, Photi-
 num, Apollinarem ceterosque eiusmodi. ac pro-
 ducto in eam rē loco ex *Deteronomij* c. 13. sic con-
 cludit, luce clarius aperta causa est, cur interdum
 diuina prouidentia quosdam Ecclesiarum ma-
 gistros, noua quædam dogmata prædicare pa-
 tiatur, vt tentet vos, inquit Dominus Deus vester.
 Et profecto magna tentatio est, cum ille quem
 tu Prophetam, quem Prophetarum discipulum,
 quem Doctorem & adsertorem veritatis putes,
 quem summa veneratione & amore comple-
 xus sis, is si subito latentes & noxios subindu-
 cat errores, quos nec cito deprehendere valeas,

dum Magistri veteris præpediris affectu. Quæ afferimus non quod Iansenium inter hæreticos numeremus, Catholicum enim illum profitemur, cum mortuus sit in gremio & communione Catholicæ Ecclesiæ, protestatus media hora ante mortem, se librumque suum censuræ Summi Pontificis submittere, sed ut discant aliqui in hoc sæculo, quod quantumcumque videantur magni nouorum dogmatum assertores, non propterea recipienda ea esse, nisi doctrinæ Ecclesiæ congruant. Præclare monet hoc Tertulianus l. de præscrip. aduersus hæreticos. Quid ergo si Episcopus, si Diaconus, si vidua, si virgo, si doctor, si etiam martyr, lapsus à regulâ fuerit, ideo hereses veritatem videbuntur obtinere? *ex personis probamus fidem, an ex fide personas?* &c. auolent quantum volent paleæ leuis fidei, quocumque afflatu tentationum, cò purior massa frumenti in horreâ reponetur.

ARTICVLVS XIII.

An humilitas & pietas in libro Iansenij doceantur?

QUod vero spectat ad cōmendationem libri, quia nouimus plures inductos esse ad hunc legendum contra prohibitionem Summi Pontificis, quod quidam Sacerdotes dicant in eo contineri vera Christianæ humilitatis ac pietatis fundamenta, ideoquē erigunt se ac attollunt contra obedientiam Vicario Christi debitam ut

discant humilitatem, operæ pretium est hos esse monitos cuiusdam sententiæ D. Augustini et si liber in qua continetur, modo non occurrat. *Vbi titubat fides, nutat charitas & deuotio.* Fides scilicet radix est ac fundamentum virtutum omnium ac ipsius præcipuæ charitatis. Ac proinde vbi illa concutitur, vix stare potest ædificium spiritualis vitæ, vt potè cuius fundamentum firmum non sit. Quanta sunt in hoc vniuerso quæ ad humilitatem nos prouocent, si ea serio meditari volumus, vt Guilellmus Lugdunensis in suâ summâ virtutum ac vitiorum egregiè demonstret omnia quæ sunt in mundo prouocare homines ad humilitatem, vt frustra queratur inter propositiones damnatas. Iam notauimus in 3. parte *Theologiæ affectiuæ* medit. 39. editionis 3. ac 4. Non parum gloriæ Christi officere doctrinam illam Iansenianam quod Christus mortem non obierit pro omnibus, cum & exhibeat Christum sine nuptiali veste charitatis erga maiorem hominum partem, & amoueat ipsos ab amore Christi, cum maxime soleant eo duci motiuo ad illum diligendum, quod pro ipsis ita dura & amara passus sit, &c. Ac si olim Agnoitæ in hæreticorum classem relati sunt, quod quamdam scientiæ partem Christo denegarent, cumque iudicij diem ignorare docerent, vt est apud Baronium ad annum Christi 535. quid de istis censendum, aliorum iudicio committimus, qui vestem auream Christi, charitatem scilicet eius, ita discindunt, vt vix decimam partem illi relinquunt?

Quia verò incidimus postea in aliorum

scripta qui nobiscum sentiunt hac in re ; non erit à scopo alienum hic eorum dicta attexere ad maiorem fidem , vt quidam iuniores Theologi sub hoc prættextu non decipiantur. Ac primo P. Veronus in illo libello à nobis iam citato , varijs censurarum notis afficiens doctrinam illam Iansenij , in cæteris §. octauo , vocat illam extinctiuam , aut saltem valdè imminutiua deuotionis fidelium erga omnia mysteria Christi , quæ toto anno celebrat Ecclesia ; nam 1. quis , inquit Augustinus l. *de corrept. & grat.* cap. 13. ex multitudine fidelium , quamdiu in hac mortalitate viuitur , in numero Prædestinatorum se esse præsumat ? ergo si Christus pro æterna salute & liberatione solorū Prædestinatorum crucifixus & mortuus est , quis ex multitudine fidelium præsumat Christum pro salute sua æterna & liberatione natum , ieiunasse , crucifixū ? &c. Quis præsumat quod magis pro sua liberatione , quam pro dæmonis , & cæt. Cuique erit dicendum , *id occultari opus est id secretum esse.* Horret animus hæc vel effari. 2. Sed quam frigescente deuotione celebrabuntur à Christianis hæc mysteria toto anno , si hæc principia Ianseniana insideant animo ? non magis pro mea liberatione quam pro dæmonis , &c. Ergo dicet quiuis qui ex doctrina D. Augustini se in numero prædestinatorum esse non præsumit , non magis hæc mysteria celebrabo quam dæmon , nec magis teneor. Quæ verba mihi non satis probantur , quia tot perfectiones in Christo meo suspicio , vt si de me numquam cogitasset , nec de mea salute , illum tamen ob immensam

eius excellentiam, pulchritudinem, maiestatem, gloriam in omni æternitate colere, diligere, venerari ac glorificare vellem. *etiam si occiderit me*, dicebat Iob cap. 13. *in ipso sperabo*, quod quidam vertunt ex tertu Hebræo, *post ipsum aestuabo*, hoc est amoris eius flammâ totus inardebo. Sed pergit idem author habitâ ratione imbecillitatis plurimorum ex mortalibus, qui hoc sublimi motiuo non percelluntur, tamque duro sunt animo, vt melius norint erga Deum dilectionem rependere quam generosè impendere. 3. Quæ ergo certitudine nobis celebrantibus Missam aut ei astantibus, cum symbolum recitatur, procumbimus omnes ingenua & dicit quisque, *Crucifixus etiam pro nobis*, si pro salute solum æternâ Prædestinatorum non aliorum mortuus est? 4. Sed & concionatores omnes pro rostris Christianis & Ecclesia tota Chiliadas & Myriadas deceperit, cum in frequentissimis auditorijs tota vrbe Lutetiæ, v. g. die Veneris Sacra, prædicamus Christum pro Myriadibus & auditorijs integris crucifixum, cum certum sit multos ex illis non esse Prædestinatos ex Augustino fusissimè sæpè, sed præsertim in illud Psalmi 39. *Multiplicati sunt super capillos capitis mei*. Hæc & plura ibidem ille concionatorio stylo & nimis forsân fellea amaritudine: qui libellus etsi notatus sit ab Amplissimo Rectore Vniuersitatis Parisiensis, quod de illo minus reuerenter quædam scripsisset, non tamen propter doctrinam notatus est, de quâ iudicare facultatis est Theologicæ. Sed quia in ore duorum aut trium stat omne verbum, iuuat addere, quæ se-

quuntur ex Michaelē Paludano Doctore Louanienſi, in laudatâ ſæpius Apologiâ parte 1. cap. 26. Cuius labori & indiſtriæ in examinar do opere R. Ipreſis plura accepta referimus. Illa enim, inquit, libri doct̃rina quæ habet Chriſtum non magis pro eorum qui non ſaluantur quam pro diaboli ſalute eſſe mortuum, extinguit vnum de præcipuis incentiuſis quibus frigida hominum corda in Dei amorem ſolemus accendere, dum iſis proponimus tantum illum, quo Deus pater eos dilexit amorem, vt filium ſuum vnigenitum daret, &c. Illum itidem Chriſti erga eos amorem quo pro eorum vita ſeipſum tradidit in mortem: vt eos quos antea pigebat Deum amare, iam ſaltem pudeat non redamare: ad eos cum Auguſtino l. de *Sancta Virginitate*, cap. 35. exclamantes *toto vobis figatur in corde qui pro vobis fixus eſt in cruce*, &c. Nam quemadmodum ſi aliquem hoc modo alloquerer; ama Deum qui te abſolutâ electione ab æterno ad ſalutem prædeſtinauit; frigeret hortatio, quia nimis incerta eſt Prædeſtinatio. Ita quandoquidem in illâ Ianſenij ſententiâ tam incerti dubiique ſumus illius Dei & Chriſti erga nos amoris, æquè frigida erit hortatio ad illum redamandum; & ſic dum Ianſenius in vnâ doct̃rinæ ſuæ parte vult cauere ne accendatur elatio: per alteram facit vt frigefcat ad charitatem hortatio. Quod ſi parum eſt, addo quod maius eſt, dum ibi ſatagit vt crefcat humilitas, hic agit vt tepefcat charitas: non ſatis attendens ad illa Auguſtini verba. *Superflua eſt ſollicitudo ne vbi feruet charitas deſit humilitas*, l. de *Sancta Virg.* cap. 51. ex quibus omni-

bus concludit in agro huius libri simul cum tritico creuisse zizania, nec librum esse diuinum vt buccinant Ianseniani, & habere mala mixta bonis, & bona mixta malis: vt proinde ex hoc capite, nihil aut parum crescere possit præten-
sæ iniuriæ per bullam Vrbanianam grauitas.

Plura dici possent, hæc tamen pauca sufficere poterunt ijs qui hætenus sub prætextu quærendæ humilitatis in libro Iansenij, contemptores ac rebelles se præbuerunt Decreto Summi Pontificis, cui se submittere debuissent si veri Discipuli Reuerendi Episcopi Iprensis videri volunt, cum ipse si vixisset Decreto eidem morigerum se præbuisset, secundùm datam fidem & emissam protestationem in propinquo animæ exitu, ac in sublimium Dei iudiciorum conspectu. Ac verendum puto ne si plures quotidie pergant cōtra prohibitionem Summorum Pontificum disputationes istius libri enoluere, plures quotidie eiusdem erroribus inficiātur, illisque competat quod lectoribus hæreticorum accidere grauiter asserit Ambrosius Catharinus ad caput 3. *Epistolæ beati Pauli ad Titum*. Reperiuntur quippe non pauci, inquit, qui libros istorum etiam cum grauissimâ anathematis censurâ vetitos legere non reformidant, quasi fiat eis iniuriâ priuenturque aliquo beneficio magno, quibus hæc legendi facultas interdicitur: isti iustâ Dei sententia permittuntur ob superbiam, & præsumptionem iisdem inuolui erroribus qui maioribus obsequi nolūt nec credūt inesse tantū veneni, quātum eis prædicitur: ex quo fit vt illubensim bibāt & pereant. *Qui amat periculum inci-*

det in illud (Ecclesi 3) & iterum: *Quis miserebitur incantatori si mordeatur à serpente* (ibid 12.) nam primum sermonis facundiam admirari incipiunt, tum sententias scripturarum productas, quas dum vel explicare vel conciliare nesciunt, arbitrantur ab hæreticis non perperam intelligi. Quod si pateat semel (quemadmodum in Euâ accidit.) Serpenti aditus ad extorquendum primum consensum, post probatum vnum & alterum locum, solet & author placere & commendabilis reddi &c.

A R T I C V L V S XIV.

An scelus sit impugnare propositiones Michaelis Baij.

INstabis nos videri præuaticatores esse contra certa Bullæ Summi Pontificis, cuius hic defensionem suscipimus, Et enim eadem Bullâ prohibetur ne quis de articulis in eâ designatis vel loqui, vel scribere, vel disputare aggrediatur. *Deque eisdem, inquit, & similibus post hac quoquo pacto loquendi, scribendi & disputandi, facultatem quibuscumque interdiciamus &c.*

Sed in istis verbis quis non deprehendat spiritum Summi Pontificis, quo sub grauissimis pœnis prohibet, ne quis vel loquatur, vel scribat vel disputet ad propugnandos articulos in Michaelis Baij opusculis damnatos? Non enim verat Summus Pontifex ne subnascentes hæreses continuo opprimantur vel sermone vel ca-

lamo, error enim cui non contradicitur approbatur, maximè vero cum earum occasione discinditur Ecclesia, multique existimant adia-phoras esse sententias quorundam quod à pluribus passim non redarguantur; inde enim nascitur factio & turba indifferentium Theologorum, qui vt se constituent arbitros & iudices litigantium de rebus fidei, vtramque partem sic probabilem esse tuentur, vt nihil metuendum & cauendum esse dicant; vnde sine obice & impunè sermo erroneus vt cancer serpit, quo corpus Ecclesiæ miserabilem in modum deformatur, vt non minores strages ab huiusmodi indifferentibus proueniant, quam ab ipsismet hæreseon authoribus. Quibus metuendum est à verbo Christi Domini (Lucæ ii.) *qui non est mecum contra me est, & qui non tollit mecum dispergit.* Tepidi illi sunt, scilicet, nec frigidi nec calidi, nec huiusmodi ferre poterat Solonis lex. Et Elias seuerè arguit Prophetas in vtramque partem claudicantes. 3. Reg 18. *Ite, inquit, limatus scriptor huius sæculi (Sherlogus in Cant. anteloquio. 5. subsect. 2.) ite per antiquas semitas, & euoluite temporum historias: cogitate per deum immortalem, quid datæ profuerint Ario moræ: quæ Pelagij fraudes, quid cætera oriente excitata hæresum incendia. Sed præstat ab huius fursuris fortissimo malleo Hyeronimo audire, qui in illud 5. ad Galatas modicum fermentum totam massam corrumpit &c. Doctrina peruersa ab vno incipiens, vix duos aut tres primum in exordio reperit auditores, sed paulatim vt cancer serpit in corpore, & iux-*

ta vulgare prouerbum, vnius pecudis scabies totum commaculat gregem. Igitur & scintilla statim vbi apparuerit extinguenda est, & fermentum à massâ vicinâ semouendum: secunda putridæ carnes, & scabiosum animal à caulis ouium repellendum: ne tota domus, massa, corpus & pecora, ardeat, corrumpatur, putrescat, intereat. *Arius in Alexandria vna scintilla fuit: sed quia non statim oppressa est, totum orbem eius flamma populata est.* Quibus magni & antiqui Ecclesiæ Doctoris sermonibus, nescio si quid melius quadrare possit nostrorum temporum controuersijs, aut si quid potentius dici possit, quo excitentur Theologorum animi ad retundendos nouantium Iansenij fœderatorum conatus. Meruendum quippe in ægritudine spiritali idem quod in morbo corporis.

Sero medicina paratur

Dum mala per longas inualuere moras.

Sed & impugnationem haud ingratam fore Summo Pontifici, argumento satis probabili confidimus. Mœrore quippe se affici Pius Pontifex testatur in Bullâ, propter assertionem harum sententiarum, earumque in scolis contentiosam defensionem; at contrariorum contrarij sunt effectus & consequentiæ non ergo exosam aut inuisam habiturus est earumdem sententiarum impugnationem Hoc stimulo excitati de articulis istis disputamus, vt errorem aduertant, imo & ad Deum preces fundimus, vt se ab eo corrigant, nec hac quorumdâm stultitiâ detineantur, qui in malo quod semel in cepe-

inceperunt ideo perseverant,, ne alijs malè incœpisse videantur. Atque in hâc vltimâ agendi ratione, plus forsan opis conferimus, sicut de quibusdam scripsit D. Augustinus Epist. 106. *plus eis tamen sine dubitatione prestamus, si ve corrigantur oremus, ne cum tantis ingenijs vel pereant vel alios perdant &c.*

ARTICVLVS XV.

An in hac prima parte quidquam acerbius scriptum?

ITa fortasse videbitur nonnullis, in quibus veritas odium parit. Attamen longè mens nostra ab hoc proposito aliena fuit, adœvut cum quædam occurrissent, quæ tantisper acerba currente calamo in exemplari nostro irrepserant, ea abraferimus, antequàm illud Typographo traderetur, iam pridem enim observaui & veneratus sum grauissimè dictum à sancto Hilario Pictauiensi Episcopo in Psal. 51. *Ne sit admonitio contumelia, ne sit emendatio opprobrium, ne sit doctrina conuitium.* Et quamvis in hoc scriptiois genere contra Nouantes in doctrinâ fidei stilum deceat esse magis aculeatum, sicut eruditè ostendit Dionysius Petavius in *Elencho theiæ Vincentij Lenis*, cap. 29. Quis enim nescit, inquit, genus hoc orationis pugnax & contentiosum quod in refellendo positum est, nisi nervos & aculeos habet ad instandum, fractum, enectumque languescere? Quod confirmat antiquorum Patrum exemplo, qui cum in cæteris faciles essent, tunc sui dissimiles fuerunt, hoc est asperi,

cum aduersus grassantes suis temporibus nouitates errorum, ad bellandum scripta sua componerent. Quod æquius in hoc certamine fieri posset, cum scateant libri aduersariorum maledictis, conuitijs, diſterijs, ac scommatibus; tantoque contemptu habeant Doctores à saluâ quam semel imbibebunt diſſilientes, vt cum brutis non irreuerentiùs agerent. Quod consiliû auersamur, quia nobis semper magis arrisit, seu in doctrina, seu in moribus deerrantes, blandimento lenitatis attrahere ad Christum, quam austera quadam seuëritate, quâ nōnulli, etsi zelo æstuentes, plus destruunt quam ædificant. Verum est in hac primâ parte, nos quædam dicta in hæreticos à Patribus, Bullæ Pianæ & Urbanianæ aduersarijs adaptasse, ac nonnumquam eorundem cum ijs qui hæresis crimine notati fuerant comparationem instituisse: attamen eos propterea hæreticos non appellamus, quoniam omnis comparatio claudicat, nec sequitur illico, eum me nau-tam aut regem dixisse, quem cum nau-ta aut Rege cōtulerim. Et sane per tenorem ac vim harum Bullarum quas defendimus non videntur ij de hæresis peccato satis conuicti. Nam quamuis inter propositiones in Baio damnatas, aliquæ sint quas hæreticas declarant Summi Pontifices, & verè ita sit, attamen hæc nota tantum in eos quadraret, qui omnes istas propositiones absque exceptione contra dictum Summi Pontificis tuerentur, qualem nullum agnosco, & difficile inueniri posse Theologum existimo, qui sibi tot absurda simul in animum suum inducat, ac vera esse sibi possit persuadere: qui vero ali-

quas tantum ex his propositionibus 'damnatis
 admittunt, iure merito excipere possunt contra
 eos à quibus hæreticorum nomine traducerentur,
 Summos Pontifices non declarasse inter
 propositiones Baianas quænam essent hæreticæ,
 nec de hoc per eorum Bullas vlllo modo constare:
 quare cum non omnes defendant, sed tantum
 aliquas, puta sex vel decem, incertum esse an hæ
 sint de earum numero quibus opprobrium hære-
 sis intulerunt Summi Pontifices, se itaque ab
 hæresis infamia immunes esse quantum est ex
 parte Bullarum, nec ex earum tenore ac virtute
 de hæresi argui posse. Quod mihi veritati con-
 sentiens esse videtur, vt non placeat amara ali-
 quorum contentio quâ accusant hæresis quos-
 cumque audierint, aliquibus Baianarum pro-
 positionum damnatarum adhærere. Sed vt non
 sint hereticæ singulæ hæ propositiones, negari
 tamen non potest quin de hæresi suspectæ sint
 singulæ, nec satis sibi cauere, qui vel vnâ aut
 alteram propugnant. Exemplo mentem meam
 illustrabo, ne obscurè loqui videar, quod exem-
 plum sæpè mihi in memoria est, habetque Cha-
 uassius Doctor, Theologus Societatis Iesu, l. 3.
de Perfecta Prudentia, cap. 3. vt homines exci-
 ret ad mortis vtilissimam recordationem. Si te
 oporteret, inquit, septem panes comedere in
 quorum vno venenum latere certo tibi consta-
 ret, trepidares indubiè ad singulos: metueres
 similiter iturus ordine ad amicos totidem, de
 quibus dixisset tibi ad aurem Propheta quispiam,
 horum vnus exitialem occultat sicam ad te
 conficiendum, reque ipsâ conficiet. Quid au-

tem aliud sunt hebdomadæ cuiusque dies quam amici quidam, & vitæ panes ordine recurrentes quorum vnus indubiè mortis spiculum in te vibrabit prius occultum? Ex quibus perspicient satis, quid dicere intendam, etsi nondum dixerim, scilicet, Summus Pontifex omnium Christianorum pater ac Doctor vt vocat Concilium Florentinum in *definitione*, declarat nobis & singulis Christianis esse 78. propositiones Baij; (ali) ad maiorem aut paulo minorem numerum reuocant) quarum aliquæ veneno hæresis infectæ sunt non manifestatis ijs; an non verus Catholicus omnis hæresis osor quâ intoxicantur ac moriuntur animæ, si vel vnam aut alteram ex illis apprehendat ac defendat, contremiscere debet, ne forsan illæ ipsæ sint quibus mori debet in anima? Videant illi ac perspiciant quam legem velint animæ suæ imponere, nam si illis offerrentur viginti poma in quorum aliquibus venenum ac mortem certissimam inesse scirët, omnia illa poma respuerent, ne corpus malè periret: Vnde Franciscus Syluius Doctor ac Professor Theologiæ Duacensis asserit *q. 5. Supplem. art. 1. Edit. 3. & 4.* Se ne vnum quidem ex articulis damnatis in Baio tueri posse sine magno piaculo. Sed quia causantur quidam inter illas propositiones quasdam veras esse, sequentis partis erit argumentum, iustam omnium fuisse damnationem elucidare ac aliqua breui ratione comprobare.



ARTICVLI

DISPVTTATI

DE GRATIA.

PARS SECVNDA.

DAMNATIO IVSTA

78. Propositionum Michaelis

Baij.

ARTICVLVS I.

*Nec Angeli, nec primi hominis adhuc integri
merita rectè vocantur gratia. L. de
Meritis Operum, cap. 4.*



QUÆRITVR an hic articulus rectè damnatus sit : etenim illud appellatur Gratia à Michaelē Baio quod vel est gratia ipsa, vel ex gratia profectum est : at merita primi hominis nec sunt gratia ipsa vt euidentis est, nec ex gratia originem ducunt ; ille enim status primi hominis sicut & Angeli adeo excellens & sublimis erat, vt gratiæ diuinæ superadditæ viri-

bus naturalibus, non indigeret adiutorio ad merendum: ideoque merita ex ipsamet natura rectè institutâ profluebant.

Respondetur in hoc errasse Michaellem Baium quod nimis extolleret statum naturæ integræ qualis erat in Angelo & primo homine, adeo ut quod Pelagius malè sentiebat de statu naturæ corruptæ, illam scilicet gratiâ supernaturali non indigere, idem ipse sentiret de statu naturæ integræ, ipsam scilicet sibi sufficere ad merendum vitam æternam sine gratiæ supernaturalis & indebitæ adminiculo: ut non immerito Pelagius Paradisi Terrestris appellari possit. Si quam autem gratiam admitteret in illo statu, volebat illam debitam esse naturæ innocenti, non secus ac gratiam habitualement Christo homini debitam fuisse naturaliter defendit Thomas Hurtado in *Præcursore Theologo*, tract. ultimo *controuersia* sextâ, post plerosque Theologos: quâ in sententia viam singularem sequutus est, & Theologis antiquis incognitam, ex quâ innumera sequuntur absurda, ideoque rectè damnatus est hic articulus; cui etiam obnititur D. Augustinus in Psal. 70. *Angeli*, inquit, *tibi debent quod in se viuunt, tibi debent quod beatè viuunt*: & post pauca: *Nec putes hominem solum pertinere ad gratiam Dei, quid est Angelus, si deserat qui creauit?* Ex hoc enim merita Angeli, & primi hominis rectè vocatur gratia, quod ex illâ conditoris liberalitate naturæ superaddita virtutem suam desumant.

Ad argumentum oppositum, neganda est propositio, quod status ille per se tam excellens

fuerit vt gratiâ non indigeret ad merendum. Sic enim D. Augustinus loquitur in *Enchiridio*, cap. 106. *Quamuis sine gratiâ nec tunc vllum meritum esse potuisset.* Nec gratia illa ita dici potest con-naturalis primo homini vel Angelo, sicut Christo Deo homini, cuius esse, quia erat supernaturale, decebat etiam illius passionibus ac virtutibus tali esse correspondentes, supernaturales esse in propria entitate, licet respectiuè ad ipsum con-naturales aut naturales dici possent. Nimium igitur extollitur status ille primus, si statui Dei hominis, cui nihil par aut secundum in honore isto, adæquetur.

ARTICVLVS II.

Sicut opus malum ex natura sua est mortis æternæ meritorium, sic bonum opus ex natura sua est vitæ æternæ meritorium.

L. 2. de Meritis Operum, c. 2.

Q Væritur an rectè damnatus sit hic articulus: Etenim Deus magis propender, in fauorem, & misericordiam quam in rigorem, & iustitiam, proniorque est ad præmia conferendum, quam ad pœnas & supplicia inferendum, ergo si malum opus ex se mortis æternæ meritorium est, multo magis bonum opus ex se vitæ æternæ meritorium erit.

Respondetur doctorem Baium voluisse superfluum, & non necessariam esse gratiam supernaturalem ad meritum vitæ æternæ, qua in re fefellit eum propria opinio, vt enim vita æterna

est supernaturalis, sic etiam per merita ordinis supernaturalis acquiri debet, ut sic medium fini sit proportionatum: quare opera bona debent habere aliquid supernaturale in se, ut attingant vitam illam supra naturam eminentem: sicque proficisci debent ex gratia supernaturali actuali vel habituali, ut sint supernaturalia; non igitur ex seipsis meritoria sunt vitæ æternæ. Quod videtur magis probari ex Concilio Tridentino sess. 6. cap. 16. Vbi rationem reddit, cur iusti mereantur vitam æternam suis operibus. *Cum enim, inquit, ille ipse Christus Iesus tanquam caput in membra, & tanquam vitis in palmites in ipsos iustificatos iugiter virtutem infuset, quæ virtus eorum bona opera semper antecedit & comitatur & subsequitur, & sine qua nullo pacto Deo grata & meritoria esse possint, nihil ipsis iustificatis deesse posse credendum est, quo minus vitam æternam promeruisse censeantur.* Vbi per virtutem Concilium intelligit gratiam, per quam bona opera redduntur Deo grata & meritoria, quæ non essent ob propriam naturam:

Ad argumentum in oppositum neganda est comparatio: quia facilis descensus Auerni, nec est ad astra mollis è terris via: scilicet facilius homo mortem sibi comparat quam vitam; est spiritus vadens & non rediens, per se & sponte sua ruit in mortem ac propriis viribus; non autem ita vitam acquirit, maximè illam quæ supernaturalis est: Sicque natura sibi ipsi sufficiens est ad destructionem & interitum, non ad prouectionem tantam qualis est status gloriæ.

ARTICVLVS III.

Et bonis Angelis & primo homini, si in statu illo perseuerasset vsque ad mortem ad vltimum vite felicitas esset merces & non gratia. L. I. de Meritis Operum, cap. 4.

Q Væritur an hic articulus etiam censura notandus fuerit, nam si status ille perseuerasset, gratia non erat necessaria; ergo felicitas æterna non debuisset gratiæ supernaturali attribui, nec dici gratia sicut modo, sed tantum merces. Probatur antecedens, quia si natura gratia indignisset in hoc statu, redundaret in iniuriam creatoris: quasi non satis perfectam & robustam naturam condidisset, cum sint eius perfecta opera.

Respondetur doctrinam huius articuli omnino affinem esse doctrinæ præcedentium articulorum, ideoque potuisse in eadem censura inuolui. Supponit siquidem gratiam supernaturalem & naturæ superadditam, non habituram locum in statu innocentie in quo conditus est Angelus & primus homo. Quod impugnat D. Augustinus lib. 12. de Ciuit. cap. 9. vbi ita differit: nam & hoc discutiendum est si boni Angeli ipsi in se fecerunt voluntatem bonam, vitum aliqua eam, an nulla voluntate fecerunt. Si nulla, vtique nec fecerunt, si aliqua, vtrum mala an bona, si mala quomodo potuit esse mala volun-

tas bonæ voluntatis effectrix? si bona ergo iam habebant: & istam quis fecerat nisi ille qui eos cum bona voluntate, id est, cum amore casto quo illi adherent, creauit, *simul in eis & condens naturam & largiens gratiam.* Vbi D. Augustinus per gratiam intelligit amorem illum castum seu bonam voluntatem naturæ superadditam; quæ in malis Angelis per peccatum corruit, etsi naturalia in eis remanserint, vt frustra quidam hic interpretari velint D. Augustinum, de Amore quodam naturali qui eorum naturam sequeretur sicut grauitas lapidem: distinguit enim hic D. Augustinus naturam & gratiam, quod & de primo homine similiter sentiendum est.

Ad rationem in oppositum dicendum est semper perfecta esse Dei opera in eo perfectionis gradu quem illis conferre intendit, & ijs modis quibus ea complere gradatim & per partes solitus est. Agit in homine & vt creator, & vt largitor gratiæ, & vt glorificator, nec minus perfectus est creator; quia vt glorificator ad altiorum gradum naturam creatam attollit, itaque natura à Deo condita in ratione naturæ perfecta est, etsi per gratiam & gloriam ad sublimiorem gradum euehatur. Vide quæ scripsimus in *Theologia Affectiuâ*, 1. 2. tract. 1. Medit. 2. Vbi perfectionem hominibus non vnâ vice & totam simul conferri demonstramus.

ARTICVLVS IV.

Vita æterna homini integro & Angelo promissa fuit, intuitu bonorum operum, & bona opera ex lege naturæ ad illam consequendam per se sufficient. Ibidem.

QUæritur an notari debuerit hæc propositio : prima enim illius pars non videtur ullam pati difficultatem prout iacet in terminis. Secunda vero pars videtur asserta à D. Augustino l. 12. de ciuit. c. 1. vbi dicit naturæ esse Angelorum Deo adhærere, vt proinde mirum non sit si ex lege naturæ, id est, naturaliter sine auxilio supernaturali gratiæ bona opera vitam æternam mereantur. Verba D. Augustini sunt. Sicut ergo cum vitium oculorum dicitur cæcitas, id ostenditur quod ad naturam oculorum pertinet visus : & cum vitium aurium dicitur surditas, ad earum naturam pertinere demonstratur auditus : ita cum vitium Angelicæ creaturæ dicitur, quod non adhæret Deo; hinc apertissime declaratur, eius naturæ vt adhæreat, conuenire. Si ergo naturale est vt videtur innuere D. Augustinus homini & Angelo Deo adhærere, non erit necessarium donum aliquod supernaturale & gratuitum fidei vel gratiæ ad vitam æternam promerendam: Sicque ex lege naturæ non gratiæ, bona opera ad illam assequendam sufficient.

Respondetur supra ostensum esse ex Concilio Tridentino, gratiam supernaturalem requiri ad meritum. iuncta ratione de proportionem

requisitâ inter medium & finem, inter meritum vitæ æternæ & fœlicitatem. Volebat autem Baius naturam intellectualem, seu Angelicam, seu humanam in primo statu tantâ excellentia donatam fuisse, vt opera solius liberi arbitrij nullâ gratiâ supernaturali adiuti, aut eleuati, digna, essent vitâ æternâ, ad quam proinde & homines, & Angeli ex solo talium operum intuitu Prædestinati essent. Quasi vita æterna, iuxta Apostoli dictum ad Rom. 6. non esset gratia Dei, tam in statu naturæ integræ, quam corruptæ, quia scilicet vita illa promittitur à Deo ob ea opera quæ valorem omnem hauriunt ex illa gratia quæ indebito erga hominem diuinæ dignationis beneficio, supra naturalia conceditur, qualis est filiationis adoptiuæ dignitas, quæ & creaturam reddit nobiliorem, eiusque opera sic afficit & eleuat, vt æternæ vitæ dignam reddat retributione; Quo fit vt cum homo excidit à dignitate illa filiationis & gratiæ sanctificantis, omnia illico merita deperdat. Ezech. ch. 18. *Si auerterit se iustus à iustitia sua, & fecerit iniquitatem, omnes iustitiæ eius non recordabuntur*: cuius veritatis ampliores probationes plerique afferunt Theologi, quas hic aggregare, extra nostrum est institutum.

Ad rationem oppositam ex D. Augustino desumptam, respondetur cum Leonardo Coquæo Commentarijs ad illud caput, D. Augustinum docere quidem id maximè conuenire naturæ Angelicæ, vel in vniuersum intellectualem vt Deo adhæreat, non tamen seipsâ vel secluso omni dono supernaturali, sed vult distinguere naturam An-

gelicam à naturis ratione carētibus, quibus non conuenit vt beatæ esse possint. Est ergo naturæ hominum in statu innocentiae sicut & naturæ Angelicæ Deo adhærere . sed modo non naturali, sed supernaturali : sicut eiusdem naturæ est Deum videre facie ad faciem , sed per lumen gloriæ superinfusum & supernaturale.

ARTICVLVS V.

In promissione facta Angelo & primo homini continetur naturalis iustitiæ constitutio, qua pro bonis operibus sine alio respectu, vita æterna iustis promittitur. Ibidem.

Quæritur an quicquam dignum sit virgâ censoriâ in isto articulo : videtur siquidem iustitia seu equitas naturalis exigere, vt bonum dignum vita æternâ Deus non relinquat sine præmio & sine promissione præmij, sicut opus malum sine supplicio & interminatione supplicij non dimittit, quare cum Deus promisit Angelo & primo homini fœlicitatem si rectè agerent, videtur Deus id ex quodam debito iustitiæ naturalis fecisse, vt si aliter se gessisset contra æquitatem naturalem fecisset. Sicque in illâ promissione vitæ æternæ naturalis iustitiæ constitutio contineri & inesse videtur.

Respondetur tot titulis creaturas intellectuales quales sunt Angelus & homo deuinctas es-

se Deo, vt millesimæ parti debitorum suorum Deo in rigore satisfacere non possint. Omnia enim opera sua Deo debent in recognitionem supremi illius dominij. & excelsæ maiestatis: ea debent titulo gratitudinis propter creationis conseruationis & sustentationis beneficium. Ea debēt homines propter minimi peccati remissionē: quare potuisset. Deus absque vlla iniquitate contra iusticiam naturalem nihil omnino promittere de bonis cœlestibus, sed homini vel Angelo dicere potuisset, vestra bona opera accepta habeo tanquam mihi debita ex gratitudine, & seruitute, & ex satisfactione pro delictis. Sic D. Bernardus serm. 1. in Annunt. Nec enim inquit talia sunt hominum merita vt propter eā vitā æterna debeatur ex iure, aut Deus iniuriam aliquam faceret nisi eam donaret: nam omnia dona Dei sunt & ita propter ipsa magis homo deo debitor est, quam Deus homini.

Ad argumentum in oppositum, respondetur æquè liberum esse Deo dimittere peccatum impunitum, ac bonum opus sine mercede vitæ æternæ: quapropter docent Theologi non defuisse Deo alios modos præter Incarnationem, quibus potuisset hominem liberare, vt si ex misericordiā tanquam supremus princeps culpam condonasset.

ARTICVLVS VI.

*Naturali lege constitutum fuit homini, ut
si in obedientia perseveraret, ad eam vi-
tam pertransiret, in qua mori non
posset. Ibidem.*

QVæritur quid culpæ inueniri possit in hac
assertione, nam *stipendium peccati mors est*,
ut loquitur Apostolus : & iniustum est, ut ho-
mo Deo obediens, morte puniatur, aliumque
statum nanciscatur quam illum, in quo viget
immortalitas, qualis est status beatificus.

Respondetur hanc assertionem affinem esse
illi, quæ immediatè discussa est & improbata,
ut proinde improbanda veniat. Quantumvis
enim primus homo sanctè ac piè in mandatis
Dei vixisset : attamen quis illum ad beatam
vitam à quâ procul exulat mortalitas, euexis-
set ? neque enim ipse suis viribus è terrâ ad cœ-
lum transmigrare potuisset, aut seipsum in ter-
râ immortalem conservare, durante quatuor
humorum conflictu, ex quo tandem infirmat-
ur corpus & languescit ad mortem : naturali
enim lege, semotâ aliâ conditoris liberalitate
& gratiâ, homo moritur propter naturalem
corporis constitutionem, nec obedientia quam
debet & quam præstat conditori naturalem il-
lam constitutionem immutat : quare si homo
fuiſſet immortalis, id adscribendum fuiſſet di-

uinæ liberalitati & munificentia, non naturali legi & iustitiæ. Sic D. Augustinus l. 6. de Genesi ad litt. c. 25. *Aliud est inquit, non posse mori, aliud posse non mori. Secundum quemdam modum primus creatus est homo immortalis, quod ei præstabatur de ligno vitæ, non de constitutione naturæ, & paucis interiectis. Mortalis ergo erat conditione corporis animalis, immortalis autem beneficio conditoris.* Vnde patet, non ex debito & ex lege naturali hominem permanfurum immortalem si in obedientia perseuerasset, sed quia Deo placuisset ex dono & gratia illi immortalitatem cōcedere, & ex illa obedientiâ eius liberè absque debito & obligatione remunerari, sicut Israelitarum vestes & calceamenta per plures annos in deserto non atteri voluit.

Ad argumentum in oppositum dicendum est Apostolum id quod factum est narrare dum dicit mortem stipendium esse peccati, quia reuera propter peccatum hominem occidit: quamuis si non peccasset, & Deus res naturales cursum suum tenere permisisset, mori non desuisset: nec iniustus propterea Deus fuisset, cum nulla lege teneretur rerum mortalium ordinem immutare, nisi liberaliter promississet.

A R T I C V L V S VII.

Primi hominis integri merita fuerunt prima creationis munera, sed iuxta modum loquendi Scripturæ Sacre, non recte vocantur gratia, quo fit ut tantum merita, non etiam gratia debeant nuncupari. Ibidem.

QUæritur an quidpiam sit animaduersione dignum in hoc articulo: homo enim crea-

tus fuit propter Dei gloriam ad eum videndum, debebatque visionem Dei per bonorum operum merita adipisci: eo ipso quod à Deo fuit creatus propter hunc finem, connaturaliter ex vi creationis debebantur illi bona merita, tanquam aliquid naturaliter consequens creationem: quare merita primi hominis fuerunt primæ creationis munera: at cum ex gratiâ indebitâ naturæ non profluxerint, gratia non debent appellari in sensu in quo scriptura id quod promanat è gratiâ, gratiam nuncupat: tantum ergo merita non gratia dici debent.

Respondetur cum merita fundata sint in gratia sanctificante potissimum quæ Adamo non debebatur ex vi primæ creationis à Deo: illum non potuisse habere vlla merita ad vitam æternam extra gratiam Dei: & cum in phrasi scripturæ, gratia illud dicatur quod innititur gratiæ, vel ab ea ducit originem, rectè merita primi hominis dici debent gratia & non solum merita. In hoc autem deceptus est Baius, quòd crederet gratiam sanctificantem in qua homo creatus est, fuisse illi naturaliter debitam vt per eam ad beatitudinem tanquam ad finem naturalem ad quem conditus erat perueniret, quare iuxta eius mentem illa gratia erat tantum gratia creationis, non verò gratia Theologica quæ est donum supernaturale & naturæ indebitum ad assequendam beatitudinem gratuito collatum. Quod Principium Baij improbatur à D. Thoma. 1 p. q. 95. art. 1. à Scoto in 2. sent. dist. 29. q. vnica. Durando in 2. dist. 2. q. 5. & alijs cõmuniter, vt Theologia Baij merito dici possit peregrina & noua.

Ad argumentum in oppositum dicendum est hominem creatum fuisse propter beatitudinem tanquam propter finem supernaturalem, ad eumque debuisse peruenire per media supernaturalia, quæ Deus ex providentia sua sufficienter homini subministrasset. Sed de his infra luculentius.

ARTICVLVS VIII.

In redemptis per gratiam Christi, nullum inueniri potest bonum meritum, quod non sit gratis indigno collatum. Ibidem.

QUæritur an quid carpendum fuerit in hac conclusione. Omnes enim redempti per gratiam Christi fuerunt saltem in peccato originali, & plures in alijs peccatis: Quare quicquid illis diuina liberalitas concessit, non nisi indignis ob demeritum concessit: ergo hæc conclusio expungenda fuerat ex numero articulorum damnatorum.

Respondetur eos qui sunt in gratia sanctificante iam constituti ex mera Dei misericordia, non iam censeretur indignos diuinis donis, sicut indigni habentur qui sunt in statu peccati mortalis. Sed quia posset Baius contendere eos aliquando fuisse indignos, ideo responderetur hunc articulum damnandum fuisse propter beatissimam Virginem quæ in numero redemptorum vel redemptarum per gratiam Christi collocanda est: quis tamen assereret nullum inueniri

potuisse bonum in ipsa meritum quod non fuerit indignæ collatum, cum nunquam originali peccato maculata fuerit? Vt vnio hypostatica quæ est gratia gratiarum & exemplar omnium gratiarum humanitati Christi non indignæ nec demerenti collata est; sic gratia & omne bonum meritum ex eâ profluens collata sunt Beatissimæ Virgini non indignæ nec per peccatum demerenti. Sed & bona opera, quæ iam iustificatis diuino munere conceduntur, non indignis conferri dici debent, quod alias fuerint in peccato: nam sic & gloriam, cum sanctis omnibus tribuitur, indignis tribui posset dici, cum alias etiam, excepta B. Virgine, in peccato fuerint. Quod piarum aurium offensiuum est, cum peccatum in ijs perfectè deletum sit; & nihil damnationis ex eo amplius remaneat.

Ad rationem in oppositum dicendum est, quod vt aliquid concessum indigno censi debeat, non satis esse, quod aliquando indignus fuerit, nisi & tunc indignus sit, cum de facto conceditur. Gratia enim Dei extollit hominem ad statum quemdam eminentem, quo filius & amicus Dei constituitur, hæres Dei & cohæres Christi, vt nimis honorificatos Dei amicos esse, exclamet propheta regius Psal. 135.

ARTICVLVS IX.

Dona concessa homini integro & Angelo forsitan non improbanda ratione, possunt dici gratia, sed quia secundum usum sacra scripturae, nomine gratiae ea tantum munera intelliguntur, quae per Iesum Christum male merentibus & indignis conferuntur: ideo neque merita, neque merces quae illis redditur, gratia dici debet. Ibidem

Quæritur an castigari debuerit hæc propositio in aliquâ sui parte. Prima enim illius pars, quæ tantum sub dubio asserit dona concessa homini integro qualia sunt fides, spes, charitas, posse nomine gratiæ donari, non videtur arguenda, Baius enim dona illa, etsi existimaret debita naturæ integræ primi hominis, gratiam appellabat, quod apud illum creatio & quæ illam consequiebantur nomen gratiæ sortiebantur, etsi non præsupponerent subiectum, quod illa sine ullis meritis reciperet gratis & sine debito ullo à Deo collata: creatio siquidem ex dono & liberâ Dei munificentia est. Secunda vero propositionis pars videtur usurpare nomen gratiæ in vero sensu; cum autem homo adhuc in statu integritatis degens, in quo concupiscentiæ motus nulli contra rationem insurgebant, nihil peccasset adhuc nec de-

meritus fuisset, quod idem de primo Angelo sentiendum est, gratia locum in illis non habebat, quare nec, eorum merita nec merces illis reddenda, gratiæ nomine nuncupari debebant.

Respondetur Baium in eundem offensionis lapidē incurrere in hoc articulo in quem iam in aliquibus articulis præcedentibus impegerat, ut mirum non sit si adhuc confringatur. Abutitur enim nomine gratiæ sicut & Pelagius, cum creationem & dona ex illa consequentia gratiam vocant, hæc enim gratia Philosophica est, non Theologica. Sed transeat istud cum dictum suum interpretetur, & dicenti congruat ut semetipsum interpretetur, secūda vero pars propositionis tolerari non potuit, cum strictius gratiæ nomen vsurpet quam soleat à scriptura sacra vsurpari, quæ non tantum illud gratiam esse dicit, quod peccatori & demerenti, per actum aliquem positivum peccati, confertur, sed etiam quod iustis aut iustificatis. Quomodo enim alias Angelus Virginem salutasset ut gratiâ plenam, Lu. 1. quæ nunquam malè merita erat? Sed & quomodo stabit divisio gratiæ sanctificantis in primam & secundam, si non alia est gratia quam quæ indigno & existenti in statu peccati confertur? Quare cum merita primi hominis, nec non Angeli ex gratiâ verâ profluxerint, gratia dici debent sicut & merces illis reddenda iuxta Apostolum ad Rom. 6., *gratia Dei vita æterna.*

Ad rationem oppositam, patet solutio ex dis-
sertis in corpore articuli.

ARTICVLVS X.

Solutio pœnæ temporalis, quæ peccato dimisso sæpe remanet & corporis resurrectio propriè, non nisi meritis Christi adscribenda est. Ibidem.

QUæritur an vera sit ista propositio, & cum merita Christi maximè extollat, quid in illâ arguendum sit, omnia enim bona à Christi meritis profluxerunt, & Christum magis honorat, qui plures effectus redemptionis nostræ illi attribuit.

Respondetur, etsi hæc propositio habeat aliquam speciem veritatis & pietatis, si tamen pœnitentia perspiciatur, in hoc arguenda est, quod non nisi meritis Christi, dimissionem pœnæ temporalis necnon resurrectionem corporis, vendicans, excludit omnem virtutem satisfaciendi in piis & pœnalibus operibus, virtutem quoque merendi resurrectionem corporis cum alijs ad beatitudinem spectantibus ab iisdem arcet operibus. At sermo diuinus nos adhortatur ad opera satisfactionis. *Luc. 3. facite fructus dignos pœnitentiæ.* Et opera hominis per pœnitentiam iustificati ex meritis Christi habent vim expiandi reatum pœnæ temporalis post culpam dimissam restantis, dignitas enim quædam illis accessit ex gratia & inhabitante Spiritu Sancto, & pretiosiora sunt apud Deum

& vt lequitur D. Leo Sermone de *collectis* exigua ista impendia tantâ estimari taxatione merentur, quia *poudera operum charitatis lance pensantur*. Vnde Cōcilium Tridentinum sess. 14. can. 13. *Si quis dixerit pro peccatis quoad pœnam temporalem, minimè Deo per Christi merita satisfieri pœnis ab eo inflictis & patienter toleratis, vel à Sacerdote iniunctis, sed neque sponte susceptis, vt ieiunijs, orationibus, elemosinis, vel alijs etiam pietatis operibus, atque ideo optimam pœnitentiam esse tantum novam vitam; anathema sit.* & sess. 6. can. 32. *si quis dixerit hominis iustificati bona opera ita esse dona Dei, vt non sint etiam ipsius iustificati merita, aut ipsum iustificatum bonis operibus, quæ ab eo per Dei gratiam & Iesu Christi meritum, cuius viuum membrum est, fiunt, non verè mereri augmentum gratiæ, vitam æternam, & ipsius vitæ æternæ, si tamen in gratiâ decesserit, consecutionem, atque etiam gloriæ augmentum, anathema sit.* Vbi cum alijs causis à meritis Christi, licet secundarijs & minus præcipuis attribuitur remissio pœnæ & resurrectio corporis quæ in æternâ vitâ continetur, non satis Catholicè asseritur non nisi meritis Christi, hæc attribuenda esse.

Ad rationem oppositam dicendum est Christum nihil plus exoptare quam vt eius meritis tanquam causis palmaribus ac præcipuis tribuantur effectus redemptionis; nec dedignatur nos habere secum cooperatores vt cum Apostolo dicere possimus, *non ego solus, sed gratia Dei mecum*, 1. Cor. 15.

ARTICULI XI.

Quod piè ac iustè in hac via conuersati vitam consequamur æternam, id non propriè gratiæ Dei, sed ordinationi naturali statim initio creationis constitutæ iusto Dei iudicio, deputandum est, neque in hac retributione bonorum ad Christi meritum respicitur, sed tantum ad primam institutionem generis humani, in qua lege naturali constitutum est, ut iusto Dei iudicio obedientiæ mandatorum, vita æterna reddatur. L. 2. De meritis operum.

QUæritur an quid minus rectè positum in totâ hac assertionem. Cum enim Deus condiderit hominem propter suam gloriam ac propter vitam æternam, ne frustra propter hunc finem creatus fuerit aut deterioris conditionis sit quam inferiores creaturæ, quæ naturalibus mediis non supernaturalibus, finem suum consequuntur, nec aliud ab homine præstantius expectari possit ut finem suum attingat, quam si mandatis Dei se morigerum præbeat, videtur id ex lege naturali & ex vi suæ creationis debitum esse, ut si obediat mandatis Dei, ad finem suum perueniat.

Respondetur, præterquam quod hic articulus nonnihil pugnare videatur cum præcedenti, ubi tam excelsè merita Christi attollebat, quæ hic abiicit: supponit insuper beatitu-

dinem finem esse hominis naturalem , quem propterea medijs naturalibus eiusdem ordinis , adipisci debeat , non per gratiam supernaturalem naturæ indebitam : at homo conditus est propter finem supernaturalem , quem naturaliter & viribus solius naturæ attingere non potest. Porro ex supernaturalitate finis tanquam ex principio procedit necessitas gratiæ supernaturalis , vix enim eius necessitas adstrui posset , si finis ille supernaturalis non esset : quare gratia Dei supernaturalis primas tenet in consequutione beatitudinis per hominem : non igitur soli mandatorum obedientiæ consequutio vitæ æternæ tribuenda est , sed etiam gratiæ Dei , quæ medium est illi proportionatum. Vnde in ista propositione Baius gratiæ Christi plurimum derogat , quasi non ipsa , sed natura esset semen gloriæ , plurimum quoque detrahit efficaciæ passionis ac redemptionis illius , quasi per eam aditus ad cœlestem gloriam nobis apertus non esset , sed per sola opera naturæ , quæ quantumvis heroica , sunt improporcionatissimo ordine ad sublimitatem visionis diuinæ.

Ad rationes oppositas dicendum est , non propterea peioris esse conditionis hominem si finem suum non consequatur sicut bellua per media naturalia , sed potius hoc arguere nobilitatem ac sublimitatem finis illius , qui adeo excelsus est , vt medijs supernaturalibus indigeat , quæ Deus ex prouidentia sua omnibus supeditat , vt non frustra , propter hunc finem homo conditus sit , si velit gratiæ Dei bene operando , cooperari.

ARTICVLVS XII.

Pelagij sententia est, opus bonum citra gratiam adoptionis factum, non est regni cœlestis meritorium. Eodem l. c. 4. in titulo.

QUæritur an conuinci possit assertio hæc in qua continetur magis quæstio facti quam iuris. In qua non est probabile errasse Michaelem Baium.

Respondetur censuisse Pelagium, hominem viribus naturæ posse acquirere beatitudinem, sine gratiâ sanctificante aut actuali tam in statu naturæ integræ quam in statu naturæ lapsæ. Nam cum peccatum originale non admitteret, & hominis naturales vires æque esse potentes existimaret ante peccatum Adami, ac post peccatum Adami ad eliciendos actus meritorios vitæ æternæ, excludebat pœnitus in omni statu necessitatem gratiæ adoptionis, quæ est gratia sanctificans quæ nos reddit filios Dei. Naturalia quippe remanserunt integra post peccatum tam in sententia Catholicorum quæ est apud Magistr. 2. sent. dist. 33. & D. Thomam 1. 2. q. 85. art. 1. & libro 4. contra gentes c. 52. Quam in sententia Pelagij qui ex Augustino l. de Gratia & libéro Arbitrio c. 13. gratiam sanctificantem tantum requirebat ad remissionem peccati, non ad fugiendum malum aut facien-

dum bonum per quod mereretur vitam æternam : quare cum sine gratiâ adoptionis opus meritorium vitæ æternæ assereret Pelagius, falso illi affingebat Baius, quod sententia eius fuisset, sine gratiâ illâ opus esse meritorium : quâ in positione etiam Catholicos Pelagianismi insimulabat : apud quos probata est hæc assertio, quod sine gratiâ sanctificante opus non est meritorium vitæ æternæ iuxta canonem 18. concilij Arausici 2. *merces debetur bonis operibus si fiant, sed gratia precedit ut fiant.* Cuius rei ratio præcipua est quod non alijs quam filijs hæreditatem vitæ æternæ Deus promiserit, prout innuit Apostolus ad Rom. 8. *si autem filij & hæredes, hæredes quidem Dei coheredes autem Christi, si tamen compatimur ut & conglorificemur.*

Ad oppositum dicendum est errasse Baium in quæstione facti, & merito notatum esse, cum doctrinam Catholicam hæretico attribuat, quasi esset hæretica. Quamvis enim hæretici recte sentiant quando cum Catholicis conveniunt : non solent tamen aliæ sententiæ illis attribui, quam illæ in quibus à Catholicis Doctoribus discrepant.

ARTICVLVS XIII.

Opera bona à filijs adoptionis facta, non accipiunt rationem meriti ex eo quod fiunt per Spiritum adoptionis inhabitantem corda filiorum Dei, sed tantum ex eo quod sunt conformia legi, quodque per ea præstatur obedientia legi. Eodem l. c. 7.

QUæritur an quid censuræ dignum sit in hac positione, etenim videtur Scriptura illi favere; dum præmium attribuit obedientiæ mandatorum nulla habitâ ratione status gratiæ sanctificantis, seu Spiritus adoptionis inhabitantis, sic ad Rom. 1. 2. *Factores legis iusti fiuntur, & ibidem, reddet unicuique secundum opera sua.* Itavt quemadmodum malis operibus supplicium retribuetur, siue perpetrata sint à iusto aut ab iniusto, sic idem videatur asserendum de bonis operibus, quibus sine acceptione personarum præmium reddetur seu ab homine in statu iustitiæ, seu in statu peccati existente prodierint.

Respondetur principium illud Baij quo excludebat gratiam sanctificantem à ratione meriti iam sæpius impugnatum esse: & iterum iterumque impugnatur his Apostoli verbis, ad Galat. 5. *In Christo Iesu neque circumcisio, neque præputium aliquid valet, sed fides quæ per charitatem operatur, & absolute dicit idem Apostolus, 1. Cor. 13. Si Charitatem non habeam nihil sum.*

Quæ testimonia euidenter ostendunt statum gratiæ ad meritum. vitæ æternæ requisitum esse; cuius rei ratio est, quod persona debet esse Deo accepta vt opus eius acceptetur à Deo & illi polliceatur præmium vitæ æternæ. Quod communiter infertur ex illo Genes 3. *Respexit Deus ad Abel & ad munera eius, ad Cain autem, & ad munera eius non respexit*: quia Deus considerat qualitatem personæ operantis, si illi grata sit & accepta, vt opus eius ad tam sublime præmium acceptet: Vnde quia Abel charitate donatus erat, in tantum Deo grata fuit eius oblatio, vt dicat Aquilas relatus à Procopio in cap. 3. Genesis, quod deposuerit iram quâ in Adamum exarserat: cuius rei pænes ipsum fides sit.

Ad opposita dicendū est, quando Scriptura Sacra attribuit operibus rationem meriti aut demeriti, nullâ factâ mentione status personæ operantis, non exprimere omnes cōditiones ad meritum necessarias, quod necesse non est, vt in singulis locis id significet. Sufficit ergo aliquando scripturæ sanctæ exprimere præcipuū subiectum meriti & demeriti, quod est opus ipsum, quod quidem quādo bonum est, & procedit à personâ sancta, maiorem habet proportionem cum præmio, cum principium operis. sit qualitate supernaturali affectum, sicut præmium ipsum supernaturale est: quæ qualitas cum aliquid conferat ad dignitatem maiorem operis, non est in retributione acceptatio personarum, quæ tantum locum habet cum sit ob solam personam sine aliâ iusta ratione.

ARTICVLVS XIV.

Opera bona iustorum non accipient in die iudicij extremi, ampliorem mercedem, quam iusto Dei iudicio mereantur accipere. Eodem l. c. 7.

QUæritur an mulctari debuerit hic articulus: etenim gloria datur secundum gradus gratiæ huius vitæ & secundum merita, & si quis iustificatus bonum opus & meritorium eliciat, statim ei datur augmentum gratiæ in ratione præmij, itavt cum quis excidit à vita nullus novus gratiæ gradus ei attribuatur: ergo cum gloria ad mensuram gratiæ huius vitæ à Deo concedatur, non est quid ampliorem mercedem expectent iusti quam quæ debetur in rigore iustitiæ eorum bonis operibus: fauet D. Bernardus serm. i. in *Assumpt. B. Virginis*: ubi sic de ea loquitur. *Quantum enim gratiæ in terris adepta est præ cæteris, tantum & in cælis obtinet gloriæ singularis.* Ergo gratia huius vitæ & gloria sunt eiusdem mensuræ, non ergo novus gratiæ, aut gloriæ gradus datur post hanc vitam vt excedantur merita huius vitæ à gloriæ præmio.

Respondetur propositionem hanc Baji à quibusdam videri posse hac ratione debere damnari, quod sit contra communem Theologorum, imo & multorum antiquorum Patrum sententiam, scilicet quod Deus bonos remunerat ultra con-

dignum, sicut & malos punit citra condignum. Sic D. Thomas 4. Sent. dist. 46. q. 2. art. 2. sic D. Bonaventura eadem dist. art. 2. q. 3. sic plures alij. Sic etiam inter patres D. Fulgentius l. 1. ad *Monimam* cap. 10. Vbi gratiam retributionis exuperantem vocat & omne meritum excedentem. Sic D. Hilarius in Psal. 51. & alij. Quod posset explicari vel de præmio essentiali quod daretur maius, ex liberalitate Dei in suos profusissimâ, quâ fruitionem reddat intentiorem & perfectiorem visionem, quàm sit præcisè ex iustitiâ propter merita operum debita, itaut propterea munificentia diuinæ gratias agere debeant beati: vel veriùs potest explicari de accidētibus beatitudinis, quia saluâ iustitiâ potuisset Deus sufficienter præmiare bona opera solo præmio essentiali visionis aut fruitionis beatificæ, non tot nec tam magnos ornatus essentiali beatitudini adiungendo: vnde illud Luca 6. *Mensuram bonam & confertam & coagitatam, & supereffluentem dabunt in sinum vestrum.* Verum tamen forsitan eò non respexit Baius, sed magis ad bonitatem moralem operum ex quâ solâ mercedis quantitatem metiebatur, sine vllò respectu quod à gratiâ sanctificante procederet: Quod axioma Pelagianismum sapit, & sæpius iam impugnatum est & adhuc à nobis impugnandum est: quare merito hic articulus censura multatus est.

Ad oppositum dicendum est non dari novum gradum gratiæ iustis post hanc vitam, ratione cuius etiam novus gloriæ gradus tribuatur ut sic supra condignum præmientur bona opera.

Sed tamen in assignandâ mercede bonis operibus non attendit solum Deus ad valorem quem ex se se habent: quod volebat Baius: sed etiam ad gratiam & charitatem ex qua procedunt & ex quâ magis meritoria redduntur quod negabat Baius.

ARTICVLVS. XV.

Ratio meriti non consistit in eo, quod qui benè operatur habeat gratiam & inhabitantem Spiritum sanctum, sed in eo solum quod obedit divinæ legi. Eodem l. c. 7. & sequentibus.

QUæritur an locus sit censuræ circa hanc propositionem: etenim si aliunde quam ex opere ipso in se spectato & ex obedientia legis proveniret meritum, scilicet ex statu gratiæ sanctificantis in qua operans constituitur, sequitur iustitiam, quâ vitæ æternæ præmio munerantur bona opera, non consistere in compensatione ipsius laboris & operis, sed in compensatione qualitatis & boni status operantis, nec Deum spectare laborem vniuscuiusque: sicque fieret, ut qui minus laboris subiisset, & leuiorem obedientiam legi præstitisset, reportare posset amplio rem mercedem propter maiorem gratiam Sanctificantem: quod prudenti cuique non leuiter absurdum videri possit.

Respondetur præter ea quæ superius dicta sunt

sunt circa similes articulos Michaelis Baij, qui doctrinam hanc vsque ad nauscam sæpius inculcavit, vt sit cramberecocta magistros vexans, probari adhuc nouâ aliquâ ratione doctrinam hanc notandam fuisse. Quia si status Gratiæ Sanctificantis nihil confert obedientiæ legis, vt sit meritoria, sequitur eum qui in statu mortalis peccati degit, eoque ipso pœnâ æternâ dignus est, nihilominus mereri vitam æternam: simulque dignum esse, & pœna æterna & vita æterna, debereque simul incurrere priuationem vitæ æternæ, & illius possessionem obtinere. Quare merito visa est absurda hæc Baij doctrina ex qua tanta absurda consequuntur.

Ad oppositum dicendum est, Deum nihilominus spectare opus & laborem vniuscuiusque dum illum iusto præmio compensat, quia scilicet opus hominis sanctioris cæteris paribus est dignius, propter dignitatem quamdam moralem, quam in illud influuit sanctitas, & Gratia operantis. Vnde etiam fieri potest vt eleemosyna vnius assis ab homine sanctiore facta tantum meriti habeat quantum eleemosyna duorum assium si fiat ab homine minus sancto. Quod si paradoxum appareat, non nisi ijs paradoxum est, qui minus secreta Theologiæ perspexerunt.

ARTICVLVS XVI.

*Non est vera legis obedientia qua fit sine
charitate. L. 2. de Meritis Operum.
cap. 1.*

QUæritur an quid damnationis sit in ista propositione, est quippe propositio ista pia & ad insignem quamdam perfectionem animas aduocat, vt omnia in charitate peragant, iuxta monitum Apostolicum, *Omnia vestra in charitate fiant.* 1. Corinth. 16. Siue per charitatem intelligatur intentio diuinæ gloriæ, seu status gratiæ habitualis & charitatis.

Respondetur Nicolaum Eymerici 2. p. *Directorij inquisitorum*, q. 11. referre Berengarium de Monte Falcone Ordinis Cisterciensis de Monasterio Populeti tempore Innocentij sexti, auctorem & caput fuisse eorum qui dogmatizabant (refero verba ipsa auctoris) quod omnia de genere bonorum quæ fienda sunt, sunt fienda Dei puro amore & non alia causa nec spe mercedis æternæ. Qui error fuit condemnatus solemniter & publice per F. Sanchium Archiepiscopum Terraconensem & F. Roselium Inquisitorem de Ordine Prædicatorum. Quod idem refertur à F. Bernardo Lutsemburgo in *Catalogo hæreticorum* litt. H. verbo *Bugantius*, vt ibi habetur, loco Berengarij, sicut & ibidem habetur errorem istum condemnatum fuisse per Sancyrium non Sanchium, vt habet Codex Ey-

merici, qui Sancirius Terraconensis Episcopus damnauit hunc errorem, quod in partibus Catalauniæ vigeret suo tempore. At propositio ista Baij fere in eundem sensum recidit, quare nihil nouum est si damnationem etiam incurrit. Si vero intelligatur propositio de obedientia qua mandata Dei exequutioni demandantur extra statum gratiæ & charitatis, euidentior est eius falsitas. vt propterea tam malè audierint qui ex hac Baij propositione, & alijs similibus concludere volebant, peccatum esse si quis Sacrosanctæ Sacrificio Missæ assisteret in peccato mortali degens. Multa enim bona fieri possunt à peccatoribus, vt plura opera misericordiæ, obedientiæ, & aliarum virtutum, de quibus alia diximus 2. 2. *Theol. Affect.* tract. 3. Medit. 7. Edition. 3. & 4.

Ad oppositum dicendum est, hæresim nihil esse ordinariè nisi superstitionem, & Dei cultum maiorem in specie proponere, quem tamen postea destruit. Vnde multæ hæreses & multi errores maximam redolent pietatem sub cuius prætextu piæ aliquæ animæ, & simpliciōres decipi solent: ideoque etsi propositio hæc decima sexta præcipuæ pietatis appareat, quia tamen consilium vertit in necessitatem, & rationem obedientiæ amouet ab ijs quæ sunt sine perfectissima charitatis intentione, aut extra statum gratiæ Sanctificantis, iure merito damnata est.

ARTICVLVS XVII.

Sentiunt cum Pelagio qui dicunt esse necessarium ad rationem meriti, ut homo per Gratiam adoptionis sublimetur ad statum deificum. Eodem l. cap. c. 4.

Quæritur an iste articulus debuerit inter damnatos recenferi, etenim si aliter senserit Pelagius, error est in facto, & Baius per errorem laudauit Pelagium: at quoties citantur falsò aucthores aliqui etiam à grauiissimis authoribus, qui propterea non incurrunt vllam offensionem à Summis Pontificibus? ergo videretur hic idem esse asserendum.

Respondetur iam sæpius dogma Baianum impugnatum fuisse, quo contendit Gratiam Sanctificantem, quæ est gratia adoptionis, qua sublimatur anima ad statum deificum, non requiri ad rationem meriti: quod dogma iterum hac ratione impugnatur, quod si homo absque Gratia Sanctificante posset mereri vitam æternam: posset quoque ipsammet primam Gratiam Sanctificantem mereri, est quippe vita æterna gratia perfecta & consummata: vnde si hanc mereri posset viator absque Gratia Sanctificante, multo magis mereri posset ipsammet Gratiam primam Sanctificantem; ex quo fieret, ut homo in peccato existens posset viâ meriti consequi gratiam illam quâ remitterentur illi peccata

sicque remissionem peccatorum viâ meriti obtinere, quod valde absurdum est. Vnde constans est doctrina in scholis recepta, meritum vitæ æternæ non esse sine Gratia Sanctificante, etsi enim actio aliqua possit esse meritoria ex vi gratiæ actualis ex qua produceretur, tamen locum habere non potest nisi eliciatur actio in eodem instanti in quo infunditur ipsa Gratia Sanctificans, qua operans reddatur Deo gratus & acceptus. Quare cum Gratia Sanctificans requiratur ad meritum: qui doctrinam istius veritatis Pelagio attribuit, idem est ac si Pelagianam ac Hæreticam diceret.

Ad oppositum dicendum est Baium non assequutum fuisse doctrinam, & mentem Pelagij de Gratia Sanctificante, quam tantum pro remissione peccati necessariam esse volebat: non ad vitandum malum aut ad faciendum bonum opus in quo est meritum. Patet ex D. August. de Gratia & Libero arbitrio cap. 13. *Dicunt etiam gratiam Dei quæ data est per fidem Iesu Christi, quæ neque lex est, neque natura, ad hoc tantum valere, ut peccata præterita dimittantur non ut futura vitentur, vel ut repugnancia superentur, &c.* Male ergo Baius assequutus est mentem Pelagij & peius erravit, quod doctrinam veram hæretico attribuat.

ARTICVLVS XVIII

Opera Catechumenorum vt Fides & Pœnitentia ante remissionem peccatorum facta, sunt vitæ æternæ merita, quam vitam ipsi non consequentur, nisi prius præcedentium delictorum impedimenta tollantur. Eodem lib. cap. 7.

QUæritur an quidquam in hoc articulo improbandum sit: etenim cum fidem habeant Cathecumeni, & plura bona opera exerceant, non videntur priuandi mercede sua: attamen quia nihil conquinatum intrabit in Regnum Cœlorum, iustum est vt prius illis remittantur peccata quàm de facto in cœlum ingre-
diantur, vitam æternam consequuturi. Fauet D. Augustinus lib. de Naturâ & Gratiâ cap. 22. *Natura humani generis ex illius vnus præuaricatoris carne procreata si potest sibi sufficere ad implendam legem perficiendamque iustitiam, de præmio debet esse secuta, hoc est de vita æterna, etiamsi in aliqua gente aut in aliquo superiori tempore fides eam latuit sanguinis Christi, non enim est iniustus Deus qui iustos fraudet mercede sua.*

Respondetur, cum Catechumeni, etsi fidem informem habeant propter peccatum originale, aut peccata actualia, sint indigni visione beatifica, imo pœnam æternam vel damni so-

lius, vel damni & sensus simul mereantur, fieri non posse ut cum illo reatu & obligatione simul mereantur vitam æternam beatificam, iuxta superius dicta, eaque vita digni sint, ita ut illis debeatur remoto obice peccati. Dignitas enim tanta & indignitas tanta simul consistere non possunt, & qui in peccato mortali est, ita diuisus à Deo est, ut cum summa ignominia statim possit priuari vita, & pane quo vescitur, in infernum detrudi sine ullâ laude aut præmio quorumcumque operum. Quo iure ergo vitæ æternæ fructum prætereundum poterit ex operibus mortuis? quare frustra pugnat Baius pro operibus illis in statu offensæ mortalis peccatis.

Ad oppositum dicendum est, non deberi cælum ijs qui inferno obligati sunt: nec priuantur mercede debita cum priuantur vitâ æternâ ij, quibus non debetur nisi pœna & supplicium. Nec fauet locus D. Augustini quem pro sua opinione allegabat Baius, si enim aliquis adimpleat totam legem, eo ipso iustus est & habet remissionem peccatorum, ut propterea subiungat D. Augustinus hanc rationem, *Non enim iniustus Deus qui iustos fraudet mercede suâ.*

ARTICVLVS XIX.

Opera iustitiæ & temperantiæ quæ Christus fecit, ex dignitate personæ operantis non traxerunt maiorem valorem. Ibidem cap. 7.

QUæritur an hic articulus correctionem aliquam subire debuerit : etenim opus vnius iusti habentis gratiam intensam vt octo , non est cæteris paribus maioris meriti & valoris, quam alterius iusti habentis tantum gratiam intensam vt quatuor : ergo nec opus iustitiæ aut temperantiæ à Christo elicitum habebit amplius meritum aut valorem propter maiorem illius gratiam , seu illa sit substantialis vt in illo erat vnio hypostastica , seu accidentalis.

Respondetur communem esse doctrinam Theologorum opera Christi fuisse valoris infiniti propter dignitatem personæ illius : quapropter & fuerunt satisfactoria pro peccatis totius mundi quæ quasi infinita erant. Videntur autem opera illa tantum debuisse habere valorem in merendo propter dignitatem personæ quantum habebant in satisfaciendo propter eandem dignitatem. Quapropter Clemens VI. in Extrauagante *Vnigenitus* docet Christum acquisuisse hominibus infinitum thesaurum , nec metuendum esse ne exhauriatur vel minuatur propter infinita Christi merita, cuius quidem vna

gutta sanguinis propter vnionem ad Verbum pro redemptione totius humani generis suffecisset. Quod videtur fundatum in quadam æquitate naturali, secundum quam opera digniorum personarum maiori præmio remunerantur. Sic in iustitiâ maius est stipendium præsidis quam consiliarij, & huius quam procuratoris, & huius quam aparitoris: & in militiâ maius est stipendium generalis exercitus totius, quam ducis alicuius cohortis, & huius quam militis gregarij, licet in eodem prælio non inæquales labores subierint, imo aliquando plus laboris subierit miles gregarius quam dux cohortis. Cuius inæqualitatis ratio esse potest, quod cum præmium debeat aliquid esse magnum respectu operantis, & eadem res possit esse magna respectu vnius infimæ aut mediocris dignitatis, quæ non erit magna respectu alterius eminentiori dignitate pollentis: cum ille dignior sit qui ampliori præditus est gratiâ sanctificante, debetur illi præmium maius, vt respectu illius sit quid magnum. Vide de hac quæst. Cardinalem de Lugo in 3. p. D. Thomæ. de *Mysterio incarnat.* disp. 6. sect. 1. & 2.

Ad oppositum dicendum est idem opus bonum habere inæqualem valorem ex inæquali gratiâ habituali; quia maior gratia facit vt opus sit excellentioris & nobilioris personæ opus, cui maius præmium debetur vt sit estimabile in ordine ad illam personam; maior enim gratia constituit personam digniorem, excellentiorem & venerabiliorem, vnde eius opus præmium requirit excellentius.

ARTICVLVS XX.

Nullum est peccatum ex natura sua veniale, sed omne peccatum meretur pœnam æternam. Ibid. c. 8.

QUæritur an quid peccauerit Doctor Baius in illa formidanda assertione de peccato veniali: Etenim Doctor Gerson eandem docuit sententiam, multisque confirmauit tomo 3. operum in l. de *vita spirituali anima* lect. 1. Omne peccatum, inquit, pro quanto est offensa Dei & contra legem eius æternam est de sua conditione & indignitate mortiferum secundum rigorem iustitiæ & à vita gloriæ separationium: ratio est quoniam omnis offensa in Deum potest iuste ab ipso iudice Deo puniri pœnâ mortis tam temporalis quam æternæ, imò annihilationis pœnâ: est igitur de se mortifera. Assumptum deducitur ex hoc quod nulla pœna talis est ita mala, quantum mala est ipsa offensa Dei. Alias adducit rationes ad idem probandum, ex quibus infert hoc corollarium, nullam offensam Dei esse de se venialem nisi tantummodo per respectum ad diuinam misericordiam: cur autem hæc assertio potius damnabitur in Doctore Louaniensi quam in Doctore Parisiensi?

Respondetur distinctionem peccati mortalis & venialis satis manifestè expressam esse à Concilio Tridentino sess. 6. de *iustif.* c. 11.

his verbis; licet enim in hac mortali vitâ quantumuis sancti & iusti in leuia saltem & quotidiana quæ etiam venialia dicuntur, peccata quandoque cadant, non propterea desinunt esse iusti. & his alijs verbis. Vnde constat eos, orthodoxæ religionis doctrinæ aduersari, qui dicunt iustum in omni opere bono saltem venialiter peccare, aut quod intolerabilius, pœnas æternas mereri. Quibus verbis Cōcilium damnat hæreticos, qui asserentes iustum in omni opere bono peccare, consequenter asseriebant etiam pœnas æternas mereri, quod intolerandum prorsus asserit Concilium. Hoc autem ipsum est, quod asseribat Baius: ergo doctrinæ orthodoxæ aduersatur, & intolerabile est dogma: & certè nullius amicitia tam seueræ leges sunt, vt pro minimâ offensâ dissolui ita debeat, vt offensus amicus leuiter offendēti amico pœnas æternas decernat. Nec pater quisquam est qui iure priuaret filium hæreditate propter quodlibet leue erratum.

Ad oppositum ergo dicendum est, quod quamuis Deus ratione sui dominij in creaturam, possit ei quamlibet inferre afflictionem non tamen id erit in pœnam & punishmentem delicti, nisi delictum tale sit vt illam exigat. Culpa enim & pœna relatiuè dicuntur: at peccatum veniale non exigit pœnas æternas & priuationem æternam Dei, quia peccatum veniale non est contra medium necessarium ad assequendam simpliciter vitam æternam: sed tantum contra medium necessarium ad illam post mortem assequendam sine retardatione aliquâ. Quare meretur tantum retardationem felicitatis.

tis, non pœnas æternas, quibus felicitas omnium impediretur. Quod à nobis paulo fufius & expreffius dictum est *in Theol. Affectiva* 1. 2. tract. 2. medit. 21. puncto 2. editionis tertiæ & quartæ.

ARTICVLVS XXI.

Humanæ naturæ sublimatio & exaltatio in consortium diuinæ naturæ debita fuit integritati primæ conditionis & proinde naturalis dicenda est & non supernaturalis. l. de primi hominis iustitia c. 4. & 5.

QUæritur an propositio hæc culpam contineat, quæ tam dignè sentit de humanâ natura prout spectatur in statu illo innocentie & integritatis perfectæ in quo primum condita fuit ante lapsum Adami: cur enim non esset gratia accidentalis sanctificans debita humanæ naturæ innocenti, cum D. Leo Pontifex serm. 1. de ieiunio decimi Mensis scribat hanc esse naturalem generis nostri dignitatem, si in nobis quasi in quodam speculo diuinæ benignitatis forma resplendeat? Vbi gratiam vocat dignitatem hominis naturalem.

Respondetur gratiam sanctificantem tantæ esse dignitatis vt reddat homines Dei filios & capaces diuinæ fruitionis in beatâ vita, sicut enim loquitur D. Petrus 2. Epist. c. 1. *magna & pretiosa nobis promissa donauit vt per hæc efficiamini*

diuinæ consortes naturæ. At tanta dignitas non potuit esse debita naturæ, quam seruilis omnino conditionis Deus creare poterat. Vnde gratia qua in filium Dei adoptatur homo & qua tendit ad vitam æternam, omnino naturalis esse non potest, medium enim & finis sunt eiusdem ordinis : at vita æterna beata est supernaturalis : ergo & gratia debet esse supernaturalis. Rursus gratia est qualitas & virtus sine qua opera hominis iusti nullo modo Deo grata & meritoria esse possent, & est aqua ex qua si quis biberit fiet in eo fons aquæ salientis in vitam æternam : at gratia ordinis naturalis diuersi omnino ordinis est à vita æterna : ergo opus ortum ex ipsa, neque salit in vitam æternam neque ipsam aliquo modo meretur, quis enim dicat gratiam ordinis naturalis in sua substantia facere posse hominem dignum, vt ei conferatur vita æterna? sic Thomas Hurtado in *præcursoræ Theologo* disp. 1. de *supernaturalitate rerum*, controuersia 5. membro 1. puncto 1. Quod fit vt D. Athanasius, Orat. 1 contra *Arianos* vocet gratiam supernaturalem & supra hominem *πρεσβυτερον* Quod idem firmat D. Cyrillus Alexandrinus l. 1. in Ioannem & alibi. Itaque ipsa opus est diuinæ munificentiae & dici potest de homine quem ea coronauit illud Hester 6. *Sic honorabitur quemcumque voluerit rex honorare.*

Ad oppositum, dicendum est dignitatem illam gratiæ vocatam fuisse naturalem à D. Leone, non quod fuerit debita vt proprietas aliqua ex se à natura fluens, sed quod ab exordio & ve-

lit à natiuitate hominis concessa fuerit.

ARTICVLVS XXII.

Cum Pelagio sentiunt, qui textum Apostoli ad Rom. 2. gentes quæ legem non habent, naturaliter quæ legis sunt faciunt, intelligunt de gentibus fidei gratiam non habentibus. Ibidem c. 5.

QUæritur an damnanda sit hæc propositio, etenim dixerat immediate antè D. Paulus non enim auditores legis iusti sunt apud Deum, sed factores legis iustificabuntur & postea subiungit cum enim gentes quæ legem non habent, naturaliter quæ legis sunt faciunt, eiusmodi legem non habentes, ipsi sibi sunt lex: vbi videtur loqui de gentibus quæ iustificantur, quas vocat factores legis, quod fieri non potest sine gratia fidei. Pelagianum est enim asserere sine gratia fidei & sine conuersione ad fidem, quemquam iustificari. Atque hæc interpretatio conformis est D. Augustino l. de spiritu & litera c. 26.

Respondetur Apostolum loqui de gentibus nondum conuersis ad fidem, quæ possunt, non quidem omnia quæ sunt legis, exequi, sed saltem aliqua, idque sine fide & sine fidei gratia. Possunt enim honorare parentes, opus misericordiæ alicui misero impendere ad subleuandam eius miseriam & quædam faciliora legis præcepta implere, cum non grauior aliqua vrget tentatio; non tamen possunt totam le-

gem implere sine gratia, cum per naturæ solius vires actus supernaturalium virtutum qui sunt de lege, obseruare non possint. Vbi attendendum est non dicere Apostolum gentes facere vel implere legem *sed ea quæ legis sunt*, puta ea quæ sunt minus ardua & difficilia: cum vero ait iustificari eos qui faciunt, non addit ea quæ legis sunt, *sed legem*, scilicet integram & secundum omnes suas partes. Porro dogma Pelagianum erat homines sine auxilio gratiæ nedum præcepta aliqua faciliora, sed totam legem seruare posse: ideo non sentiunt cum Pelagio qui dicunt gentes fidei gratiam non habentes naturaliter & sine supernaturali auxilio aliqua legis præcepta implere posse vt intelligit Apostolus, sentirent vero cum Pelagio, si dicerent omnia seruari posse, quæ sunt ad salutem necessaria.

Ad oppositum dicendum est Apostolum loqui de diuersis personis cum loquitur de factoribus legis & de gentibus legem non habentibus. Intendit enim probare Apostolus, oportere legem totam implere: & quia gentes non totam legem ad implent, sed tantum aliqua legis præcepta, vexantur in conscientia, variarumque cogitationum stimulis torquentur. *Testimonium illis reddente conscientia ipsorum & inter se inuicem cogitationibus accusantibus &c.* Hic est sensus Apostolici contextus vt accuratè legenti patet. Eundemque sensum tandem amplectitur D. Augustinus l. eodem de spiritu & littera: c. 28 postquam locum Apostoli varijs interpretationibus adornauit.

ARTICVLVS XXIII.

Absurda est eorum sententia, qui dicunt hominem ab initio dono quodam supernaturali & gratuito supra conditionem naturæ suæ fuisse exaltatum, ut fide, spe & Charitate Deum supernaturaliter coleret. Ibidem c. 7.

QUæritur an hic articulus sit alicui reprehensioni obnoxius. Etenim cum Deus condiderit hominem rectum, nec rectus esse potuerit, nisi per virtutes Theologicas fidei, spei & Charitatis, Deo inhæreret: videntur hæ virtutes homini fuisse connaturales, ut sine quibus rectus & perfectus esse non posset qualis à Deo conditus est.

Respondetur iustitiam originale[m] primo homini concessam fuisse supra debitum naturæ, ex mera Dei liberalitate erga illum, quod vellet eum exaltare supra statum primæ creationis. Iustitia autem originalis non erat vnicus simplex habitus, aut vna tantum qualitas, sed erat ipsamet gratia sanctificans cum habitibus fidei, spei, Charitatis & virtutum moralium infusarum, quibus omnibus efficiebatur, ut durante statu innocentie, anima illius Deo esset subiecta, appetitus inferior rationi, nec non corpus animæ. Probari hoc potest ex Concilio Tridentino sess. 5. can. 1. vbi ita ait. *Si quis non confitetur*

confitetur primum hominem Adam, cum mandatum Dei in paradiso fuisset transgressus, statim sanctitatem & iustitiam in qua constitutus fuerat, amisisse &c. anathema sit. Ex his inferitur primo habuisse fidem, spem & Charitatem, sine quibus sanctitas Viatorum nulla est. Secundo inferitur ista non fuisse naturalia homini, quia sicut post peccatum naturalia remanserunt in Angelis, sic in homine nulla facultas aut potentia naturalis statim amittitur post peccatum, remanent membra, remanent oculi, remanent sensus, remanet color, remanet robur & fortitudo corporis: cur ergo etiam non remanerent virtutes animæ si illi essent naturales? quare existimandum est hominem in paradiso ornatum fuisse pluribus habitibus supernaturalibus. i. naturæ indebitis, quibus tanquam medijs proportionatis ad finem supernaturalem beatitudinis contenderet.

Ad oppositum dicendum est Deum condidisse hominem rectum, quia in ipso creationis momento eum iustitia originali vestiuit, quam virtutes supernaturales fidei, spei & Charitatis comitabantur. Vnde rationi & legi Dei per omnia conformis erat: porro conformitas illa est eius rectitudo primæua non ex solis naturalibus, sed etiam ex supernaturalibus conflata.

ARTICVLVS XXIV.

A Vanis & ociosis hominibus secundum insipientiam Philosophorum excogitata est sententia quæ ad Pelagianismum reijcienda est, hominem sic ab initio constitutum, ut per dona nature superaddita, fuerit largitate conditoris sublimatus & in Dei Filium adoptatus. Ibid. c. 7. & 8.

QUæritur an hic saliquis error deprehendi possit: etenim Deus in ratione creatoris imperfectus non fuit; nec actioni creationis quicquam defuit: quare ergo ex vi illius homo ad imaginem Dei creatus, absque alia largitate & quæ extra creationem sit, in honorem filiationis adoptiue sublimatus non fuit? Dona omnia gratuito & ex misericordiâ superaddita conceduntur homini per Redemptorem Iesum Christum: at nondum cogitatur redemptor, cum nondum peccator homo existit: ergo ista omnia ad gratiam creationis solam referenda videntur, non ad liberalitatem aliam gratuito superadditam.

Respondetur argui merito Baium tum propter notas censuræ quibus doctrinam communem scholarum afficit, asserens eam à vanis & ociosis hominibus secundum scientiam Philosophorum excogitamam, & ad Pelagianismum eandem referens: hæ enim notæ contra

riæ sunt charitati & paci fidelium, ingeruntque malam suspensionem de religionis integritate, quasi obsecrati essent & in caligine versarentur Theologi omnes, cum doctrina communiter ab ijs asserta tantis calumnijs inficitur, vt propterea huiusmodi notarum auctores aduersus doctrinam communem coerceri debeant. Deinde vero argui debet quia doctrinam veram impugnat, nam si Baius id tantum verum existimet quod authoritati D. Augustini innititur, doctrina hæc quod dona quædam largitate conditoris superaddita sint naturæ, maximè vero sublimatio hominis in Filium Dei, defensorem habet D. Augustinum contra Maximum l. 3. cap. 15. *homo ad Dei similitudinem factus, non est verus filius, & ideo fit gratiâ filius.* Quid expressius desiderari potest?

Ad oppositum dicendum est Deum fuisse simul & creatorem & liberalissimum donatorem ac largitorem plurium perfectionum quibus supra debitum naturæ Adamum & creabat & simul adornabat ac locupletabat: quare quem admodum disputabat contra Pelagium D. Augustinus in libro de *natura & gratiâ* c. 34. *non ergo sic debemus laudare creatorem vt cogamus dicere imo vero conuincamur dicere superfluum saluatorem*: sic in hac controuersia dicimus, nos non ita debere laudare Deum creatorem vt cogamur dicere illum non fuisse etiam magnificentissimum donatorem plurium perfectionum liberaliter primo homini concessarum.

ARTICVLVS XXV.

Omnia opera infidelium sunt peccata & Philosophorum virtutes sunt vitia. l. de Virtutibus impiorum c. 5. & 6.

QUæritur an plectenda sit hæc propositio, quæ manifestè asseritur à D. Augustino, in prefatione Psal. 31. & pluribus alijs locis. Et ratio est quia in doctrina D. Augustini, omne opus peccatum est, quod non refertur in Deum, quod etsi officio bonum est, ipso non recto fine peccatum est. At infideles non habent fidem quæ opera dirigat in Deum tanquam in finem vltimum: ergo eorum opera quæ speciem boni habent, peccata sunt, iuxta verbum Apostoli *quicquid non est ex fide peccatum est* ad Rom. 14.

Respondetur & scripturam sacram & D. Augustinum asserere infideles bona aliqua opera agere posse & de facto agere: nam act. 10. dicitur de Cornelio qui nondum fidem susceperat, Matth. 5. *si diligitis eos qui vos diligunt quam mercedem habebitis? Nonne ethnici hoc faciunt?* at diligere diligentem se non est actus peccaminosus, sicut nec est actus misericordiæ corporalis aut spiritualis quem quandoque exercet ethnicus: & D. Augustinus in l. de spiritu & littera c. 28. sic ait. *Sicut enim impediunt à vitâ aeternâ iustum quædam peccata venialia sine qui-*

bus hac vita non ducitur: sic ad vitam æternam nihil prosunt impio aliqua opera bona, sine quibus difficillimè vita cuiuslibet impij ducitur. Quod luculentius asseritur à Hieronymo super cap. 1. *Epist. ad Galat.* Sed & Concilium Tridentinum manifestè reprobatur hanc propositionem, sic statuens contra Luterum eiusdem patronum sess. 6. *De iustific. can. 7. si quis dixerit opera omnia quæ ante iustificationem sunt, quacumque ratione facta sint, vere esse peccata, vel odium Dei mereri, aut quanto vehementius quis nititur se dispo- nere gratiæ, tanto eum grauius peccare, anathe- ma sit* Neque enim infideles prius habent fidem, qua opera in Deum dirigant quam charitatem & ipsam iustificationem, vt eadem sint opera ante iustificationem, ac ante fidem per charita- tem operantem.

Ad oppositum dicendum est iuxta Magistrum sent. 1. 2. *dist. 4. D. Augustinum* appellare opus malum quod vitæ æternæ meritorium non est, sed est ad illam inutile. Quæ interpretatio tantum aliquibus locis D. Augustini conuenire potest, non omnibus: Ideo addenda est interpretatio Doctoris Angelici quæst. 2. 2. 10. art. 4. asse- rentis D. Augustinum loqui de operibus infidelium quatenus sunt infideles & agent ex motu ino infidelitatis ad falsum Deum colendum. Vt quæ Saraceni præstant in cultum Mahometi pseudo Prophetæ. Sed & obseruari potest D. Augustinum l. 5. *de ciuit. c. 12.* quando virtutes Philosophorum vitia vocat, loqui de ijs operibus virtutum quæ ob finem voluptatis aut ambitionis eliciebantur, vt legenti accuratius per-

spicuum erit. Libro vero 19. c. 25. apertius loquitur ac virtutes sic inflatas, non virtutes vocat. Sed in fine istius capitis satis ostendit se loqui de virtutibus meritorijs vitæ æternæ, reddit enim hanc rationem cur virtutes non sint: *sicut enim, inquit non est à carne quod carnem facit viuere: sic non est ab homine sed super hominem, quod hominem facit beatè viuere.* Quod expressius adhuc habetur l. 4. contra Iulianum c. 3. Sed & Libr. de bono coniugali c. 9. satis euidenter mentem suam exprimit. *Sane, inquit, videndum est, alia bona nobis Deum dare quæ propter seipsa expetenda sunt, sicut est sapientia, salus, amicitia; alia quæ propter aliquid sunt necessaria, sicut doctrina, cibus &c.* Quisquis vero eis propter hoc vititur propter quod data sunt, bene facit. Apostolus per fidem intelligit conscientiam.

ARTICVLVS XXVI.

Integritas primæ creationis non fuit indebita naturæ humanæ exaltatio, sed naturalis eius conditio. l. de primi hominis iustitia c. 4.

Quæritur an hæc propositio sit contra veritatem, vt inter propositiones censura iniusta computari debuerit: etenim integritas quæ erat in statu innocentie consistit potissimum in subiectione appetitus sensitiui ad rationem vt contra illam non feratur in obiecta sensibus desiderata, cum tanta præcipitatione & excessu, vt nunc illum ferri videmus

& experimur , cum tanto detrimento animæ , ac tot infauftis euentibus , vt exclamet Apostolus sentio legem in membris meis repugnantem legi mentis meæ , ad Rom. 7. & iterum eodem capite, *infolix ego homo quis me liberabit de corpore mortis huius ?* At non est verisimile quod ista rebellio debita sit naturæ humanæ & illi con-naturalis: sic enim homo natura sua Deo rebellis esset , nec tam ad gloriam quam ad opprobrium & inhonorationem creatoris sui , cuius legibus ex naturæ suæ conditione rebellis esset, vt magis contra ipsius gloriam quam ad ipsius gloriam , fabricatus esse videretur.

Respondetur esse de naturali constitutione hominis , vt habeat diuersos appetitus , quorum vnus qui sensitivus dicitur naturaliter inclinatur ad obiecta sensitiva : alter qui est voluntatis rationalis feratur insuper ad obiecta spiri-tualia & cœlestia : vnde necessario oriatur rixa & dissentio inter vtrumque appetitum : itaut tamen ex illâ rixâ & dissensione, volûtas nō necessitetur ad peccandum consentiendo appeti-tui inferiori , quia obiecta sensuum quantumvis alliciant , non necessitant tamen voluntatem , propter defectus quos secum patiuntur , quorum defectuum intuitu , potest voluntas allecta & tentata illa respuere , adhærendo legi Dei & obiectis spiritualibus : solius enim Dei clarè visi prærogatiua est , vt ad sui amorem , necessitatem possit imponere voluntati , quæ ab illo auertere se non possit , quia omni ex parte beatus est & perfectus : sicut ergo est de naturali constitutione huius mundi , vt elementa

asymbola in se contineat, quæ sibi inuicem aduersantur: Sic est de naturali constitutione hominis, ut varias in partes abripiatur per contrarietatem appetituum. Vnde integritas primæ creationis quæ hanc pugnam submouebat, fuit indebita naturæ humanæ exaltatio, nec fuit naturalis eius conditio.

Ad oppositum dicendum nec Deum condidisse hominem cum ista rebellionem appetitus inferioris aduersus rationem, cum iustitia originalis dona quædam contineret quibus in officio continebatur ille appetitus: potuisset tamen sic creari, tuncque Deus modis illis quos nouit gloriam suam eliciuisset ex homine sic condito: non minus ac hodie illam semper sibi vendicat ex homine eodem lapso & in pœnam peccati in eadem rebellionem procreato: Neque tunc necessario homo legem Dei infringeret, sed libere tantum: sicut in præsentī statu naturæ corruptæ.

ARTICVLVS XXVII.

Liberum Arbitrium sine gratiæ Dei adiutorio non nisi ad peccandum valet. l. 2. de virtutibus impiorum. c. 8.

QUæritur an quid possit esse offendiculo in hac assertionē cui tam luculenter fauet Concilium secundum Arausicanum cap. 22. dicens. *Nemo habet de suo nisi mendacium & peccatum. Si quis autem habet homo veritatem*

atque iustitiam, ab illo fonte est quem debemus scire in hac eremo, ut ex eo quasi guttis quibusdam irrorati, non deficiamus in via. Si ergo homo de suo nihil habet nisi peccatum & mendacium, semotâ gratiâ: nihil potest nisi peccare. Fauet etiam D. August. contra duas Epist. Pelagianorum cap. 8.

Respondetur Michaellem Baium tantum deprimere naturam humanam post peccatum, quantum illam exaltabat ante peccati statum. Vnde asseruit illam post peccatum, si remoueatur gratiæ auxilium necessitari ad peccandum, nec posse vllum opus bonum exequi, sed malum dumtaxat: qua in opinione aduersarium habet Concilium Tridentinum, sess. 6. can. 5. sic dicens: *Si quis liberum hominis Arbitrium post Adæ peccatum amissum & extinctum esse dixerit, anathema sit.* Verè enim amissum & extinctum est Liberum Arbitrium post peccatum, si cogitatur auxilium gratiæ non adesse: nam tunc nec bonum nec malum agere poterit: non bonum quia in eorum opinione, nullum agitur sine gratia; nec etiam malum aut peccatum, quia ubi est necessitas actionis alicuius, in illa non est peccatum, quod non committitur, cum vitari non potest. Est enim sententia D. Augustini, l. de Duabus Animabus, c. 12. *Peccati reum teneri quemquam, quia non fecit quod facere non potuit summæ iniquitatis & insanie esse: ut inferius probabitur.* Sed & considerandum est, posse sine gratiæ auxilio per vires Liberi Arbitrij hominem amare parentes, imo & Deum ut authorem naturæ, posse dæmonem odio prosequi, & execrari

grande aliquod facinus, vt homicidium, adulterium. Hæc autem omnia & plura similia, quæ potest Liberum Arbitrium, non rectè vocantur peccata, nec verè sunt, quis enim odium peccati aut amorem Dei naturalem peccatum audeat appellare? sed & perpendendum quod per Dei adiutorium Baius non intelligebat solius Dei inspirationes, sed Gratiâ Efficacem, cuius necessitatem ad bonum requirebat.

Ad oppositum canonem Concilij Arausicani dicendum est Concilium ibi condistinguere hominem à Deo & ea assignare quæ habet à se solo, ab ijs quæ habet à Deo, & cum Dei auxilio: à se autem solo & de suo, cum ex nihilo sit creatus, tendit ad nihilum peccati & non habet nisi mendacium & peccatum: cætera autem quæ non sunt peccata, habet vel ex auxilio gratiæ, vel saltem ex concursu generali Dei, qui in peccato vt tale est non inuenitur, nam sine ipso factum est nihil. i. peccatum. Quod spectat ad locum D. Augustini ex cap. 8. l. 6. *contra duas epist. Pelagianorum*, in quo spem posuerunt aduersarij, nihil eos iuuat, nec verbis, nec sensu consonat cum assertionem damnata Baij, sic enim habet D. Augustinus, & *Liberum Arbitrium captiuatum non nisi ad peccatum valet, ad iustitiam vere non liberatum adiutumque non valet*. Vbi per Liberum Arbitrium captiuatum, intelligit animam operantem ex instinctu concupiscentiæ aut dæmonis, quæ sic non potest nisi male agere, sicque & mens & verba D. Augustini diuersa sunt à mente, & verbis Baij.

ARTICVLVS XXVIII.

Pelagianus est error dicere, quod Liberum Arbitrium valet ad vllum peccatum vitandum. Ibidem.

Quæritur an virga cœsoria feriri debuerit hic articulus: etenim Concilium Arausicanum secundum, manifestè stat pro hac sententia sic statuens Can. 14. *Nuillus miser de quacumque miseria liberatur nisi qui Dei misericordia præuenitur.* Ex quo infert Vasques in 1. 2. disp. 189. cap. 37. multisque insuper probat per sequentia capita, ne minimam quidem tentationem vinci posse ab homine sine auxilio gratiæ per Christum: quod idem sentiunt plures Scholastici. Minimè ergo hic articulus in catalogo damnatorum articulorum, reponi debuit: sed & D. Augustinus Liberum Arbitrium ad peccandum vitandum sine gratia insufficiens esse asserit, Epist. 106.

Responderur quosdam censuisse hunc articulum damnari propter notam censuræ quam continet, non propter ipsam doctrinam, quæ à multis Scholasticis probabilis sustinetur: verumtamen, si perpendantur verba articuli, facile quisque iudicabit per ea nimium deprimi naturam humanam post peccatum Adami, significant enim verba ista tam horribili plaga percussam esse humanam naturam ex Adæ peccato, ut necessario inuolui debeat in omni genere peccato.

rum, si cogitetur abesse auxilium gratiæ Christi, Quid est enim non valere arbitrium, liberum ad vitandum vllum peccatum: nisi quod necessario *debeat incurrere*, in quodlibet peccatum, in parricidia, incestus, sacrilegia, & quælibet monstra libidinum: at pleraque horum facilius vitantur quam admittuntur. Nec tam infœlix esset status dæmonum & animarum damnatarum, quam infœlix esset status hominum in hac terra degentium. Valet enim voluntas damnatorum ad vitanda pleraque peccata, quorum rei non sunt: at in sententia Baij tam monstruosa infirmitate, ac deformitate vulneratum est arbitrium liberum, vt non valeat ad vllum peccatum vitandum seu paruum, seu magnum. Quo nihil dici potest indignius homine & contra veritatem absurdus. Est tamen Baiarum dogma & palmaris Iansenistarum doctrina, quod vt gratia efficax necessitat hominem ad bonum: sic concupiscentia sine illius vnica gratiæ adiutorio, necessitat ad malum.

Ad oppositum canonem, dicendum, Concilium Arausicanum loqui de actu & de facto, non de possibilitate viribus humanæ naturæ: hanc siquidem Deus ita præuenit in benedictionibus auxiliorum à crepusculo nascentis rationis, vt de facto nullum vitet peccatum, quin prius misericordiâ Dei præuenta fuerit: non determinat autem Concilium de possibilitate ad illud vitandum, de qua est difficultas. Ad opiniones Scolaſticorum dicendum est, quod etsi ab actu ad posse valeat consequentia: non valet tamen à non actu ad non posse. Textus vero D.

Augustini hunc sensum habet, quod fieri non possit, quin liberum arbitrium sine gratia Dei labatur in aliquod peccatum, & vitet omnia; cum quo stare potest quod vitet aliquod peccatum in particulari, de quo forte non tentatur, & aliqua moraliter bona operetur, quæ naturæ vires non excedunt.

ARTICVLVS XXIX.

Non solifures ij sunt & latrones, qui Christum viam & ostium veritatis, & vitæ negant, sed etiam quicumque aliunde quam per ipsum in viam iustitiæ, hoc est ad aliquam iustitiam conscendi posse docent. Eodem l. cap. 9.

QUæritur an quicquam minus veritati consonum sit in hoc articulo: etenim Christus fons est & origo omnis iustitiæ & sanctitatis de quo dicitur 1. Reg. 2. *Non est sanctus vt est Dominus, neque enim est alius extrate.* Quia non est quisquam sanctus & iustus extra Christum & sine illius gratia & adiutorio: ergo illius gloriæ detrahunt & fures dici possunt, qui omnem hominum iustitiam in illius gratiam non refundunt.

Respōdetur non esse hic immorandum in asperitate stili Baiani, quo perstringit Doctores Catholicos, dum in latronum classem eos reducit, sed magis distinguendum esse duplex opus bonum seu duplicem iustitiam: est enim aliquod

opus bonum morale quod cogitatur esse purè naturale, & ex solis principiis naturalibus productum, quod opus ita cogitatum non est sufficiens dispositio ad iustificationem, nec est meritorium vitæ æternæ : aliud est opus morale quod ex principiis gratiæ productum est, estque utile ad iustificationem adipiscendam, & si fiat illâ iam acquisita, est meritorium : igitur sine gratiâ Christi posset homo post peccatum Adæ aliquod bonum opus agere morale, vt puta colere parentes, reddere debitum in statu matrimonij, vel soluere debitum creditori in iustitiâ civili, & alia huiusmodi, vt asserit D. Thomas 1. 1. q. 109 a. 2. Sed nō potest agere aliquod opus, quo sufficienter disponatur ad iustificationem : aut quo post illam iam adeptam mereatur vitam æternam. Quare cum Patres & Concilia prærequirunt gratiam Christi ad quippiam boni agendum, addunt limitationem, *sicut oportet*, intellige ad iustificationem consequendam aut merendum. Sic D. Augustinus q. 2. ad Simplicianum. *Nisi vocando præcedat misericordia Dei, nec credere quisquam potest, vt ex hoc incipiat iustificari.* sic Arausicanum 2. can. 6. *Non autem vt credamus, velimus, vel hæc omnia sicut oportet agere valeamus.* Quod expressius habet Tridentinum sess. 6. *de iustific.* can. 3, Cum ergo Baius vellet nullum bonum opus morale fieri posse sine Dei gratia ob infirmitatem humanam post lapsum : etsi opus esset sterile & inutile ad salutem æternam, damnationem incurrit eius propositio : non enim in tantum contractæ sunt vires Liberi Arbitrij : etsi forsitan vera sit eius

propositio ob abundantiam gratiae praeuenientis quae sine gratia hominem vix bene agere sinit; quod illi adsit ex liberalitate patris luminum qui dat omnibus affluenter & non impropere: quemadmodum in meridie homo non potest sine luce ambulare propter lucis ipsius affulgentiam aut puer sine nutrice non potest gradi, quia semper illi praesens eum manu ducit: licet aliquot passus agere posset suis viribus, etsi nutrix abesset.

Adoppositum dicendum est, nullum posse absque Christi gratia, aliquod bonum opus agere quod sit utile ad salutem, & ad eam conducatur; Sicque Christum esse fontem omnis boni salutaris, non autem boni alicuius naturalis quod sterile sit, & ad vitam aeternam nihil conducens.

ARTICVLVS XXX.

Aut tentationi ulli sine gratia ipsius adiutorio resistere hominem posse sic ut in eam non inducatur aut ab ea non superetur.
Ibidem.

Quæritur an censura Pontificia debuerit etiam in hanc assertionem cadere: verba siquidem sunt D Augustini Epist. 106. *Nos dicimus quod sine gratia voluntatis arbitrium nihil valeat ad non peccandum.* Deinde sine gratia hominem non posse vincere nec minimam tentationem sententia est probabilis, quam multis

tuetur Vasquez, vt supradictum est, aliique Scholastici: at si subiiciantur opiniones probabilis censuræ Summorum Pontificum, nullus erit finis censurarum. Quis enim author, qui de Theologia Scholastica, vel morali & casuum conscientia scripsit, qui non innumera habeat quæ probabilia sunt duntaxat?

Respondetur D. Bonauenturam in 2. sent. dist. 2. art. 1. & 2. q. 2. tractare præsentem quæstionem: ac articulo quidem primo q. 2. distinguit inter resistantiam & victoriam tentationis: resistantia enim in hoc consistit quod quis non consentiat suggestioni diabolicæ, sed victoria consistit in assequendo oppositum eius quod diabolus intendebat, itavt homo ex pugnâ contra tentationem, reddatur magis Dei amicus, & mereatur regnum æternum. Articulo vero secundo q. 2. resolvit hominem sine gratiâ non posse omni tentationi resistere sicut censebat Pelagius, non habere tamen necesse quod omni tentationi succumbat. Quia illud valdè durû videtur quod in statu tali, nulli possit tentioni resistere, cum naturale habeat iudicatorium & quendam instinctum naturalem remurmurantem contra malum; cum non sit etiam in malo confirmatus. Vnde existimandum hominem sine gratiæ auxilio non posse reportare victoriam fructuosam & disponentem ad gratiam aut ad gloriam. Atque in hoc sensu intelligendi veniunt Patres qui in tantum deprimunt vires Liberi Arbitrij, vt potestate vincendi minimam & leuissimam tentationem illud spolient. Posse vero sine gratiæ adiutorio minimæ alicui tentationi resistere

resistere seu non succumbere, resistentiâ infructuosâ ad gratiam aut vitam æternam. Quamvis de facto sine gratiâ illi non resistat, quod ut ibidem ait Seraphicus Doctor, Liberum Arbitrium numquam destituatur omni gratia gratis datâ: in quo fuit occasio erroris Pelagij, qui superbia excæcatus inter naturalia & gratuita distinguere nesciuit. Sed & maximè perpendendum est quid Baius intellexerit per adiutorium gratiæ; nihil enim aliud intelligebat quam gratiam quamdam efficacem, & de facto iustificantem, per quam spiritus in animâ inhabitat, repudiatis cæteris gratiæ auxilijs iustificationem ipsam antecedentibus, ut annotauit Vasquez, 1. 2. disp. 190. cap. 18. intolerandum autem videtur asserere, quod peccator ante iustificationem succumbat omni tentationi, cum sæpè contrarium experiatur.

Ad oppositum dicendum apud doctos non esse probabilem opinionem Baij, cum levis tentatio addat tantum leuem aliquam difficultatem ad opus bonum: quam per vires naturæ superari non posse omnino, improbable est. Nec mens est D. Augustini asserere impotentiam Liberi Arbitrij gratiâ destituti ad vitandum aliquod tantum peccatum, sed ad vitandum omnia & ad implenda mandata omnia.

ARTICVLVS XXXI.

Charitas perfecta & sincera quæ est ex corde puro & conscientia bona & fide non ficta, tam in Catechizans quàm in pœnitentibus, potest esse sine remissione peccatorum.
 Lib. de Charitate cap. 7.

QVaritur an quidpiam damnandum fuerit in hac propositione : etenim ibi sermo est de actu Charitatis, quam in peccatoribus esse simul cum peccato non videtur repugnare, cum per actum charitatis non deleatur peccatum, sed per gratiam inhaerentem, sitque actus charitatis tantum dispositio ad remissionem peccati: porro dispositio tempore præcedit id ad quod disponit. Quare cum existimaret Baius, ut refert Vasquez 1. 2. disp. 203. cap. 3. hominem paulatim iustificari, inde consequens erat, ut homo pro aliquo tempore simul esse possit in peccato, & in actu Charitatis. Quod videtur probare experientia, qua peccatores sentiunt in se aliquos actus amoris Dei, etiamsi sint in peccato.

Respondetur actum veræ Charitatis erga Deum à peccatoribus elicitum ex Gratia Actuali mouente ad illum actum, esse vltimam dispositionem ad remissionem peccati, saltem quoad culpam, ita ut qui vere Deum diligit, statim à Deo diligatur, infundaturque illi gratia & Charitas supernaturalis, quâ omnia peccata deleantur. Hoc tam certum putat Petrus à Soto relatus à

Suarez to. 4. in 3. p. D. Thomæ disp. 9. sect. 1. assert. 2. vt dicat esse de Fide. Probatum autem maximè his Scripturæ Sacræ testimonijs. Prou. 8. *Ego diligentes me diligo.* Ioan. 14. *Qui diligit me diligetur.* 1. Ioan. 4. *Omnis qui diligit, ex Deo natus est.* & Prou. 10. *Vniuersa delicta operit Charitas.* & 1. Petri 4. *Charitas operit multitudinem peccatorum.* Et ratio est quia actus charitatis est de se connaturalis dispositio ad habitum charitatis, cum quo coniungitur gratia habitualis peccatorum remissiua ac deletiua, vt idcirco D. Augustinus l. de Spir. & littera, cap. 32. vocet charitatem qua nos Deus dilectores suos efficit *Iustitiam Dei qua iusti sumus.*

Ad oppositum dicendum est actum dilectionis Dei esse vltimam dispositionem ad iustificationem & remissionem peccati mortalis de quo hic sermo. Sic Pighius in libro de Controuersijs apud Iansenium Gaudauensem *Concord. Euang.* c. 18. Et si autem homo adultus paulatim iustificetur, id fit, quia statim non elicit actum veræ dilectionis, sed incipit dispositionem suam ab alijs virtutum actibus minus perfectis. Quod spectat ad experiētiam peccatorū, qui motus dilectionis diuinæ in se sentiūt. Diximus in Theol. Affectiua, 1. 2. tract. 2. Medit. 19. puncto 3. post Durandum in 1. sent. dist. 1. q. 10. & 6. Salemium l. 4. de Amore Dei c. 9. 10. & 11. esse quemdam imperfectum amorem Dei in peccatoribus qui verus amor Dei non est, sed falsus, quo plures decipiuntur, si propter hunc amorem, in bono statu constitutos se putent. Dicta hic non repetemus.

ARTICVLVS XXXII.

Charitas illa quæ est plenitudo legis, non est semper coniuncta cum remissione peccatorum. Ibid.

Quæritur an improbanda sit hæc assertio : Etenim magna momenta affert Velosillus Lucensis Episcopus in *aduertentiis* ad 1. *tomum* D. Augustini *quæsto sexto*, ubi disputat contra Scotum assertentem hominem sese ex naturalibus disponere ad gratiam sanctificantem quocumque præceptum dilectionis quoad substantiam implet. Si enim actus dilectionis est vltima dispositio ad gratiam, etiam alius actus moraliter bonus quicumque sit erit vltima dispositio ad gratiam : quod ex eo constat quod actus ille dilectionis nullum habeat privilegium supra cæteros actus : & si aliquod habet, quia ex parte obiecti est melior, potest dari alius actus ratione quarundam circumstantiarum melior actu Charitatis erga Deum, ut puta eleemosyna mille aureorum, actus heroicus fortitudinis. Deinde in euangelio non habetur quod remissio peccatorum fiat per dilectionem, sed per pœnitentiam: Matth. 3. *Pœnitentiam agite appropinquabit enim regnum cœlorum.* Et licet Magdalenæ videantur remissa peccata propter dilectionem eius multam, lachrymæ tamen illius resstantur dolore penitentiali eam non ca-

ruiſſe , cum inſuper per poteſtatem excellentiæ potuerit Chriſtus peccata illi indulgere per dilectionis actum. Deinde verò Luthero fauet opinio de ſufficientiâ actus dilectionis ad peccata delenda , ipſe enim non requirebat niſi propoſitum melioris vitæ , cum quo egregie quadrat. actus ſolius dilectionis.

Reſponderetur actum perfectum Charitatis non poſſe compati peccata , ſed ea delere & abſtergere. Patet ex verbis Chriſti ad Mariam Magdalenam Luc. 7. *dimittuntur ei peccata multa quia dilexit multum.* Quæ eſt mens D. Auguſtini tract. 7. in Epist. D. Ioan. aſſerentis Charitatem diuidere inter filios Dei & perditionis : & D. Gregorij Magni Homil. 31. in *Euangel.* vocantis Charitatem *ignem rubiginem peccati conſumentem* : & D. Bernardi Epist. 170. ſic ſcribentis, *nemo ſe amari diffidat ſi iam amat , neque enim redamare pigebit eum qui nos amauit nec dum amantes.* Certè Catharinus in c. 7 Epist. ad Rom. vehementer arguit iſtam propoſitionem. Porro, inquit , quæ coniunctio Chriſto cum Belial ? & quæ ſocietas lucis ad tenebras ? Itaq; Anathematizandum eſt dogma illud , quod noui hæretici ſuſcitarunt , eſſe in homine criminoſo & peccatore gratiam Dei : contra quos dilectus clariffimè ait , *ſi quis diligit mundum , non eſt Charitas Dei in eo* : quia nec diligit Deum , nec diligitur à Deo : iniquos enim odio habet Deus. Hæc & plura Catharinus qui tempore doctorem Baium antecellit.

Ad oppoſita dicendum eſt priuilegium hoc eſſe actus perfectæ dilectionis Dei ſuper omnia

ut sit extra sacramentum vltima dispositio ad gratiam. Cæteri actus quantumcumque intensi & perfecti ex circumstantijs, quibus etiam scriptura attribuit remissionem peccatorum, sunt dispositiones magis vel minus remotæ, vel tantum remittunt pœnam, non culpam. Quod attribuitur charitati propter summam eius excellentiam inter omnes virtutes, & quia virtualiter includit omnes actus virtutum aliarum. Vnde qui habet actum dilectionis, iam in voto saltem habet pœnitentiæ actum, quæ requiritur ad deletionem peccati. Debet autem actus ille charitatis elicitus esse ex supernaturali Dei gratiâ excitante, quia actus amoris Dei ex solâ naturâ elicitus, non est *sicut oportet* ut homini iustificationis beneficium conferatur.

A R T I C U L U S XXXIII.

Catechumenus iustè, rectè & sanctè viuit, & mandata Dei obseruat, & legem implet per charitatem ante obtentam remissionem peccatorum, quæ in Baptismi lauacro demum percipitur. l. de Charitate c. 7.

Quæritur an ista propositio doctrinæ Christianæ aduersetur: etenim ad oculum patet plures Catechumenos sanctè vixisse, & pleræque historiæ id testantur. Quod vero remissionem peccati originalis & aliorum non obtineant ante susceptionem Baptismi, id videtur

conuenire dignitati sacramenti Bap̃tismi, quem spoliat honore proprio & effectu, qui ante illum peccata deleri autumat.

Respondetur articulum istum fundari in duobus præcedentibus articulis iam impugnatis & ex ijs probabili consequentiâ deduci: si enim per actum dilectionis Dei super omnia non delentur peccata, necessario id debet fieri per sacramenta Quæ fuit opinio Michaelis Baij sicut testatur Iansenius Gandauensis, illius errorem de charitate cum peccato manente refellens c. 48. *Concordantiæ euangelicæ* ex verbis Christi ad Mariam Magdalenam *propter quod dico tibi, remittuntur ei peccata multa quoniam dilexit multum.* Vbi vult dilectionem esse causam formalem iustificationis sicut caliditas calefactionis: non autem dispositionem tempore præcedentem ipsam iustificationem: quod vltimum impugnans sic ait de Baio & eius sequacibus Non dissimilis sententiæ hodie quidam Doctores, asserentes charitatem (quam ex Augustino nihil aliud esse volunt quam bonam voluntatem) præcedere remissionem peccatorum, quam non nisi per sacramenta conferri volunt. Hæc mens & sensus Baij, qui ex hoc refellitur; Quod Cathecumenus, qui iustè & sanctè viuit, exercens actus Charitatis erga Deum, eò ipso obtinet remissionem peccatorum ante susceptionem Bap̃tismi, sicut Bap̃tismus qui lapsus est in peccatum mortale, si perfectè de eo conueratur, eius remissionem assequitur ante absolutionem sacramentalem. Sicut Albertus magnus in Lucam c. 17. dicit ostensum fuisse in

decem Leprosi, qui dum essent in viâ antequam ad sacerdotes peruenissent mundati sunt. Pl. 50. *cor contritum & humiliatum Deus non despiciet* & Danielis 3. *in spiritu humilitatis & in animo contrito suscipiamur.*

Ad oppositum concedendum est aliquos Catechumenos sanctè vixisse, sed non sine remissione peccatorum ante realem susceptionem Baptismi, neque hoc derogat honori Baptismi, quia remissio illa non obtinetur nisi cum voto ipsius Baptismi & in ordine ad illum.

ARTICVLVS XXXIV.

Distinctio illa duplicis amoris, naturalis videlicet quo Deus amatur vt author naturæ, & gratuiti quo Deus amatur vt beatificator, vana est & commentitia & ad illudendum sacris litteris & plurimis veterum testimonijs excogitata. l. de charitate. c. 4.

QUæritur an pondus censuræ Pontificiæ in hanc sententiam cadere etiam debuerit: etenim Vasques 1.2. disp. 195. c. 2. 3. & 4. in eâ est opinione, quod non debeat distingui duplex amor amicitiae erga Deum, vnus qui sit naturalis erga Deum vt authorem naturæ, alter qui sit gratuitus & infusus à Deo seu supernaturalis erga Deum vt authorem gloriæ, quo in sensu distinctionem hanc improbat Baius; probatque tum à posteriori, quia nisi omnis amor amicitiae erga Deum esset supernaturalis, sed

aliquis esset naturalis, cum amor ille naturalis cum peccato subsistere non possit, sequeretur amorem aliquem naturalem iustificare & expellere peccatum. Probat etiam à priori, quia quando in obiecto formali non distinguitur duplex ratio, in quam ipse affectus feratur, non potest etiam distingui duplex amor specie diuersus: at non distinguitur ratio formalis amandi, ex eo quod Deus sit auctor naturæ vel gratiæ: quemadmodum ut puto elucidandam esse mentem Vasquez, non distinguitur in Deo duplex ratio ipsum amandi ex eo quod sit creator terræ & creator cœli, ista enim non sufficiunt ad constituendos diuersos amores. Obiiciens autem sibi damnationem propositionis 34. ipsius Baij in Bullâ Pij V. & Gregorij XIII. responder, ibi nihil agi de materiâ propositionis, quod spectat ad duplicem amorem, sed quod attinet ad nimis austeri & seueri iudicii libertatem, quâ perstringebat author ille Doctores, qui prædictâ distinctione utebantur.

Respondetur cum affectus aliquis possit dici supernaturalis vno ex tribus modis; vel ex parte solius principij, vel ex parte solius obiecti, vel ex parte vtriusque, totidemque modis possit dici naturalis, non posse negari quin aliquo ex his tribus sensibus, detur amor aliquis naturalis & aliquis supernaturalis. Porro obiectum dicitur supernaturale vel ex eo solum quod non possit cognosci viribus totius naturæ, sed ut cognoscatur præsupponit aliquam Dei reuelationem: sicque Deus ut beatificator

est obiectum supernaturale, quia sine reuelatione non cognoscitur istud attributum. Quamuis Baiani contrarium opinentur, ex eo quod putent visionem Dei esse finem hominis naturalem, quod supra reiectum est & infra rejicietur amplius. Datur igitur amor supernaturalis, quod ipsi admittunt: sed posse dari naturalem ex parte principij negant. Qua de re videbitur paulo inferius,

Ad opposita dicendum est quod quamuis detur aliquis amor Dei naturalis, ex eo tamen homo non iustificatur, quia lex Dei est & eius voluntas, nihil acceptare ad gratiam sanctificantem & ad gloriam ex actibus humanis, nisi sint ex eius gratiâ, dicente Christo Ioan 6. *nemo potest venire ad me nisi pater meus traxerit eum.* Quod bene aduertit Velosillus in aduert. ad 1. tom. *August.* quæsito 4. Quare amor Dei naturalis ex viribus naturæ solius elicitus non iustificat: ad id autem quod rursus opponit de insufficientiâ rationis ad distinguendos duos amores, verum est si ageretur de distinctis amoribus specie Physica, sed sufficit quod distinguantur specie Morali, ad quod non tot requiruntur. Quod vero censura non attingat doctrinam, id gratis dicitur & negatur.

ARTICVLVS XXXV.

Omne quod agit peccator vel seruus peccati peccatum est. Baius non agnoscit à se dictum aut scriptum.

QUæritur an gladio censuræ percutienda fuerit hæc propositio : etenim Christus dixit manifestè *non potest arbor mala bonos fructus facere* : est autem peccator arbor mala : ergo nihil potest boni agere , sed quicquid agit peccatum est Quod ideo assererat Baius quod nullum opus bonum fieri posse sine gratiâ existimet : quare si peccator destitutus sit gratiâ supernaturali eaque efficaci & quæ importat secum gratiæ statum , quam solum admittunt Baiani , explosâ pænitus sufficiente quam peius cane & angue oderunt, quicquid agit, peccatum est : quod videtur confirmare D. Augustinus in l. de fide & operibus c. 14. *sequuntur bona opera hominem iustificatum, non præcedunt iustificandum.*

Respondetur satis Scripturam Sacram asserere aliqua bona fieri à peccatoribus nondum iustificatis , ad quod probandum sufficeret exemplum Centurionis Corneli, de quo dicitur Actuum 10. *Bona opera tua & eleemosynæ adscenderant in Deum* , sed quia aliquis contendere posset Cornelium iustificatum fuisse, cum bona illa

ageret, propter præconia quibus à Scripturâ ipsa cumulat, idcirco alij proferunt exemplum obstetricum Ægypti quæ timuerunt Deum, & paruulos Israelitarum seruabant contra edictum Regis impij propter quod Deus, *ædificauit illis domos*, Exodi 1. augendo rem earum familiarem ac ingentem bonorum temporalium copiam largiendo. Sed & Ezech. 29. Deus testatur Regem Babylonis Nabuchodonosor, sibi ipsi seruiuisse in expugnandâ Tyro, propter quod eum remunerat. *Dedi ei terram Ægypti, pro eo quod laborauerit mihi, ait Dominus Deus*: In quem locum D. Hieronym. asserit, ethnicos si quid boni fecerint non absque mercede fecisse Dei iudicio. Sed & D. Augustinus l. 5. *de Ciuit. cap. 15.* laudat bonas artes Romanorum, quas virtutes vocat, quibus ad gloriam imperij peruenire nitebantur, easque compensatas fuisse ait gloriâ huius mundi, cum vitâ æternâ digni non essent.

Ad oppositum dicendum est per arborem bonam Christum intellexisse non hominem ipsum nec eius voluntatem, sed actum eius internum, qui si bonus est producit bonum fructum actus externi: & per arborem malam intellexisse actum internum malum, à quo prodit exterior actus malus. Sic interpretatur Albertus Magnus in 2. sent. dist. 41. art. 5. sic etiam Scotus in 2. sent. dist. 37. q. 2. Quod autem asserit D. Augustinus bona opera non præcedere hominem iustificandum, loquitur de Operibus meritorijs vitæ æternæ, quæ debent procedere ab homine iustificato & in statu gratiæ constituto.

ARTICVLVS XXXVI.

Amor naturalis, qui ex viribus naturæ exoritur, ex sola Philosophia per elationem presumptionis humanæ, cum iniuria crucis Christi defenditur à nonnullis Doctoribus.
 Lib. de Charitate, cap. 5.

QUæritur an hæc propositio coercenda fuerit: loquitur enim de naturâ humanâ in statu peccati constitutâ: & in tantum per illud peccatum depressâ, vt non sit probabile ex suis naturalibus posse assurgere ad tam nobilem actum, qualis est amor Dei, ne alioqui cogamur admittere eandem posse obtinere, ex suis naturalibus peccati remissionem. Quod semel obiectum est & iterum obiicitur propter rei grauitatem, Deus enim diligentes se diligit: ergo diligentes Deum diliguntur à Deo: & dilecti à Deo peccata non habent amplius. Sicque homo ex naturalibus amicitiam Dei & gratiam consequetur, quod omnino Pelagianum est.

Respondetur inter Doctores illos, qui defendunt amorem diuinum esse possibilem naturaliter, pugnacissimum eminere Scotum in 2. sent. dist. 28. & in 3. dist. 27. q. vnica quem sequuntur Scotistæ omnes præter Pitigianum. Fundatur autem in his rationibus, 1. quod ratio naturalis ostendat aliquid summè diligendum: quia in omnibus actibus & obiectis subordina-

ageret, propter præconia quibus à Scripturâ ipsa cumulat, idcirco alij proferunt exemplum obstreticum Ægypti quæ timuerunt Deum, & paruulos Israelitarum seruabant contra edictum Regis impij propter quod Deus, *ædificauit illis domos*, Exodi 1. augendo rem earum familiarem ac ingentem bonorum temporalium copiam largiendo. Sed & Ezech. 29. Deus testatur Regem Babylonis Nabuchodonosor, sibi ipsi seruiuisse in expugnandâ Tyro, propter quod eum remunerat. *Dedi ei terram Ægypti, pro eo quod laborauerit mihi, ait Dominus Deus*: In quem locum D. Hieronym. asserit, ethnicos si quid boni fecerint non absque mercede fecisse Dei iudicio. Sed & D. Augustinus l. 5. *de Ciuit.* cap. 15. laudat bonas artes Romanorum, quas virtutes vocat, quibus ad gloriam imperij peruenire nitebantur, easque compensatas fuisse ait gloriâ huius mundi, cum vitâ æternâ digni non essent.

Ad oppositum dicendum est per arborem bonam Christum intellexisse non hominem ipsum nec eius voluntatem, sed actum eius internum, qui si bonus est producit bonum fructum actus externi: & per arborem malam intellexisse actum internum malum, à quo prodit exterior actus malus. Sic interpretatur Albertus Magnus in 2. sent. dist. 41. art. 5. sic etiam Scotus in 2. sent. dist. 37. q. 2. Quod autem asserit D. Augustinus bona opera non præcedere hominem iustificandum, loquitur de Operibus meritorijs vitæ æternæ, quæ debent procedere ab homine iustificato & in statu gratiæ constituto.

ARTICVLVS XXXVI.

Amor naturalis, qui ex viribus naturæ exoritur, ex sola Philosophia per elationem præsumptionis humanæ, cum iniuria crucis Christi defenditur à nonnullis Doctõribus.
 Lib. de Charitate, cap. 5.

QUæritur an hæc propositio coercenda fuerit: loquitur enim de naturâ humanâ in statu peccati constitutâ; & in tantum per illud peccatum depressâ, vt non sit probabile ex suis naturalibus posse assurgere ad tam nobilem actum, qualis est amor Dei, ne alioqui cogamur admittere eandem posse obtinere, ex suis naturalibus peccati remissionem. Quod semel obiectum est & iterum obicitur propter rei grauitatem, Deus enim diligentes se diligit: ergo diligentes Deum diliguntur à Deo: & dilecti à Deo peccata non habent amplius. Sicque homo ex naturalibus amicitiam Dei & gratiam consequetur, quod omnino Pelagianum est.

Respondetur inter Doctores illos, qui defendunt amorem diuinum esse possibilem naturaliter, pugnacissimum eminere Scotum in 2. sent. dist. 28. & in 3. dist. 27. q. unica quem sequuntur Scotistæ omnes præter Pitigianum. Fundatur autem in his rationibus, 1. quod ratio naturalis ostendat aliquid summè diligendum: quia in omnibus actibus & obiectis subordina-

tis est aliquid supremum: ergo aliquod supremum diligibile quod Deus est: nihil enim potest intellectus rectè dictare ex naturalibus in quod dictatum, non possit voluntas naturaliter tendere, aliter voluntas esset naturaliter mala, vel saltem non libera ad tendendum in quodlibet bonum sibi præcensum ab intellectu, 2. quod fortis politicus secundum rectam rationem, debet se morti exponere propter bonum reipublicæ, etsi præmium alterius vitæ non speret, secundum autem rectam rationem magis diligendum est bonum diuinum, quam Reipublicæ alicuius: ergo propter bonum diuinum poterit seipsum quis morti exponere, Deum super omnia diligendo. 3. Additur persuasio Theologica, quia qui se sentiret pronum ad Deum diligendum cognosceret se esse in charitate, cum ex naturâ id non procederet. Eandem sententiam sequutus est Gosfridus quod lib. 4. quæst. 6. & plures alij variis ducti rationibus: cuius contrariam mihi non possum persuadere, si limitetur actus ille amoris ad aliquod breue tempus, & in illâ saltem occasione, in qua non vrgent graues aliquæ tentationes: quis enim tunc hominem separaret ab actu aliquo amoris Dei, qui tantopere diligendus apparet, cum tot alia obiecta & vilia præ Deo ardentè diligit?

Ad oppositum dicendum est post Velosilum in *Aduertentijs* ad 1. tomum D. Augustini *quæsto* 4. Quod solum ille actus amoris Dei est vltima dispositio ad gratiam, qui est specia- liter ex Deo trahente: non ille actus qui est ex

naturalibus, ut cum nobis Gratiā Iustifican-
tem confert, totum illi debeamus. Est autem
Pelagianum asserere actum aliquem ex natu-
ralibus solis esse ultimam dispositionem ad gra-
tiam: non actum ex Deo trahente elicitedum;
nimirum Deus id sibi & gratiæ suæ excitanti
reservauit. Quemadmodum quamuis Ange-
lus possit ex naturalibus, iuxta Scotum, co-
gitationes cordis cognoscere, tamen Deus id
sibi reservare voluit; quia nobis id expediens
fuit; scilicet gratia est velut sponsa Christi ex
quâ generat sibi filios; unde soli illi actus
qui ex eâ promanant, sunt *sicut oportet*, ut
Gratia Sanctificans, aut gloria ipsa confere-
tur: nec quemquam in hoc decipiat ratio hu-
mana, cum de necessitate gratiæ admoneat
nos Scriptura diuina.

ARTICVLVS XXVII.

*Cum Pelagio sentit, qui boni aliquid natu-
ralis, hoc est quod ex nature solis viri-
bus ortum ducit, agnoscit. Ibidem.*

QUæritur an improbari etiam debuerit hæc
propositio: etenim asserit D. Iacobus epist.
cap. I. *Omne donum optimum & omne donum
perfectum desursum est descendens à Patre lu-
minum: ergo si producatür aliquod bonum,
quod vocetur morale aut naturale, neuti-
quam naturale est, cum sit ex principio super-*

naturali, gratiæ & ex dono Patris æterni. Vanum ergo dogma est Theologorum, cum diuidunt actus bonos in naturales & supernaturales, virtutes in infusas & naturales, cum nullum bonum sit quod non sit supernaturale & ex gratia profectum. Redolet ergo Pelagianismum admittere aliquod bonum naturale ex solis naturæ viribus ortum Vnde D. August. Soliloq. cap. 15. *Si quid boni est parui vel magni, donum tuum est Domine: & nostrum non nisi malum est. Vnde igitur gloriabitur omnis caro? numquid de malo? hæc non est gloria sed miseria: sed numquid gloriabitur de bono? numquid de alieno? tuum Domine est bonum, tua est gloria: qui enim de bono tuo gloriam sibi quarit, & non tibi quarit, ille fur est & latro, & similis est diabolo, qui voluit surari gloriam tuam.*

Respondetur quasdam propositiones Baii tantum damnatas esse in proprio verborum sensu ab illo intento: vnde quamuis hæc propositio prout iacet à pluribus magnæ notæ authoribus defendatur: attamen Baius non distinguebat inter auxilium gratiæ actualis seu Spiritus sancti nondum inhabitantis & auxilium gratiæ habitualis, in quo contradicebat Concilio Tridentino sess. 14. cap. 4. vt notauit Vasquez 1. 1. disp. 190. cap. 18. Vnde consequenter existimabat omnia opera ante fidem per dilectionem operantem & iustificantem animam esse ex solis naturæ viribus, etiamsi essent ex motione Spiritus sancti nondum inhabitantis seu ex gratiâ excitante & præueniente. Quatenus ergo per hanc propositionem intendebat nullum

nullum bonum produci posse ab homine, ante statum gratiæ iustificantis & charitatis, censuram merito incurrit, quia nulli hæcenus Theologi id probatum habuerant, etsi enim plures vellent nullum posse produci bonum, ex naturæ solis viribus, admittebant tamen produci posse ex motione Spiritus sancti, nondum inhabitantis & ex gratia præueniente ante iustificationem ipsam, in quo à Baio dissidebant.

Ad oppositum dicendum est redolere Pelagianismum admittere aliquod bonum ortum ex viribus solis naturæ, opponendo naturam tam auxilio Spiritus sancti nondum inhabitantis, quam auxilio Spiritus sancti habitantis per iustificationem ipsam: non vero opponendo naturam soli auxilio Spiritus sancti habitantis, prout opponebat Baius. Deinde distinguendum est inter bonum maius, seu perfectionem virtutum, & bonum minus, itemque inter bonum quod cōducit ad remissionem peccatorum & meritum vitæ æternæ, & bonum quod non conducit: de priori illo bono loquitur D. Iacobus, de hoc D. Augustinus in *Soliloquijs*, si tamen illa *Soliloquia* sint illius germanum opus.

ARTICVLVS XXXVIII.

Omnis amor creature rationalis, aut vitiosa est cupiditas qua mundus diligitur, quæ à Ioanne prohibetur, aut laudabilis illa charitas, qua per Spiritum sanctum in corde diffusa Deus amatur. Lib. de Charitate cap. 6.

Quæritur an proscribi debuerit dogma hoc pietatem redolens, quod patronum habet D. Augustinum multis in locis, vt in Enchyridio cap. 117. *Regnat enim carnalis cupiditas, vbi non est charitas, & Christus in Euangelio dicit, Matth. 12. Qui non est mecum, contra me est*, quia sicut contra Christum nemo esse potest nisi per cupiditatem malam, sic cum illo nemo esse potest, nisi per charitatem & voluntatem bonam, aiebat Baius: & iterum D. Augustinus, l. 9. *de Trinit. cap. 7. nemo volens aliquid facit quod non in corde suo prius dixerit. Quod verbum amore concipitur creature siue creatoris, id est, aut nature mutabilis, aut incommutabilis veritatis: ergo aut cupiditate, aut charitate, non quod non sit amanda creatura: sed si ad creatorem refertur ille amor, non iam cupiditas, sed charitas erit, tunc enim est cupiditas cum propter se amatur creatura, tunc non vtentem adiuvat, sed corrumpit fruentem. Vbi D. Augustinus nullum agnoscit medium inter charitatem & cupiditatem.*

Respondetur proscribi hanc Baii propositionem, quod ex illâ inferatur charitatem solam virtutem esse, solosque eius actus studiosos esse & laudabiles: vnde & damnantur omnes actus virtutum moralium ex motiuo earum specifico elicitus: itavt opus misericordiæ ad subleuandam pauperis egestatem relatus, sit actus vitiosæ & damnatæ cupiditatis: item de actu temperantiæ & fortitudinis, imo & ipsius religionis: vnde & hæc propositio destruit omnes virtutes morales: quod scripturæ repugnat, quæ eos sæpè numero commendat; rationi quoque, quia actus earum virtutum ex solo earum motiuo specifico eliciti, nullam habent oppositionem ad charitatem quæ eos imperat ac ad Deum refert. Quare & in seipsis considerati, vitiosi non sunt nec improbæ cupiditatis actus, sed honesti & laude digni, apud quemlibet rerum æquum æstimatorem, imo & apud Deum cui ingrati non sunt tales actus, etsi non attingant vltimum perfectionis gradum, nisi referantur ad Deum imperio charitatis.

Ad oppositum dicendum est D. Augustinum sumere in his locis charitatem non strictè pro virtute Theologicâ, solum bonum diuinum spectante, sed latius pro virtute quæ est communis Theologicæ & Morali infusæ, itemque sumere cupiditatem pro ipsâ libidine qua proprium bonû appetitus inferioris inordinate amatur. Quod autem vrgêt Baiani in doctrinâ D. Augustini amorem creaturæ qui non tendit in Deum, esse peccatum, id debet intelligi de amore in hæsiuo & fruitiuo, quo amaretur creatura, vt summum bo-

num, omnino propter se & ad illam cætera referendo : is enim est amor fructiuus. Id autem patet ex verbis , in obiectione productis, *tunc non utentem adiuvat & corrumpit fruentem* : & ex illo celebri dogmate Augustiniano l. 10. de Trinitate cap. 10. & l. 83. quæstionum q. 30. *Omniem humanam perversitatem esse fruendis uti & utendis frui*: quæ testimonia lucem afferunt pluribus alijs ex eodem D. Augustino collectis ad firmandum Baij articulum, quem Bulla proscribit.

ARTICVLVS XXXIX.

Quod voluntariè fit, etiam si necessario fiat, liberè tamen fit. Lib. de Libero Arbitrio cap. 7. —

QUæritur an inculari debuerit hic articulus, qui fautorem habet D. Augustinum l. 1. Operis imperfecti contra Iulianum ; vbi cum Iulianus vrgeret, liberum non est, nisi quod duo potest velle, idest bonum & malum, sic arguit D. Augustinus, *Liber ergo Deus non est, quia malum non potest velle, de quo etiam ipse dixisti, Deus esse, nisi iustus, non potest. Siccine Deum laudas, ut ei auferas libertatem, an potius intelligere debes esse quamdam beatam necessitatem quâ Deus iniustus non potest esse?* Vbi D. Augustinus, Libertatem cum necessitate simul asserit, ergo liberè fieri poterit, quod fit necessario. Sed & apud ipsum familiare est liber-

tatem cum voluntate confundere , vt idem sit apud ipsum esse voluntarium & liberum.

Respondetur D. Augustinum satis mentem suam aperuisse l. de naturâ & gratiâ cap. 65. *Liberi Arbitrij nos condidit Deus, neque ad virtutem, neque ad vitia necessitate trahimur: alioqui vbi necessitas, neque corona est.* & l. de verâ Religione cap. 15. *Nec hoc dubitandum video habere animas liberum voluntatis arbitrium, tales enim seruos suos meliores esse Deus iudicauit, si ei seruirent liberaliter, quod nullo modo possit fieri, si non voluntate, sed necessitate seruirent.* Vbi D. Augustinus euidenter opponit libertatem necessitati, sed & D. Thomas in *quest. disput. q. 6 de malo*, art. vnico, excutiens præsentem controuersiam, hæreseos nota afficit propositionem de qua hic sermo. *Hæc autem, inquit, opinio est hæretica: tollit enim rationem meriti & demeriti in humanis actibus; non enim videtur esse demeritorium, vel meritorium, quod aliquis sic ex necessitate agit, vt vitare non possit.* Sed & post D. Thomam plures insignis notæ Theologi hæreticam asseruerunt eandem opinionem, maximè qui post hæresim Caluini scripserunt horum Theologorum catalogum, quia plures referunt, omitimus.

Ad oppositum notari posset obiter, similem esse argumentationem Caluini lib. 1. Inst. cap. 3. §. 5. sed quia commune est recentioribus Bavianis dicere Caluinum rectè scripsisse de Trinitate, nec ea reprehensioni obnoxia esse ex eo quod à Caluino prolata sint, ideo melius dicendum est. D. Augustinum eo loco, agere de

libertate contrarietatis ad bonum & malum, vt ex ipsis terminis patet. Hæc autem libertas in Deo non est, sed est in eo libertas quædam sublimior, quæ extenditur ad innumera bona in particulari, circa quæ potest agere vel non agere, ea procreando vel non: libertatem enim diuersos habere status diuersasque extensiones abundè diximus in *Theol. Affect.* 1. p. tract. 4. *Medit.* 14. quæ non libet hic repetere: necessitas autem quæ est in Deo, est necessitas hypothetica ad bonum tantum in communi, quia ex hypothefi quod agat, non agere aliud potest quam bonum. Vnde D. Augustinus tantum componit libertatem contradictionis cum necessitate hypothetica ad bonum in communi & libertas hominis post naturam lapsam est contradictionis ac contrarietatis circa bonum & malum, quæ non potest subsistere cum necessitate, circa bonum & malum in particulari, qualem volunt esse Baiani necessitatem hominis: est ergo disparitas inter Deum & hominem circa præsentem controuersiam. Quod autem D. Augustinus pluribus in locis confundat liberum cum voluntario; Verum est, sed vsurpat voluntatem prout illam definiuit, in l. de Duabus Animabus cap. 12. Illæ animæ si natura non voluntate faciunt, id est, si libero ad faciendum, & ad non faciendum malum animo carent, &c. Vbi semetipsum interpretatur D. Augustinus, sed istum locum dissimulant Baiani.

ARTICVLVS XL.

In omnibus suis actibus peccator, seruit dominantī cupiditati. A Baio non agnoscitur.

QUæritur an labefactari possit hic articulus; etenim quid ex corrupta hominis naturâ prodire potest, quod non sit damnabile? quid in homine regnum obtinebit nisi cupiditas, si absit charitas & nondum eum possideat? & si totus Christi verbis depingitur homo, valde miserum esse animal conuincitur, *Quod enim*, inquit D. Ioan. Epist. 1. cap. 3. *natum est ex carne*, caro est, affectus autem carnis, teste Apostolo ad Rom. 8. *Mors est*, quando quidem *inimicitia est aduersus Deum*: eoque legi Dei non subditur nec subdi potest. Quod non ita intelligi debet de carne, ut non etiam ad animam pertineat, quia ex verbis Domini, oportet hominem renasci, *quia caro est* Ioan. 3. Non renascitur autem tantum secundum carnem, sed maximè secundum animam, ergo totus homo caro est, idest, secundum se totum corruptus & deprauatus ac cupiditatibus subditus. Quare Apostolus ad Rom. 3. volens humani generis arrogantiam deiicere ait, *Non est intelligens aut requirens Deum, omnes declinauerunt, simul inutiles facti sunt, non est qui faciat bonum, non est vsque ad vnum*, &c. Quibus fulminibus, inquit, Calvinus l. 1. Inst. cap. 3. §. 2, non in incertos homines sed in vniuersam filiorum Adam seriem inuehitur.

etiam gratia excitans non producet in eo aliquid non vitiosum?

Ad oppositum dicendum est Apostolum eo loco agere de prudentia carnis quæ vitium est & peccatum quod Deo subiici non potest, licet homo laborans isto vitio Deo subiici possit, sic albedo non potest esse nigredo, licet niger albus fieri possit. Verba autem Christi de eo quod natum est ex carne, longe diuersum habent sensum, tantum enim Deū denotant esse terminū generationis carnalis qui dat esse carnale, sicut terminus generationis spiritualis in Baptismo dat esse spirituale, assimilando hominem spiritui Sancto, vt egregiè ostendit Stapleton in *Antidotis* in Ioan. c. 3 frustra autem & falso Calvinus verba Apostoli ex Dauide desumpta negat dicta esse in certos homines, cum de ijs dicta sint de quibus in principio Psalmi 2. dictum erat, *Dixit insipiens in corde suo, non est Deus*, scilicet de Atheis.

ARTICVLVS XXXXI.

Is Libertatis modus, qui est à necessitate, sub libertatis nomine non reperitur in scripturis, sed solum nomen libertatis à peccato. l. de Libero Arbitrio c. 7.

QUæritur an explodi debuerit iste articulus, etsi enim scriptura sacra loquatur sæpius de libertate, de illa tamen maxime lo-

quitur, quæ est à peccato; vt cum dicitur Ioan. 7. *si filius vos liberauerit, verè liberi eritis*, itemque ad Rom. 6. *liberati à peccato serui facti estis iustitiæ*

Responderur Summos Pontifices noluisse fauere Baio & eius sequacibus etiam quoad vnâ voculam. Vnde determinatum esse voluerunt, non solum libertatem à necessitate quoad rem ipsam in sacris scripturis contineri, sed etiam eandem libertatem sub voce & nomine libertatis exprimi. Quod patet ex hoc loco D. Pauli 1. Cor. 10. *Vt quid enim libertas mea iudicatur ab alienâ conscientia?* iuncto ibidem commentario D. Thomæ. Itemque Tobiz 1. dicitur. *Quoniam memor fuit Domini in toto corde suo, dedit illi Deus potestatem quocumque vellet ire habens libertatem quacumque facere voluisset.* Sed & quod ait Baius solum nomen libertatis à peccato exprimi in scripturâ, admitti non potest, cum etiam libertas à miserâ sub nomine libertatis exprimatur, ad Rom. 8. *tunc & ipsa creatura liberabitur à corruptione in libertatem gloriæ Filiorum Dei.* Atque etiam libertas à iugo grauissimorum multipliciumque cæremoniarum Mosaicæ legis vt cum dicit D. Paulus ad Gal. 2. subintroisse falsos fratres ad explorandam libertatem quam habebant in Christo Jesu.

Ad oppositum dicendum est, non hæc sola scripturæ loca loqui de libertate sed & plura alia, vt inter cætera, ea quæ produximus in corpore articuli, vbi videmus nomen libertatis vsurpatum & ad significandam libertatem

gloriæ filiorum Dei quæ est libertas à miseria,
& ad significandam libertatem à iugo legis Mo-
saicæ, quæ est libertas Euangelica, quâ ij etiam
fruuntur, qui sunt in statu peccati.

ARTICVLVS XLII.

*Iustitia qua iustificatur per fidem impius,
consistit formaliter in obedientia manda-
torum, quæ est operum iustitia, non au-
tem in gratia aliqua animæ infusa, quæ
adoptatur homo in Filium Dei, & se-
cundum interiorem hominem renouatur,
ac diuinæ naturæ consors efficitur, ut sic
per Spiritum Sanctum renouatus, dein-
ceps bene viuere & mandatis Dei obedi-
re possit l. de Iustitia c. 5.*

QUæritur an inter damnatos articulos hunc
accensere debuerit Summus Pontifex, ete-
nim plures grauissimi Doctores quos refert &
sequitur Vasquez 2.2. disp. 203. c. 19. censent
probabile esse hominem formaliter sanctifica-
ri posse per actum dilectionis aut contritionis,
etsi nullus habitus gratiæ & charitatis infun-
deretur, quia ad Colos. 1. dicitur charitas vincu-
culum perfectionis & 1. ad Timoth. 1. dicitur
finis præcepti. hoc est consuminatio & comple-
mentum legis quia charitate seruatur tota lex.
& ad Ro. 13. ob eandem rationem Charitas di-

citur *plenitudo legis* & 1. Petri 4. dicitur *Charitas operit multitudinem peccatorum*, quibus amplius quidpiam ad iustificationem desiderari non potest.

Respondetur iure repudiatam esse ac damnatam huius articuli doctrinam in quantum excludit gratiam sanctificantem infusam & permanentem in animâ à iustificatione, quasi illa consisteret in solâ boni operatione, & in executione mandatorum absque infusione vllius doni habitualis. Quo semel admissio, non pateret quo pacto infantes iustificarentur, cum iustitiam bonorum operum non habeant. Videreturque iustificatio esse aliquid transiens sicut est ipsa actio, quâ mandatis diuinis obtemperatur. Sed & scriptura sacra non obscure gratiam inhaerentem admittit, quâ iustificantur homines. Vt quid enim Apostolus diceret ad Rom 3. *iustificati gratis per gratiam ipsius* & cap 5. *Si enim vnus delicto multi mortui sunt, multo magis gratia Dei & donum in gratiâ vnus hominis Iesu Christi in plures abundauit. Quam in rem plura coaceruat* Suares l. 7. de Gratia c. 7. & Vasquez citatâ disputatione.

Ad oppositum dicendum est, quod quamuis hominem formaliter iustificari posse, per actum amoris qui virtualiter continet obedientiam mandatorum, plures insignis notæ Doctores probabile esse defendant: attamen sustinent id tantum fieri posse de potentiâ absolutâ, nam de facto iustificantur omnes per habitum infusum gratiæ iustificantis, licet id de fide

hactenus definitum non sit: unde non excludunt propterea habitum infusum gratiæ & Charitatis quo formaliter iustificantur homines: at Baius negat illum habitum, contra communem sententiam Doctorum.

ARTICVLVS XLIII.

In omnibus pœnitentibus ante sacramentum absolutionis, & in Cathecumenis est vera iustificatio, separata tamen à remissione peccatorum. l. de Iustitia c. 7.

QUæritur an minus rectè posita sit hæc assertio: etenim iustum esse est iustè agere & obedire mandatis diuinis: sicut videtur innuere Propheta regius dicens. *Domine quis habitabit in tabernaculo tuo, aut quis requiescet in monte sancto tuo? Qui ingreditur sine macula & operatur iustitiam: qui loquitur veritatem in corde suo: qui non egit dolum in lingua sua* Psal. 14. & alia quæ ibidem narrat: at potest homo ex fide operante per dilectionem hæc omnia bona agere, quibus iustus sit coram Deo: etsi nondum deleta sint peccata per receptionem sacramentorum, per quorum efficaciam remittuntur peccata: ergo videtur admittenda Baij propositio absque censuræ notâ,

Respondetur hanc Baij propositionem & quasdam alias similes in Bullâ damnatas niti duabus alijs propositionibus eiusdem Doctoris. Vna est quod Charitas & alia bona opera me

ritoria possunt esse cum statu peccati, quod extra sacramenta non deletur in eius sententiâ : altera est quod iustificatio, non fit per receptionem gratiæ inhærentis & permanentis seu habitualis, sed per exercitium bonorum operum. Vtraque autem propositio falsa est & nouam Theologiam inuehit, antiquis Doctoribus inco-
gnitam. Nam fides per dilectionem operans non patitur secum vlla peccata, vt superius dictum & probatum est, iterumque probatur ex D. Augustino, solam dilectionem asserente inter filios regni & perditionis discernere lib. 15. *de Trinit.* c. 7. cuius discriminis rationem inquirens Albertus Magnus in 1. *sent. dist.* 17. *art.* 9. dicit quod nulla alia virtus vniuersaliter diuidit inter filios regni & perditionis : quia ipsa vno modo est forma omnium & ideo cum nullo vitio habetur : aliæ autem virtutes non excludunt nisi vitium vnum & non omnia & *dist.* 1. *eiusdem libri art.* 7. Idem Albertus asserit hominem non posse esse in statu medio inter culpam & gratiam, & deletionem culpæ sequi collationem gratiæ. Quod idem firmannt magno consensu plerique posteriores Theologi. Sed & Concilium Trident. sess. 14. c. 4. asserit contritionem charitate perfectam hominem Deo reconciliare priusquam sacramentum pœnitentiæ actu suscipiatur. Quod adstruitur Ezech. 33. *impietas impij non nocebit ei, in quacumque die conuersus fuerit.* Altera autem propositio de iustificatione quæ excludat gratiam habitualement consistatque in solo exercitio bonorum operum, in præcedenti articulo reiecta est.

Ad oppositum dicendum , iustificationem tantum eo sensu consistere in exercitio operum, quatenus sunt dispositio ad iustificationem, vel inseruiunt ad illam conseruandam , nec non etiam augendam : nam forma iustificationis est gratia habitualis sed sanctificans , cui veritati dum satis non consentiunt defensores ac confederati Baij ansam arripuerunt , obligandi pœnitentes post absolutionem ad frequens & diuturnum bonorum operum exercitium , antequam ad Sacram Eucharistiæ participationem admitterentur , quasi non intelligerent animam aliter iustificari , nec perciperent virtutem gratiæ sanctificantis ad abluendam animam in momento.

A R T I C V L V S XLIV.

*Operibus plerisque, quæ à fidelibus fiunt solum ut Dei mandatis pareant, cuiusmodi sunt obedire parentibus, depositum redde-
re, ab homicidio, à furto, à fornicatione abstinere, iustificantur quidem homines, quia sunt legis obedientia, & vice legis iustitia, non tamen ijs obtinent incrementa virtutum. Eodem l. c. 5.*

QUæritur an in vllâ sui parte claudicet hæc propositio, aut in eius caudâ lateat aliquod venenum ut aliqui suspicari possent : etc-

enim tantum concluditur per hanc propositionem opera bona sine imperio charitatis non mereri incrementa virtutum, sicut nec merentur augmentum gratiæ & gloriæ essentialis. Quæ fuit sententia Bannez 2.2.q.24.art.6 dubio 2. & 5 Vbi grauitè & catholicè id determinat, vt loquitur Thomas de Hurtado in *præcurfore Theologo controuersia secunda disputationis secundæ*: multis in hanc rem adductis tum authoritatibus, tum etiam rationibus. Vt propterea extra censuræ aleam in tuto posita esse videatur hæc assertio.

Respondetur duplici ex parte claudicare dictam propositionem. Primo quidem in hoc, quod asserit iustificari homines (intellige formaliter ad mentem Baij) per obedientiam mandatorum. Quod iam multoties improbauimus. Secundo vero in hoc quod asserit, per bonos actus, homines iustos non obtinere incrementa virtutum: constans enim est doctrina Theologorum bonos actus meritorios esse augmenti gratiæ: autem autē gratiā augentur in eadem mensura virtutes infusæ, sicut egregiè explicat Cardinalis de Cusa l. 2. *excitationum* ex alio sermone *respexit humilitatem ancillæ suæ*. Qui habet charitatem, inquit, omnes virtutes morales habet & crescente eâ crescunt ceteræ virtutes quælibet in sua specie, *sicut crescente manu crescunt digiti*, auriculari tamen semper manente minore alijs. Porro per actus bonos augeri gratiam & virtutes haud obscure asserit scriptura Apoc. vlt. *Qui iustus est iustificetur adhuc & sanctus sanctificetur adhuc* & ad Colos. 1. *Vt ambuletis dignè Deo in omni opere bono fructificantes*

Efficantes & crescentes. Plura vide apud Suarium l. 9. de Gratiâ c. 1. & l. 12. c. 8. nu. 9. opinionem Bannesianam nullo modo probandam aut tolerandam censet; quia videtur parum consentanea scripturis, & communi sensui Ecclesiæ & patrum, nimiumque coarctat merita sanctorum.

Ad oppositum dicendum est quod quamvis plerique illustres Theologi contra nostram mentem doceant solos actus charitatis esse meritorios præmij essentialis, simul tamen docent actus aliarum virtutum sine imperio & directione charitatis esse meritorios præmij alicuius accidentalis, ad quod non est absurdum reuocare incrementa virtutum.

ARTICVLVS XLV.

Sacrificium Missæ non alia ratione est Sacrificium, quam generali illâ, qua omne opus bonum quod fit ut sancta Societate Deo homo inhereat. l. de Sacrificio. c. 2

QUæritur an quid minus verò consentiens sit in hac assertionem: etenim D. Augustinus l. 10. de Ciuitate c. 6. dicit, *sacrificium verum est omne opus, quod agitur ut sancta societate inhereatur Deo, relatum ad illum finem boni quo veraciter beati esse possumus*: at nihil potest amplius habere sacrificium Missæ quam ut sit verum sacrificium. Quod cum bonis ope-

ribus conueniat ex mente D. Augustini, nihil restat in quo sacrificium Missæ, magis dici possit sacrificium.

Respondetur hæresim esse asserere quod sacrificium Missæ non aliâ ratione, & magis propriè sit sacrificium quam bona opera. Definit enim Concilium Tridentinum sess. 22. de *Sacrificio Missæ* canone 1. *si quis dixerit in Missa non offerri Deo verum & proprium sacrificiũ, aut quod offerri non sit aliud quam nobis Christum ad manducandum dari, anathema sit.* Et ratio est quia definitio sacrificij, Missæ competit, non alijs bonis operibus: est enim sacrificium actus externus Religionis quo ad diuinam maiestatem recognoscendam & nostram erga eum seruitutem protestandam, res aliqua certo ritu ac cæremonia ei offertur ac immutatur: addunt aliqui per sacerdotem & in altari vt magis explicent certum illum ritum quo debet offerri: at satis euidens est bonis operibus istam definitionem non competere: ergo non sunt propriè sacrificium, sed tantum sacrificium lâte sumptum pro eo omni quod placat Deum habetque aliquem effectum sacrificij. Quod si ita non esset, frustra defenderetur character, prærogatiua & dignitas sacerdotum. Frustra tot disputationes institutæ essent contra hæreticos pro asserendo sacerdotij honore, inunctione ac consecratione, cum quibuslibet laicis probatorum morum commune esset, cum bonis operibus sæpe plus abundant. Sed quæ ad hanc controuersiam contra hæreticos spectant doctè & solidè tractantur ab eminentissimo Cardinali Ri-

chelio in opere illo posthumo, quo met hō-
dum tradit ad reducidos in gremium Eccle-
siae ab eā segreges parte 3. c. 5. vbi & omnes hē-
reticorum obiectiones diluit.

Ad oppositum respondent Leonardus Co-
quæus in commentario ad illum locum D. Au-
gustini & Leonardus Lessius 3. p. q. 8. art. 1.
dubio 1. D. Augustinum accipere nomen sacri-
ficij latè, non propriè, scilicet pro eo quod asse-
quitur finem sacrificij, qui est placare Deum.
Et vocat sacrificium verum ratione effectus &
dignitatis, non ratione formæ & essentiae sacri-
ficij propriè dicti. Quia scilicet Deus magis
placatur bonis operibus quam sacrificijs exter-
nis legalibus. Similis sententia est Ioan. 15. *Ego
sum vitis vera*: nec enim Christus significare
volebat, se magis esse vitem quod attinet ad for-
mam & essentiam vitis, quàm sit illa quæ planta-
tur in vineis, sed solum se esse vitem nobilio-
rem & nobiliores effectus producere. Vitem
scilicet mysticam, ea quæ vitis sunt, spiritualiter
& multo excellentius prestantem.

ARTICVLVS XLVI.

Ad rationem & definitionem peccati non pertinet voluntarium, nec definitionis questio est sed causæ & originis, vtrum omne peccatum debeat esse voluntarium.
 1. de Peccato originis. c. 7.

QVaritur an quid veritati repugnans sit in hoc articulo: etenim non solent causæ esse de essentia rerum quæ definiuntur: ergo nec voluntas, nec voluntarium debent ingredi definitionem peccati. Vnde sæpe D. Augustinus & alij patres definiunt peccatum nulla facta mentione voluntarij.

Respondetur post D Thomam 1.2. q. 76. art. 3. quod voluntarium est de ratione peccati. De ratione, id est, de essentia & definitione vt vsurpari solet nomen, ratio. & q. 61. art. 6. peccatum nihil aliud esse quam actum humanum malum. Quod autem aliquis actus sit humanus, habet ex hoc quod est voluntarius, siue sit voluntarius quasi à voluntate elicitus vt ipsum velle vel eligere: siue quasi à voluntate imperatus, vt exteriores actus vel loquutionis vel operationis. Ex hoc infertur voluntarium esse de essentia peccati quod essentialiter est actus humanus, quemadmodum substantia est de essentia hominis qui essentialiter definitur animal, vt enim animal est essentialiter substan-

ria, sic actus humanus essentialiter est voluntarius. Vnde & qui expressius definiunt peccatum, dicunt illum esse defectum voluntarium perfectionis debitæ, quo homo deficiat à lege modum determinante ad assequendum finem ultimum beatitudinis. Et D. Augustin, l. *de Religione* c. 14. vsque adeo peccatum voluntarium malum est, vt nullo modo sit peccatum si non sit voluntarium. Quod idem repetit, l. 3. de Libero Arbitrio c. 17. & 18. Sed & lex diuina abunde id testatur cum *Deuteronomij* 22. & 30. capite, innocens & sine punitione maneat qui contra voluntatem occidit, sicut & virgo quæ inuita & renitens stuprum magis patitur quam agit, quia tunc peccatum non est, defectu voluntarij actus.

Ad oppositum dicendum est in rebus moralibus sæpissime causas & principia rerum ingredi ipsarum definitionem. Et quamuis in aliquibus locis D. Augustinus peccatum definiat sine vlla mentione voluntarij, alibi tamen mentionem illius expressam habet, vt cum in libro de Duabus animabus ita definit peccatum c. 11. *peccatum est voluntas retinendi vel consequendi quod iustitia vetat*, & alijs locis indicatis in corpore articuli. Quod similiter alij patres asserunt.

citur *plenitudo legis* & 1. Petri 4. dicitur *Charitas operit multitudinem peccatorum*, quibus amplius quidpiam ad iustificationem desiderari non potest.

Respondetur iure repudiatam esse ac damnatam huius articuli doctrinam in quantum excludit gratiam sanctificantem infusam & permanentem in animâ à iustificatione, quasi illa consisteret in solâ boni operatione, & in executione mandatorum absque infusione vllius doni habitualis. Quo semel admissò, non pateret quo pacto infantes iustificarentur, cum iustitiam bonorum operum non habeant. Videreturque iustificatio esse aliquid transiens sicut est ipsa actio, quâ mandatis diuinis obtemperatur. Sed & scriptura sacra non obscure gratiam inhaerentem admittit, quâ iustificantur homines. Vt quid enim Apostolus diceret ad Rom 3. *iustificati gratis per gratiam ipsius* & cap 5. *Si enim vnus delicto multi mortui sunt, multo magis gratia Dei & donum in gratiâ vnus hominis Iesu Christi in plures abundauit. Quam in rem plura coaceruat* Suarez l. 7. *de Gratia* c. 7. & Vasquez citatâ disputatione.

Ad oppositum dicendum est, quod quamuis hominem formaliter iustificari posse, per actum amoris qui virtualiter continet obedientiam mandatorum, plures insignis notæ Doctores probabile esse defendant: attamen sustinent id tantum fieri posse de potentiâ absolutâ, nam de facto iustificantur omnes per habitum infusum gratiæ iustificantis, licet id de fide

hactenus definitum non sit: unde non excludunt propterea habitum infusum gratiæ & Charitatis quo formaliter iustificantur homines: at Baius negat illum habitum, contra communem sententiam Doctorum.

ARTICVLVS XLIII.

In omnibus pœnitentibus ante sacramentum absolutionis, & in Cathecumenis est vera iustificatio, separata tamen à remissione peccatorum. l. de Iustitia c. 7.

QUæritur an minus rectè posita sit hæc assertio: etenim iustum esse est iuste agere & obedire mandatis diuinis: sicut videtur innuere Propheta regius dicens. *Domine quis habitabit in tabernaculo tuo, aut quis requiescet in monte sancto tuo? Qui ingreditur sine macula & operatur iustitiam: qui loquitur veritatem in corde suo: qui non egit dolum in lingua sua* Psal. 14. & alia quæ ibidem narrat: at potest homo ex fide operante per dilectionem hæc omnia bona agere, quibus iustus sit coram Deo: etsi nondum deleta sint peccata per receptionem sacramentorum, per quorum efficaciam remittuntur peccata: ergo videtur admittenda Baij propositio absque censura notâ,

Respondetur hanc Baij propositionem & quasdam alias similes in Bullâ damnatas niti duabus alijs propositionibus eiusdem Doctoris. Vna est quod Charitas & alia bona opera me

ritoria possunt esse cum statu peccati, quod extra sacramenta non deletur in eius sententiâ : altera est quod iustificatio, non fit per receptionem gratiæ inhærentis & permanentis seu habitualis, sed per exercitium bonorum operum. Vtraque autem propositio falsa est & nouam Theologiam inuehit, antiquis Doctoribus inco-
gnitam. Nam fides per dilectionem operans non patitur secum vlla peccata, vt superius dictum & probatum est, iterumque probatur ex D. Augustino, solam dilectionem asserente inter filios regni & perditionis discernere lib. 15. *de Trinit.* c. 7. cuius discriminis rationem inquirens Albertus Magnus in 1. *sent. dist.* 17. *art.* 9. dicit quod nulla alia virtus vniuersaliter diuidit inter filios regni & perditionis : quia ipsa vno modo est forma omnium & ideo cum nullo vitio habetur : aliæ autem virtutes non excludunt nisi vitium vnum & non omnia & *dist.* 1. *eiusdem libri art.* 7. Idem Albertus asserit hominem non posse esse in statu medio inter culpam & gratiam, & deletionem culpæ sequi collationem gratiæ. Quod idem firmannt magno consensu plerique posteriores Theologi. Sed & Concilium Trident. *ses.* 14. c. 4. asserit contritionem charitate perfectam hominem Deo reconciliare priusquam sacramentum pœnitentiæ actu suscipiatur. Quod adstruitur Ezech. 33. *impietas impij non nocebit ei, in quacumque die conuersus fuerit.* Altera autem propositio de iustificatione quæ excludat gratiam habitualement consistatque in solo exercitio bonorum operum, in præcedenti articulo reiecta est.

Ad oppositum dicendum , iustificationem tantum eo sensu consistere in exercitio operum, quatenus sunt dispositio ad iustificationem , vel inseruiunt ad illam conseruandam , nec non etiam augendam : nam forma iustificationis est gratia habitualis sed sanctificans , cui veritati dum satis non consentiunt defensores ac confœderati Baij ansam arripuerunt , obligandi pœnitentes post absolutionem ad frequens & diuturnum bonorum operum exercitium , antequam ad Sacram Eucharistiæ participationem admitterentur , quasi non intelligerent animam aliter iustificari , nec perciperent virtutem gratiæ sanctificantis ad abluendam animam in momento.

ARTICVLVS XLIV.

*Operibus plerisque , quæ à fidelibus fiunt solum ut Dei mandatis pareant , cuiusmodi sunt obedire parentibus , depositum redde-
re , ab homicidio , à furto , à fornicatione abstinere , iustificantur quidem homines , quia sunt legis obedientia , & vice legis iustitia , non tamen ijs obtinent incrementa Virtutum. Eodem l. c.5.*

QVaritur an in vllâ sui parte claudicet hæc propositio , aut in eius caudâ lateat aliquod venenum ut aliqui suspicari possent : etc-

enim tantum concluditur per hanc propositionem opera bona sine imperio charitatis non mereri incrementa virtutum, sicut nec merentur augmentum gratiæ & gloriæ essentialis. Quæ fuit sententia Bannez 2.2.q.24.art.6 dubio 2. & 5 Vbi graviter & catholicè id determinat, vt loquitur Thomas de Hurrado in *præcurfore Theologo controuersia secunda disputationis secunda*: multis in hanc rem adductis tum authoritatibus, tum etiam rationibus. Vt propterea extra censuræ aleam in tuto posita esse videatur hæc assertio.

Respondetur duplici ex parte claudicare dictam propositionem. Primo quidem in hoc, quod asserit iustificari homines (intellige formaliter ad mentem Baij) per obedientiam mandatorum. Quod iam multoties improbauimus. Secundo vero in hoc quod asserit, per bonos actus, homines iustos non obtinere incrementa virtutum: constans enim est doctrina Theologorum bonos actus meritorios esse augmenti gratiæ: autem autē gratiā augentur in eadem mensura virtutes infusæ, sicut egregiè explicat Cardinalis de Cusa l. 2. *excitationum* ex alio sermone *respexit humilitatem ancillæ suæ*. Qui habet charitatem, inquit, omnes virtutes morales habet & crescente eâ crescunt cæteræ virtutes quælibet in sua specie, *sicut crescente manu crescunt digiti*, auriculari tamen semper manente minore alijs. Porro per actus bonos augeri gratiam & virtutes haud obscure asserit scriptura Apoc. vlt. *Qui iustus est iustificetur adhuc & sanctus sanctificetur adhuc* & ad Colos. 1. Vt ambuletis dignè Deo in omni opere bono *fructificantes*

Efficantes & crescentes. Plura vide apud Suarium l. 9. de Gratiâ c. 1. & l. 12. c. 8. nu. 9. opinionem Bannesianam nullo modo probandam aut tolerandam censet ; quia videtur parum consentaneâ scripturis , & communi sensui Ecclesiæ & patrum , nimiumque coarctât merita sanctorum.

Ad oppositum dicendum est quod quamvis plerique illustres Theologi contra nostram mentem doceant solos actus charitatis esse meritorios præmij essentialis , simul tamen docent actus aliarum virtutum sine imperio & directione charitatis esse meritorios præmij alicuius accidentalis , ad quod non est absurdum reuocare incrementa virtutum.

ARTICVLVS XLV.

Sacrificium Missæ non alia ratione est Sacrificium , quam generali illâ , qua omne opus bonum quod fit vt sancta Societate Deo homo inhæreat. l. de Sacrificio. c. 2

QUæritur an quid minus verò consentiens sit in hac assertionem: etenim D. Augustinus l. 10. de Ciuitate c. 6. dicit , *sacrificium verum est omne opus , quod agitur vt sancta societate inhæreatur Deo , relatum ad illum finem boni quo veraciter beati esse possumus* : at nihil potest amplius habere sacrificium Missæ quam vt sit verum sacrificium. Quod cum bonis ope-

ribus conueniat ex mente D. Augustini, nihil restat in quo sacrificium Missæ, magis dici possit sacrificium.

Respondetur hæresim esse asserere quod sacrificium Missæ non aliâ ratione, & magis propriè sit sacrificium quam bona opera. Definit enim Concilium Tridentinum sess. 22. de *Sacrificio Missæ* canone 1. *si quis dixerit in Missa non offerri Deo verum & proprium sacrificiũ, aut quod offerri non sit aliud quam nobis Christum ad manducandum dari, anathema sit.* Et ratio est quia definitio sacrificij, Missæ competit, non alijs bonis operibus: est enim sacrificium actus externus Religionis quo ad diuinam maiestatem recognoscendam & nostram erga eum seruitutem protestandam, res aliqua certo ritu ac cæremonia ei offertur ac immutatur: addunt aliqui per sacerdotem & in altari vt magis explicent certum illum ritum quo debet offerri: ac satis euident est bonis operibus istam definitionem non competere: ergo non sunt propriè sacrificium, sed tantum sacrificium lâte sumptum pro eo omni quod placat Deum habetque aliquem effectum sacrificij. Quod si ita non esset, frustra defenderetur character, prærogatiua & dignitas sacerdotum. Frustra tot disputationes institutæ essent contra hæreticos pro asserendo sacerdotij honore, inunctione ac consecratione, cum quibuslibet laicis probatorum morum commune esset, cum bonis operibus sæpe plus abundant. Sed quæ ad hanc controuersiam contra hæreticos spectant doctè & solidè tractantur ab eminentissimo Cardinali Ri-

chelio in opere illo posthumo, quo met hō-
dum tradit ad reducidos in gremium Eccle-
siae ab eā segreges parte 3. c. 5. vbi & omnes hæ-
reticorum obiectiones diluit.

Ad oppositum respondent Leonardus Co-
quæus in commentario ad illum locum D. Au-
gustini & Leonardus Lessius 3. p. q. 8. art. 1.
dubio 1. D. Augustinum accipere nomen sacri-
ficij latè, non propriè, scilicet pro eo quod asse-
quitur finem sacrificij, qui est placare Deum.
Et vocat sacrificium verum ratione effectus &
dignitatis, non ratione formæ & essentiae sacri-
ficij propriè dicti. Quia scilicet Deus magis
placatur bonis operibus quam sacrificijs exter-
nis legalibus. Similis sententia est Ioan. 15. *Ego
sum vitis vera*: nec enim Christus significare
volebat, se magis esse vitem quod attinet ad for-
mam & essentiam vitis, quàm sit illa quæ planta-
tur in vineis, sed solum se esse vitem nobilio-
rem & nobiliores effectus producere. Vitem
scilicet mysticam, ea quæ vitis sunt, spiritualiter
& multo excellentius prestantem.

tia, sic actus humanus essentialiter est voluntarius. Vnde & qui expressius definiunt peccatum, dicunt illum esse defectum voluntarium perfectionis debitæ, quo homo deficiat à lege modum determinante ad assequendum finem ultimum beatitudinis. Et D. Augustin. l. *de Religione* c. 14. vsque adeo peccatum voluntarium malum est, vt nullo modo sit peccatum si non sit voluntarium. Quod idem repetit, l. 3. de Libero Arbitrio c. 17. & 18. Sed & lex diuina abunde id testatur cum *Deuteronomij* 22. & 30. capite, innocens & sine punitioe maneat qui contra voluntatem occidit, sicut & virgo quæ inuita & renitens stuprum magis patitur quam agit, quia tunc peccatum non est, defectu voluntarij actus.

Ad oppositum dicendum est in rebus moralibus sæpissime causas & principia rerum ingredi ipsarum definitionem. Et quamuis in aliquibus locis D. Augustinus peccatum definiat sine vlla mentione voluntarij, alibi tamen mentionem illius expressam habet, vt cum in libro de Duabus animabus ita definit peccatum c. 11. *peccatum est voluntas retinendi vel consequendi quod iustitia vetat*, & alijs locis indicatis in corpore articuli. Quod similiter alij patres asserunt.

ARTICVLVS XLVII.

Vnde peccatum originis habet verè rationem peccati sine vlla relatione & respectu ad voluntatem à qua originem habuit. Lib. de peccato originis.

QUæritur an hæc propositio virgâ censoria percuti debuerit : non enim apparet quomodo peccatum infantium quale est originale, qui nec intelligunt, nec volunt quidquam, possit esse voluntarium, aut vllum respectum ad voluntatem cuiusquam habere.

Respondetur nodosam esse & difficilem quæstionem peccati originalis, quomodo deriuetur ad omnes homines, & per quam rimam in animas de nouo per omnipotentiam diuinam creatas ingrediatur, sicut autem illud participamus per quamdam traductionem à parentibus in filios, sic illud secretum cognoscimus per traditionem & quamdam doctrinam quæ ab antiquioribus Theologis tradita ad nos vsque peruenit, à quâ tantisper deflectere non licet sine erroris periculo. Certum est autem cum omne peccatum sit aliquo pacto voluntarium, idem competere peccato Originali, cuius causa non naturalis & physica, sed moralis fuit primus parens, quatenus ex eius voluntate & beneplacito pendebat, transfundere iustitiam originalem & gratiam sanctificantem in ea inclusam ad posteros, si mandato morigerum se præbuisset, ita enim

Deus statuerat : sicut & statuerat, vt eo peccante, inesset in posteris priuatio gratiæ sanctificantis, quæ formaliter peccatum est originale, quatenus profluit ex Adami inobedientia ac præuaricatione voluntaria. Quare non est istud peccatum sine respectu ad voluntatem Adami à quâ originem habuit: vnde Albertus Magnus in 2. sent, dist. 22. vocat peccatum originale voluntarium voluntate remota & antecedente, licet non propinqua & consequente, vt originale inquit est voluntarium voluntate Adæ & non voluntate nostra; & D. Thomas 1. 2. q. 81. art. 1. inordinatio quæ est in isto homine ex Adam generato, non est voluntaria voluntate ipsius, sed voluntate primi parentis, qui mouet motione generationis omnes qui ex eius origine deriuantur, sicut voluntas animæ mouet omnia membra ad actum, quibus fauēt D. Augustinus in fine de Libero Arbitrio, vbi ostendit peccatum originale quodammodo fuisse voluntatem propter voluntatem Adæ.

Ad oppositum ergo dicendum est peccatum originale esse defectum gratiæ Sanctificantis præcisè ex præuaricatione Adami ortum & esse voluntarium voluntate ipsius Adami qui defectum hunc impedire poterat,

cendum & factus adultus actu concupiscit; & talis dispositio, inquit, ad peccatum non nisi culpa est, in ea enim consistit ratio formalis omnis culpæ tam actualis quam originalis.

Respondetur peccatum originale consistere formaliter in defectu gratiæ sanctificantis ex Adami præuaricatione orto, ut fert sententia communior & verior Theologorum plurium post D. Thomam 1. 2. q. 82. art. 2. & 3. & Scotum in 2. dist. 32. q. vnica. Siquidem peccatum istud nihil potest esse posituum, quia illud produceretur vel virtute naturali ipsius peccati Adami, vel quadam alia virtute supernaturali. Primum dici non potest, quia peccatum Adami non habet hanc vim, & deletum erat cum Adamus primum filium produxit infectum peccato originali. Secundum minus dici potest, quia sic Deus solus esset author peccati originalis, quod sustineri non potest. Quare fictitia est illa voluntas habitualis habitualiter manens, quæ dominetur puero, & illum in Dei odium impellat. Deinde pronitas ad peccatum nondum peccatum est, sed dispositio, sicut nec reatus ad poenam, qui magis est effectus peccati, non peccatum.

Ad oppositum dicendum est peccatum originale dici habituale quatenus habituale opponitur actui, non quatenus significat propensionem & inclinationem ad actum aliquem sicut sumitur à Philosophis. Ad Henricum dicendum non satis rectè intellexisse essentiam peccati originalis, cum sit difficilimum intellectu; unde tantopere in illo explicando laborant Theologi, ut

non minus peccatum istud sit seminarium plurimum opinionum erronearum quam calamitatum humanæ vitæ.

ARTICVLVS XLIX.

Praua desideria, quibus ratio non consentit, & quæ homo inuitus patitur, sunt prohibita præcepto, non concupisces. Lib. eodem cap. 11. 15. & 16.

QUæritur an quidpiã desiderari possit in hac assertionem, etenim verba ipsa præcepti Ex. 10. nihil aliud videntur significare, quid enim est non concupisces, nisi, nihil prauum desiderabis, nec habebis praua desideria, circa res delectabiles? at ubi lex non distinguit nec nos distinguere debemus.

Respondetur obscuram esse istam propositionem; ideoque distinguenda esse desideria, ut alia sint elicita, alia vero naturalia: elicita sunt actiones desiderij immediatè à voluntate elicitæ; naturalia vero sunt ipsi motus carnis & titillationes circa res turpes, quæ exsurgunt in carne, inuita mente hominis & repugnante; quæ Apostolus vocat legem membrorum repugnantem legi mentis suæ, alij fomitem peccati vocant, alij alijs exprimunt vocibus. Praua autem desideria elicita prohibita sunt præcepto, *non concupisces*, & peccata sunt nisi inaduertentia, & inconsideratio omnino excusent; nec possunt esse nisi

voluntaria, quia actus sunt ipsius voluntatis, quæ à nullo obiecto creato cogi potest ad volendum Vnde primum desiderium fornicationis ex adpectum mulieris alienæ, peccatum est, etsi remordeat synderesis, & ratio non consentiat, vt actu perpetretur. Alia vero praua desideria naturalia iam explicata, quæ sunt viæ & dispositiones ad peccatum & quæ volens nolens aliquando iustus quisque patitur, non sunt obiectum præcepti non concupisces. Quia autem sensus propositionis à Baio intētus est de desiderijs prauis iuxta hanc vltimam acceptionem merito damnatur: ex hoc enim sequeretur remanere aliquod peccatum in renatis, & aliqua ad euitandam impossibilia esse prohibita: quæ contrariantur Concilio Tridentino, sess. 5. in Decreto de *Peccato Originali*, & sess. 6. de *Iustif.* cap. 11. Accedit quod quemadmodum prauis homines laudem non merentur ex quibusdam sanctis cogitationibus, aut inspirationibus quas vel nolentes aliquando sentiunt & quibus obluantur; sic nec sancti homines peccant, aut pœnam merentur propter prauas quasdam concupiscentiæ commotiones quas inuiti sentiunt. Vnde nec in illis præceptum transgrediuntur.

Ad oppositum dicendum est, præceptum intelligēdum esse de prauis desiderijs elicitis, circa quæ homo liber est, vt ea eliciat vel non eliciat: non enim cogitur adpecta muliere desiderare actum fornicationis aut adulterij, idcirco cum illum desiderat, voluntariè desiderat, & eo magis voluntariè, quod concupiscentia non minuat voluntarium sed augeat potius: distinguendum

autem desiderium, à simplici, & inefficaci complacentia.

ARTICVLVS L.

Concupiscentia siue lex membrorum & praua eius desideria, quæ inuiti sentiunt homines, sunt vera legis inobedientia.
Ibidem.

QUæritur an à tramite veritatis deflectat hæc assertio, etenim Lutherani apud Stapletonem, lib. 3. de Iustificacione cap. 4. vrgent ab Apostolo ad Rom. 6. Concupiscentiam vocari vt minimum, quinquies peccatum, ad Rom. autem 7. sexies, & ad Rom. 8. ter. & ad Heb. 11. vocari *circumstans nos peccatum*. Apostolum autem semetipsum interpretari loqui de vero peccato, cum ad Rom 5. dicit de illa concupiscentia, quod non sit *bonum*, & quod sit *adiacens malum*, itavt propter hoc clamet, *infelix ego homo quis me liberabit de corpore mortis huius*? Si autem concupiscentia sit peccatum, est legis inobedientia.

Respondetur Concilium Tridentinum hanc difficultatem explicasse sess. 5. in Decreto de peccato originali. *Hanc concupiscentiam*, inquit, *quam aliquando Apostolus peccatum appellat, sancta Synodus declarat Ecclesiã Catholicam nunquam intellexisse peccatum appellari, quod verè & propriè peccatum sit, sed quia ex peccato est &*

*ad peccatum inclinatur, si quis autem contrarium
senferit, anathema sit, Quod & probatur ex eo
quod baptisma delet omnia peccata, cum ta-
men post illud remaneat in renatis concupiscen-
tia ad agonem; ut eodem loco explicat Conci-
lium: ergo concupiscentia per se peccatum non
est. Quæ doctrina est D. Augustini ut te-
mere eam in suas partes trahere conentur ad-
uersarij lib. 1. cap. 13. contra 2. Epistolam Pela-
gianorum. Dicimus baptisma dare indulgenti-
am omnium peccatorum & auferre crimina,
non radere. Sed de concupiscentia carnis credo
eos falli vel fallere, quæ quamuis peccatum ab
Apostolo vocetur, peccatum tamen non est, sed
ideo sic vocatur quia peccato facta est ut Scriptu-
ra monet, vel quia ad peccatum mouet. Atque id
confirmant exempla sanctorum, ut sancti Bene-
dicti & S. Francisci, quorum ille motibus carnis
pullatus inter vepres & spinas corpus nudum
voluit, hic vero nubibus inuoluit, quarum
thesauros dicitur Deus præparasse Iob 18. in diem
pugnæ & hostis. An tunc legi diuinæ inobe-
dientes fuisse censendi sunt, cum illos æstus in-
uoluntariè paterentur? Præclare D. Prosper l. 3.
de Vita Contemplatiua cap. 1. non concupiscentiam
in nobis sentiendo, sed ei consentiendo peccamus.*

Ad oppositum dicendum est iam satis elu-
cere ex mente Concilij ac D. Augustini quo
sensu concupiscentia vocetur peccatum, à D.
Paulo. Quod vero vocetur etiam malum, hoc
non probat esse peccatum, cum inter malum
& peccatum plurimum sit discriminis, illud
enim defectus est, etiam non voluntarius, hoc

tia, sic actus humanus essentialiter est voluntarius. Vnde & qui expressius definiunt peccatum, dicunt illum esse defectum voluntarium perfectionis debitæ, quo homo deficiat à lege modum determinante ad assequendum finem ultimum beatitudinis. Et D. Augustin. l. *de Religione* c. 14. vsque adeo peccatum voluntarium malum est, vt nullo modo sit peccatum si non sit voluntarium. Quod idem repetit, l. 3. de Libero Arbitrio c. 17. & 18. Sed & lex diuina abunde id testatur cum *Deuteronomij* 22. & 30. capite, innocens & sine punitione maneat qui contra voluntatem occidit, sicut & virgo quæ inuita & renitens stuprum magis patitur quam agit, quia tunc peccatum non est, defectu voluntarij actus.

Ad oppositum dicendum est in rebus moralibus sæpissime causas & principia rerum ingredi ipsarum definitionem. Et quamuis in aliquibus locis D. Augustinus peccatum definiat sine vlla mentione voluntarij, alibi tamen mentionem illius expressam habet, vt cum in libro de Duabus animabus ita definit peccatum c. 11. peccatum est *volutas retinendi vel consequendi quod iustitia vetat*, & alijs locis indicatis in corpore articuli. Quod similiter alij patres asserunt.

ARTICVLVS XLVII.

Vnde peccatum originis habet verè rationem peccati sine vlla relatione & respectu ad voluntatem à qua originem habuit. Lib. de peccato originis.

QUæritur an hæc propositio virgâ censoria percuti debuerit : non enim apparet quomodo peccatum infantium quale est originale, qui nec intelligunt, nec volunt quidquam, possit esse voluntarium, aut vllum respectum ad voluntatem cuiusquam habere.

Respondetur nodosam esse & difficilem questionem peccati originalis, quomodo deriuetur ad omnes homines, & per quam rimam in animas de nouo per omnipotentiam diuinam creatas ingrediatur, sicut autem illud participamus per quamdam traductionem à parentibus in filios, sic illud secretum cognoscimus per traditionem & quamdam doctrinam quæ ab antiquioribus Theologis tradita ad nos vsque peruenit, à quâ tantisper deflectere non licet sine erroris periculo. Certum est autem cum omne peccatum sit aliquo pacto voluntarium, idem competere peccato Originali, cuius causa non naturalis & physica, sed moralis fuit primus parens, quatenus ex eius voluntate & beneplacito pendebat, transfundere iustitiam originalem & gratiam sanctificantem in ea inclusam ad posteros, si mandato morigerum se præbuisset, ita enim

Deus statuerat : sicut & statuerat , vt eo peccante , inesset in posteris priuatio gratiæ sanctificantis , quæ formaliter peccatum est originale , quatenus profluit ex Adami inobedientia ac præuaricatione voluntaria. Quare non est istud peccatum sine respectu ad voluntatem Adami à quâ originem habuit: vnde Albertus Magnus in 2. sent. dist. 22. vocat peccatum originale voluntarium voluntate remota & antecedente , licet non propinqua & consequente , vt originale inquit est voluntarium voluntate Adæ & non voluntate nostra; & D. Thomas 1. 2. q. 81. art. 1. inordinatio quæ est in isto homine ex Adam generato , non est voluntaria voluntate ipsius , sed voluntate primi parentis , qui mouet motione generationis omnes qui ex eius origine deriuantur , sicut voluntas animæ mouet omnia membra ad actum , quibus fauēt D. Augustinus in fine de Libero Arbitrio , vbi ostendit peccatum originale quodammodo fuisse voluntatem propter voluntatem Adæ.

Ad oppositum ergo dicendum est peccatum originale esse defectum gratiæ Sanctificantis præcisè ex præuaricatione Adami ortum & esse voluntarium voluntate ipsius Adami qui defectum hunc impedire poterat,

cendum & factus adultus actu concupiscit: & talis dispositio, inquit, ad peccatum non nisi culpa est, in ea enim consistit ratio formalis omnis culpæ tam actualis quam originalis.

Respondetur peccatum originale consistere formaliter in defectu gratiæ sanctificantis ex Adami prævaricatione orto, ut fert sententia communior & verior Theologorum plurium post D. Thomam 1. 2. q. 82. art. 2. & 3. & Scotum in 2. dist. 32. q. unica. Siquidem peccatum istud nihil potest esse positivum, quia illud produceretur vel virtute naturali ipsius peccati Adami, vel quadam alia virtute supernaturali. Primum dici non potest, quia peccatum Adami non habet hanc vim, & deletum erat cum Adamus primum filium produxit infectum peccato originali. Secundum minus dici potest, quia sic Deus solus esset author peccati originalis, quod sustineri non potest. Quare fictitia est illa voluntas habitualis habitualiter manens, quæ dominetur puero, & illum in Dei odium impelat. Deinde pronitas ad peccatum nondum peccatum est, sed dispositio, sicut nec reatus ad poenam, qui magis est effectus peccati, non peccatum.

Ad oppositum dicendum est peccatum originale dici habituale quatenus habituale opponitur actui, non quatenus significat propensionem & inclinationem ad actum aliquem sicut sumitur à Philosophis. Ad Henricum dicendum non satis rectè intellexisse essentiam peccati originalis, cum sit difficilimum intellectu: unde tanto perire in illo explicando laborant Theologi, ut

non minus peccatum istud sit seminarium plurimum opinionum erronearum quàm calamitatum humanæ vitæ.

ARTICVLVS XLIX.

Praua desideria, quibus ratio non consentit, & quæ homo inuitus patitur, sunt prohibita præcepto, non concupisces. Lib. eodem cap. 11. 15. & 16.

QUæritur an quidpiâ desiderari possit in hac assertionem, etenim verba ipsa præcepti Ex. 10. nihil aliud videntur significare, quid enim est non concupisces, nisi, nihil prauum desiderabis, nec habebis praua desideria, circa res delectabiles? at ubi lex non distinguit nec nos distinguere redebemus.

Responderetur obscuram esse istam propositionem; ideoque distinguenda esse desideria, ut alia sint elicitæ, alia vero naturalia: elicitæ sunt actiones desiderij immediatè à voluntate elicitæ: naturalia vero sunt ipsi motus carnis & titillationes circa res turpes, quæ exsurgunt in carne, inuita mente hominis & repugnante; quæ Apostolus vocat legem membrorum repugnantem legi mentis suæ, alij fomitem peccati vocant, alij alijs exprimunt vocibus: Praua autem desideria elicitæ prohibita sunt præcepto, *non concupisces*, & peccata sunt nisi inaduertentia, & inconsideratio omnino excusent; nec possunt esse nisi

voluntaria, quia actus sunt ipsius voluntatis, quæ à nullo obiecto creato cogi potest ad volendum. Vnde primum desiderium fornicationis ex adspectu mulieris alienæ, peccatum est, etsi remordeat synderesis, & ratio non consentiat, ut actu perpetretur. Alia vero praua desideria naturalia iam explicata, quæ sunt viæ & dispositiones ad peccatum & quæ volens nolens aliquando iustus quisque patitur, non sunt obiectum præcepti non concupisces. Quia autem sensus propositionis à Baio intētus est de desiderijs prauis iuxta hanc vltimam acceptionem merito damnatur: ex hoc enim sequeretur remanere aliquod peccatum in renatis, & aliqua ad euitandam impossibilia esse prohibita: quæ contrariantur Concilio Tridentino, sess. 5. in Decreto de *Peccato Originali*, & sess. 6. de *Iustif.* cap. 11. Accedit quod quemadmodum prauis homines laudem non merentur ex quibusdam sanctis cogitationibus, aut inspirationibus quas vel nolentes aliquando sentiunt & quibus obluantur; sic nec sancti homines peccant, aut poenam merentur propter prauas quasdam concupiscentiæ commotiones quas inuiti sentiunt. Vnde nec in illis præceptum transgrediuntur.

Ad oppositum dicendum est, præceptum intelligendum esse de prauis desiderijs, elicitis, circa quæ homo liber est, ut ea eliciat vel non eliciat: non enim cogitur adspecta muliere desiderare actum fornicationis aut adulterij, idcirco cum illum desiderat, voluntariè desiderat, & eo magis voluntariè, quod concupiscentia non minuat voluntarium sed angeat potius: distinguendum

*ad peccatum inclinatur, si quis autem contrarium
 senserit, anathema sit, Quod & probatur ex eo
 quod baptisina delet omnia peccata, cum ta-
 men post illud remaneat in renatis concupiscen-
 tia ad agonem; ut eodem loco explicat Conci-
 lium: ergo concupiscentia per se peccatum non
 est. Quæ doctrina est D. Augustini ut te-
 mere eam in suas partes trahere conentur ad-
 uersarij lib. 1. cap. 13. contra 2. Epistolam Pela-
 gianorum. Dicimus baptisina dare indulgen-
 tiam omnium peccatorum & auferre crimina,
 non radere. Sed de concupiscentia carnis credo
 eos falli vel fallere, quæ quamuis peccatum ab
 Apostolo vocetur, peccatum tamen non est, sed
 ideo sic vocatur quia peccato facta est ut Scriptu-
 ra monet, vel quia ad peccatum mouet. Atque id
 confirmant exempla sanctorum, ut sancti Bene-
 dicti & S. Francisci, quorum ille motibus carnis
 pulsatus inter vepres & spinas corpus nudum
 volutauit, hic vero nubibus inuoluit, quarum
 thesauros dicitur Deus præparasse Iob 18. in diem
 pugnae & hostis. An tunc legi diuinæ inobe-
 dientes fuisse censendi sunt, cum illos æstus in-
 uoluntariè paterentur? Præclare D. Prosper l. 3.
 de Vita Contemplatiua cap. 1. non concupiscentiam
 in nobis sentiendo, sed ei consentiendo peccamus.*

Ad oppositum dicendum est iam satis elu-
 cere ex mente Concilij ac D. Augustini quo
 sensu concupiscentia vocetur peccatum, à D.
 Paulo. Quod vero vocetur etiam malum, hoc
 non probat esse peccatum, cum inter malum
 & peccatum plurimum sit discriminis, illud
 enim defectus est, etiam non voluntarius, hoc

vero defectus voluntarius. Quia vero concupiscentia est miseria & languor etiam in corpore mortali residens, ideo exoptat Apostolus à tali corpore liberari nè forte consentiat & peccet.

ARTICVLVS LI.

Omne scelus est eius conditionis vt suum auctorem & omnes posteros, eo modo inficere possit quo infecit prima transgressio. l. eodem c. 13.

Quæritur an non immunis à damnatione debuerit esse hæc propositio, cum ei suffragari videatur D. Augustinus in enchiridio c. 45. & 46. affirmans probabiliter posse defendi peccatis etiam aliorum parentum paruulos obligari. Deinde non videtur vlla ratio cur vnum peccatum diffundatur à parente in posteros, non aliud.

Respondetur D. Thomam 2. 2. q. 81. art. 2. dissoluere nodum huius difficultatis ex eo, quod ea quæ pertinent ad indiuiduum sicut personales actus & quæ ad eos attinent, non traducuntur ad filios à parentibus, vnde pater grammaticus non gignit filium grammaticum; sed ea quæ pertinent ad naturam speciei, traducuntur à parentibus ad filios, nisi sit defectus naturæ, sicut oculatus gignit oculatum. Sicut autem ad personam pertinet aliquid secundum seipsam, & ex dono gratiæ, ita etiam ad natu-

nam potest aliquid pertinere secundum seipsam, scilicet quod causatur ex principijs eius & aliquid ex dono gratiæ; & hoc modo iustitia originalis sicut in 1. dictum est (q. 100. art. 1.) erat quoddam donum gratiæ toti humanæ naturæ diuinitus collatum in primo parente, quod quidem primus homo amisit per primum peccatum: Vnde sicut illa originalis iustitia traducta fuisset in posteros simul cum natura, ita etiam inordinatio opposita. Sed alia peccata actualia vel primi parentis, vel aliorum non corrumpunt naturam quantum ad id quod naturæ est, sed solum quantum ad id quod personæ est, vnde alia peccata non traducuntur. Hæc D. Thomas opportunè ad propositam quæstionem. Scilicet Adamus acceperat iustitiam originalem pro se & pro suis posteris, si obediisset: erat enim hoc pactum inter Deum & ipsum. Quod his verbis Genes. 2. exprimitur *in quacunque die comederis ex eo, morte morieris*. Ex quibus elicitur debuisse illam iustitiam pro se & pro suis posteris amittere si inobediens fuisset in præcepto singulari, de non comedendo fructu arboris. Non enim patres alij accipiunt gratiam sanctificantem pro se & posteris cum huiusmodi conditione & lege: illa est in ipsis donum gratiæ personale, vnde inordinatio illi opposita, cum eam amittunt, ad filios non transit: totaque corruptio peccati originalis est ex primo patente tanquam ex primo fonte, nec contrahitur per alios parentes proximiores, nisi tanquam per canales, per quos ab Adamo in ipsos descendit, ut

egregiè differit Albertus Magnus in 2. sent. dist. 3. art.

Ad oppositum respondet idem D. Thomas D. Augustinum hanc quæstionem mouere in enchyridio, sed insolutam relinquere. Cum enim reipsa putaret peccatum originale in reatu consistere, afficianturque aliquando pœna temporali filij ob delicta parentum: maiorem an- sam habuit eâ de re dubitandi. Patet ex c. 47. vbi concludit se temere nihil audere affirmare.

ARTICVLVS LII.

Quantum est ex vi transgressionis, tantum meritorum à generante contrahunt, qui cum minoribus nascuntur vitijs, quam qui cum maioribus. Ibid. c. 6.

QVaritur an contradictio aliqua fieri possit huiusmodi propositioni, quæ nihil aliud videtur significare quam æqualitatem peccati originalis in omnibus hominibus & respectu omnium. Quod asseritur ab Alberto magno in 2. sent. dist. 32. art. 4. & D. Thoma 1. 2. q. 82. art. 4. & communiter ab alijs Theologis. Quia omnes priuantur gratiâ sanctificante propter transgressionem Adami, & æqualiter rei sunt & visione, beatificâ priuandi æqualiter. Licet autem inclinatio ad malum maior sit in vno quam in altero, id non est ex peccato originali, sed magis ex constitutione & com-

complexione naturali, quam quisque habuisset in purâ naturâ.

Respondetur difficultatem huius propositionis in eo sitam esse, quod putauerit Baius non solum peccatum Adami, sed etiam aliorum parentum in filios transfundi, ut patet ex articulo præcedenti. Quia credidit ipse peccatum patris transire ad filium quodcumque illud sit, nec admittebat pactum illud inter Deum & Adamum, quod tali lege initum fuit, ut si ipse peccaret, omnes posterî in eo peccarent, si non peccaret omnes in iustitiâ originali nascerentur. Baianorum enim mens est, ut notat Ripalda to. 3. de *Ente supernaturali*. disp. 3. sect. 2. peccatum originale ex natura in posteros transfundi, tanquam verum & naturalem eius effectum, & non moralem ab aliqua Dei lege seu pacto pendentem, pactum enim istud fictitium putant. Ex quo principio peruium est æstimare etiam alia peccata & demerita parentum ad filios transfundi, iuxta verba Exodi 20. *Ego sum Deus fortis &c. Visitans iniquitates patrum in filios in tertiam & quartam generationem*. Et quædam exempla scripturæ in quibus filios ob delicta parentum suppliciis affectos videmus, quæ refert Michael Palatius in 2. sent. dist. 33. disput. *Vnicâ*. Quapropter D. Augustinus in Enchyridio c. 47. quæstionem hanc meticolose tractat, nec audet quicquam definire, ne posterius nati grauiori sarcina peccatorum progenitorum suorum onerarentur. Quod autem non audebat asserere D. Augustinus, ausus est Baius. Et quia difficultas obuia erat de filiis qui nas-

cuntur cum minori concupiscentia & depravatione naturali, an æquè participes essent malorum meritorum eius à quo vitam hausissent, ideo eius propositio fuit, quæ hic damnatur. *Tantum meritorum malorum à generante contrahunt qui cum minoribus nascuntur vitiis ac qui cum maioribus.*

Ad oppositum, quicquid sit de æqualitate peccati originalis, dicendum articulum non intelligi de malis meritis solius originalis, sed aliorum etiam peccatorum, quæ transfundi à generante in filium opinabatur Baius. Quæ opinio non est ad mentem scripturæ, quæ tantum intelligit filios puniri ob delicta parentum, si Deum odio ipsi habeant & sint imitatores paternorum delictorum, ut explicat magister l. 2. sent. dist. 33. Quare cum hæresis apud Iudæos inualuisset, filios puniri ob peccata parentum, grauitè reprehenduntur per Ezechielem c. 18. *Filij Israel quæ est hæc parabola, cum dicunt in Israel: patres ederunt vnam acerbam & dentes filiorum obstupuerunt &c. anima quæ peccauerit ipsa morietur. Ut notat Procopius commentarijs in Exodum,*

ARTICVLVS LIII.

Diffinitiuâ hæc sententia, Deum homini nihil impossibile præcepisse falso tribuitur Augustino, cum Pelagij sit. Lib. eodem cap. 12.

QUæritur au hæc assertio à vero deflectat: nam quod Pelagius hanc assertionem admiserit satis manifestum est: ex hoc enim principio necessitatem gratiæ excludebat, quod diceret Deum nihil homini præcepisse impossibile: si autem necessaria esset gratia ad præceptorum obseruationem, iam præcepta essent impossibilia & supra vires hominis. Quod vero tribuitur D. Augustino, indicat liber *de Gratia & Libero Arbitrio*, cap. 17. vbi ita habetur. *Qui ergo vult facere Dei mandatum & non potest, iam quidem habet voluntatem bonam, sed adhuc parvam, & inuvalidam, poterit autem cum magnam habuerit & iustam: & ibidem de D. Petro asseritur, putabat se posse, quæ se velle sentiebat.*

Respondetur plurimum interesse, vt in legitimo sensu intelligatur assertio, cum si mandata Dei intelligantur esse simpliciter impossibilia, ab eorum obseruatione non leuiter homines deterreantur: nemo enim, ait Ferus in cap. 4. 1. *Epist. Ioannis*, facile rem aggreditur quàm audit sibi impossibilem. Considerari igitur potest homo in duplici statu: primo quasi in puris naturalibus

quatenus destitutus est omni gratiæ auxilio. Secundo, quatenus vestitus est & adiutus gratiæ auxilio. Secundum primum statum qui fictiti-
 est, & imaginarius, præcepta si data essent ho-
 mini, essent impossibilia. Secundum statum se-
 cundum qui verus & realis est hominis status,
 præcepta sunt possibilia, nec possunt asseri im-
 possibilia iuxta Decretum Concilij Tridentini,
 sess. 6. *Nemo temeraria illa & à patribus sub
 anathemate, &c.* Cum frustra darentur à Deo pro
 statu illo in quo seruari non possent: vnde præ-
 cepta sunt homini possibilia, non tantum in statu
 naturæ integræ quod volebat Baius, sed etiam
 in statu naturæ corruptæ propter auxilium gra-
 tiæ sufficientis quo corroboratur. Fuitque illa
 mens D. Augustini, l. de Peccatorum Meritis &
 remissione, cap. 6 dubitare non possum, nec Deum
 aliquid homini impossibile præcepisse, nec Deo ad
 opitulandum & adiuuandum quo fiat, quod iubet,
 impossibile aliquid esse, &c. Deum igitur asserere-
 bat Pelagius nihil præcepisse impossibile homini
 sine gratia spectato: at non ita D. Augustinus,
 Volebat enim præcepta esse impossibilia homini
 sine gratia, non homini cum gratia: vnde cum
 absolutè & de facto præcepta sint possibilia:
 inferitur necessitas gratiæ sufficientis. Vide D.
 Augustinum, l. de Gratia & libero Arbitrio,
 cap. 16.

Ad oppositum dicendum est assertionem falso
 tribui D. Augustino in sensu in quo; admit-
 tebatur à Pelagio, qui intendebat Deum ni-
 hil præcepisse impossibile homini gratiâ omni
 destituito, cui sensui non adhærebat D. Augusti-

mus ut patet ex cap. 16. libri de gratia & libero arbitrio. Vnde bene Tostatus Abulensis in cap. 16. Matth. q. 178. mandata Dei possibile esse demonstrat, etsi ad ea requiratur gratia Dei, quia quod per aliū possumus dicimur simpliciter posse, ut dicitur 3. *ethic.* quæ per amicos possumus & per alios dicimur posse, Deus autem nulli subtrahit auxilium generale: ideo non est crudelis iubendo, etiam si iuberet quod haberemus charitatem & gratiam, & virtutes, non esset crudelis, quia etiam hoc erat facile obtineri, cum quicquid ab eo petierimus statim concedit, sic est de necessariis ad salutem nostram.

ARTICVLVS LIV.

Deus non potuisset ab initio talem creare hominem, qualis nunc nascitur. Non habetur in libris Baij.

QUæritur an non sit orthodoxa hæc propositio: nam homo nunc nascitur mortalis, & varijs concupiscentijs subditus atque miserijs præsentis vitæ; & ista omnia pænæ sunt peccati: cum ergo Deus hominem condidisset sine peccato, non potuisset innocens pœnis peccatorum subiici & talis existere qualis nunc nascitur.

Respondetur, excepto peccato, nihil repugnare quo minus tam morti & miserijs ac concupiscentiis obnoxius crearetur à Deo quam nunc est: nam cum naturalis hominis compo-

rio sit ex anima & corpore, sicut huius mundi compositio est ex diuersis elementis: spiritui vero & corpori competant naturaliter diuersæ facultates & inclinationes, ex quibus necesse est oriri motuum repugnantiam ac contradictionem reciprocam, atque etiam infirmitatem ac mortalitatem corporis, Deus potuisset si ita voluisset, res omnes finire vt agerent secundum vires suas accommodando illis concursum suum generalem; quis enim omnipotentem naturæ auctorem ad aliter agendum possit adigere? potestati enim eius quis resistit? nec iniustitiæ dammandus esset hic processus, cum nihil creaturæ debeat supra id quod eius naturæ principiis competit. Vnde si ex hinc pateretur corpus, aut tristaretur Spiritus, non immerito illud Euangelicum vsurpare posset. *Amice non facio tibi iniuriam, tolle quod tuum est & vade.* Matth. 10. Sic dicit Heruzus Britto in 3. dist. 4. q. 1. fomes est habitualis inclinatio appetitus sensitiui in aliquod delectabile secundum sensum præter imperium rationis. Quæ quidem inclinatio posset esse in homine in puris naturalibus constituto, vt si fieret homo de lapide, & nullum supernaturale donum ei conferretur, & tunc esset talis inclinatio non culpa vel pœna, sed tantum quidam defectus naturalis.

Ad oppositum dicendum aliquid posse competere vni rei dupliciter, vel tanquam debitum connaturale, vel tanquam pœnam aut supplicium peccati: igitur si homo ab initio talis creatus fuisset qualis nunc nascitur, habuisset repugnantiam appetituum: mortalitatem & misérias

vitæ velut aliquod debitum connaturale non
tanquam pœnam & supplicium, quæ solutio in-
feriis magis elucidabitur.

ARTICVLVS LV.

*In peccato duo sunt: actus, & reatus, tran-
seunte autem actu nihil manet nisi reatus
sive obligatio ad pœnam. Lib. de Orat.
pro Defunctis.*

QUæritur an deficiat in aliquo hic articulus:
etenim præter illa duo non apparet quid
in peccato reperiatur, & quid transeunte actu
superfit, præter reatum, seu obligationem ad
pœnam.

Respondetur inter diuersos effectus peccati etiã
numerari maculam: nam cum omne peccatum
sit priuatio perfectionis debitæ: hæc autem per-
fectio metaphoricè sit quidam nitor animæ quâ
peccans priuatur: priuatio autem nitoris sit quæ-
dam macula: idcirco præter reatum manet etiam
macula post peccatum. De qua Iosue 22. *Vsq̃ue
in præsentem diem macula huius sceleris in vobis
permanet.* Quin etiam manet auersio quædam à
Deo, quæ duplex considerari potest, vna à Deo
tanquam à legislatore quæ est essentialis pecca-
to, altera à Deo tanquam ab vltimo fine quæ
est effectus peccati, ex quibus etiam sequitur
offensa Dei seu prouocatio ad iram, & innume-
ra mala quæ peccatum consequuntur. Legendus

Doctor Angelicus 1. 2. qu. 86. art. 1. & 2.

Ad oppositum dicendum est non satis intelligere malitiam peccati, qui præter reatum nihil post illud in peccante remanere putant. remanet, inquit D. Thomas, vbi supra aliquod priuatiuè, scilicet priuatio coniunctionis ad diuinum lumen, nec remanet in eadem habitudine ad Deum in quâ erat priùs.

ARTICVLVS LVI.

Vnde in Sacramento Baptismi, aut Sacerdotis absolutione propriè reatus peccati dumtaxat tollitur, & Ministerium Sacerdotum solum liberat à reatu. Ibid.

QUæritur an Censuræ stigma inuri etiam debuerit isti propositioni, quæ ex præcedenti articulo consequens est, maximè cum D. Augustinus tract. 49. in *Joannem*. & alibi, & D. Gregorius Magnus Hom. 26. in *Euangelia*, dicant quod in suscitatione mortui Lazari significata est resuscitatio peccatoris, sed Lazarus est priùs à Domino viuificatus quam traderetur discipulis exoluendus: ergo absolutio Sacerdotis nihil operatur super culpam, tantùm ergo super reatum, vt à pœna solvatur peccator.

Respondetur propositionem Baij duplici modo sustineri à quibusdam, ab his enim defenditur quod credant prærequiri perfectam contritionem, vt dispositionem & necessariam & præuiam absolutioni Sacerdotis: quo posito semper

absolutio inueniet culpam remissam; unde tantum operabitur in reatum pœnæ, illum tollendo: ab alijs defenditur quod nihil præter reatum remanere putant transeunte actu peccati; unde & in solum reatum virtutem exercere posse Sacerdotē existimant. Sed vterque modus explodi debet, primus quidem quia baptismus vt plurimum confertur infantibus, in quibus extat peccatum originale nullo præuio contritionis actu deletū: quod etiam similiter in adultis inuenitur, in quibus peccata remanent quia plures solum disponuntur ad Sacramentum Pœnitentiæ per actum attritionis, qui insufficiens est ad deletionem peccatorum sine actuali absolutione. Secundus etiam modus, qui est magis ad mentem Baij reiiciendus est, quia transeunte actu peccati, remanet macula seu peccatum habituale, siue illud consistat in priuatione gratiæ, vel in actu ipso peccaminoso non retracto & moraliter remanente, de quo disputant Theologi. Macula autem illa seu peccatum habituale tollitur per Baptismum & Pœnitentiam. Cuius rei ratio est quod forma horum Sacramentorum significet, remissionem veri peccati: efficiunt autem id quod significant, parum enim esset vt bene ait Durandus in 4. dist. 18. q. 2. quod Sacerdos Euangelicus virtute clauium solum ostendat culpam à Deo dimissam, sicut Sacerdos legalis solum ostendebat in aliquo lepram esse mundatam, istud enim est contra dignitatem Sacramentorum nouæ legis quæ efficiunt quod figurant, ipsa autem forma absolutionis significat dimissionem peccati.

Ad oppositum, dicendum est duplicem distingui viuificationem peccatoris: vnā per gratiam excitantem; alteram per gratiam iustificantem, prior autem viuificatio nondum tollit culpam: & secundum illam peccator debet esse viuificatus vt se sistat Sacerdoti: non vero necessario secundum posteriorem viuificationem, quam operatur sæpe sapius Sacerdos in adultis solum attritis, & penes hoc debet intelligi comparatio Lazari cum pœnitente.

ARTICVLVS LVII.

Peccator penitens non viuificatur ministerio sacerdotis absoluentis, sed à solo Deo, qui penitentiam suggerens & inspirans viuificat eum, & resuscitat, ministerio autem Sacerdotis solum reatus tollitur. Ibid.

QUæritur an hæc propositio in eadem damnatione reputari debeat cum duabus præcedentibus quibus affinis est: etenim Hugo de sancto Victore qui paruus Augustinus dictus est, huius assertor est l. 2. de Sacramentis parte 14. c. 8. Vbi modum explicans quo peccatum remittitur. Hoc benè, inquit, in resuscitatione Lazari significatum est, quem ipse Dominus per se prius intrinsecus à vinculo mortis absoluit, viuificatum autem deforis ministerio ipsorum Apostolorum solui præce-

pit. Sic namque in sanctâ Ecclesiâ nunc mortuos peccatis per solam gratiam suam interiorius viuificans ad compunctionem accendit, atque viuificatos per confessionem foras venire præcipit: ac sic deinde confitentes per ministerium sacerdotum ab interiori vinculo, hoc est, à debito damnationis absoluit.

Respondetur ex supradictis satis patere sacerdotem non solum à reatu, qui est effectus peccati, sed etiam ab ipsomet peccato, aut culpa seu macula absolvere. Quare D. Ioannes Chrysostomus hom. 6. in 2. Epist. ad Cor. sic loquitur de Deo, nec hoc solum mirum est quod *viuificat*, sed etiam eadem faciendi potestatem alijs quoque tribuit. *Accipite enim inquit, Spiritum Sanctum &c.* Quibus addendum est ex Concilio Tridentino sess. 6. in decreto de *Iustificatione* c. 14. pœnam æternam vel sacramento vel sacramenti voto vnâ cum culpâ remitti. Et Michael Palatius in 4. sent. dist. 18 disp. 2. ait Vgonem viam nouam excogitasse quam nullus Theologorum probatam iam habet, ideoque exoluta via est. Et dilemmate, inquit, isto agam contra Vgonem, quia vel hic iustificatus manet obligatus ad pœnam æternam, vel non manet: si non manet, igitur dimissa est pœna æterna: si manet obligatus, ergo manet sub crimine, si quidem à posteriori si rem agis, reatus ad ipsam pœnam est ipsum crimen. Quare Dominus Matth. 5. crimen subindicans ait, *qui autem dixerit fratri suo Racha, reus erit Gehennæ ignis.* Et criminosi in scripturâ rei Gehennæ appellitantur &c. Igitur

ipsum peccatum est indignitas ad possidendum regnum Dei. Ablato igitur peccato ex Dei gratiâ, necessario iustificatus dignus est vitâ æternâ, si dignus illâ quomodo manet obligatus ad æterna supplicia? Nam obsecro quid differt ab inimico aut quomodo intelliges purgatam esse inimicitiam, si obligatio adhuc manet ad æterna supplicia? Nonne Paulus inquit ad Rom. *3. nihil damnationis est ijs qui sunt in Christo: at iste iustificatus*, ante absolutionem est in Christo, vt tu fateris. Et demum sicut stipendia peccati mors, ita stipendia gratiæ est vita æterna.

Ad oppositum dicendum est, comparationem Lazari cum peccatore resurgente in alio puncto consistere, vt supra explicatum, nec habendam esse rationem authoritatis Magistri Vgonis, cum in hac quæstione valde perplexi fuerint antiqui quidam Scolastici ac parum conuenientia scripserint. Cum nondum per Cõcilia res elucidata fuisset, nec D. Thomæ opusculum 22. *de forma absolutionis* lucem non modicam attulisset ad quædam tunc obscura & difficilia explananda, quem postea omnes Theologi sequuti sunt.

ARTICVLVS . LVIII.

Quando per Eleemosynas, aliaque pœnitentia opera Deo satisfacimus pro pœnis temporalibus, non dignum pretium Deo pro peccatis nostris offerimus, sicut quidam errantes autumant, nam alioqui essemus aliqua ex parte redemptores, sed aliquid facimus, cuius intuitu Christi satisfactio nobis applicatur & communicatur. l. de Indulgentiis c. 8.

QUæritur an à lineâ recti & veri abscedat hæc propositio: etenim videtur extollere dignitatem Christi Domini, qui pro nobis ita abundè satisfecit virtute & efficacîâ passionis suæ, vt cooperatoriis non indigeat, qui si illi addantur, videtur per illos derogari excellentiæ satisfactionis illius, de quâ sic D. Ioan. 1. Epist. canon. c. 2. *Et ipse est propitiatio pro peccatis nostris, non pro nostris tantum, sed etiam pro totius mundi.* Immo docent Theologi communiter satisfactionem Christi sufficientem fuisse ad exhaurienda peccata mundorum infinitorum, si tot extitissent. Superflua ergo est hominum satisfactio, & sine necessitate admittitur iustum pretium in eorum operibus ad satisfaciendum.

Respondetur bona opera quæ sunt ab homine iustificato, esse iustum & æquale pretium

pro Redemptione pœnæ temporalis quæ superesse solet post remissionem culpæ neque id habere ex applicatione satisfactionis Christi, quasi non aliter essent satisfactoria quam per communicationem satisfactionis Christi quæ det illis formam ipsius satisfactionis aut partiale supplementum sine quo non essent satisfactoria. Probatur quia eodem modo Theologizare conuenit de merito vitæ æternæ, ac de satisfactione nostra pro pœnâ temporali, cum æqualiter dependeant opera nostra à Christo vt meritoria & vt satisfactoria: at opera iustorum ex gratiâ profecta habent condignitatem ad vitam æternam absque eo quod constituentur in esse meritorio per meritum Christi illis applicatum: ergo multo magis habebunt condignitatem ad redimendas pœnas temporales, absque eo quod communicetur illis satisfactio Christi ad constituendum vel totum vel partialem illorum valorem. Probatur consequentia, quia vita æterna plus excedit opera nostra quam pœna temporalis: ergo si ad hanc acquirendam habent æqualitatem, multo magis ad illam redimendam. Fauet quoque Concilium Tridentinum sess. 6. c. 14. *de Iustificatione* vbi asseritur in pœnitentiâ contineri satisfactionem per Elemosynas & ieiunia pro pœnâ temporali. Quod intelligitur de satisfactione ex condigno & non tantum ex congruo: nam sic essent etiam pro pœna æterna. Lege de his Suarez de Gratiâ l. 12. c. 19. & Cardinalem de Lugo de pœnit. disp. 24. sect. 1.

Ad oppositum dicendum est nullam iniuriam

irrogari meritis aut satisfactioni Christi ex operibus nostris meritorjjs aut satisfactorijs, quia valor omnis operum nostrorum fundatur saltem remotè in passione Christi à qua habemus gratiam & auxilia, quibus operemur meritorie & satisfactorie: nec inconueniens est si aliquà ex parte dicamur nostri Redemptores, scilicet minus principaliter & dono Christi, iuxta illud Danielis 4. *peccata tua Eleemosynis redime* Vnde quo magis theatricè istud obtundunt hæretici, eo inanius est.

ARTICVLVS LIX.

Per passionēs Sanctorum in indulgentijs communicatas non propriè redimuntur nostra delicta; sed per communionem charitatis nobis eorum passiones impertiuntur, ut digni simus, qui pretio sanguinis Christi à pœnis pro peccatis debitis liberemur. Ibidem.

QUæritur an quid sit eterodoxum & minus doctrinæ communi Theologorum conforme in hoc articulo, multum enim illi fauere videtur Magister lib. 4. sent. dist. 18. & ad illam distinctionem art. 12. Albertus Magnus asserens ibi charitatem Ecclesiæ dimittere peccata, quia dicitur, participem me fac Deus omnium timentium te, & custodientium mandata tua, ergo in participatione bonorum Ecclesiæ dimittuntur

peccata. Sed charitas est quæ facit bona communia & participabilia à diuersis. Adhuc vnus articulus est *Sanctorum Communionem*, & ab omnibus solet exponi, Credo in Spiritum Sanctum per charitatem communicantem bonâ Ecclesiæ: sed per bona remittuntur mala: ergo videtur quod per charitatem Ecclesiæ soluantur delicta. Adhuc prouerb. 10. *vniversa delicta operit charitas.*

Respondetur Michaellem Baium per huius articuli verba intendisse tollere potestatem iurisdictionis quæ est in Ecclesiâ, maximè in Summo Pontifice ad concedendas indulgentias, quibus extra sacramentum per applicationem satisfactionum Christi ac sanctorum soluerentur iusti à pœnis temporalibus post remissionem culpæ remanentibus. Indulgentia enim absolutio dici potest respectu viuorum, solutio vero respectu defunctorum vt docet Bellarminus l. 1. *de Indulgentiis* c. 5. esse autem potestatem in Ecclesiâ ad concedendas indulgentias definit Concilium Tridentinum in decreto *de Indulgentijs* & Leo decimus in *Bullâ* contra Lutherum, & demonstrat antiquissimus Summorum Pontificum vsus: qua in re credi non potest aut deceptos aut deceptores fuisse, ita ut errauerint in illis concedendis. Itaque indulgentia non est negotium solius charitatis quæ reddat bona amantium communia, sed etiam negotium est potestatis & iurisdictionis, quâ Summus Pontifex ad pascendas oues Christi, super abundantes quorundam sanctorum plus habentium satisfactiones alijs applicat minus habentibus,

bentibus, idque iuridicè & cum potestate extra sacramentum.

Ad oppositum dicendum est Albertum Magnum ita asserere charitatem Ecclesiæ dimittere peccata, id est pœnas temporales peccatorum, vt tamen id fiat per potestatem clauium ijs qui sunt in charitate. Vnde & docet ad dist. 20. eiusdem libri, Pontificem extra charitatem existentem concedere indulgentias (art. 20.) quia tali Papæ influit Spiritus Sanctus ea quæ sunt potestatis, & dare indulgentias est, inquit, gratia gratis data, quæ potestatis est, non bonitatis vitæ aut probitatis.

ARTICVLVS LX.

Illa Doctorum distinctio, diuinæ legis mandata bifariam impleri, altero modo quantum ad præceptorum operum substantiam tantum, altero quantum ad certum quemdam modum, videlicet secundum quem valeant operantem perducere ad regnum æternum; hoc est ad modum meritorum, commentitia est & explodenda. l. 2. de Meritis operum c. 1.

QVaritur an immerito impetat illam distinctionem: cum enim Scolaſtici Theologi aliqui scaturiant pluribus distinctionibus friuolis & leuibꝯ, forſan illarum de numero hæc

esset. Vult enim Deus observari sua mandata perfectè, vt eum amemus ex toto corde, operando modo sublimiori. Deuter. 10. *iuste quod iustum est persequeris*: ergo videntur mandata non posse observari quoad substantiam, nisi etiam observentur cum omnibus circumstantijs quibus ita perfectè observentur, vt valeant operantem ad regna cœlorum perducere.

Respondetur constantissimam esse doctrinam Theologorum quod omnis actus moraliter bonus non est meritorius vitæ æternæ, nisi fiat cum aliquibus circumstantijs & conditionibus quæ ad meritum requiruntur, vt puta quod fiat liberè, ab homine viatore, existente in statu gratiæ & secundum plures quod actu referatur in Deum per charitatem vel per religionem. Certum est etiam quod possunt plures homines facere aliquod opus bonum & præceptum, quod non habebit propterea omnes circumstantias ad meritum requisitas. Vt puta si fiat ab homine existente in statu peccati, aut cum intentione aliquâ temporali: vnde tunc implet mandatum quoad substantiam & non servat modum secundum quem potest esse meritorium vitæ æternæ. Ex quo nascitur hæc distinctio, quæ in re solidâ fundatur, vt non possit haberi levis & friuola seu commentitia & explodenda.

Ad oppositum dicendum est post D. Thomam 1.2. q. 100. art. 11. Modum præcepti non cadere sub præceptum, modus charitatis inquit, non cadit sub præcepto. Hoc est dicere quod in hoc præcepto, Honora patrem, non inclu-

ditur quod honoretur pater ex charitate, sed solum quod honoretur pater. Vnde qui honorat patrem, licet non habeat charitatem, non efficitur transgressor huius præcepti: & si transgressor præcepti, de actu charitatis.

ARTICVLVS LXI.

Illa quoque distinctio qua opus dicitur bifariam bonum, vel quia ex obiecto & omnibus circumstantiis rectum est & bonum, quod moraliter bonum appellare consueverunt, vel quia est meritorium regni æterni, eo quod fit à viuo Christi membro, per spiritum charitatis, reiicienda est. Ibid. c. 6.

QUæritur an non rectè doctor Baius incedat in explodendâ illâ distinctione: etenim non videtur admittendum vllum opus bonum ex obiecto & circumstantiis, omnibus sine gratiâ: gratia autem efficit hominem viuum Christi membrum & infert secum iustificationem, quia est efficax & includit fidem per dilectionem operantem: ergo non potest separari opus bonum à statu in quo homo est viuum Christi membrum: frustra ergo distinguitur opus bifariam bonum eo modo qui explicatur in articulo.

Respondetur Doctorem Baium consequen-

ter loqui ad sua principia : posito enim quod non sit alia gratia per Christum, nisi efficax quæ infert iustificationem hominis & reddit eum viuum Christi membrum : posito rursus quod nullum opus bonum elici possit ab homine nisi habeat gratiam illam efficacem, iam optimè sequitur, nullum opus bonum morale produci ab homine, nisi sit iustificatus & sit viuum Christi membrum : vnde fit vt distinctio illa euanescat. Sed quia ordinarium est vt dato vno absurdo aliud absurdum sequatur, idcirco datis & admissis illis principiis absurdis, sequitur etiam illud absurdum, quod talis distinctio reiicienda sit, cum potius retinenda sit, tanquam maximè conformis doctrinæ veræ, & Theologicæ, & principia illa, ex quibus inferatur esse reiiciendam, falsa sint. Datur enim aliqua gratia per Christum quæ præuenit Liberum Arbitrium mouetque & adiuuat vt aliqua bona agat quibus se disponit ad iustificationis gratiam. Pater ex scripturis passim & ex Concilio Tridentino sess. 6. *de Iustificatione* can. 3. & 4. Potest etiam homo plura bona moralia agere ex virtute & cum adiutorio gratiæ præuenientis, etsi non inferat ipsam iustificationem, etiam in statu naturæ corruptæ. Nam aliqua bona opera non sunt ipsi naturæ inproportionata & aliunde si natura ipsa nihil posset nisi malum, peior esset dæmonibus ipsis, qui non peccant cum credunt & contremiscunt, etiam sine adiutorio præuenientis gratiæ.

Ad oppositum dicendum est aliqua bona opera elici posse ab homine in statu peccati exi-

flente, ex adiutorio gratiæ præuenientis : vnde obiectio innititur falsis principijs. Legi potest de ijs Faber Fauentinus in disput. Theolog. de Prædest. q. 1. disput. 61.

ARTICVLVS LXII.

Sed & illa distinctio duplicis iustitiæ, alterius quæ fit per Spiritum charitatis inhabitantem ; alterius quæ fit ex inspiratione quidem Spiritus sancti cor ad pœnitentiam excitantis, sed nondum cor inhabitantis & in eo charitatem diffundentis, quæ diuinæ legis iustificatio impleatur, similiter reijcitur. lib. 7. de charitate quantum ad sensum.

QVaritur an non iustè damnetur hæc distinctio : etenim hic sermo est de statu naturæ corruptæ quæ potentiori auxilio indiget quam natura integra, cui satis erat gratia excitans & sufficiens ad benè operandum si vellet, vnde tunc locum habere poterat inspiratio Spiritus sancti, cui liberum & arbitrium esset voluntati resistere : at post peccatum natura est extremè abiecta & infirma, vt opus illi sit gratia efficaci quæ inferat Spiritum charitatis inhabitantem. ergo in statu naturæ corruptæ malè affertur distinctio illa qua stabilitur gratia quædam sufficiens, cum non sit nisi gratia efficax quæ reddit

Spiritum Sanctum in anima inhabitantem?

Respondetur distinctionem illam satis expressè fundari in verbis Apocalypsis, cap. 3. *Ego sto ad ostium & pulso, si quis audierit vocem meam & aperuerit mihi ianuam, introibo ad illum & coenabo cum illo & ipse mecum.* Quin & in Canticis Canticorum idem exhibetur cum sponsus loquitur ad sponsam inuitas illam vt sibi portam cordis referet, quo apud illam fixâ mansione residere possit, cap. 5. *Aperi mihi soror mea, amica mea, &c.* & cap. 6. *Dilectus meus descendit in hortum suum ad areolam aromatatum vt pascatur in hortis, &c.* Vbi videmus sponsum animarum môx excitare ipsas ad bona opera, mox in ipsismet inhabitare scilicet, vt rectè Louanienteses asserunt in perdoctâ explicatione damnationis articulorum Baij, ante remissionem peccatorum, atque inhabitantem Spiritum & iustificationis & vitæ: quædam inchoationes dumtaxat sunt conceptionibus, vt loquitur Iugustinus, q. 2. ad *Simplicianum*, similes: at non solum spiritualiter concipi, verum etiam nasci opus est, ac tum demum cœptum iustificationis opus ac viuificationis infusione viuificæ charitatis absoluitur.

Ad oppositum dicendum est eandem esse naturam humanam in statu naturæ integræ, & in statu naturæ corruptæ: tantumque differre quod in illo statu habebat gratiam qua motus concupiscentiæ reprimebantur: in hoc habet priuationem gratiæ, quo fit vt motus concupiscentiæ validius agant. Ad hoc autem resarciendum non opus est vt gratia in præsentī statu sit alterius speciei; sed tantum vt sit paulo potentior ad impe-

tus concupiscentiæ moderandos. Vnde necesse non est vt semper sit efficax & inferat actualem Spiritus sancti inhabitationem.

ARTICVLVS LXIII.

Item & illa distinctio duplicis viuificationis, alterius qua viuificatur peccator, dum ei, pœnitentia & vite novæ propositum & inchoatio per Dei gratiam inspiratur: alterius qua viuificatur qui verè iustificatur, & palme viuus in vite Christi efficitur, pariter commentitia est, & scripturis minime congruens.

QUæritur an non iure Doctor Baius insurgat aduersus hanc distinctionem : quâ quidam Theologi soluunt, quod ait Magister l. 4. sent. dist. 18. post aliquot patres, Christum obtulisse Lazarum iam viuificatum discipulis soluendum, ad probandum quod Sacerdotes nihil possunt in ipsam culpam, vt eam diluant, sed à solo Deo remittatur cum præsupponitur peccator iam viuificatus antequam confiteatur, ergo gratia sanctificante donatus, quæ est vita hominis interioris, iuxta quem modum scriptura viuos appellare solet qui sunt in gratia constituti, mortuos qui ea priuati sunt, sicut dicitur Apoc. 3. de Episcopo Sardeni. *Nomen habes quod viuas & mortuus es.*

Respondetur improbationem duplicis huius

viuificationis ex eodem fundamento ortam esse ac improbationem præcedentium distinctionum; scilicet non concinit Baius doctrinæ communi in Ecclesia receptæ, quod peccator sæpè per gratias præuenientes & inefficaces adhuc iustificationis realis, moueatur, incitetur ac adiuuetur ad disponendum se sanctificationi, per varios actus fidei, spei, & charitatis, & Pœnitentiæ seu Contritionis. Vult istos omnes pios motus produci, & causari à gratia ipsa sanctificante quæ vita est hominis. Quasi vero gratia sanctificans esset medium ad illos pios motus, qui etiam metaphoricè dici possunt vita hominis saltem inchoata, & non potius illi motus pij essent medium ad gratiam sanctificantem acquirendam, ad quam sunt dispositiones iuxta Conc. Trid. sess. 6. in decreto iustificationis cap. 6. *Disponuntur autem ad istam iustificationem, &c.* & iuxta D. Thomam 1. 2. q. 109. art. 6. ubi satis euidenter se explicat, licet alibi à seipso dissentire videatur. Quare priusquam peccator iustificetur, ex inspiratione & adiutorio Spiritus sancti primum aliquos producit pios motus, quibus paulatim disponitur ad gratiam iustificantem. Raro enim in instanti perficitur hæc dispositio, sed paulatim præparatur voluntas à Domino.

Ad oppositum dicendū etiam peccatorem qui ex gratia excitāte mouetur, & disponit se ad gratiam sanctificantem metaphoricè dici posse viuum; quia habet aliquas actiones vitæ spiritualis, etsi etiam metaphoricè dici posset mortuus propter priuationem gratiæ habitualis, aut semiuuus, vel semimortuus quia vita eius nondum perfecta

est: nec istud alienum à Scriptura, quæ Luc. 10 exhibens hominem in statu peccati, semivivum relictum esse dicit post plagas peccati. quia adhuc elicit quasdam actiones vitæ spiritualis ex motione spiritus sancti: nec necesse est comparationes ad vnguem servari quoad omnia. Vide Alensem in cap. 3. *Apoc.* vbi quatuor affert signa vitæ spiritualis.

ARTICVLVS LXIV.

Non nisi Pelagiano errore admitti potest usus aliquis Liberi Arbitrij bonus, siue non malus, & gratiæ Christi iniuriam facit, qui ita sentit & docet. Nec est in Baij libris.

QUæritur an peruersum dogma contineat hæc propositio: etenim nihil familiarius est in scriptura, quàm hominem nihil posse boni operari sine gratia Christi Ioan. 16. *Sine me nihil potestis facere.* & D. Augustinus epist. 47. post D. Cyprianum, omnia quæ pertinent ad bonos mores vult esse petenda à Deo in oratione, *ne de libero*, inquit, *presumentes arbitrio à diuinâ gratiâ excidamus*; at non petimus à Deo id quod habemus in potestate: ergo nullum bonum morale est in potestate Liberi arbitrij, sed omnia tribuenda sunt gratiæ per Christum quæ est efficax & infert ipsam charitatē. Vnde in mente D. Augustini actiones infidelium, etsi studiosæ apparerent, peccata sunt.

Respondetur post Fabrum Fauentinum in disp. de *prædest.* q. 1. disp. 61. cap. 2. ex hac propositione, quod nihil boni operari possit natura humana, sequi illam magis esse imperfectam, quam quæcumque alia natura creata irrationalis & inanimata: imo videretur esse figmentum diaboli: consequentia probatur quia ex propriis viribus non posset facere nisi malum; nullum autem bonum non solum supernaturale, sed nec naturale & ordinis inferioris: cæteræ autem creaturæ ex viribus suis naturalibus cum influentia generali, possunt efficere bonum opus sibi proportionatum. Certè maximæ indignitatis & imperfectionis est quod natura humana non habeat omnia requisita ad faciendum opera sibi connaturalia, vt ad subueniendū pauperi: ad honorandum patrem: ignis autem ad comburendum, & aqua ad madefaciendum habeat omnia requisita & auxilium Dei generale paratum, & possit operari opera conuenientia suæ naturæ & speciei. Hæc Fauentinus & plura ibidem digna quæ legantur à Baianis, & si nobis necesse non sit admittere, quod ista fiant sine Dei gratia, qui præuenit hominem & ad bene operandum incitat ac adiuuat: etsi non sit illa gratia efficax & inuincibiliter iustificans ac charitatem importans, quam solam gratiam per Christum male agnoscunt.

Ad oppositum dicendum est textum D. Ioannis intelligi de operibus quibus homines disponuntur ad gratiam quæ sine gratia Christi fieri non possunt, & de operibus ibidem meritorijs vitæ æternæ: quod autem bona opera petantur

in oratione, hoc non arguit necessitatem gratiæ efficacis ad illa operanda, sicut quando petitur pluvia aut panis quotidianus in oratione, non inde fit ut gratia efficax sit requisita ad illa; quod autem requirunt actum amoris Dei, ad bonum opus, & si ista admitteretur tamen gratia excitans sufficere ad faciendum aliquod opus intuitu Dei, nec video cur tam difficilis appareat aliquis actus amoris Dei, ut in illo eliciendo, nescio quem Herculem domandum sibi fingant. Quod vero spectat ad actiones studiosas infidelium, præter ea quæ dicta sunt in superioribus articulis addimus ex doctissimo Thomâ Hurtado disp. 18. de *supernaturalitate rerum controuersia* 5. membro 3. vocari à D. Augustino peccata, negatiuè non positiuè, quia non sunt ut oportet ad vitam æternam, attamen non inferunt reatum pœnæ, nec hoc vllibi dixit D. Augustinus.

ARTICVLVS XLV.

Sola violentia repugnat hominis libertati naturali. Lib. de Libero Arbitrio
cap. 7.

QUæritur an ista propositio censuræ latus præbeat: etenim qui hanc arguendam esse putant, eâ maximè ratione ducuntur quod etiam necessitas repugnet hominis libertati naturali: ita ut non sit liberum quod sit necessario, quam?

uis voluntariè fiat & sine coactione: at id minimè admittendum est; quandoquidem in sententia Scoti, Spiritus sanctus producit liberè à Patre & Filio, etsi producat necessestariò: ergo necessitas non repugnat libertati, sed solum violentia & coactio: & D. Augustinus in Enchyridio cap. 105. sic enim prius oportebat hominem fieri, ut & benè velle possit & malè: nec gratis si benè, nec impunè si malè: postea vero sic erit, ut male velle non possit, nec ideo libero carebit arbitrio; *multo quippe liberius erit arbitrium, quod omnino servire non poterit peccato*: ergo homo non desinit liberum habere arbitrium etiam si necessitetur ad bonum.

Respondetur Baium & eius asseclas opinionem istam de libertate adhærere, eo quod sit illis medium ad defendendam gratiam efficacem in præiudicium gratiæ sufficientis: cum enim viderent sibi opponendum fore, admissa illa gratia cui voluntas necessario obtemperare deberet, sequi destructionem libertatis ad agendum & non agendum, mutauerunt essentiam libertatis humanæ ut se habet in præsentis statu, dixeruntque illam minimè bilancis instar hinc & inde ferri posse, sed quamvis necessario uni parti adstricta sit, dū voluntariè & sine violenta manu id fiat, liberè fieri, quia liberum & necessarium simul cōveniunt nec sibi inuicem repugnant. Sicque error de gratia efficaci impulsit in errorem istum de libertate præsentis status. Nam cum hæc libertas sit idonea merito & demerito, non possit vero esse meritum & demeritum, ubi est necessitas agendi: nec potest esse libertas præsentis status

cum hac necessitate. Et certè mens Baij fuit, hominem in statu naturæ integræ, fuisse liberum ad bonum & malum: in statu autem naturæ corruptæ ante auxilium speciale, quod vocant, gratiæ efficacis, non posse nisi malum agere, posito vero illo auxilio, necessariò bonum agere ad quod mouet voluntatem. Cum tamen scriptura sacra satis innuat esse in hominis arbitrio agere vel non agere bonum, vt cum dicitur Matt. 16. *si quis vult venire post me abneget semetipsum & c.* 19 *si vis ad vitam ingredi serua mandata.* Quod si ita non esset, frustra essent consilia, exhortationes, alijque conatus, quibus ad bene agendum excitantur homines.

Ad oppositum, Sctoī caliginem dispelles, intelligēdo ipsum intellexisse per produci liberè Spiritum Sanctum, produci à voluntate, sicut quando dicit filium produci naturaliter intelligit produci ab intellectu: pater ex q. 1. prologi in *reportatis* art. 3. vbi dicit Spiritum Sanctum liberè produci, filium non liberè sed naturaliter. At si liberum nihil aliud diceret quam spontaneum, æquè filius produceretur liberè. Vnde ait differentiam productionis filij esse in principio, scilicet intellectu, qui est de essentiâ naturæ intellectualis, non sic autem voluntas. Quod spectat ad D. Augustinum: hic est controuersia de Libero Arbitrio secundum statum præsentis vitæ, prout est capax meriti & demeriti. Sic autem sumptæ libertati, non solum coactio sed etiam necessitas repugnat, quia non meremur ijs quæ necessario facimus. At D. Augu-

stinus loquitur de Libero Arbitrio secundum statum futura vitæ, quod non se extendit ad malum, sed ad bonum aliquod vnum ex pluribus. De quo diximus plura in Theol. *Affect.* 1. p. tract. 4. medit. 14.

ARTICVLVS LXVI.

Homo peccat etiam damnabiliter in eo quod necessario facit. Non est in Baij libris.

QUæritur an cupabilis sit hic articulus: nam D. Augustinus l. de Libero Arbitrio c. 18. eius patrocinium suscipere videtur dicens. *Sunt etiam necessitate facta improbanda, vbi vult homo rectè facere & non potest.* Vbi apparet satis euidenter peccandi necessitas, quæ tamen improbanda decernitur à Sancto Doctore Augustino.

Respondetur nihil euidentius esse in doctrinâ etiam D. Augustini, neminem peccare in eo quod vitare non potest: sic enim loquitur l. de duabus animabus c. 12. *peccati reum teneri aliquem, quia non fecit quod facere non potuit, summæ iniquitatis & insanie. est* Et ibidem si ita coguntur ut resistendi potestas nulla sit non peccant & l. 3. de Libero Arbitrio c. 18. *quis enim peccat in eo quod nullo modo caueri potest? peccatur autem: caueri igitur potest: plures sunt alij textus D. Augustini qui in eandem sententiam con-*

spirant, quam omnes eo ipso verissimam habent, quod mandata Dei in quorum transgressione peccatur, non sint impossibilia, unde homo non necessitatur ad ea transgredienda cum sint possibilia, Deo suppeditante cuilibet sufficiens auxilium ad eorum obseruationem: sed cum Baius negaret istud auxilium sufficiens videretque sibi opponi, homines necessario transgressuros præcepta Dei, & in illa transgressione fore innocentes, cum aliter agere non potuissent: vt defenderet illum errorem de gratiâ, asseruit nihilominus homines damnandos fore nonobstante necessariâ præcepti transgressione. Sicque abyssus abyssum inuocat, & error errorem trahit, & qui vnum absurdum mordicus defendunt absurda alia pleraque sine fronte admittunt: talis est doctrina huius articuli Baiani, quo admissio, sequitur hominem in hac vitâ peioris esse conditionis quam ipsi dæmones & damnati, quibus nullus accedit nouæ damnationis gradus ob quasumque transgressiones quibus ex necessitate succumbunt quotidie: tam absurdum est ei non refragari.

Ad oppositum dicendum est, eo Loci sermonem esse D. Augustino de Vitijs & concupiscentijs, earumque motibus inuoluntarijs quos nolentes aliquando sentimus. At hi motus non sunt propriè peccata & culpæ, etsi ita vocentur quod ex peccato primi parentis insurgant & peccatorum causæ sint ac radices. Quare sunt improbandi, satisque in progressu huius textus demonstrat D. Augustinus in hominis esse potestate his motibus ad peccandum non

consentire, ob præsens Dei auxilium.

ARTICVLVS LXVII.

*Infidelitas purè negatiua, in his in quibus
Christus non est prædicatus, peccatum est.
Nec est in eius libris.*

QUæritur an erroneus sit hic articulus: etenim D. Augustinus l. de Gratia & Libero Arbitrio c. 3. agens de fide & ignorantia in his qui nihil de fide audierunt, ait non sic illos per eam excusari ut non sint æternis pœnis obnoxij, sed sic *ut leuius saltem illis torqueantur.* Quod firmari potest hoc argumento, quia si quis excusaretur à peccato ob infidelitatem negatiuam, maximè ob defectum reuelationis fidei. Sed defectus ille non potest excusare, quia est pœna inflicta homini ob peccatum Adæ: quæ pœna cum sit voluntaria in suâ causâ, quæ est peccatum Adæ, non excusat à peccato.

Respondetur infidelitatem negatiuam seu priuatiuam in Barbaris & infidelibus qui de fide nihil audierunt, non esse peccatum, nec propter illam damnandos fore, sed propter alia peccata quæ admiserunt. Sic censet D. Augustinus tract. 89. in Ioan. & D. Thomas 2. 2. q. 10. art. 1 probaturque ex verbo Christi Ioan. 15. *si non venissem & loquutus eis fuisset, peccatum non haberent*: at Christus non est loquutus ad plures infideles

infideles qui nullum unquam prædicatorem audierunt : & quamvis Deus illuminet omnem hominem venientem in hunc mundum , infundatque varias inspirationes etiam in animabus Barbarorum : primæ tamen eius illuminationes & inspirationes non ferunt directè ad fidem habendam primo , sed alia quædam bona moralia , quæ si peragerent disponderentur ut etiam illuminarentur & inspirarentur ad fidem capescendam : Quare pluribus non loquitur Deus ullo modo de fide , sicque ex intentione humanâ eam capescere non possunt. Vnde immunes sunt à peccato ex hoc capite , quod præcisè fidem non habent.

Ad oppositum dicendum est mentem D. Augustini eo Loci esse quod infideles isti non excusabuntur ab alijs peccatis contra legem naturæ perpetratis propter infidelitatem & ignorantiam mysteriorum fidei. Quod vero additur esse voluntariam in voluntate primi hominis , non sequitur magis esse peccatum , quam sit ipsa mortalitas quæ peccatum non est , etsi in pœnam peccati inuecta.

ARTICVLVS LXVIII.

Iustificatio impij fit formaliter per obedientiam legis, non autem per occultam communicationem & inspirationem gratiæ, quæ per eam faciat iustificatos implere legem. l. de Iustitia. c. 5.

Quæritur an discordet hic articulus à Doctrinâ Christiana : Namque scriptura sacra videtur attribuere iustificationem hominis ipsimet obseruationi mandatorum quæ includitur in charitate & dilectione quæ est plenitudo legis & præcepti. Prouerb. 10. *Vniuersa delicta operit charitas* & 1. Petri 4. *charitas operit multitudinem peccatorum*. Id autem est iustificatio. Deinde D. Augustini effatum est l. de nat. & grat. c. vltimo charitatem inchoatam esse inchoatam iustitiam charitatem prouectam esse iustitiam prouectam & charitatē perfectam esse perfectam iustitiam : ergo dilectio Dei in quo includitur obseruatio mandatorum formalis est sanctitas & formaliter hominem sanctificat : absque communicatione illâ & inspiratione alterius formæ sanctificantis, quæ dicitur gratia habitualis.

Responderetur pluries Concilium Tridentinum declarare actus pios spei, timoris, pœnitentiæ & dilectionis quibus continetur obe-

dientia legis diuinæ & mandatorum obseruatio, esse tantum dispositiones ad gratiam Dei habitualement ac iustificationem consequendam. Sic dicit sel. 6. in decreto *iustific.* can. 13. *si quis dixerit sine Spiritus Sancti inspiratione hominem credere, sperare, pœnitere aut diligere posse sicut oportet vt ei iustificationis gratia conferatur, Anathema sit.* & cap. 7. asserit iustitiam qua iustificamur dari vnicuique secundum propriam vnicuiusque dispositionem : non datur autem obedientia legis secundum propriam vniuscuiusque dispositionem : ergo ipsa obedientia legis non est id quo formaliter iustificantur impij. Plura argumenta suppeditabit in eam rem, Cardinalis de Lugo de pœnit. disp. 8. sect. 4.

Ad oppositum dicendum est & scripturam Sacram & D. Augustinum attribuere iustificationem & dilectioni & iustitiæ quâ legi obtemperatur, sed non tanquam causæ formali, sed tantum tanquam dispositioni. Sicut in eodem sensu remissio peccatorum tribuitur Eleemosynæ.

ARTICVLVS LXIX.

Homo existens in peccato mortali, siue in reatu æternæ damnationis potest habere veram charitatem, & charitas etiam perfecta potest consistere cum reatu æternæ damnationis. Lib. de Charitate cap. 7.

QUæritur an hallucinatus sit Baius in hoc articulo asserendo: neque enim peccatum mortale habet ullam repugnantiam cum gratia habituali: quia peccatum essentialiter est priuatio rectitudinis debitæ actui, non gratiæ aut charitatis: quod ex eo manifestum est, quod si peccatum mortale esset priuatio gratiæ, aut charitatis: omnia peccata essent eiusdem speciei & naturæ, cum essent priuationes eiusdem habitus aut formæ, cum ergo peccatum non sit essentialiter priuatio gratiæ aut veritatis, quid repugnat quo minus possit peccatum consistere cum gratia, aut charitas cum reatu æternæ damnationis?

Respondetur quamuis inter Theologos disputetur probabiliter ex vtrique parte, apud Fabrum Fauentinum in 4. sent. dist. 14. q. 1. cap. 9. an peccatum expellat gratiam phisicè & formaliter an vero tantum moraliter & demeritoriè: tamen non posse probabiliter ex vtrique parte disputari, an expellat vel non expellat, quoquo modo id fiat, quia per peccatum mortale

de quo hic sermo est, homo est inuisus Deo & inacceptus ad vitam æternam, per gratiam vero & charitatem homo est gratus Deo & acceptus ad vitam æternam: quæ duo sunt impossibilia & simul non possunt subsistere. Vnde Scriptura loquens de Iustificatione demonstrat illam esse transitum à statu peccati ad statum iustitiæ ad Colos. 1. *Transtulit nos in regnum filij dilectionis sue*: & Concilium Tridentinum sess. 6. cap. 4. in *Decreto Iustificationis*, ait quod illa sit, *translatio ab eo statu in quo homo nascitur filius primi Adæ in statum gratiæ & adoptionis filiorum Dei*: ex quibus sequitur hominem non habere gratiam quin transeat à statu peccati. Sicque peccatum & iustitia simul consistere non possunt.

Ad oppositum dicendum est, peccatum actuale esse priuationem rectitudinis debitæ, peccatum vero habituale quod semper coniungitur peccato actuali non retractato, esse priuationem gratiæ ex peccato actuali ortam, vnde quamuis diuersa peccata priuent hominem eadem forma gratiæ & charitatis, quia tamen priuant in ordine ad diuersa peccata actualia, eo ipso plura sunt & diuersa, quia est priuatio ob diuersos titulos & causas.

ARTICVLVS LXX.

Per Contritionem etiam cum charitate perfecta, & cum vero voto suscipiendi Sacramentum coniunctum, non remittitur crimen extra casum necessitatis, aut martyrij sine actuali, susceptione Sacramenti.
Ibidem.

QUæritur an hæc propositio inter damnatas reponenda sit: nam D. Augustinus scribit tract. 13. in Ioan. *Quantumcumque Catechumenus proficiat, adhuc sarcinam iniquitatis suæ portat, non illi dimittitur nisi cum venerit ad baptismum.* Quod confirmatur ex hoc, quod Concilium requirat Confessionem in Sacerdote celebraturo, nisi in necessitate & defectu Sacerdotum: at si Contritio delet peccata, frustra requiritur Confessio.

Respondetur D. Augustinum esse in contraria sententia cum scribit cap. vltimo libri de natura & gratia, *Charitas inchoata, inchoata iustitia est, charitas prouecta prouecta iustitia est, charitas magna, magna iustitia est.* Sed & Concilium Tridentinum sess. 14. cap. 4. ait iustificationem quæ aliquando habetur ante Sacramentum susceptum non esse adscribendam ipsi contritioni sine Sacramenti voto, ex quo euidentissimè deducitur, vi Contritionis ante susceptum Sacra-

mentum aliquando iustificari hominem, scilicet si contingat illum, contritione donatum esse. Quod ex eo adhuc magis elucet quod non sit minoris virtutis & efficaciz Contritio in lege noua quàm erat in veteri lege: at in veteri lege remittebatur peccatum ex virtute Contritionis, neque enim Sacramenta id operabantur. Quare dicitur Isai. 30. *Cum ingemuerit peccator tui: c salus erit*, iuxta 70. & Ezechiel 33. *Impietas impij non nocebit ei in quacumque die conuersus fuerit ab impietate sua*. Quare mirum est Franciscum Syluium, Doctorem Duacensem huic Baij placito adhæsisse in q. 5. supplementi D. Thomæ art. 1.

Ad oppositum, dicendum D. Augustinum ita loquutum fuisse, quia regulariter non sit vt Catechumenus ad perfectionem Contritionis assurgat, sed raro admodum. Quod autem confessio præmittenda sit ante celebrationem id ex præcepto diuino est, Apostolo dicente. 1. cor. 11. *Probet autem seipsum homo, & sic de pane illo edat*. Quæ verba continent præceptum Confessionis: quæ idcirco duplici titulo præmittenda est, & ad mundandam securius animam, & ad satisfaciendum præcepto diuino.

ARTICVLVS LXXI.

Omnes omnino iustorum afflictiones sunt ultiones peccatorum ipsorum: Vnde & Iob & martyres, quæ passi sunt, propter peccata sua passi sunt. Non habetur in eius libris.

QUæritur an vacillet tantisper hic articulus vt per censuram pungi debuerit: namque cum ordine & iustitia omnia humana Deus disponit, vt quia peccato debetur pœna, hæc illud iustè consequatur, & sine culpâ miseria locum non habeat in hominibus. Vnde D. Augustinus l. 6. de Ciuitate Dei cap. 13. Loquens de dæmonibus damnatis, sic ait: porro quia prouidentia summi Dei, sicut etiam ipsi fatentur: non fortuita temeritate regitur mundus, *numquam esset istorum æterna miseria nisi esset magna malitia.* Inde videtur cōsequens, vt si natura in statu integro stetisset, quod expers debuisset esse omnium pœnarum & cruciatuum quibus nūc post peccatū concutitur, vt quemadmodum in illo statu fœlicitatis illis esset connaturalis, sic nunc miseria sit contranaturalis, si hoc verbo vti fas est, nec nisi in vindictam peccati homines quiuis tribulationibus impetantur.

Respondetur hunc articulum Baij affinem esse alteri, in quo dicit, *Deus non potuisset ab initio creare talem hominem qualis nunc nascitur, scilicet concupiscentijs agitato, & mortalitate ac*

ægritudinibus quibus ad mortem paulatim disponitur, obnoxius, quia vult omnimodam felicitatem debitam fuisse primo homini titulo creationis, non satis perspicies quid ex liberalitate & magnificentia addidisset Deus dono primo creationis, si innocenter vixisset primus Adam: magnum enim malum concupiscentiæ mortalitatisque ac cruciatus qui eam committantur aut præcedunt, hominis conditionem consequuntur, qui cum sit naturæ sensitivæ, impressionibus agentium externorum, alterationibusque diuersis sic expositus est, sicut cæteræ animantes criminis nesciæ & expertes: quod etiam fatetur D. Augustinus l. 1. retract. cap. 9. dicens, *quamuis ignorantia & difficultas essent hominis primordia naturalia, nec sic culpandus esset Deus, sed laudandus.* Itaque etiam si aliqui iusti in hac vita, variis crucientur miseriis ac tormentis, non semper id fit, eorum peccatis id exigentibus, sed sæpe ob altiores quasdam rationes sicut dicitur Tobiae 2. de illo. *Hanc autem tentationem ideo permisit Deus evenire illi, ut posteris daretur exemplum patientiæ eius, sicut & sancti Job:* ad eorum perfectionem conducit tribulatio. Discunt ex tribulationibus ob donâ Dei non superbire, ex hinc cæteri agnoscunt eorum erga Deum fidelitatem, probatur eorum erga Deum confidentia, merita adaugentur, illustrioresque redduntur ut sæpè sæpius longè sublimiora Deus meditetur in afflictionibus iustorum quam eorum punitionem, ut non immerito Baiani consolatores onerosi dici debeant, sicut amici Iob, qui eius peccatis flagella illius imputabant.

Ad oppositum dicendum est pœnas & cruciatus spectari posse vel secundum se, vel quatenus sunt in punitionem & vindictam. In priori acceptione possunt absque culpa conuenire naturæ sensitiuæ inter aduersa sua & contraria degenti, in posteriori non conueniunt nisi naturæ peccato obstrictæ. Secundum posteriorem acceptionem loquitur D. Augustinus.

ARTICVLVS LXXII.

Nemo præter Christum est absque peccato Originali: hinc beata Virgo mortua est propter peccatum ex Adam contractum, omnesque eius afflictiones in hac vita, sicut & aliorum iustorum, fuerant vltiones peccati Actualis vel Originalis. Nec est in eius libris.

QUæritur an non sit conformis hic articulus & Scripturis Sacris quæ omnes in Adam peccasse ac mortuos esse prædicant, ac sanctis patribus qui cōtra Pelagium & Cœlestium hæreticos negantes pueros nasci cum peccato Originali, fortiter virgēt omnes nascentes Adæ peccato inuolutos esse, ac proinde baptismo & gratia Christi indigere, qui solus immaculatus agnus est, vt mundi peccata tollat: quàm sententiam inter præcipuos exagerat D. Augustinus tract. 79. in Ioannem, ac pluribus in libris, vbi

contra Pelagianos disputat : vt inde alij inferant iniuriam ipsius gloriæ irrogari , si alius sine peccato natus asseratur , vel à peccato , ipsius morte non redemptus.

Respondetur duplici titulo improbandum esse hunc articulum. Primo quod asserat fuisse in S. Virgine peccatum Originale quam sententiam alias impugnauimus in *Theologia Affectiua* .3. p. tract. 2. Medit. 2. his tribus considerationibus, 1. quod possibile Deo fuerit reddere immunem B. Virginem à peccato Originali. 2. quod id decens fuerit. 3. quod actu & de facto immunis fuerit. Quæ hic repetere non iuuat ; cum aliunde plures hoc argumentum explicauerint , vt in honorem B. Virginis asseri possit istud Cant. 4. *Tota pulchra es amica mea & macula non est in te.* Secundo vero quod & si præsupponeretur ipsam pro aliquanto tempore in peccato Originali extitisse , cum tamen ab ipso statim liberata fuerit , vt defendunt Authores Catholici , qui salua fidei compage , illud peccatum in illa adstruunt , non rectè infertur omnes eius afflictiones fuisse ultiones istius peccati , aut quod magis horrent piæ aures , peccati Actualis quod ipsa aliquando admisisset , tam feruentes enim ac frequentes diuini amoris actus ipsa elicit , vt ipsorum virtute omnem pœnam satisfactoriam absorptam fuisse minimè dubitandum sit , si enim id iustis perfectioribus competit quanto magis id de Matre Dei credendum est. Sed absit vt hanc quicquam inquinamenti habuisse vnquam putemus.

Ad oppositum dicendum est D. Augustinum

hanc protestationem fecisse in l. de naturâ & gratiâ c. 36. *exceptâ itaque Sanctâ Virgine Mariâ, de quâ cum de peccatis agitur propter honorem Domini nullam prorsus habere volo questionem.* Vnde in istis loquutionibus semper venit excipienda Beatissima Virgo, cuius gloria, Filij gloria est, cum scriptum sit à Sapiente, Eccles. 3. *dedecus Filij Mater sine honore.* Nec propterea desinit morte ipsius esse liberata per præseruationem scilicet ne peccatum incurreret, non per liberationem à peccato quod incurrisset. Quamuis autem dicat Heruzus Brito in 3. sent. dist. 4. q. 1. mortem esse pœnam peccati originalis, & nullum puniri pro peccato quod non incurrit quantumcumque incursum esset, hoc nihil est. Quia Virgo mortem subiit, non pro peccato proprio quod incurreret aut incursum esset, sed pro peccato Adami, qui eius morte punitus est, non ipsa, cum nullam habuerit filiam immortalem, & quæ propter eius transgressionem mortua non est, vnde mors Virginis punitio Adami est.

ARTICVLVS LXXIII.

Concupiscentia in Renatis Relapsis in peccatum mortale, in quibus iam dominatur, peccatum est, sicut & alij habitus prauī. Nec est.

Quæritur an sit locus censuræ contra istum articulum : dicit enim D. Augustinus l. 19. de ciuitate Dei c. 4. *nonnullum peccatum est, quando caro concupiscit aduersus spiritum* vt dicitur ad Galatas 5. & si opponatur ideo articulum hunc censuræ locum præbere quod habitus prauos vocet peccata, puta habitus intemperantiæ aut iniustitiæ, dici potest etiam peccata vocari posse, quia separant à Deo : quod enim à Deo separat, mors animæ est & peccatum.

Respondetur ex eo maximè improbandum esse hunc articulum, quod velit habitus prauos, quibus homo inclinatur ad malum & qui sæpè remanent etiam peractâ pœnitentiâ, esse peccata, non secus ac ipsam concupiscentiam quæ dominatur. Vt enim admittamus concupiscentiam dominantem, id est actu & de facto, ferentem & ducentem animam ad actum prohibitum cum consensu, vt sic, esse peccatum, id tamen admitti non debet de vitijs & prauis habitibus, qui per ipsam absolutionem non destruuntur, sed per plures actus virtutum jis contrarios : sicut per plures actus peruersos

acquisiti sunt. Sic enim etiam dormiens homo peccaret, cum retineat habitus illos, imo & benè operans cum nonobstante virtutis actu, remaneat vitium & habitus prauus, qui nihil aliud est quam promptitudo quædam & facilitas ad male operandum ex pluribus malis actibus, acquisita.

Ad oppositum, dicendum est non fideliter allegari textum D. Augustini l. 19. de ciuit. c. 4. vt verum sit plures errores in Augustinum eos intulisse, quam in Augustino inuenisse. Sic enim ibi habetur *neque enim nullum est vitium cum caro concupiscit aduersus spiritum*. Quod durante conflictu inter carnem & spiritum vix est quispiam qui aliquo vitio non detineatur. Qua propter & in eodem capite D. Augustinus vocat eam rebellionem infirmitatem, pestem & languorem: notum autem est discrimen apud eos qui vel elementa Theologia callent, inter vitium & peccatum. Ex quo discrimine solui etiam potest quod obiicitur de habitibus prauis, qui vitia sunt quæ à Deo separant dispositiue, non autem formaliter, sicut ipsum peccatum.

ARTICVLVS LXXIV.

Motus prauī concupiscentiæ sunt pro statu hominis vitiatī prohibiti præcepto non concupisces. Vnde homo eos sentiens & non consentiens transgreditur præceptum, non concupisces, quamuis transgressio in peccatum non deputetur. l. de peccato orig. c. 11. 15. 16.

QUæritur an distringi debuerit censura in hunc articulum. Nam dicitur 1. Ioan. 2. *omne quod est in mundo aut concupiscentia carnis est, aut concupiscentia oculorum, aut superbia vitæ quæ non est ex patre sed ex mundo.* Vnde concluditur concupiscentiam cum non sit ex Deo sed ex mundo, esse peccatum, & ideo, contra Dei legem. non enim solum ad superbiam refertur quod dicit *non est ex patre*, sed ad ipsam concupiscentiam cum suis omnibus membris.

Respondetur cum ibi sermo sit de motibus primis concupiscentiæ inuolontarijs & qui rationem præuenire solent, proptereaque euitari non possunt, iure merito non esse computandos inter ea quæ à Deo in præceptis decalogi prohibita sunt: cum alias præcepta Dei ad impossibilia obligarent. Quæ sententia etsi Bavianorum sensui sit conformis, reprobatur tamen à Doctoribus Catholicis & in superiorum

articulotum discussione improbata est : insuper D. Augustinus l. 1. de ciuitate Dei c. 25. manifestè asserit motus illos concupiscentiæ non esse peccata. *Quod si*, inquit, *illa concupiscentialis inobedientia*, quæ adhuc in moribundis habitat, præter nostræ voluntatis legem, quasi lege sua mouetur: quanto magis absque culpa est in corpore non consentientis, si absque culpa est in corpore dormientis? Et satis mirum est cur velit Baius istos motus inuoluntarios esse contra præceptum Dei: & tamen non imputari ad peccatum, cum peccatum definiatur à D. Augustino l. 12. contra Faustum, dictum, factum vel concupitum contra legem Dei æternam & à D. Ambrosio, *Diuina Legis transgressio & Cælestium inobedientia mandatorum l. de Paradiso c. 8. & D. Ioannes 1. Epist. canon. c. 3. vocet peccatum, ἀνομιὰ id est exorbitationem à lege ἐστὶν ἡ ἀνομία.*

Ad oppositum dicendum est rectè dici concupiscentiam non esse ex patre, sed ex mundo, etiam si peccatum non sit, quia motus indeliberati concupiscentiæ non extitissent de facto absque peccato, posito eo rerum statu quem Deus instituerat de iustitiâ originali: sicut dicitur de morte, quod Deus eam non fecerit, quia posito statu à Deo instituto, mors non extitisset, quantumuis sit naturalis homini in statu puræ naturæ spectato.

ARTICVLVS LXXV.

Quamdiu aliquid concupiscentia carnalis in diligente est, non facit præceptum, Dili- ges Dominum Deum tuum ex toto corde tuo.

QUæritur an non eximi debuerit à vexatio- ne censuræ hic articulus : etenim proba- tum est dogma D. Augustini, quod ubi est chari- tas perfecta, nulla sit cupiditas, cum generatio vnus sit corruptio alterius : sic Homil. 8. in lib. 50. homiliarum. Et quia radix omnium malo- rum est cupiditas & radix omnium bonorum est charitas, & simul ambæ esse non possunt, nisi vna radicitus euulsa fuerit, alia plantari non poterit.

Respondetur, dicendum motus concupiscen- tiæ indeliberatos reperiri aliquando posse in viris perfectis, qui Deum toto corde amant, cum sint instar Iebuszorum quos Deus in medio nostri reliquit ad agonem, ad exercendum Israellem, & ne deficiente aduersario virtus tepescat otio, quæ in infirmitate ista continenda perficitur : sic D. Paulus Deum toto corde diligebat, si quis inter mortales, ipse tamen profiteretur de seipso ad Rom. 7. *Sentio legem in membris meis repugnan- tem legi mentis meæ & captiuantem me in lege peccati*: id est me inuitum & nolentem motibus concupiscentiæ (quos ipse inuisos habebat) con-

cutientem, qui motus apti nati erant ad peccatum ipsum allicere, nisi restitisset: sed & D. Augustinus serm. 5. de Verbis Apostoli, disertè asserit motus istos concupiscentiæ inuoluntarios non impedire, quominus homo dicatur spiritualis, qualis est qui præceptis Dei obtemperat. *Quicumque*, inquit, *carnalibus concupiscentiis credis atque consensis, totus carnalis es, si autem concupiscis quidem* (en motus primo primi) *post concupiscentias autem tuas non eas, mente spiritualis es, carne carnalis, &c.* Huius rei ratio est quod exercitiū virtutum magis perfectarum durante hac vita, non nisi in lucta & conflictu contra aduersarias potestates, perficiatur, cum simus in statu Ecclesiæ militantis. Quod verum est non tantum respectu Ecclesiæ vniuersalis, sed etiam respectu cuiuslibet animæ in indiuiduo spectatæ: itavt viri maximè spirituales inter orandum & etiam sacrificandum nonnumquam confundantur, dum procurante sathana, aut alia ex causa motus isti vel inuitis sese ingerunt, de quibus legi potest Ioannes à cruce Carmelita in lib. 1. *Obscura noctis*, c. 4. & Richardus à S. Victore annot. in Psal. 28.

Ad oppositum dicendum est D. Augustinum ibi explicare ad quid tendere & conari debet homo in hac vita, scilicet ad cupiditatem radicitus & funditus euellendam & charitatem acquirendam: sic enlm ante hæc verba, *Loquitur beatus Apostolus*, ait, *velut spiritualis ac peritissimus medicus, quid fugere & quid expetere debeamus ostendit, & quia radix, &c.* Quid quod ibi sermo est de avaritia voluntaria, quæstio autem est de motibus inuoluntariis?

ARTICVLVS LXXVI.

*Satisfactiones laboriosæ iustificatorum non
valent expiare de condigno pœnam tempo-
ralem restantem post culpam condonatam
Lib. de Indulgentijs cap. 8.*

QUÆRITUR an hæc propositio censuræ obno-
xia esse debuerit, etenim Christi est pro
peccatis hominum satisfacere, & iniuriam vide-
tur illi irrogare, qui alterius satisfactionem vir-
tute aliquâ pollere censeret, quasi eius satisfactio
non fuerit plenissima.

Respondetur Catholicos scriptores impu-
gnare hæreticos qui eundem articulum defen-
dere solent, vt Lessius q. 13. in additiones D.
Thom. seu *supplementi*, art. 1. dubio 4. Car-
dinalis de Lugo de *Sacramento Pœnitentia*, dis-
put. 24. sect. 1. vbi & ea ratione probat satisfa-
ctiones iustificatorum expiare de condigno pœ-
nas temporales restantes post remissam culpam,
quia per Bullam Pij V. & Gregorij XIII. dam-
natus sit hic articulus cum alio præcedenti, qui
in eundem sensum coalescit. Probatur autem
per scripturam Prouerb. 16 *Misericordia & ve-
ritate redimitur iniquitas*, & 1. ad Cor. 11. *si
nosmetipsos diiudicemus, non vtiq; iudicemur
à Domino* - i. si nosmetipsos puniremus non pu-
niremur à Deo in altera vita, & per Concilium
Tridentinum sess. 6. cap. 4. Vbi in pœnitentia

ait contineri *satisfactionem per ieiunia, eleemosynas & non quidem pro pœna æterna quæ vel Sacramento vel sacramenti voto una cum culpa remittitur, sed pro pœna temporali.* Quibus verbis satis asserit pro pœna temporali satisfieri, id est, exhiberi sufficiens pretium ad earum redemptionem. Probatur etiam ratione, quia opera bona iustificatorum digna sunt vita æterna, iuxta illud 2. ad Timoth. 4. *Reposita est mihi corona iustitiæ quam reddet mihi iustus iudex.* Ergo multo magis condigna sunt pro redemptione pœnæ temporalis: quæ multo minor est quam vita æterna, maxime cum eadem conditiones ad merendum requisitæ reperiantur. in operibus bonis ad satisfaciendum: nam satisfaciētes in Dei gratia sunt constituti, opera eorum sunt supernaturalia & debito proportionata, extatque Dei promissio: quare nihil desiderari potest ad valorem condignæ satisfactionis: sed & D. Augustinus in Enchirid. cap. 7. *Deus miserendo delet commissâ peccata si non satisfactio congrua negligatur,* & hom. 50. cap. 15. *non sufficit mores in melius commutare, nisi etiam de his quæ facta sunt satisfiat Deo: quid clarius?*

Ad oppositum dicendum est non magis satisfactiones iustificatorum præiudicium inferre satisfactionibus Christi, quam eorum orationes orationibus Christi: imo in honorem eius cedunt in hoc quod non tantum pro nobis satisfecit, sed etiam virtutem dedit satisfaciendi ad applicandam nobis virtutem satisfactionis suæ per varia media quæ ad hunc finem sunt ab ipso instituta, ut sunt varia sacramenta, fides ac bona

opera : sic vt cedit aliquomodo in honorem Dei non solum quod omnia operatur sed etiam quod virtutem operandi nobis dederit.

ARTICVLVS LXXVII.

Immortalitas primi hominis non est gratiæ beneficium, sed naturalis conditio. Non habetur in eius libris.

QUæritur an non omnium calculis laudari debuerit hæc assertio, tantum abest vt censura notam incurrere debuerit : etenim cum anima sit immortalis, æquum non est, vt ipsa coniungatur corpori mortali. Vnde D. Augustinus lib. 23. de Ciuit. Dei cap. 15. *Constat inter Christianos veraciter tenentes fidem Catholicam, etiam ipsam nobis corporis mortem non lege naturæ sed merito inflictam esse peccati, & Concilium Arausicanum 1. Canone 2. sic statuit. Si quis soli Adæ præuaricationem suam, non & eius propagini asserit nocuisse, aut certè mortem tantum corporis (quæ pœna peccati est) non autem & peccatum, quod mors est animæ per vnum hominem in omne genus humanum transisse testatur, iniustitiam Deo dabit contradicens Apostolo dicenti (ad Rom. 5.) per vnum hominem peccatum intrauit in mundum & per peccatum mors in omnes homines pertransiit in quo omnes peccauerunt* Vnde colligitur mortem esse præter naturam hominis & non nisi in pœnam peccati.

Responderetur distinguendos esse diuerfos status hominis. Primus status puræ naturæ: secundus status naturæ integræ, & pluribus priuilegijs supra debitum naturæ locupletatæ ampliori Dei beneficentia. Tertius est status naturæ corruptæ, & in corruptione sua derelictæ: quartus est status naturæ reparatæ per Christi gratiam, qui status diuerfos habet gradus: status autem puræ naturæ licet possibilis fuerit, numquam existit, quia Deus statim naturæ plura liberaliter addidit beneficia. Status etiam naturæ corruptæ & in corruptione derelictæ numquam existit, licet etiam possibilis fuerit, quia Deus plura beneficia gratiæ ex merito passionis futuræ, statim contulit naturæ corruptæ. Homo igitur secundum statum puræ naturæ, si existisset, morti obnoxius erat propter diuersitatem elementorum inter se pugnantium quibus constabat: sed quia hic status de facto non existit propter beneficia creatoris, creatus est immortalis ex beneficio Dei, mortalisque effectus est de facto merito peccati in pœnam inobedientiæ. Vnde ait sapiens; *Deus mortem non fecit*, & hoc confirmat D. Augustinus lib. 6. de Genesi ad litteram. cap. 25. *Aliud est, inquit, non posse mori, aliud posse non mori, secundum quemdam modum primus creatus est homo immortalis quod & prestabatur de ligno vitæ, non de constitutione naturæ, & paulo post: mortalis ergo erat conditione corporis animalis, immortalis autem beneficio conditoris*. Quam veritatem adhuc confirmat libro 13. de Ciuit. Dei, cap. 27. & lib. 1. de peccatorum meritis & remission. cap. 4. & pluribus alijs in locis.

Quod amplius confirmari potest ex eo quod homo extra Paradisum Terrestrem in quo immortalis fuisset creatus sit, ut intelligeret dona illius loci ex superaddita gratia sibi concedi, & non esse sibi naturalia: ac certè immortalis nec à natura hominis ex contrarijs, & sibi inuicem repugnantibus humoribus conflata oriri poterat, nec in illa natura sufficientem causam habebat.

Ad oppositū dicendum est non esse necesse omnia quæ aptissime rebus congruunt, debira esse naturali iure; sicut optimè decens est hominem creatorem non offendere, non tamen id illi debitum est naturaliter, & nihilominus quia animæ immortalī corpus immortale congruebat, de facto Deus dederat homini corpus immortale beneficio ligni vitæ, & alijs medijs. Vnde hoc præsupposito, dicit D. Augustinus mortem *merito peccati* infligam fuisse, *non lege natura*, quia de facto ita infligta est, non quod aliter accidere non potuerit: quomodo soluitur etiam obiectio ex Arausicana Synodo.

ARTICVLVS LXXVIII.

Falsa est Doctorum sententia primum hominem potuisse à Deo creari & institui sine iustitia naturali. Nec habetur in Baij Libris.

QUæritur an quidquam acerbius decernere ac sancire debuerit Summus Pontifex contra hanc assertionem, quâ contendit Doctor Baius hominem non potuisse creari in puris naturalibus, ut vocant, sine gratia Dei quæ ei naturaliter debita sit, & quâ fiat, ut potentia eius inferiores superioribus subditæ sint, & quâ Deo anima subdita sit prout exigit iustitia: ratio vero desumitur ex eo quod Deus non potuerit creare hominem cum aliquâ miseriam, antequam peccasset, cum sit illa peccati pœna. Et ex eo quod non potuit condere hominem nisi propter ultimum finem beatitudinis: at posito quod homo creatus sit propter hunc ultimum finem, debuit etiam creari cum medijs proportionatis & sufficientibus ad hunc ultimum finem assequendum, quæ propterea quasi naturaliter illi debentur: ergo debuit creari cum gratiâ & iustitiâ naturali, quia est medium sine quo finis ille non potest possideri. Et augetur hæc difficultas ex appetitu naturali quem habet homo ad beatitudinem, quapropter extra illam non satiatur, sicut dicit D. Au-

gustinus l. I confess. c. 4. *fecisti nos Domine ad te & inquietum est cor nostrum donec requiescat in te.*

Respondetur assertionem hanc Doctoris Baij multum accedere ad opinionem Begardorum & Beguinarum damnatam à Clemente V. in Concilio Vienenfi *de hæreticis*, asserentium quod quælibet intellectualis natura in seipsâ naturaliter. Est beata &c. Merito autem improbatur quia cum iustitia originalis quæ naturalis vocatur à Baio, sit accidens hominis & extra eius essentiam, valde mirum esset, si Deus hominem sine illa creare non posset, quid enim hîc omnipotentia eius limites statneret? Sed & diuinam gratiam nulli deberi creaturæ satis diserte probat Daniel à Sancto Iosepho Carmelita tom. I. in *D. Thomam* disput. 12. c. 5. & disput. 14. c. 1. *Quia gratia diuina est terminus amicitia diuinæ, quam vlli deberi creaturæ tam repugnat quam vllam à Deo produci quæ ex propria creatæ rei conditione eius serua non sit. Sed & natura sua esset impeccabilis creatura si naturali iure & gratia & beatitudo illi deberentur: sed & D. Augustinus sine cuius autoritate nihil Baianis sapit, l. 12. de ciuit. Dei c. 1. ait, quia creatura est, (scilicet assequi beatitudinem) non ex se potest quia ex nihilo creata est.* Vnde infertur esse supra debitum illius naturæ, cum creatura dicatur ex se posse quod ex naturalibus potest.

Ad oppositum dicendum est fere omnia ibi contenta neganda esse. Primo illud quod affertur non potuisse Deum supremum Domi-

num creare hominem cum aliquâ miseriâ antequam peccasset. Quid ergo? non potuisset Deus creare hominem in zonâ frigidâ aut torridâ, ne frigore aut calore nimio adureretur? non potuisset creare monoculum aut claudum? quis hoc credat? *quis enim ei diceret*, inquit. D. Augustinus in Psal. 70. *quid fecisti si damna- ret iustum?* Quem textum corrumpunt Baiani, dicuntque legendum esse iniustum. Deinde negatur quod dicitur, non potuisse condi, nisi propter beatitudinem, quamvis enim beatitudo hominis, sit pro præsenti statu finis ultimus hominis, non est tamen ultimus finis Dei, qui est eius gloria, quam multis modis posset sibi conquirere extra beatitudinem supernaturalem hominis: deinde posito quod homo creatus sit propter illum finem, poterat Deus ad ipsum sine gratia & iustitia originali eleuare hominem. Quod additur de appetitu naturali ad videndum Deum, etiam si admitteretur, non sequitur tamen posse naturaliter illud consequi, quia vt benè arguit Bellarminus de *primi hominis gratiâ* c. 7. anima separata habet appetitum naturalem ad vnionem cum corpore proprio, cui tamen non nisi supernaturali virtute iterum vnietur in resurrectione, quæ non erit opus naturale.

ARTICVLVS LXXIX.

Quæ censurarum notæ propositionibus singulis Michelis Baij affigi possint.

HActenus conati sumus demonstrare methodo Scolastica singulas Baij propositiones falsitatis aut erroris alicuius vitio laborare, adductis in huius rei confirmationem aliquibus momentis, & dissolutis nonnullis obiectionibus contrariis, ex quarum oppositione veritas effulgeret, per legem contrariorum, quæ sibi inuicem opposita magis elucescunt. Quamuis autem pauca ad singulos articulos dixerimus, ut librum prolixiorum non ederemus, quia tamen eadem propositiones sæpius repetuntur, quas quibuscumque verborum inuolucris circumuestitæ essent tolerare noluerunt Summi Pontifices, qui omnia quæ ad idem spectant per varios articulos dispersa in vnum collegerit, forsitan plura inueniet quam primâ facie appareat. Consulto autem abstinuimus à designatione notarum quæ cuilibet propositioni conuenire possint, quia id nondum præstiterunt Summi pontifices, & magis id deceat fieri autoritate publicâ quam priuatâ. Attamen idipsum est quod multi expetunt & expectant, quorum votis ut aliquâ ex parte satisficiamus, donec expressius iudicium Summi Pontificis accedat, hîc operæ prætium arbi-

trati sumus mentem, sacrae facultatis Theologiae Parisiensis de ijs notis censorijs contra plures propositionum harum, vt ex actis illius exscribuntur, ad calcem huius secundae partis adiungere, vt certius instruantur qui & veritatem amant sine furo ac verborum pingentis manifestatam, & facultatis primariae auctoritatem ita suspiciunt, vt eius decretis fidem adhibere non detrectent.

ANNO Domini millesimo quingentesimo sexagesimo, die Iouis vigesima septima Mensis Iunii, sacratissima Theologiae facultas Parisiensis post missam apud Collegium Sorbonae ex more celebratam, in eodem collegio, per iuramentum congregata est in materia fidei super propositionibus infra scriptis per eandem facultatem cum matura deliberatione Magistrorum nostrorum censuram notatis, quas Fr. Petrus De Guercu, Gardianus Conuentus Niuellensis & Fr. Egidius de Guerceto Gardianus Athiensis Praedictae facultati Theologiae miserunt, Sigillis Praedictorum Conuentuum signatas, rogantes obnixè vt super ijs dicta facultas censuram ferret. Quarum propositionum tenor sequitur cum censura ad easdem.

Prima propositio Liberum Arbitrium hominis non habet potestatem ad opposita, nec illi conuenit ea potestas ex ipsius naturali & intrinseca ratione.

Censura. Prima pars huius propositionis est haeretica, secunda est falsa, & Erronea, & Morali Philosophiae aduersa.

Secunda propositio. Libertas & necessitas ei-

dem conueniunt respectu eiusdem : & sola violentia repugnat libertati naturali hominis.

Censura. Huius propositionis prima pars includit contradictionem & est hæretica ; secunda est falsa.

Tertia propositio. Liberum Arbitrium ex sua ratione intrinseca non habet vt ex se , de se , & per se efficiat actum liberum.

Censura. Hæc propositio est falsa , Erronea & perniciosa.

Quarta propositio Liberū Arbitriū ex se non potest nisi peccare , & omne opus Liberi Arbitrij sibi dimissi , est peccatum mortale , aut veniale.

Censura. Hæc propositio pro vtraque parte est hæretica.

Quinta propositio. Homo faciendo quod in se est , peccat & non potest non peccare faciendo quod in se est.

Censura. Tota hæc propositio est hæretica.

Sexta propositio. Posse peccare non est de ratione Liberi Arbitrij hominis : nec eiusmodi potentia peccati , homini data est à Deo.

Censura. Huius propositionis prima pars est falsa , & secunda hæretica.

Septima propositio. Liberum Arbitrium hominis non potest absque speciali gratia Dei vitare peccatum ; vnde fit vt omne opus hominis purè infidelis , sit peccatum.

Censura. Huius propositionis secunda pars est falsa & male ex præcedenti inferitur.

Octaua propositio. Liberum Arbitrium libere vult. quidquid sponte sua voluntariè vult, ita vt quod necessario vult , idem libere velit.

Censura. Huius propositionis secunda pars implicat contradictionem, & est hæretica.

Nona propositio. Hæreticus, Schismaticus & homo non purè infidelis, meretur quandoque de condigno vitam æternam.

Censura. Hæc propositio est plane hæretica.

Decima propositio. Homo existens in peccato mortali siue eius reatu ad æternam mortem, habet in se charitatem.

Censura. Hæc propositio est hæretica.

Undecima propositio. Per contritionem non adhibito realiter sacramento Baptismi vel poenitentiae non dimittitur crimen extra casum martyrij & necessitatis.

Censura. Hæc propositio est hæretica.

Duodecima propositio. Peccator si faciat quod mandatur per contritionem, & confessionem factam sacerdoti non remittitur illi peccatum nisi sacerdos, absoluat etiam si per malitiam absque ratione sacerdos illi neget absolutionem.

Censura. Hæc propositio est hæretica.

Decimatertia propositio. Non nisi pelagiano errore admitti potest ante primam iustificationem in homine Liberi Arbitrij usus bonus & qui se præparat ad eam, peccat, ut is qui pessimè abutitur suis bonis naturalibus. Nam ante eam omnia opera hominis sunt peccata damnatione digna.

Censura. Hæc propositio pro omnibus partibus est hæretica.

Decima quarta propositio. Non datur gratia nisi

reluctanti, perinde nec prima iustificatio quæ iustificatio est ipsa fides: fides enim est quæ ex impio quis fit pius.

Censura. Huius propositionis duæ primæ partes sunt hæreticæ, & tertia est falsa.

Decima quinta propositio. Homo necessario peccat etiam damnabiliter in aliqua specie peccati, & actus ad quem necessario fertur, est illi peccatum, quare ut libere feratur in actum non est conditio necessaria ad peccandum.

Censura. Hæc propositio est hæretica pro omnibus partibus.

Decima sexta propositio. Nemo præter Christum est absque peccato originali; hinc Beata Virgo mortua est propter peccatum quod contraxerat ex Adam; omnesque eius afflictiones in hac vita, sicut & aliorum iustorum, sunt ultiones peccati originalis vel actualis. Unde & Iob passus est, & Martyres propter peccata sua.

Censura. Hæc propositio pro omnibus partibus est hæretica & Beatæ Mariæ Virgini Dei Genitrici & sanctis iniuriosa.

Decima septima propositio. Omnia in gloriam Dei facite; & dico vobis non resistere malo, sunt simpliciter ut præcepta accipienda

Censura. Huius propositionis posterior pars, ut iacet, est hæretica.

Decima octava propositio. Omne opus bonum est meritorium vitæ æternæ. Quod si aliquod remuneretur temporaliter tantum non dignum vita æterna, illud malum est, quia nullum est opus meritorium nisi æternæ vitæ.

Censura. Hæc tota propositio repugnat Sacræ Scripturæ.

Hæc sunt decreta Facultatis Parisiensis ante nonaginta, & duos annos edita ab his Doctoribus, quorum multi damnauerant errores Lutheri & Caluini ante Synodum vniuersalem Tridentinam, & ab his qui feruescente in Gallia hæresi Caluinistarum, contra ipsos pro fide & doctrina sæpius decertabant. Sed vt Baiani Bullas Summorum Pontificum Pij V. contra Baium; & Urbani VIII. contra Iansenium, etiam ipsis Pontificibus adhuc superstitis, subreptitias, dolo extortas, aut etiam commentitias obseruatibus temporum consignatione, epithetis, apicibus aliisque pluribus, quibus respondendum esse duximus in 1. parte huius operis: sic de censura hac facultatis, quantumuis in eius regestis suo loco inscripta reperiatur, idem facere pridem moliti sunt: nunc obseruantes latam fuisse die vicesima septima mensis Iunij, quæ non est dies comitiorum: quasi censuræ tanti ponderis extra Calendas mensium non conderentur, cum soleant examinari propositiones censuræ notandæ in pluribus congregationibus, vt sæpè vidimus obseruatum: vnde mirum non est si die comitijs insolita lata fuerit. Nunc conquærentes confirmatam non fuisse. At moris est facultatis, vt quæ acta sunt in vna congregatione & consignata actis publicis, robur obtineant ac pro confirmatis habeantur, si in congregatione sequenti non retractentur immutentur ve. Nunc etiam expostulantes inueniri exemplaria varijs in locis huius censuræ cum aliqua immutatione in titulo

titulo aut præfatiuncula, sed vbires ipsa tenetur & habetur corpus censuræ, non admodum de titulo litigandum est. Quamuis hic præfatiuncula, vt ex chartofilacio publico exscripta est, exhibeatur, vt inspiciant qui Baianis dogmatibus addicti sunt, quot eorum de hæreses labe iam damnata sint à facultate, metuantque illam iuris canonici sententiam 24. q. 1. *Qui hæresim iam damnatam sequitur, eius se damnationis participem facit*, quam in Achatium protulit Gelasius Pontifex

Porro ex hac præfatiuncula, licet obiter animaduerrere, quorum zelo ac pietate facultas decreuerit in hanc doctrinam, Franciscanorum scilicet, qui & ipsi maximè egerunt apud Summum Pontificem Pium V. vt postquam facultas Parisiensis præfulsisset & ipse Baij propositiones proscriberet. Quod demonstrare possumus ex Epistola Decani pro tempore sacræ Theologicæ Facultatis Duacenæ ad Fulgentium Louaniensem Doctorem, vbi ita de discipulis Scoti: verum tamen principem palmam ac trophæum de damnatis illis articulis numquam sinent sibi eripi, illi quibus iam in hanc ipsam palmam concessistis libello, cui titulus splendidus, *vulpes capta*, cap. 6. his Baij verbis: *Fratres Minores in Prouincia Flandriæ, qui nobis nil tale suspicantibus libellos nostros allegabant & improbabant, ad confratres Hispanos recurrerunt, per quos primum præiudicia, deinde post multam & longam sollicitationem, etiam Pij V. tempore inceptam, tandem à sanctissimo D. nostro Pio V. obtinuerunt Bullam datam Calendis Octobris 1567. in qua*

damnantur 76. *sententia*. A udis damnatas omnes, fatente Baio, scilicet, ut falsas, nam veritas non damnatur à Deo eiusque vicario. Hæc ibi: ex quibus magis confirmatur, quæ in hac secunda parte adstruere conati sumus, attamen quia multum his obstare existimatur Apologiæ liber *pro sanctis Patribus Ecclesiæ, gratia Christi defensoribus*: Quo multi detinentur in vinculis, ita ut etiam ad eum librum prouocent à se dissentientes, ipsum librum tantisper discutere nobis propositum est, cum ea moderatione quæ Theologum non dedeceat, inuocato prius Christi auxilio ob cuius amorem, eius erga omnes animas amorem tueri suscipimus.



ARTICVLI

DISPVTTATI

DE GRATIA.


TERTIA PARS.

LIBERATIO SANCTORVM

Patrum ab Apologiâ pro sanctis
Patribus &c.

ARTICVLVS I.

Preludia & præsupponenda quedam.

 T numquam Iansenij & Baij Discipulis argumenta desint, quibus credant vel se expugnare posse sibi repugnantes, vel tueri se lacessitos, ex totâ, vt autumant, antiquitatis, gazâ, certam authoritatum supellectilem con-gesserunt, atque etiam ordine digesserunt in volumine insignito gallicè. *Apologia pro sanctis patribus Ecclesiæ, defensoribus gratiæ Christi.* In cuius libri frontispicio incidunt in decretum

Cōcilij Tridentini *sess. 4.* tacito nomine authoris, vnde cum Tertuliano l. 4. contra Marcionem, *Possẽm hic gradum figere non agnoscendum contendens opus, quod non erigat frontem, quod nullam constantiam praeferat, nullam fidem repromittat de plenitudine tituli & professione debita authoris.* Hanc autem non minus victtricem & inexpugnabilem censent Apologiam quam gratiam Christi illic adsertam. Velut ouantes & triumphantes gloriantur in isto opere, insultantque cæteris à seipsis dissidentibus, quos ubique fere Molinistas vocant; tantaque est eorum propter huius libri excellentiam, praesidentia, ut nuper scripserit vnus ex eorum proscutâ, in relatione gestorum collationis habitâ hoc anno 1652. in Presbyterio Sancti Sulpitij in Epistola huic relationi inserta paginâ 27. & 28. librum huius Apologiae vltimo ictu mortifero partem gratiae sufficientis & generalis fectisse, quæ vltimos spiritus exhalat. Verba gallica sunt. *Dans le Liure de l'Apologie des Peres qui a donné le dernier coup mortel au party de la grace suffisante & generale qui ne fait plus que palpiter.* Sed bene est quod ad internecionem delati nondum sumus & quod adhuc tantisper palpitamus, opitulante Deo, satis erit nobis spiritus ad concutiendum saltem, hoc vltimum Iansenismi propugnaculum.

Quia vero in hoc opere multa sunt controuersiarum priuatarum capita contra duos Sorbonæ Doctores nouæ eorum Doctrinæ verbis scriptisque maximè infensos, Magistros Claudium Morel & Alphonsum le Moine & alios

quosdam, illa capita intacta relinquimus, quod ob multam illorum sapientiam & eruditionem, nemo ipsismet possit esse melior causæ suæ defensor ac patronus. Eaue tantum tractamus quibus aduersantur Sanguini Christi pro omnibus effuso, ac gratiæ sufficienti nullo adulto ac rationis compoti denegatæ. Id vnum maximè intendentes, quasi solam facti quæstionem agitaremus, inefficaces esse eorum probationes, nec rectè ac verè inferri ex ipsis illud quod intendunt, ostendere.

Præsupponimus autem quæ alias scripsimus, triplicem esse fructum aut beneficium mortis Christi, seu quod in idem recidit, triplicem esse gradum Redemptionis humani generis quam Christus moriendo præstitit. Primus est gradus Redemptionis seu liberationis ab impotentiâ salutis consequendæ, quam impotentiam omnes homines contraxerant ex peccato Adami, propter quod priuandi erant omni gratia sufficienti & medijs ad vitam æternam obtinendam necessarijs. Secundus est gradus Redemptionis ab ipso peccato per iustificationem. Tertius est gradus Redemptionis ab omni pœna & miseria per collationem gloriæ & assequutionem beatitudinis alterius vitæ. Ex quibus tribus gradibus seu beneficijs ac fructibus, primū tantū de facto omnibus cōuenire asserimus loco & tēpore.

Præsupponimus etiam per gratiam sufficientem interiorem hic intelligi aliquam intellectionem ac simul piam voluntatis motionem quâ diuinitus impellatur animā ad faciendum ea quibus iustificetur, vel in iustificatione iam ha-

bita permaneat. Quæ gratia aliquando impellit ad ea facienda quæ sunt tantum dispositio remota ad iustificationem, vt est quilibet actus bonus præter actum charitatis, ex gratia elicitus: aliquando vero impellit ad actum qui est proxima dispositio ad iustificationem, vt est actus contritionis perfectæ. Etsi enim Deus aliquos in momento per gratiam suam interiorem ad actum perfectæ contritionis aut charitatis attrahat: ille tamen modus agendi non est tam frequens ac ordinarius, quam alter, quo sensim à minus perfectis actibus ad perfectiores vocat, sicut in rerum naturalium productionibus contingere solet. Vnde D. Prosper l. 2. de vocatione gentium c. 11. asserens quosdam ab initio perfectissimâ gratiâ donari, subiungit. *Non facile tamen reperitur in exordio maturitas & in inchoatione perfectio.* &c. Multoque numerosior pars illa hominum est, cui particulatim, quicquid superna largitas donat, accrescit. Legi potest Belarminus l. 2. de *Naturâ & Gratia.* c. 5. & 7.

Ex hoc nascitur prima diuisio gratiæ sufficientis tam ad iustificationem consequendam, quam ad perseuerandum in eadem iustificatione vsque ad vltimum spiritum, in gratiam sufficientem proximam & remotam, seu initialem & adultam: quarum vtrique subdividitur in auxilia specialia, specialiora & specialissima, quæ alij vocant communia, specialia & heroica: quarum etiam vtrique mediâtè vel immediâtè, est sufficiens. Proxima quidem, quia illâ positâ sine vltiori gratia prærequisita ex parte Dei, præter concursum generalem, potest anima produ:

eere actum illum qui infert iustificationem per gratiam habitualement & sanctificantem, quia ex hypothesis est gratia sufficiens proximè: remota etiam est sufficiens ad iustificationem, quia si anima producat actum illum ad quem immediate attrahit, statim datur ex liberali misericordia Dei altera gratia quâ producere valeat alterum actum perfectiorem & illo producto si nondum sit ultima dispositio ad iustificationem, adhuc altera, quâ producat actum proximè disponentem ad ipsam iustificationem, ut sic anima in minimo fidelis supra multa constituatur & gradatim sanctificetur: sic enim rectè scriptum est ab Enoch lib. 5. Epist. 14. *Divina beneficia gradibus semper accedunt, & quibus bona conferunt meliora pollicentur.*

Porro ex hoc fit, aliquando patres scribere aliquem non habere gratiam (proximam intellige) ad actum, vel fidei vel charitatis, vel alterius virtutis heroicæ, qui tamen non desinit habere gratiam sufficientem remotam, ad eosdem actus, quia talis est rerum supernaturalium dispositio, ut si gratia sufficiente qua donatus est rectè uteretur ut potest, hæc gratia illi concederetur ad prædictos actus fidei, charitatis, aut virtutum heroicarum: ita Deus unumquemque statim non vocat ad sublimiora legis præcepta, ut patet ex Discipulis quos Christus in monte de beatitudinibus docebat Math. 3. de quibus dixit D. Augustinus de sermone Domini in monte. *Cum autem minora minoribus, maiora maioribus dantur, ab eo dantur, qui solus novit congruentem suis temporibus exhibere medicinam, &c.* Quare iure

prima gratia sufficiens data supernaturaliter ad quemlibet actum pium, qui sit quædam inchoatio vitæ spiritualis, etiam si esset ad orandum dumtaxat, dici potest semen cæterarum omnium gratiarum, imo & ipsius gloriæ æternæ, quia ista omnia in prima illa gratia continentur: sicut ingens arbor cum ramis, folijs & fructibus continetur in surculo vel semine, & cum Deus ex meritis Christi, dat primam illam gratiam sufficientem, cæsendus est virtualiter dare gratias cæteras & ipsammet gloriam. Quemadmodum qui dat semen, virtualiter dat arborem quæ ex eo pullulat, quo solo titulo, quævis alij non desint, quamvis Christus solum mortuus esset pro reprobis ad acquirendam illis gratiam hanc remote sufficientem, iure dici posset pro eorum æterna salute mortuus, quandoquidem æterna illa salus virtute continetur in prima gratia sufficiente, quemadmodum & continetur in mediis externis Sacramentorum, quæ pro omnibus instituit, & quibus ex merito passionis virtutem sanctificandi animas & ad beatitudinem perducendi acquisiuit. Quare non satis consequenter scribit R. Iprensis lib. . . de gratia Christi c. 21. vbi tam ambigüe loquitur de morte Christi pro reprobis: vbi contra morem suum parum constanter scribens, dicit, quod si Christus pro reprobis mortuus est, tantum mortuum fuisse pro acquirendis illis *quibusdam iustitiæ temporalis effectibus*: cum enim in illis effectibus iustitiæ temporalis seu gratiæ non perseuerantis vsque ad finem ius ad gloriam æternam includeretur, non est ambigendum quin si mortuus sit pro iis iusti-

tiæ effectibus quos recipiunt plures reprobi, etiam pro eorum æterna salute mortuus sit, non tantum sufficienter, sed etiam efficienter, à qua tamen exciderunt suâ culpa: quemadmodum si quis laborasset ad acquirendum ius alicui ad hæreditatem, existimari etiam posset laborasse pro acquirenda illi hæreditate, quamvis ex aliquo casu eam non possedisset vnquam.

Aduertendum insuper gratiam sufficientem etiam si detur per modum actus transeuntis, relinquere nihilominus quoddam robur ac firmitatem maiorem in voluntate, quâ ad aliquod saltem tēpus nobis absconditum, manet potentior ad ea quæ sunt salutis: ideoque eius virtus ad multa sufficit pro aliquo tempore, etiam si homo actu ab ea pulsari se non sentiat: si enim est hæc gratiæ externæ, vt alicuius orationis & exhortationis efficacia, multo magis erit gratiæ internæ, quam Deus ineffabili, mirabili, occultâ & secretâ potestate producit, quia in sua entitate ineffabilis est, mirabilis occulta & secreta; sicut est Deus ipsemet, in quantum est author, & finis supernaturalis. Atque hoc cōfirmari vel illustrari potest, ex resolutione Tostati Abulensis q. 67. in cap. 18. Matthæi, quâ docet Angelum Custodem etiam si in cœlo sit, nihilominus hominem custodire quia per ea quæ agit Angelus circa hominem quando manet cum eo, dicitur homo custodiri quando est Angelus absens, eo quod impressio facta ab ipso in homine durat aliquanto tempore, fortes enim impressiones durant aliquanto tempore postquam factæ sunt, sicut patet in motibus violent-

tis : nam mouetur lapis pulsus per impressionem factam quando emittitur de manu : & tamen postea diu durat impressio & mouetur nullo tangente : sic & in spiritualibus per impressionem factam ad bonum ab Angelo semel , manet homo aliquanto tempore inclinatus ad bonum : sicut si quis concipit nunc ab aliquo agente , feruorem ad orandum , durat homo aliquot diebus deuotè orans ex illo feruore ; & tamen quamdiu durat impressio facta in passio , per quem ipsum mouetur , dicitur agere agens . Ex quibus colligimus hominem corroborari à Deo , etiam si non se actualiter inspirari sentiat , quia impressio quæ fit in eius voluntate per gratiam aliquam præuenientem , non est minoris virtutis quam ea quæ fit per operationem Angelicæ custodiæ ; ita vt homo non debeat haberi omnino derelictus à Deo , etsi pro aliquo tempore non experiatur in se illuminationes : & inspirationes diuinarum gratiarum .

Præsupponendum denique nomen gratiæ apud sanctos Patres valde esse æquiuocum & vt sunt , multa Dei dona , multipliciter admodum sumi . Nec sine causa . D. Petrus epist. 1 c. 4 . vocauit gratiam Dei multiformem . Aliquando sumitur pro gratia actuali , aliquando pro habituali , aut sanctificante , aliquando pro gratia interna , aliquando & sæpè pro gratia externa , puta pro lege noua , aut pro prædicatione Euangelij . Aliquando pro gratia remota sufficiente quæ vltiorem requirit , aliquando pro proxima : quam diuisionem aduersarij dum nolunt intelligere , sæpè hallucinantur : aliquando sumitur pro fide , vt cum

D. Augustinus in Enchyridio cap. 16. dicit de libero arbitrio, nec omnino per seipsum, sed per solam Dei gratiam, *quæ in fide Christi polita est*, liberatur; ut voluntas, sicut scriptum est, à Domino præparetur, quâ cætera Dei munera captatur per quæ venit ad munus æternum. Dum autem Baiani semper intento suo nomen gratiæ adaptant, non habito respectu ad antecedentia, aut consequentia, maximam confusionem induxerunt, quâ simplices facilè decipiuntur in eorum ultimâ Apologiâ, in quâ plerosque ex sanctis Patribus contra eorum mentem incluserunt, & ut *creatura vanitati subiecta est non volens*, inquit Apostolus ad Rom. 8. sic illi errori tuendo inserviunt, contra propriam mentem, inuiti ac nolentes, ut pietas sit, exosa illis non futura, si ex illa Apologia tamquam ex tenebricoso quodam limbo virtute saluatoris Domini nostri Iesu Christi liberentur.

ARTICVLVS II.

An cœptum opus censura an. 1649. Calendis Iulij in facultate Parisiensi, sit maximè irregulare, iniustum, & violentia plusquam tyrannica.

ITa censet Author Apologiæ in sua Præfatione postquam multum & variè exagitaui illustrissimum Episcopum Vabrensem: verumtamen ex iis quæ sincerè diximus in 1. parte huius ope-

ris art. 1. satis manifestum est prudenti cuique rerum æstimatori nihil contra aut præter ordinem Sacræ Facultatis intentatum fuisse aut à venerando D. Syndico, aut à Deputatis, aut ab ipsa facultate, itavt si quid factitatum est quod tam funesta epitheta mereatur, illis imputandum sit, per quos motû contentione germanorum rixæ non multum absimili, & turbatis ordinibus, libertas comitiorum, raro exemplo, violata est: itavt propter ea, iam opus sit easdem quinque propositiones in curiâ Romanâ ad quietem Reipublicæ Christianæ iudicari: quod obnixè postulauerunt à Summo Pontifice Innocentio decimo, Galliæ Episcopi plusquam octuaginta, quod harum propositionum disceptatio sit periculosior, ac contentio ardentior. Atque hic est fructus clamosæ huius & intempestivæ contentionis: sed vt bene scriptum est ab Alberto Magno in cap. 13. Danielis: *Contentioforum mos est clamore velle vincere.* E contravt scitè monuit Vincentius Lirinensis commonitorij 1. parte, cap. 9. *Mos iste semper in Ecclesia viguit, vt quo quisque foret in Ecclesia religiosior, eo promptius novellis adinventionibus contraireret: exemplis talibus plena sunt omnia.*

At, inquit, Apologista, tunc agebatur de damando D. Augustino, per Molinistas eius aduersarios ac iudices constitutos: scilicet tantum obæcata erat facultas, vt sancti Doctoris Augustini, in quem semper propensa fuit, præiudicia aut non posset discernere, aut non veller auertere, si quicquam Doctores ab ea selecti quicquam censuissent contra eius animum.

Sed vt inter ipsos aderam, meâ interest rationem aliquam reddere eorum quæ in eo doctissimorum (me dempto) deputatorum cœtu dicta ac audita sunt, prout aliqua eorum memoriæ commendare potui, quibusdam nihilominus additis quæ forsan locum suppleant eorum quæ è memoriâ minus tenaci exciderunt, itaut nec omnia, nec sola hic referam.

I. PROPOSITIO.

Aliqua Dei præcepta hominibus iustis volentibus & conantibus secundum præsentem quas habent vires, sunt impossibilia, deest quoque ijs gratia qua possibilia fiant.

Judicium Deputatorum.

Hæc doctrina est hæretica.

MOti sunt Deputati facultatis ad infligendâ hanc notam, ex eo, maximè quod doctrina est censenda hæretica, quæ euidenter aduersatur scripturis Sacris & doctrinæ Conciliorum generalium: actalis est doctrina huius propositionis Iansenianæ: ergo &c. Maior renocari non potest in dubium. Minor probatur quia 1. Ioan. 2. dicitur & mandata eius grauiora non sunt. Et Christus dicit de lege suâ Matth. 11. Iugum enim meum suauis & onus meum leue: At si essent impossibilia & deesset pluribus

gratia, qua possibilia fierent, verè grauissima essent, nec iugum suaue aut onus leue dici deberent. Rursus huius propositionis doctrina pugnat ex diametro cum doctrina Concilij Tridentini sess. 6. de iustif. c. 11. *nemo temeraria illa & à patribus sub anathemate prohibita voce vti* (supple debet) *Dei præcepta homini iustificato ad obseruandum impossibilia. Nam Deus impossibilia non iubet, sed iubendo monet & facere quod possis & petere quod non possis* (ex D. Augustino l. de nat. & gratia c. 43.) *& adiuvat vt possis.* & can. 18. *si quis dixerit Dei præcepta homini etiam iustificato & sub gratia constituto, esse ad obseruandum impossibilia, anathema sit.* Quem canonem non euitant nescio quid distinguentes de homine sub gratia constituto, quasi non essent sub gratia constituti, quicumque volunt & conantur Dei mandatis obtemperare, cum voluntas illà & conatus non sit aliunde quam ex ipsa gratia excitante. Nec prodest aliud effugium quo contendunt Concilium Tridentinum damnaſſe aſſertionem de impossibilitate mandatorum tantum in eo sensu in quo defendebatur à Luthero. Enimuero quicquid sit de canone Concilij, at doctrina capituli præcitati, absolute damnat aſſerentes mandata esse impossibilia & damnat in eo sensu in quo damnarunt patres antiqui qui de Luthero ne somniauerunt quidem. Nemo, inquit, temeraria illa voce & à patribus sub anathemate prohibita &c.

Nec formidandum erat si facultas tota abiret in sententiam Deputatorum suorum, ne probi

viri & Magistri sapientissimi ipsi D. Augustino stigma censorium inurerent, vt metuebat quidam ex Iansenij Gregalibus : quasi D. Augustinus mandata esse impossibilia censuisset, docuissetque. Sufficit enim ad vanam hanc formidinem repellendam sola auctoritas Concilij Tridentini, quod ipsiusmet D. Augustini auctoritate vtitur fulcitque illius axiomate doctrinam de possibilitate præceptorum diuinorum : tantum abest vt vnquam putauerit eum esse in contraria sententia.

Et reuera nihil apertius est in libris illius. Serm. 61. de tempore sic loquitur de Deo. *Nec impossibile aliquid potuit imperare qui iustus est : nec damnaturus est hominem pro eo quod non potuit vitare, qui pius est.* l. de fide contra Manichæos c. 10. *Quis non clamet stultum esse dare præcepta ei cui liberum non est quod præcipitur, facere, & iniquum esse eum damnare, cui non fuit potestas iussa complere ? Has iniustitias & iniquitates miseri (Iansenistæ) non intelligunt Deo se adscribere.* l. de duabus animabus contra Manichæos c. 11. *Nec hi libri obscuri scrutandi mihi erant vnde dicerem neminem supplicio dignum qui aut id velit quod iustitia velle non prohibet : aut id non faciat quod facere non potest. Nonne ista cantant & in montibus pastores & in theatris poete, & indocti in circulis & docti in Bibliothecis & Magistri in Scolis & antistites in Sacris Locis & in orbe terrarum genus humanum ?* Item initio Ps. 56. sed pluribus huiusmodi textibus ex D. Augustino exscribendis supersedeo, quod hi quibus hi textus ad introspectiendam eius men-

tem non sufficerint, vere cæci habendi sunt.

Sed indagarunt quosdam alios textus obscuriores in quibus se melius perspicere putant sententiam D. Augustini quam in textibus præcitatæ luce meridiana clarioribus. Sic I de Gratia & Libero Arbitrio c. 17. scribit, *Qui ergo vult facere Dei mandatum & non potest, iam quidem habet voluntatem bonam, sed adhuc parvam & inuvalidam: poterit autem cum magnam habuerit & robustam.* Sed huiusmodi nebulæ quibus illorum animi inuoluuntur, distinctione duplicis potentia proxima & remota dispelluntur. Omnes scilicet possunt vel potentia proximâ vel remota præcepta Dei adimplere: aliqui non possunt potentia proximâ, qui remota possunt: sicut qui supinus iacet, currere potest potentia saltem remota, quia potest surgere, ut proximè currere valeat. Sic qui habet adhuc voluntatem inuvalidam, elicere potest actum robustiorem voluntatis, & qui ita tepidè orat ut non obtineat, feruentius orare potest ut obtineat media potentiora ad mandata adimplenda.

Quare huiusmodi obiectiones remoram iniicere non potuerunt, quo minus doctrina huius primæ propositionis de hæresi notaretur absque offensione D. Augustini, cuius honori multo melius consulitur à nobis quam ab istis, cum eum patronum esse volunt huius doctrinæ qua fides orthodoxa & morum pietas valde labefactaretur. Vnde & anno 1522. hæc Lutheri assertio, *qui negat Deum impossibile iussisse pessimè facit & qui hoc falsum esse dicit plusquam pessimè facit*, sic notata est à facultate Parisiensi.

Hæc

Hæc propositio est scandalosa, impia, Legis Christianæ infamativa ac auctore Augustino in Deum blasphemica.

II. PROPOSITIO.

Interiori gratia in statu naturæ lapsæ nunquam resistitur.

Judicium Deputatorum.

Hæc propositio est contraria sacris scripturis.

Nihil modestius dici poterat in hanc propositionem, quæ utinam vera esset, non tot impijs & peccatoribus scateret mundus, nec tot animæ ignibus sempiternis comburentur, nec tot iniurijs Dei honor violaretur. Sed nec quicquam verius cum toties in scripturis sacris conqueratur Deus de neglectu gratiarum suarum. *Quoties, inquit Christus Mart 23. volui congregare filios tuos quemadmodum gallina congregat pullos suos sub alas & noluisti? Act. 7. D. Stephanus eo nomine increpabat Iudæos. Vos semper Spiritui sancto resistitis sicut patres vestri ita & vos* Qui locus non potest intelligi de solâ gratiâ exteriori cum Spiritus Sancti operatio potissimum sit in corde hominis. *D. Paulus ad Hæbr. 12. contemplantes ne quis desit gratiæ. 2. cor. 6 exhortamur ne in vacuum gratiam Dei recipiatis* Quid pluribus in re apertâ opus est? Soline sancti sunt baiani qui nun-

quam defunt gratiæ Dei. Sed & si nunquam resistitur gratiæ interiori, cur ipsi ac ipsorum deuoti ac deuotæ accusant se aliquando de neglectu inspirationum diuinarum mentiuntur ne tunc? Cur Deus tantopere conqueritur de impijs, prou. 1. *vocami & renuistis.* &c. Vt propterea se eos in interitu suo irrisuros, id est, æternis tormentis cruciaturos minetur?

Nec D. Augustinus aduersatur in hac parte. Sic enim loquitur l. 83. quæst. quæst. 68. *ad illam cœnam neque omnes qui vocati sunt venire voluerunt, neque qui noluerunt venire alteri debent tribuere, sed tantum sibi, quoniam ut venirent vocati, erat in eorum libera potestate.* Sed quoties ipse in libris confessionum ostendit se morbus diuinæ gratiæ restitisse, cum tamdiu procrastinabat ac remorabatur conuersionem. Parum in lectione horum librorum versati sunt, qui id nonprehendant.

Quod vero dicat D. Augustinus l. de prædestinat. sanctorum c. 8. *hæc itaque gratia quæ occultè cordibus humanis diuinâ largitate tribuitur à nullo duro corde respuitur: ideo quippe tribuitur ut cordis duritia primitus auferatur*, non ibi sermo est D. Augustino de Gratia quacumque interiori, sed de quadam gratia particulari. *Hæc itaque gratia*, inquit, hæc scilicet quæ datur secundum propositum, id est, intuitu prædestinationis & cum præparatione eorum mediocorum quæ Deus nouit infallibiliter effectum felicem sortitura. Huic gratiæ etsi possint sancti resistere, nunquam tamen vsque ad finem resistunt. Cum quo stare potest quod al-

teri gratiæ sæpius resistant homines.

III. PROPOSITIO.

Ad merendum in statu natura lapsæ, non requiritur in homine libertas à necessitate, sed sufficit libertas à coactione.

Iudicium Deputatorum.

Hæc doctrina destruit rationem meriti & demeriti & est hæretica.

SI error est in censura tertiæ huius propositionis, totus reiiciendus esset in principem Theologorum D. Thomam, ex quo de verbo ad verbum deprompta est. Sic enim ille quæst. 6. *de malo*, articulo unico: ubi excutiens aduersariorum sententiam antequam nascerentur, sic de ea censuit. Dicendum quod quidam posuerunt, quod voluntas hominis ex necessitate mouetur ad aliquid eligendum: nec tamen ponebant quod voluntas cogereretur: non enim omne necessarium est violentum, sed solum id cuius principium est extra. *Hæc autem opinio est hæretica*: tollit enim rationem meriti & demeriti in humanis actibus. Non enim videtur esse demeritorium vel meritorium, quod aliquis sic ex necessitate agit vt vitare non possit: est etiam annumeranda inter extraneas philosophiæ opiniones, quia non solum contrariatur fidei, sed subuertit omnia principia Philosophiæ Moralis.

Si enim non sit liberum aliquid in nobis, sed ex necessitate mouemur ad volendum, tollitur deliberatio, exhortatio, præceptum & punitio: laus & vituperium: circa quæ Moralis Philosophia consistit. Huiusmodi autem opiniones quæ destruunt principia alicuius partis Philosophiæ dicuntur positiones extraneæ: sicut nihil moueri, quod destruit principia Philosophiæ naturalis. Ad huiusmodi autem positiones ponendas inducti sunt aliqui homines, partim quidem propter proteruiam, partim propter aliquas rationes Sophisticas, quas soluere non potuerunt. Hæc Doctor Angelicus, cuius doctrina ore ipsius Christi commendata est & toti Ecclesiæ iamdudum probata, vt non temerariè egerint deputati ipsius censuram innouando, cum error quem tam acriter & tot rationibus impugnat, non sit minus arguendus in hoc sæculo, quam in illo in quo scribebat D. Thomas. Cuius sententiæ si addatur censura Facultatis Parisiensis anni 1560. die 27. Mensis Iunij in quo extraordinariè & extra primum diem Mensis, vt solet aliquando in rebus magis arduis congregata per iuramentum apud Collegium Sorbonæ in materiâ fidei, similem propositionem de concordia libertatis & necessitatis, simili hæresos nota inussit pluries, iudicabit facile quilibet mentem facultatis ipsius quæ constanter suis decretis inhæret, assequutos fuisse deputatos in hac censuræ nota: Cuius etiam Doctrinæ non mediocriter fauet D. Augustinus disp. 1. contra Fortunatum. Vbi inducit animam Deum sic alloquentem vt se

immunem à peccato allerat, si ex necessitate peccauerit. *Quid peccaui*, inquit anima, *quid merui*, *quid me expulisti de regnis tuis*? corrupta sum, non est mihi seruatum Liberum Arbitrium, tu nosti necessitatem quā pressa sum: cum ergo no-ueris necessitatem qua hic oppressa sum, quā respirare non potui quid me accusas quasi peccantem? Nec ad rem est, quod idem sic scribit l. 3. de Libero Arbitrio c. 18. *sunt etiam necessitate facta improbanda ubi vult homo recte facere & non potest*. Cum eo loci sermonem habeat de concupiscentia, quam Metaphoricè peccatum vocat, quemadmodum sermo dicitur lingua, quod sit effectus peccati vt ibidem semetipsum interpretatur. Qua de re satis dictum est a nobis in secunda parte huius operis.

IV. PROPOSITIO.

Semi-Pelagiani admittebant præuenientis gratiæ interioris necessitatem ad singulos actus, etiam ad initium fidei, & in hoc erant heretici quod vellent eam gratiam talem esse, cui posset humana voluntas resistere vel obtemperare.

Iudicium Deputatorum.

Prima pars huius propositionis est falsa & temeraria. Secunda vero quæ asserit hæreticum esse admittere gratiam cui possit humana voluntas resistere, est hæretica.

IN duas partes diuisa est hæc propositio & in vtramque pro merito animaduertunt

Deputati. Primæ falsitatis & temeritatis notam affixerunt, quod vellet aliquid astruere contra communem & receptam ab omnibus veram sententiam, idque sine graui aliqua ratione aut authoritate, quod vocatur temerarium. Excussæ sunt in comitijs ac diligenter examinatæ D. Prosperi, tum D. Hilarij Arelatensis Episcopi ad D. Augustinum Epistolæ, quod ijs mens Massiliensium seu Semi-Pelagianorum contineretur, ex ijsque pateret apertè eos initium fidei & bonorum actuum ad naturalem hominis facultatem vel ad prædicationem verbi externam retulisse, non ad præuenientem gratiam interiorem. Sic enim habet D. Prosper de Massiliensibus.

1. *Atque hanc gratiam qua in Christo renascimur peruenire per naturalem scilicet facultatem petendo, querendo, pulsando.*
2. *Et ad hoc salutis donum (de Baptismo loquitur) omnes homines vniuersaliter siue per naturalem, siue per scriptam legem, siue per Euangelicam legem vocari.*
3. *Qui ex Libero Arbitrio aut faciant quæ iubentur aut negligant.*
4. *Et quantum quisque facultatis ab bonum, quantum habeat ad malum.*
5. *Nec considerant se gratiam Dei quam committent non præuenientem volunt esse meritorum etiam illis voluntatibus subdere quas ab ea secundum suam Phantasiam volunt esse præuentas, Intellige hoc vltimum, per naturalem legem vel prædicationem.*
6. *Loquens de infidelibus. Quando quidem*

inexcusabiles sint qui & ad vnius veri Dei cultum instrui potuerint intelligentia naturali.

7. Cum duo sint quæ humanam operantur salutem, Dei scilicet gratia & hominis obedientia, Priorem volunt obedientiam esse quam gratiam, ut initium salutis ex eo qui saluatur, non ex eo qui saluat credendum sit stare & voluntas hominis diuinæ gratiæ sibi pariat opem non gratia sibi humanam subiiciat voluntatem.

8. In istis Pelagiana prauitatis reliquijs non mediocris virulentia fibra nutritur sed principium salutis male in homine collocatur.

Ex quibus omnibus vel cæcis ipsis elucescere potest, Semi Pelagianorum errorem in eo fuisse quod exclusa gratiæ interioris necessitate solam facultatem naturalem ac auxilia exteriora Legis ac Prædicationis sufficere putarent ad initium salutis, quam proinde facultatem naturalem nomine initialis gratiæ intelligebant.

Ac de iisdem sermonem habens D. Hilarius. Vnde consequens putant exhibendam ab eo fidem: cuius naturæ id voluntate conditoris concessum est, & nullam ita deprauatam vel extinctam putant, ut non debeat vel possit se sanari.

Quod vero in eadem Epistola habeatur. Ceterum ad nullum opus vel incipiendum vel perficiendum quemque sibi sufficere posse consentiunt; Id ita est, quod Semi-Pelagiani distinguebant inter actus & opera, inter actum & opus ut ex adiunctis verbis manifestum est. Neque enim alicui operi curationis a numerandum putant,

exterrita & supplici voluntate unum quemque agrotum velle sanari. Sic igitur præquirebant gratiam ad bona opera exteriora adimplenda, nullam vero requirebant ad bonos actus interiores, piorum scilicet desideriorum ac actuum fidei, sufficientes ad id vires putabant esse naturales solas voluntatis omni gratia supernaturali interiori etiam denudatæ. Ex qua sola proinde discretionem reproborum ac electorum repetebant. Ex cuius discriminis oscitabunda inconsideratione profluxit Iansenistarum hallucinatio! Quæ proinde merito à Deputatis notata est.

Nec illorum causæ patrocinator, quod Genadius de Ecclesiasticis dogmatibus cap. 19. aliqua intermisceat de inspiratione Dei, dum sensa sua aperit, ipse Semi-Pelagianus. Nec enim ibi loquitur de primo voluntatis pio motu, de quo est controuersia. Nec loquitur de ista inspiratione tanquam necessaria esset, quod est alterum caput controuersiæ. Et rectè annotat Cuius Episcopus Ruremondensis in annot. ad Cassiani Libros, Semi-Pelagianum Charemonem docere quædam bene geri ex præueniente gratia, quædam sine illa. Quod scilicet necessitatem illam præuenientis gratiæ non admitterent.

Quod spectat ad secundam partem censuræ, iure quodam talionis vsi sunt Deputati. Vnde enim illis emanauit hoc priuilegium, vt fideles omnes qui hætenus existimauerunt plures ex hominibus parum fideliter gratijs diuinis cooperari, Semipelagianos ac hæreticos nuncupent,

ac eorum sententiam Catholicam vt hæreticam traducere audeant, ipsorum vero sententia etiam post definitionem Concilij qua lucidè damnatur, intacta manebit, & non licebit illam proprio nomine donare, quod est hæresis? An obscura. sunt verba Concilij Tridentini sess. 6. de Iustific. cap. 3. *Ita ut tangente Deo cor hominis per Spiritus sancti illuminationem, neque homo ipse nihil omnino agat, inspirationem illam recipiens, quippe qui illam & abicere potest, neque tamen sine gratia Dei mouere se ad iustitiam coram illo libera sua voluntate possit.* & can. 4. eiusdem sessionis, *si quis dixerit liberum hominis arbitrium à Deo motum & excitatum nihil cooperari assentiendo Deo excitanti atque vocanti, quo ad obtinendam iustificationis gratiam se disponat ac præparet, neque posse dissentire si velit, sed velut inanime quoddam nihil omnino agere, mereque passivè se habere, anathema sit.* Vel hoc solo canone fulminatur sententia sequacium Iansenij, ita vt vel Iansenius debeat cedere authoritati Patrum Tridentinorum, vel ipsi Patres Tridentini Iansenij sententiæ: ex quibus duobus, vtrum sit æquius, iudex esse quivis potest.

Nec enim cauillationes, quibus huius canonis authoritatem infringere, quidam conantur, minus quam ridiculæ sunt. Potest dissentire si velit, sed numquam volet inquiunt, at propositio notata, non est de actu, sed de posse: sed & si de actu ipso ageretur, cum sint innumeræ hominum voluntates omnes variæ & ferè inconstantes, quâ fieri posset, vt nulla dissentiret actu ex innumeris voluntatibus hominum, quæ tamen

dis dissentire possent? sed & quis posset dicere homini ex necessitate quadam ab externo agente determinato ad aliquid agendum, potes non agere si velis? aut quo sensu dici possit insuperabilis illa gratia, ad hominem loquor, si ex Concilio, voluntas illi potest resistere?

Sed ob stare videtur quod asserit D. Augustinus l. de correptione & gratia, cap. 11 & 12. ubi statuit discrimen inter adiutorium datum primo homini in statu innocentiae, & adiutorium eidem datum in statu naturæ corruptæ, in quo voluntas humana per peccatum sauciata & denudata ijs virtutibus quibus in paradiso vestita erat conditoris largitate, potentiori quodam adiutorio indiget, de quo sic loquitur. Subuentum est igitur infirmitati voluntatis humanæ, vt diuina gratia *indeclinabiliter atque insuperabiliter* ageretur, & ideo quamuis infirma, non tamen deficeret, neque aduersitate aliqua vinceretur: & post pauca Fortissimo (supple Adamo) dimisit atque permisit facere quod vellet, infirmis seruauit, vt ipso donante *inuietissime*, quod bonum est vellent, & hoc deserere *inuietissime* nollent: ex quo conficitur voluntatem humanam in præfenti statu naturæ corruptæ adiutorio Dei non posse resistere.

A quibusdam soluitur difficultas ista grauis, asserendo synonyma esse apud D. Augustinum indeclinabiliter, inuietissime ac certissime, sicut cum l. de Perseuerantia, cap. 14. definit Prædestinationem, præparationem beneficiorum Dei *quibus certissime liberantur quicumque liberantur*. Vbi æque potuisset dicere, quibus inuietissime

liberantur quicumque liberantur : sicque hac via effugium patet difficultati : attamen quia in eodem libro de correptione & gratia cap. 11 vocat D. Augustinus eam gratiam potentiores, primam, quæ data fuit primo Adam in statu innocentiae, ideo considerandum est D. Augustinum statuere discrimen inter gratiam status innocentiae & gratiam status naturæ corruptæ, quod illa daret tantum posse agere, non velle: quia scilicet gratia status innocentiae in sola illuminatione intellectus consistebat, cum voluntas nullis adhuc acta concupiscentiae stimulis motione non indigeret, nihil enim ut loquitur ibidem D. Augustinus *concupiscentialiter ex seipsa illi resistebat*; at gratia status præsentis potentior est in eo quod præter illuminationem adhuc inspirationem continet, quâ moueatur voluntas ad bonum contra impetus concupiscentiarum, quæ à bono ipsam retrahunt. Quare dicit D. Augustinus gratiam illam dare non tantum posse, sed etiam velle. Quod vero dicat illâ inuictissimè ac insuperabiliter agi hominem, considerandum est D. Augustinum in eo loco instituere comparisonem prædestinati cum Adamo & gratiam prædestinati in eo potentiores asserere, quod per eam tandem & finaliter superatis omnibus aduersis perseueret usque ad mortem quod Adamo in statu innocentiae non contigit. Sic enim D. Augustinus concludit profundam istam ratiocinationem c. 13. *Hæc de his loquor qui prædestinati sunt in regnum Dei, quorum ita certus est numerus, ut nec addatur eis quisquam, nec minuat ex eis: non de his, qui cum annuntiasset & loquutus esset, mul-*

triplicati sunt super numerum, ipsi autem vocati dici possunt non autem electi, quia non secundum propositum vocati. Cuius discriminis radicem refert in Deigratiam, voluntatem ipsam proximè excitatam in prædestinatis, itavt detur eis gratia bonæ ac piæ volitionis, quâ mediante persevererent, cū Adamo non sit data illa gratia piæ necessario volitionis, sed perseverantia relicta sit in eius arbitrio ac voluntate, quæ tales vires habebat, cum sine vlllo fuisset instituta peccato & nihil illi ex seipsa concupiscentialiter resisteret, vt facile perseverare posset, non addita illa gratiâ piæ ac bonæ volitionis: quâ gratiâ insuperabiliter aguntur prædestinati duplici sensu. Primo quia resistere non possunt isti gratiæ quoad primum & formalem eius effectum, qui est motam esse & inclinatham eorum voluntatem ad bonum perficiendum, inuincibiliter enim mouetur eorum voluntas ad bonum: nec possunt facere quin mota sit, cum sit iste effectus formalis gratiæ præuenientis & excitantis in statu naturæ corruptæ, cuius infirmitas maioribus donis adiuuanda remansit quam in statu naturæ innocentis cui gratia illuminationis satis erat: possunt autem resistere absolutè secundo eius effectui qui est executio, & adimpletio boni ad quod inclinantur, licet hyporeticè & ex suppositione quod gratia illa piæ inspirationis data sit secundum propositum, id est ex intuitu & præuisione prædestinationis, & cum præparatione illorum mediorum ac beneficiorum, quibus certissimè liberantur quicumque liberantur, quæ Deus præuidit effectum habitura, illi finaliter resistere non possint, sed

inui&e per illam perseuerent. Vnde nascitur pax & concordia inter Concilium Tridentinum & D. Augustinum, quia illud intellexit liberum hominis arbitrium seu voluntatem resistere posse gratiæ quoad secundum eius effectum non adimplendo bonum ad quod excitatur: Hic vero intellexit voluntatem hominis in statu corrupto non posse resistere gratiæ piæ volitionis quoad eius formalem & proximum effectum, qui est rō esse motam & inclinātam per adiutorium proximum supernaturale, quod Adamo non compete-
bat, cuius voluntas immota remanere poterat, nonobstante gratia illuminationis; nec solum hoc sensit D. Augustinus, sed insuper intellexit non posse resistere hypoteticè, & ex suppositione prædestinationis, quoad secundum eius effectum qui est finalis adimpletio & exequutio boni quod voluntati inspiratum est, licet absolute posset resistere quoad illum effectum, sicut de facto resistunt qui non sunt secundum propositum & ex intuitu prædestinationis vocati, quod pluribus in locis asserit idem D. Augustinus. Si quis tamen priorem solutionem præferre velit, vt quæ sit facilior, considerare potest gratiam in statu naturæ corruptæ potentiores dici, quod proximè afficiat tam voluntatem quam intellectum.

V. PROPOSITIO:

Semipelagianorum error est, dicere Christum pro omnibus omnino hominibus mortuum esse, aut sanguinem fudisse.

Iudicium Deputatorum.

Ista propositio est falsa, scandalosa, insimulans erroris veritatem Sacris Scripturis contentam, & in Concilio Tridentino declaratam.

VT quâ æquitate & veritate notata sit per censuram hæc propositio, præsupponendum Semipelagianos docuisse Christum pro omnibus esse mortuum, & ea de causâ male audisse ac reprehensos fuisse, quia non simpliciter ut verba sonant, istud docebant, verum etiam cum adiuncto: ita ut mors Christi pro omnibus sufficeret omnibus ad salutem inchoandam sine ullo superaddito gratiæ interioris auxilio ex solâ voluntatis facultate naturali. Hoc enim sensu arguuntur Semipelagiani à D. Prospero in Epistola ad D. Augustinum, *Uniuersis tamen hominibus, inquit, propitiationem quæ est in Sacramento sanguinis Christi, sine exceptione esse propositam, ut quicumque ad fidem, & ad baptismum accedere voluerint salui esse possint, &c.* In qua propositione, pænes omnes esse asseriebant Dominicæ mortis beneficium, vel repudiare, vel admittere ex propriis viribus sine gratiæ interioris adiuto-

rio, quia vim sufficientem esse putabant in solâ ac nudâ facultate naturali ad fruendum isto beneficio in baptismo aut iustificatione per aliud medium adueniente: sic autem merito arguenda venit hæc propositio: at si intelligatur, vt verba præ se ferunt, quod Christus mortem suam pro omnibus obtulerit, error non est, nec sic vquam intellecta est à Semipelégianis. Vnde Deputati censuerunt propositionem in terminis acceptam, primo falsam esse, quia nec error est nec à Semipelagianis asserta vt error dici possit. Secundo censuerunt esse scandalosam quia exiguam charitatem Christi asserit & ab amando Christo non parum homines deterret: & si sola eius perfectio satis esse deberet ad inflâmmandam eorum peccata, quæ est tamen hominum infirmitas, plures alliciuntur eo motiuo ad eum diligendum quod ipse prior eos dilexerit, cum pro omnibus mortuus sit. Tertio censuerunt eam erroris insimulare veritatem Sacris Scripturis contentam, & in Concilio Tridentino declaratam: tum quia nihil est euidentius scripturarum autoritate assertum, quam Christum pro omnibus mortuum fuisse, vt ex dicendis in hac tertia parte satis abundè patebit, ne pluries idem repetatur, quia hæc fuit mens Concilij Tridentini sess. 6. de Iustif. cap. 3. vbi contra Caluini sententiam declarat Christum mortuum fuisse pro omnibus, quod negabat Calvinus, nec ob stare quod plures mortis eius beneficium iustificationis non recipiant: quia cum triplex sit beneficiû mortis Christi, seu triplex fructus passionis, aut triplex gradus redemptionis, iuxta superius dicta & alibi ex-

pressa, Concilium ibi loquitur de solo secundo beneficio, iustificationis scilicet, ut inspicere potest ex titulo ipsi capiti infixio, tacetque de ceteris. Et si ergo plures pro quibus mortuus est Christus, secundum beneficium passionis Christi non recipiant in iustificatione, quam numquam consequuntur, primum tamen beneficium recipiunt, quod est liberatio seu redemptio ab impotentia salutem operandi per gratiam sufficientem aut media omnibus parata, & proposita ex merito mortis illius. Quemadmodum ergo si dicerem Rex Galliarum omnes struma laborantes terigit et si non omnes sanati sunt, significarem eos etiam ab eo tactos fuisse qui non conualescerent; Pari modo magna Synodus dicens: *Et si ille pro omnibus mortuus est, non tamen mortis eius beneficium recipiunt*, scilicet iustificationem, de qua sola ibi sermo est, ut indicat ipse titulus, significat etiam pro illis mortuum esse, qui non sunt iustificati: scilicet mortuus est Christus pro omnibus liberandis, vel ab impotentia salutem operandi in qua primario consistit ruina & captivitas humani generis per Adamum innata, vel liberandis à culpâ ipsâ per beneficium iustificationis, vel insuper etiam à morte & ab omni miseria ac calamitate per glorificationem. A primo gradu redemptionis nullus eximitur: à secundo & tertio extranei sunt qui primo non bene utuntur, sic passio Christi omnibus prodest, licet non omnibus medeatur: & cum sanguis Domini nostri Iesu Christi pretium totius mundi sit, ab eo tamen extranei sunt, ut loquitur idem D. Prosper in responsionibus ad capitula Gallorum cap.

6. *Qui aut delectati captiuitate redimi noluerunt, aut post redemptionem ad eandem sunt seruitutem reuersi.* Quæ etsi alibi copiosius dicta, iterum memoriæ obliuioforum repræsentantur, quod hic articulus de morte Christi non bene intellectus ab aliquibus, veluti sit annulus, ex quo plurium errorum cathena pender.

Vnde Iansenio incumberebat omnes ingenij neruos contendere ad hunc articulum solidissime firmandum, ex quo maiores rumores & conquestus contra eius dogmata exoriri debebant, & tamen, vt annotarunt quidam ex deputatis, nullum fere dogma illius magis immunitum est, aut infirmius ab ipso probatur. Nam omisis iis quæ punctū difficultatis non attingūt, Maior vis probationum quas affert ex D. Augustino, est in hoc textu epist. 102. *Non perit vnus ex illis pro quibus Christus mortuus est.* Vbi sanctus Doctor loquitur de iis qui gloriantur in cruce Christi, & à via crucis non recedunt, etiam si ignorent ea quæ subtilissime disseruntur. Dicitque vnum ex istiusmodi hominibus non perire pro quibus Christus mortuus est, an propterea asserit non fuisse mortuum pro aliis? si quis diceret, non perit vnus ex Baij discipulis vere pœnitentibus pro quibus Christus mortuus est, an propterea negaret fuisse pro aliis Christum crucifixum? Quinimo D. Augustinus paulo ante in eadem epistola supra duas lineas, contrarium insinuat. *Nam si propter eos solos, inquit, Christus mortuus est, qui certa intelligentia possunt ista discernere, pene frustra in Ecclesia laboramus.* Quod alibi pluries & euidentius asserit.

pressa, Concilium ibi loquitur de solo secundo beneficio, iustificationis scilicet, vt inspicere potest ex titulo ipsi capiti infixio, taceretque de ceteris: Et si ergo plures pro quibus mortuus est Christus, secundum beneficium passionis Christi non recipiant in iustificatione, quam numquam consequuntur, primum tamen beneficium recipiunt, quod est liberatio seu redemptio ab impotentia salutem operandi per gratiam sufficientem aut media omnibus parata, & proposita ex merito mortis illius. Quemadmodum ergo si dicerem Rex Galliarum omnes struma laborantes tetigit et si non omnes sanati sunt, significarem eos etiam ab eo tactos fuisse qui non conualescerent: Pari modo magna Synodus dicens: *Et si ille pro omnibus mortuus est, non tamen mortis eius beneficium recipiunt*, scilicet iustificationem, de qua sola ibi sermo est, vt indicat ipse titulus, significat etiam pro illis mortuum esse, qui non sunt iustificati: scilicet mortuus est Christus pro omnibus liberandis, vel ab impotentia salutem operandi in qua primatio consistit ruina & captiuitas humani generis per Adamum innata, vel liberandis à culpâ ipsa per beneficium iustificationis, vel insuper etiam à morte & ab omni miseria accalamentate per glorificationem. A primo gradu redemptionis nullus eximitur: à secundo & tertio extranei sunt qui primo non bene vtuntur; sic passio Christi omnibus prodest, licet non omnibus medeatur: & cum sanguis Domini nostri Iesu Christi pretium totius mundi sit, ab eo tamen extranei sunt, vt loquitur idem D. Prosper in responsionibus ad capitula Gallorum cap.

6. Qui aut delectati captiuitate redimi noluerunt, aut post redemptionem ad eandem sunt seruitutem reuerſi. Quæ etſi alibi copioſius dicta, iterum memoriæ obliuiſorum repræſentantur, quod hic articulus de morte Chriſti non bene intellectus ab aliquibus, veluti ſit annulus, ex quo plurium errorum cathena pender.

Vnde Ianſenio incumberebat omnes ingenij neruos contendere ad hunc articulum ſoliſſimè firmandum, ex quo maiores rumores & conqueſtus contra eius dogmata exoriri debebant, & tamen, vt annotarunt quidam ex deputatis, nullum fere dogma illius magis immunum eſt, aut infirmius ab ipſo probatur. Nam omiſis iis quæ punctū difficultatis non attingūt, Maior vis probationum quas aſſert ex D. Auguſtino, eſt in hoc textu epiſt. 102. *Non perit vnus ex illis pro quibus Chriſtus mortuus eſt.* Vbi ſanctus Doctor loquitur de iis qui gloriantur in cruce Chriſti, & à via crucis non recedunt, etiam ſi ignorent ea quæ ſubtiliſſimè diſſeruntur. Dicitque vnum ex iſtiusmodi hominibus non perire pro quibus Chriſtus mortuus eſt, an propterea aſſerit non fuiſſe mortuum pro aliis? ſi quis diceret, non perit vnus ex Baij diſcipulis vere pœnitentibus pro quibus Chriſtus mortuus eſt, an propterea negaret fuiſſe pro aliis Chriſtum crucifixum? Quinimo D. Auguſtinus paulo ante in eadem epiſtola ſuprà duas lineas, contrarium inſinuat. *Nam ſi propter eos ſolos, inquit, Chriſtus mortuus eſt, qui certa intelligentia poſſunt iſta diſcernere, pene fruſtra in Eccleſia laboramus.* Quod alibi pluries & euidentius aſſerit.

Atque hætenus Theologica deputatorum iudicia, quæ dicās aquas Syloe, *quæ fluunt cum silentio* (Isai 8.) in quibus cæcus si lauet se, visum recipiat (Ioan. 9.) scilicet malleus & securis audita non sunt in domo Domini cum ædificaretur (3. reg. 6.) & Isaias dicit de Christo (c. 42.) vero Theologiæ Magistro, *Iudicium proferet gentibus, non clamabit, nec audietur vox eius foris.*

Superfunt duæ alię propositiones in eodem cœtu Deputatorum examinatæ, sed quia hæ spectant ad pœnitentiam; à me modo prætermittuntur, sicut & quæ disputat Apologista de auctore librorum de vocatione gentium, quem vult esse scriptorem cuiusdam Epistolæ *ad Demetriadem.* cui tam remota narranti sine authoritate non credimus. Quæ autem perstringit in secunda parte, de mente Authoris librorum illorum de vocatione gentium, suo loco difficilia discutientur.

Interim concludimus nihil irregulare, aut iniustum, aut violentum plusquam tyrannicè, in molimine censuræ actum fuisse, quæ etsi effectum tunc non habuerit ob perturbatos ordines, speramus tamen gloriosius habituram, cum Summus Pontifex Innocentius decimus, vita comite, quid de istis quinque propositionibus sentiendum sit, clarè & distinctè definierit: neque enim continget, ut cōstitutiones istas retractet, quibus Iansenij librum propositiones damnatas continere ad cautelam vniuersorū ipse post Urbanum VIII. prædecessorem suum publicauit.

ARTICVLVS III.

Diluuntur obiectiones duorum priorum articulorum puncti 2. tertiæ partis Apologia circa mortem Christi pro omnibus.

Non contendam, an voluntas antecedens de danda gloriâ æternâ omnibus hominibus fuerit tantum in Deo velleitas, non absoluta voluntas: mihi enim iam dudum placuit iste sensus, antequam apud nos controuersia ista moueretur; sed dū istud volens cædo, aliud mihi, par pari referendo, concedant, Deum in hoc sensu voluisse antecedente voluntate omnium salutem, in quantum voluit absolutè omnibus dare aliqua media antecedentia ad salutem & ad eam sufficientia, iuxta quem modum spectatæ scientiæ Theologi plures de quibus postea, voluntatem Dei antecedentem de salute omnium interpretati sunt. Si enim inter nos de his conueniat, non in paucis concordiam inire poterimus, multasque cōtentionum inutilium radices euellimus, admissis enim ex vtraque parte quæ admitti possunt, in solo puncto controuersiæ hærebimus.

Sed vt ad rem propius accedamus, quia in pluribus Scripturæ locis asseritur Christum pro omnibus mortuum, ne cogerentur ex vi termini istius, omnes, agnoscere Christi charitatem ad omnes animas ad Dei imaginem creatas dif-

fusam aliquando fuisse, obiiciunt 2. puncto articuli 1. Scripturam Sacram sæpe usurpare nomen *omnes* pro aliquibus dumtaxat.

Respondeo nec præcisè ex vi termini istius, *omnis*, si solitarie sumatur, convinci posse pertinaces disputantes, quod Christus pro omnibus nullo excepto, mortuus sit, sed convinci posse ex quibusdam adiunctis isti termino, quæ adiuncta ostendunt nullum eximi posse. Sic verba ista 1. ad Timoth. 2. *Si unus pro omnibus mortuus est, ergo omnes mortui sunt*: videntur intelligi de omnibus nullo excepto quia omnes mortui sunt in peccato originali. Sic verba ista 1. epist. Ioan. cap. 2. *Ipse est propitiatio pro peccatis nostris, non pro nostris autem tantum, sed etiam pro totius mundi*, inferunt Christum obtulisse se victimam pro omnibus, nullo excepto propter particulam aduersativam, *non pro nostris autem tantum, sed etiam pro totius mundi*, maximè cum D. Ioannes non soleat loqui de mundo in bonam partem, scilicet de mundo electorum, sed in malam partem, asserens illum totum in maligno positum esse.

Obiiciunt in 2. art. Scripturam explicare nomen *omnes*, per nomen *Plurium* Math. 26, *hic est sanguis, &c. qui pro multis effundetur in remissionem peccatorum*. Marc 10. *Filius hominis venit dare animam suam redemptionem pro multis* ad Hebr. 9. *Christus semel mortuus est ad multorum exhaurienda peccata*.

Respondeo sæpè etiam Scripturam per plures intelligere omnes, ut cum ad Rom. 5. dicitur *Igitur sicut per unius delictum in omnes homines in*

condemnationem: sic & per vnus iustitiam in omnes homines in iustificationem vitæ. Sicut enim per inobedientiam vnus hominis peccatores constituti sunt multi, &c. sed demus hæc loca intelligi debere ad litteram de multis, non de omnibus, sed tunc dicimus ibi agi de redēptione Christi quoad secundum gradum, qui non est communis omnibus, & verba ipsa hoc indicant, *Qui pro vobis effundetur in remissionem peccatorum*: nec enim temerè scriptura hæc verba vsurpat, *in remissionem peccatorum*, aut ista *ad multorum exhaurienda peccata*. Vnde D. Bernardus hom. 2. super *Missus est*. Si enim nec folium de arbore, sine causa, nec vnus de passeribus sine Patre cœlesti cadit, putem ergo de ore sancti Euangelistæ superfluum disfluere verbum, præsertim in sancti historia verbi? non puto. Plena quippe sunt omnia supernis mysterijs, si tamen diligentem habeant inspectorem, qui nouerit sugere mel de petra oleumque de saxo durissimo. Scilicet diuersimodè Christus saluat homines, alios solum ab impotentia salutem operandi, in quâ maximè consistit captiuitas & seruitus hominum ex peccato Adami orta, alios etiam à remissione actuali peccatorum, alios insuper ab omni miseria corporis & animæ; nunc autem loquitur scriptura de vno modo, aliàs de altero modo, quod itidem obseruandum est in Patribus, videndum enim de qua salute & de quo gradu salutis loquuntur, quod dum non attendunt discipuli Iansenij multa obtrudunt, quæ eorum causam non iuuant, nisi apud eos qui non nisi in obscuritate tenebrarum degunt: atque hunc sensum

videtur sequi expresse, Dionysius Carthusianus in cap. 10. Ioannis, quamuis in cap. 20. Matt, aliam nec incongruam suppeditet solutionem; dicens Christum venisse dare animam suam redemptionem; idest, inquit, pretium liberatiuum pro multis hominibus non pro dæmonibus Quod autem obtenditur Scripturam sæpe asserere Christum pro ouibus suis animam posuisse iuxta illud Ioan. 10. & *animam meam pono pro ouibus meis*, idest vt interpretantur, pro prædestinatis: Quamuis istud admitteremus pro eorum voto, prædestinatos; intelligi per oues Christi, hoc nihil ad controuersiam, cum omnes conueniamus Christum pro prædestinatis animam posuisse: & tantum inter nos decertamus, an non etiam pro reprobis animam posuerit de quo articulo altum est silentium in his locis Scripturæ: sed & Christum intelligere utrosque sub nomine ouium suarum, satis demonstrat locus iste Ioannis 21. *Pasce oues meas, pasce agnos meos*: si enim solos prædestinatos hic intelligeret, Ecclesiam quàm Petri regimini subiecit Christus, ex solis prædestinatis coalescere, non malè inferrent Calvinistæ, quare non immerito Ambrosius Catharinus in annotationibus aduersus Caietanum pagina 275. eum arguit, quod illa verba de solis prædestinatis intellexit, quæ non dubito inquit esse falsa & periculosa, si enim Petro non esset mandata cura nisi super solis prædestinatis, profecto super alijs non habebit: quod est falsum & hæreticum: ad hæc ignoraremus, immo ipse ignorasset super quibus mandata esset ei cura, non enim

sciebat, qui essent prædestinati, quod est stultum fateri. Atq; de eodem plura notari possunt apud Stapletonum tom. 1. controuersiar. 2. l. 6. cap. 10. Vnde non est necesse excludere ab ouili Christi pro quo mortuus est, reprobos omnes; scilicet Christus est magnus pastor qui ouile magnum habet in quo oues sunt sanæ & scabiosæ, prædestinati & reprobî, & omnes committit Christus vicario suo vt ex amore & charitate omnes pascat, sicut ipse pro omnibus animam posuit. Quid autem mirum, addit ibidem Catharinus, si & non prædestinati ouium vocabulo significantur, quando etiam significantur per regnum cœlorum quod sagenæ comparatur bonos & malos congreganti? quare derogat ibi verbo Christi proculdubio reuerendissimus dicens quod secundum veritatem nemo rapit oues & non disperguntur, cum Christus docet, quod *venit lupus & rapit & dispergit oues*, Hæc ille, quibus addimus, si Christus de iisdem ouibus dicat, *nemo rapiet eas de manu mea*, in hoc sensu ibi dictum esse, quod violenter & repugnantibus ac contrariantibus ouibus non rapiuntur à dæmone, cum vim ipse non inferat, sed tentando alliciat, animas quæ pereunt, cum nullus nisi volens peccet & damnetur iuxta illud Psalmi 39. *Ne tradas me Domine à desiderio meo peccatori*. Quia semper concupiscentia & voluntas nos reos faciunt, vt commentatur Bellarminus in hunc Psalmum. Denique totam hanc difficultatem iuxta mentem nostram resoluit Dionysius Carthusianus in cap. 10. Ioan. Vbi explicans que

sensu dicat Christus se animam suam ponere pro omnibus suis, id est electis: nam inquit, licet Christus passus sit, & satisfecerit pro omnibus sufficienter, non tamen efficienter, quia in solis electis passio Christi fructificat per cōsequutionem sui finalis effectus qui est salus æterna. Quibus verbis Doctor extaticus Rikelius videtur agnovisse plures esse distinguendos fructus aut effectus passionis Dominicæ, licet clarè non expresserit, cum enim loquitur de ultimo illius effectu supponit aut quemdam, aut quosdam alios anteriores esse.

ARTICVLVS IV.

An Christus omnes amauerit homines.

Objiciunt in tertio articulo Christum mortuum esse secundum scripturas & patres pro ijs quos dilexit, non vero eos dilexisse qui in peccato remanserunt cum peccatum sit obiectum odij illius erga peccatores.

Respondeo. Cum amare aliquem, sit illi velle bonum, Christum eos omnes amasse quibus bonum aliquod voluit aut reipsa contulit. Est autem bonum, liberum esse ab impotentia salutem operandi: quare cum mors, Christi libertatem illam attulerit etiam ijs qui de facto non iustificantur, eos etiam amasse dicendus est secundum aliquem gradum amoris. Et si Deus omnia diligit quæ sunt & nihil odio

eorum habet quæfecit, quia saltem bona aliqua naturalia contulit, quanto magis dicendus est eos amasse quibus gratiæ præuenientis auxilia pleraque impertitur, & pro quibus sacramenta instituit expectans eos in multa patientia. *Fidem eorum desideravi & vetustatem inveni* ait ipse Christus apud S. Augustinum in Psal. 68. Quid quod gratia illa præueniens sit semen cæterarum gratiarum, & ipsius gloriæ, atque etiam per illam, quamuis homo non iustificetur aut perseueret, multa tamen gravissima peccata evitantur à reprobis. Quare mitius in inferno habebunt ob plura peccata non admissa per virtutem illius, ut si non à toto, à tanto liberentur tormento. Ut est in Theologiâ Affectiva 3. p. tract. 1. medit. 39. puncto 2. editionis 3. & 4. ad quæ dum non attendunt dogmatistæ isti, Christum charitate spoliant, minusque sitientem salutis hominum exhibent quam sint plerique homines, quos charitas urget ad desiderandam & procurandam pro viribus salutem omnium. Tam irrationabile est dogma & Christo tam iniuriosum, cuius charitas omnibus supereminet, ut si sola hæc inesset ratio, mihi esset horrori sicut omnibus Christum amantibus, esse debet. Itaque tantum discernendi sunt amoris gradus varij qui in Deo sunt ac in Christi animâ, & dissoluntur omnia istius articuli dubia.

ARTICVLVS V.

Satisfit obiectionibus articulorum sequentium

4. & 5.

IN articulo 4. obiiciunt patres & concilia quorum verbis determinatur Christum pro mundo electorum mortem subiisse. Patres illi sunt Clemens Romanus in Epistolam ad Rom. quæ Constantinopoli missa est ad regem Angliæ & à paucis mensibus typis edita. Ecclesia Smyrnen-sis in Epistola circulari ad cæteras Ecclesias. D. Hilarius Piætauiensis contra Constantium Augustum. S. Auitus in fragmentis. Nicolaus I. Gregorius Magnus, Adrianus secundus Papa. Addunt istis concilia duo prouincialia Valentinum sub Leone IV. & Lingonense.

Sed in ista farragine autoritatum operam ludunt Apologistæ: legi enim & iterum legi, nec aliud lego nisi quod aliqui ex his patribus indicant Christum mortuum fuisse pro electis aut pro populo Christiano, eosque redemisse: at istud lubentes admittimus, nec ea de re controuersia est. Non negant autem isti patres etiam mortuum fuisse pro alijs. Ad quid igitur ista nisi ad fastum & pompam & ad simplicium deceptionem, paginam occupant in eorum Apologiâ? imo inquit Alcimus Auitus dicit expresse Christum condidisse ante diem mortis testamentum nouum, *in quo exheredatis omnibus solus heres instituitur populus Christiannus* ex serm. do

natali calicis. Attende Lector an ex hoc inferri possit Christum mortem pro solo populo Christiano, qui hodie solus gloriam cœlestem consequitur, eò quod extra Ecclesiam salus non sit, Quid ergo sancti veteris testamenti Abraham, Isaac, Iacob, David, Prophetæ cæteri, exheredes sunt, quia non sunt de populo Christiano? sed nec ipse inficiatur plures ex Christianis hæreditate cœlesti priuatos aut priuandos fore. An non propterea Christus non redemit eos secundum aliquem gradum redemptionis?

Quod vero spectat ad Concilium Valentinum certum est illud cap. 4. condemnasse opinionem quorundam Scotorum asserentium, Christum mortuum fuisse, vt de facto liberaret infideles damnatos ante mortem eius, contra illud Osee 13. *ero mors tua ô mors: morsus tuus ero ô inferne*: hic enim error aliquandiu vixit, vt testis est Philastrius de *Hæresibus* & Gregor. Magnus l. 6. *Registri* Epist. 15. quam opinionem propterea expressis verbis impugnat hom. 22. in *Euangelia* pugnatque contra verba prophetica Osee 13. *morsus tuus ero ô inferne*, quibus significatur Christum tantum partem inferni de facto abstulisse scilicet partes limbi, non vero damnatos, vt acutè ratiocinatur D. Augustinus serm. 137. de tempore. *Quia vero ex inferno partem reliquit, non occidit funditus, sed momordit infernum*. Hæc fuit mens Concilij Valentini 3. at hoc nihil contra nos militat, qui non asserimus Christum mortuum fuisse eâ intentione pro his impijs, sed tantum vt quo-

dam modo solueret pretium earum gratiarum seu excitantium seu sanctificantium, quæ ipsis veluti anticipata solutione ob meritum Christi futurum, à Deo concessæ fuerant. sicut concedebantur ante mortem Christi. Quod norunt omnes qui Theologiam sciunt, & crucis scientiam. Vt nihil nouum hic afferamus.

Sed quia aduersarij in Concilio illo Valentino 3. maximum dogmatis sui robur se habere putant, itaut quidam ex ipsis, tabulis æneis incudi illud curauerit, vt cum otio & deuotione contemplaretur fictitios vultus patrum illius Synodi, quod præter illam damnationem Scotorum, improbasset etiam quatuor capitula alterius Concilij Carisiacensis, quæ videre est apud Hincmarum in præfatione librorum de prædestinatione, quibus damnabantur totidem errores Gotescalchi monachi, qui inter cætera negabat mortuum Christum pro omnibus, Semel hic annotare iuuat Anti-nomiam illam Conciliorum profluxisse ex diuersa interpretatione propositionum versuti illius Monachi, cum enim confunderentur à multis gradus redemptionis ac liberationis hominum per mortem Christi, nec dum satis expressè distinguerentur tria crucis beneficia, damnatus est Gotescalchus à patribus Synodi Moguntinæ & Carisiacensis, qui ipso prius audito intelligebant ipsum credere Christum non fuisse mortuum pro omnibus ne quidem quoad primum gradum Redemptionis: patres vero Concilij Valentini & Lingonensis, nec non Ecclesia Lugdunensis cum tantum ex fama & relatione aliorum nossent eius propo-

sitiones, nec ipsam belluam (hoc enim cognomine donatur à Baronio ad annum Christi 848.) sua sensa ore proprio expromentem audiissent, intellexerunt ipsum docere Christum non fuisse mortuum pro omnibus efficienter quoad secundum & tertium gradum; quod satis colligi potest ex verbis Concilij Valentini, cum eo sensu c. 5. dicat Ecclesiam Fidelium Redemptam Christi sanguine quod à peccatis expiata fuerit in Baptismo, solum secundum gradum Redemptionis attingens. Fuitque eadem mens Ecclesiæ Lugdunensis. Itaque dissensio illarum Synodorum ex diuersa intelligentiâ doctrinæ Gotescalci nata est, & in vario sensu loquuntur dum vna improbat quod altera videretur approbare. Facilis quippe est inter homines hallucinatio in huiusmodi arcanæ doctrinæ capitulis discernendis. Præferri tamen debet quod gestum est à prioribus Synodis Moguntinâ & Carisiacensi, quibus melius inspecta fuit mens Gotescalchi, cum ipsum loquentem & examinatum audierint, ut sensum illius doctrinæ melius agnoscerent.

ARTICVLVS VI.

Quomodo Christus sit Saluator omnium, maxime fidelium.

VT Apologiæ conditores arma nobis eripiant quibus ipsos impugnamus, obiciunt

in articulo sexto locum Apostoli 1. ad Timot. 4. in quo asseritur Christus Saluator esse omnium maximè fidelium, non probare mortem Christi pro omnibus, quia hic locus est intelligendus de Deo qui est Saluator omnium secundum salutem corporalem, fidelium vero secundum salutem spiritualem, prout interpretantur D. Ioannes Chrysostomus, Ambrosiaster, Prinasius, Beda, Oecumenius, D. Thomas, Estius, quibus addere possent D. Brunonem, Goranum & alios qui sic locum illum interpretantur, eo modo quo verba psalmistæ de salute corporali solent aliqui intelligere Ps. 35. *Homines & iumenta tu saluabis Domine.*

Ad hoc responderetur vnius eiusdemque scripturæ loci plures esse posse sensus litterales veros & germanos à Spiritu Sancto intentos, quare admissa tot patrum interpretatione dicimus etiam Apostolum legitime intelligi posse de solâ salute spirituali, vt Christus sit saluator omnium secundum aliquem gradum salutis & Redemptionis, maximè vero fidelium quos in Baptismo liberat à peccato & si perseuerent in gratia vsque ad mortem liberat & saluat ab omni miseria, impertiens illis salutem consummatam in gloriâ : sic enim diuersæ liberatorum à Christo differentia & diuersi redemptionis gradus indicantur estque sublimis hic sensus, excellentissimus & conformis iis quæ passus est Apostolus maximè ob prædicationem resurrectionis Christi Domini. *In hoc enim, inquit, laboramus & maledicimur, quia speramus in Deum viuum, id est in Christum à mortuis sus-*

citatum, *qui est saluator omnium maxime fidelium*; *præcipe hæc & doce*. Sic interpretatur Catharinus qui primas videtur mihi obtinere inter Apostoli commentatores, sui sæculi, nullique esse inferior. Addit inquit ille saluatorem, *omnium hominum*, quantum ex se est, ut qui omnibus remedium comparauerit ad salutem. Sed quia in soli patientur qui erunt fideles & exercuerint pietatem ideo ait: *& maxime fidelium*. Locus certus contra quorundam prædicationem crudelem, qui volunt Christum non venisse ad omnium comparandam salutem, sed certorum & predestinatorum tantum, quos ipsi eligent, id est, seipsos, & qui ea credunt quæ ipsi docent: ut ipsi, non Deus creent electos. Hæc Catharinus contra hæreticos, quæ si Bajani contra seipsos antequam nascerentur scripta non intelligant, parum perspicaces esse oportet. Sed & Gamachus in 1. 2. ad quæst. 191. c. 5. & alij multi illustres Theologi eodem testimonio vritur ad probandam Christi mortem pro omnibus.

ARTICVLVS VII.

An solidis rationibus probent Baiani crucis beneficium non esse pro omnibus.

NON solum authoritatum mille clipeis, sed etiam omni fortium armaturâ se præuallere putant ad dissipandos fructus passionis &

destruendum crucis beneficium. Sed machinæ eorum mihi imbelles ac non metuende videntur: primo enim Obijciunt in eodem articulo non posse sustineri Christum voluisse ut omnes passionis eius fructum perciperent, cum Deus multos occidi velit in ætate præmaturâ, in statu damnationis constitutos.

Respondetur iuxta triplicem gradum redemptionis, triplicem esse fructum passionis. Etsi vero disputandum relinquamus alijs an Christus voluerit realiter ut ipsi participes essent fructus glorificationis & iustificationis, sustinens tamen Christum voluisse ut omnes participes essent fructus alicuius communis passionis suæ qui fructus est possibilitas salutem æternam consequendi beneficio gratiarum actualium in adultis, & in paruulis beneficio sacramenti baptismi, quod per alios applicari potuit sicut per alium peccato originali infecti sunt. Quod vero adultus in statu peccati moriatur in aquâ, aut casu præcipiteretur, id est ex permissione diuinâ, & cum posset ita se gerere per suam voluntatem liberam vel alicuius alterius ut non accederet ad aquam aut non se constitueret in periculo præcipitationis, tam habuit auxilia sufficientia ut non moreretur in aqua aut non præcipitaretur, quam habuit ut non damnaretur ex occasione talis interitus.

Obijciunt in 8. articulo & sequentibus, Christum non posse dici mortuum fuisse pro infantibus in utero matrum decedentibus. Hic Achilles est Iansenistarum ubi non cessant obtrudere verba D. Augustini Epist. 105. *totas*

vires

vires argumentationis humane in paruulis perdunt: & de dono perseverantiæ cap. 12. nec non alibi. Festinantibus parentibus & paratis ministris vt baptismus paruulo detur, Deo nolente, non datur.

Respondetur, etsi discernerentur paruuli ab adultis in hac causa, non iniquum videretur, quia paruuli igni perpetuo non torquentur post mortem sicut adulti: quare si salus esset impossibilis paruulis cum ex hoc torqueri non debeant in æternum, tolerari posset; sed quod sit impossibilis adultis, quibus aliter paratum est incendium sempiternum, vt non possint aliter esse quam in inferno, quâquâ se vertant hoc horrescit animus, & intolerandum videtur iis qui de Deo sentire norunt in bonitate eius. Nihilominus dicimus adhuc Christum etiam mortem obiisse pro paruulis illis, vt acquireret baptismi virtutem illos infantes sanctificandi, & vt remedium ab alijs contra peccatum originale administrari posset remotè vel proximè, etsi de facto non adhibeatur ob impedimentum causarum secundarum, quas Deus vt causa vniuersalis auertere non tenetur. Quod autem dixit D. Augustinus carere viribus in paruulis argumentationem humanam, hoc dictum est contra Pelagianos & Semipelagianos qui adstruebant prædestinationem, ex merito operum, sine gratia præcedente. Quod de paruulis affirmare non poterant, cum nulla opera exercere possent. Quod vero asserit idem D. Augustinus paruulum Deo nolente non baptisari, verissimum est, sed accipienda sunt verba D. Augustini vt sonant & di-

stinguendus est actus à potentia; ut tam belle distinguunt aduersarij, ubi agitur de mente Concilij Tridentini sess. 6. can. 4. Igitur Deus non vult voluntate consequente aliquem saluari de facto quem tamen vult potuisse saluari, Sic Deus non vult secundum D. Augustinum infantem de facto baptisari, qui non baptisatus, sed non vult eum non potuisse baptisari. Licet enim stante rerum præsentium ordine non potuerit baptisari infans: potuit tamen absolute, quia causæ liberæ poterant ita dirigere causas naturales ut baptismus non esset impossibilis. Sic vult eum habuisse de facto primum gradum redemptionis, & primum fructum passionis; ac si pater qui ob amorem filiorum dat se periculis Oceani ad conquirendas illis diuitias, inter quæ interit, etsi vero ex casu aliqui ex filiis, diuitijs illis partis genitoris morte priuentur, dicitur tamen pater ille ob amorem filiorum perisse, cur non idem de Christo asserimus?

Obiiciunt in artic. 18. si Christus mortuus esset pro omnibus, cum voluntate efficaci salutis omnium, omnes saluandos fore.

Respondetur nos admittere voluntatem Dei semper sortiri suum effectum, nec Deum absolute quicquam velle quod non fiat, cum sit omnipotens. Nos autem prædicamus cum Psalmista Regio, Psalm. 113. *Omnia quæcumque voluit fecit*: & qui aliter sapiunt non dignè satis de Deo sentiunt: sed res eo modo fiunt quo Deus vult illas fieri: cum igitur sint tres gradus redemptionis salutis. Deus vult omnibus primum gradum, secundum vult ijs qui medijs sufficientibus utuntur

rectè, aut quibus applicantur Sacramenta. Tertium gradum vult iis qui perseverant in gratia vsque ad mortem. Etsi igitur Christus pro omnium salute mortuus sit, omnes tamen non saluantur, quia paratus omnibus ex se & dispositus velle salutem consummatam gloriæ æternæ; illis tantum voluntate consequente eam voluit quos præsciuit beneficio suarum gratiarum perseveraturos, sicut salutem iustificationis & liberationis à peccato illis voluit quibus præsciuit applicanda fore sacramenta, quibus peccata remittuntur.

Obiiciunt iterum in eodem articulo. Si Christus pro omnibus oravit, ergo omnes saluari debere, *Non enim possunt perire pro quibus filius rogat ne pereant: pro quibus pater filium tradidit in mortem ut vivant:* ut loquitur D. Bernardus hom. 3. de Laudibus Virginis..

Respondetur Christum pro omnibus orasse ut haberent primum fructum & gradum redemptionis, liberarenturque omnes à potestate tenebrarum, & ab impotentia salutem consequendi, quæ est servitus maxima peccati inuecta per culpam Adam, pro pluribus vero oravit, ut etiam obtinerent secundum & tertium fructum passionis suæ secundum quod prænouit eos benè vsuros sufficientibus mediis quibus donabantur: sicque omnis oratio Christi exaudita est prout decebat propter eius reuerentiam: sed perspiciendum est illud quod postulavit pro his & illis, diuersa enim petijt in oratione sua, oravit pro reprobis, ut haberent gratias excitantes, & si illis cooperaretur per liberum arbitrium iisdem gratiis adiutum, & eleuatum

haberent gratiam iustificantem, & alia dona quæ illis ad tempus concessa sunt ex merito mortis eius, ut ipsimet aduersarij concedere coguntur. Sed & quor peccata auertit Christus à reprobis: qui enim hæc gratiæ Christi non deputat, Augustinum negauit, qui hæc gratiæ Christi deputat: vnde & scripsit homiliarum 50. hom. vltima, *Nullum est enim peccatum quod facit homo quod non faceret homo si desit rector à quo factus est homo.* Quid quod docet Albertus Magnus de 4. coxuis tomo 19. tract. 4. q. 5. 8. particula 2. Deum velle Angelum cooperari ad salutem damnandiv pauciora committat peccata, Ex his porro intelligere est non fuisse inutiles etiam reprobis Christi sudores & orationes.

ARTICVLVS VIII.

*An in mente D. Prosperi gratia sufficiens sit
Semipelagiana.*

Obiiciunt in articulo 9. Prosperum Aquitanicum in carmine *de ingratiss* c. 10. & 34. attribuire Semipelagianis opinionem de Gratiâ sufficienti quæ detur omnibus, & quâ posita sit in cuiusque arbitrio saluari.

Respondetur nos infra euidenter ostensuros hallucinationem Apologistarum in ista obiectione quam sæpius repetunt, quasi alicuius esset ponderis, cum tamen sit leuissima, & à sensu D. Prosperi omnino aliena, cum ibi non loquatur de gratia interiori, sed de gratia exteriori

prædicationis , quâ solâ positâ Semipelagiani bona & quæ ac mala agere in libero hominis ponebant arbitrio , vt quemadmodum sine gratia mala agere poterat , sic sine illa bona agere posset & salutem operari : at nos non ita admittimus : potest enim liberum arbitrium sine gratia peccare , non potest sine gratia bonum operari , *Non enim sumus sufficientes*, ait Apost. 2. Cor. 3. *cogitare aliquid à nobis tanquam ex nobis sed omnis sufficientia nostra ex Deo est.* Vnde initium salutis nostræ ducimus à Deo non à nobis : & Semipelagiani initium salutis suæ sibi ipsis attribuebant , non gratiæ interiori : & cum initium cuiusque rei sit illius pars optima , sibi potiores partes in opere salutis attribuebant , non Deo : quare Deo ingrati erant , cuius beneficium non agnoscebant : at nos non ita didiscimus , agnoscimus beneficium Dei commune omnibus , nec aliter volumus salutem hominum in eorum arbitrio libero positam esse , nisi quatenus præuentum est , corroboratum & eleuatum gratiarum interiorum donis & viribus. Contra Semipelagiani volebant salutem propriam positam esse in cuiusque arbitrio : etiam sine gratia interiori spectato , vt illi daret initium , sic illi dicebant de gratia Dei.

Cap. 10. *Sed cupidos recti iuuet illustretque volentes*

& c. 34. *Vos igitur soli queruli , solique superbi*

Vos soli ingrati quos vrit gratia : cuius

Omne opus arbitrio vultis subsistere

vestro,

Et quod non cuncti mortales atria vite

Ingrediuntur , ita ex ipsis pendere putatis

Articuli disputati

*Vt tam ex iudicio constet cuiusque quod
intrat,*

*Quam quod non intrat, seu par in utrum-
que facultas,*

*Suppetat & tam sit proprium bona
quam mala velle.*

Quæso vos numquid satis se explicat D. Pro-
per in postremis versibus? non plus Semipela-
giani bonum opus ex gratia quam malum vole-
bant dependere. Quis hoc Catholicorum admi-
sit vnquam? nec ista carmina pro se citarent in
quibus eorum opiniones damnantur, nisi fu-
cum facere se posse existimarent minus oculatis
& perspicacibus. Repetant quæ habet idem Pro-
per cap: 4. vbi sic errorem Semipelagianorum
describit.

*Dum libertatem arbitrij affectumque vo-
lendi*

In naturalis motus virtute locantes

*Tā bona quæque docent sectari posse suo pte
Ingenio quam posse subest cuique in mala
ferri.*

& cap. 5. *Quod qui confirmas, quinam distabis in
illis*

Qui dicunt nullo peccati vulnere laesum

*Naturale bonum, cumque illo lumine
nasci*

*Nunc omnes homines, quod primis inge-
neratum est*

ARTICVLVS IX.

*An non sit doctrina Concilij Tridentini Christi-
sum mortuum fuisse pro omnibus cum
fructu & effectu.*

Obiiciunt in articulo 21. Concilium Tri-
dentinum asserere quidem pro omnibus
mortuum esse, sed modo prorsus diuerso ab eo
quo id noui Theologi asseruerāt: illi enim dicunt
ita Christum mortuum esse pro omnibus vt
etiam omnes participant fructum & beneficium
passionis: at Concilium vbi dixit Christum
mortuum fuisse pro omnibus secundum modum
loquendi Scripturæ sacræ, continuo subjungit
vt nemo his verbis abutatur: *Non tamen omnes
mortis eius beneficium recipiunt sed ij dumtaxat
quibus meritum passionis eius communicatur.* Qui-
bus verbis Concilium innuit falsum esse omnes
ex merito passionis recipere media sufficientia
ad salutem, vt discipuli Molinæ asserunt, cum
non omnibus detur fructus passionis Christi: ex
hinc triumphum ducunt, putantque ratiocina-
tionem hanc euidentissimam, inuictissimam-
que.

Respondetur ratiocinationem hanc falsissi-
mam esse, & eos non assequi mentem Concilij,
quia non considerat triplicem gradum redem-
ptionis humanæ, triplexque beneficium aut tri-
plicem fructum passionis Christi. Porro ex u-

tulo cap. 3. sess. 6. *de iustificatione*, vbi assertitur vt doctrina fidei Christianæ, mors Christi pro omnibus, patet sermonem esse de secundo fructu aut beneficio passionis Christi quod beneficium est ipsa iustificatio, est enim in titulo, *qui per Christum iustificantur*, atque vbi in fine præcedentis capitis Concilium dixisset: *hunc proposuit Deus propitiatorem per fidem in sanguine ipsius pro peccatis nostris: non solum autem pro nostris sed etiam pro totius mundi*. Post hæc verba sic exorditur caput tertium, iungens illud secundo capiti; *Verum etsi ille pro omnibus mortuus est, non omnes tamen mortis eius beneficium recipiunt (scilicet iustificationem) sed ij dumtaxat, quibus meritum passionis eius communicatur*? scilicet per baptismum. Quis hæc omnia simul componens, non intelligit mentem Concilij fuisse, pro omnibus mortuum Christum, etsi omnes non iustificentur. Quemadmodum si quis diceret, medicus omnes vrbis ægrotos visitauit etsi non omnes seruati sunt, intelligeret profecto etiam medicum curam habuisse omnium ægrotorum & etiam eorum qui sanati non fuissent; placet enim hoc exemplū medici quo D. Augustinus appositè vsus est tract. 12. in Ioan *Ergo quantum in medico est sanare venit ægrotum, ipse se interimit qui præcepta medici obseruare non vult, venit Saluator in mundum, &c.* Quem locum mirum, quot nebulis interpretationum obtegere conantur, ne videant veritatem, & agnoscant cum humilitatem, charitatem Christi erga omnes animas, beneficiumque commune omnibus mortis Christi venerentur, quod potius ipsi inficiantur, vt

non immeritò de illis dicere possim, quod de quibusdam hæreticis sui sæculi dicebat Theologus Nazianzen. orat. 42. circa lucem tenebrosis, circa sapiëntiam imperitis, *pro quibus Christus gratis mortuus est, ingrata creature.* Ne ergo infimulent nos ingratitudinis erga Christum, cuius charitatem ad omnes diffusam prædicamus, & cuius gratiæ primas partes actionum omnium piarum tribuimus, hoc ipsorum vitium est & peccatum, non nostrum;

ARTICVLVS X.

De concursu simultaneo Liberi Arbitrij cum gratia.

Objiciunt in art. 22. eiusdem Apologiæ, imaginationem esse Pelagianam, asserere mortem Christi non habere fructum in hominibus, nisi pro beneplacito Liberi Arbitrij, quasi omnis discretio prædestinatorum & reproborum ex Libero profluat arbitrio, non ex peculiari Dei misericordia & electione.

Esto sit hæc imaginatio Pelagiana, aut Semi-pelagiana prout his verbis fraudulenter expressa est. An nobis Catholicis tribuenda est, qui primas partes gratiæ Dei tribuimus? Sed inter vitia contradictorum istorum, vnum est illis valde proprium, quod tyronum instar dialecticæ, malè resumant & repetant propositiones argumentorum quæ illis obijciuntur. Et si enina

omnes conueniamus nihil esse attribuendum ex actibus, *vt oportet*, nuncupatis Libero Arbitrio solitarie & nude spectato, sed tantum vt gratia præueniente aut aliquando etiam iustificante adiuto, excitato, corroborato. Et si inquam, id centies dicamus & scribamus, ne semel tamen id repetunt, sed semper omittunt. Candidius sane agebat Calvinus & verius repetebat argumenta Catholicorum. *Ac principalem quidem causam*, inquit, *in gratia esse non negant, sed eo tamen non excludi Liberum Arbitrium.* l. 3. inistit. c. 15. Amplius

Respondetur mortem Christi triplicem habere fructum, vt sæpius dictum est, quia sæpius dixisse necessarium fuit, cum constanter eidem doctrinæ inhereamus. Primus fructus datur omnino ex sola Dei misericordia, *qui vult omnes homines saluos fieri*, voluntate antecedente; quæ voluntas est, vt explicant Scotus in scripto Oxoniensi in 1. dist. 46. q. vnica & in report. dist. eadem: Herueus Britto in 2. disp. 6. q. vnica & Michael Palatius in 1. distinct. 49. disp. vnica, vt omnes habeant media sufficientia prærequisita ad bene operandum, & ad salutem consequendam. Secundus fructus cum datur, est partim ex misericordia & gratia & partim ex Libero Arbitrio, non nudè spectato, sed vt adiuto & eleuato per gratiam præuenientem seu excitantem: itaut tamen principaliter sit ex gratia, minus principaliter ex Libero Arbitrio. Hæc enim duo in opere iustificationis semper coniuncta esse volumus, quæ illi separatim considerant & obtrudunt. Nec hæc noua est

sed antiqua doctrina antiquorum Docto-
rum Parisiensium, quibus propterea id ex-
probrat Calvinus, à quo vituperari laudari
est. Inter antiquos istos Doctores produci-
mus Henricum de Gatdauo, *quodlib.* 8. q.
5. est tamen hic intelligendum, inquit, quod
in volente & currente est tria considera-
re: & ipsum actum cursus & volentis: & ip-
sam gratiam, quâ Liberum Arbitrium sit vali-
dum ad efficaciter volendum & currendum, &
ipsam potentiam Liberi arbitrij. Et benè verum
est quod actus siue operatio ab utroque est:
scilicet à gratiâ & à Libero Arbitrio simul: ita
quod à neutro esset per se & quod plus est à gra-
tiâ quam à Libero Arbitrio: quia plus virium
agendi dat gratia Libero Arbitrio quam habeat
ex se & suis naturalibus. Aliquid tamen agit in
opere ex suis naturalibus: licet non nisi cum
gratia: ut licet ex se & naturalibus suis non ope-
retur, ex eis tamen cooperetur, & sic tam ratio-
ne gratiæ omnino quam ratione operis princi-
paliter benè verum est quod non est volentis
neque currentis, sed miseren-
tis Dei; ratione
tamen Liberi Arbitrij in cooperando aliquo
modo est volentis & currentis: ut saltem hoc,
ut est existens in præsentia Dei, sit ratio ele-
ctionis æternæ respectu electi. Et post multa
subiungit. Nec incidit positio hæc in opinio-
nem Pelagianorum; quia non ponitur hoc opus
Liberi Arbitrij, quin etiam ponatur gratiæ:
qualiter non ponebant Pelagiani. Hæc Henri-
cus, quæ isti dicerent à Molina didicisse nisi
quatuor sæculis præcessisset.

Atque eo recidunt quæ fusè differit D. Augustinus l. *de Libero Arbitrio ad Valentinum*. c. 1. Sed quoniam sunt quidam qui sic gratiam Dei defendunt vt negent Liberum Arbitrium; hinc aliquid scribere curavi. & c. 5. Cum igitur haberet hoc meritum malum (Apostolus) redditum est bonum pro malo in eo quod sequutus adiunxit, sed *gratia Dei sum id quod sum*: atque vt ostenderet Liberum Arbitrium, mox addidit. *Et gratia eius in me vacua non fuit, sed plus omnibus illis laboravi*. Hoc enim Liberum Arbitrium hominis exhortatur & in alijs quibus dicit: *Rogamus ne in vacuum gratiam Dei recipiamus*: vt quid enim eos rogat si gratiam sic suscepimus vt propriam perderent voluntatem? Tamen ne ipsa voluntas putetur sine gratia Dei aliquid boni posse, continuo cum dixisset, *gratia eius in me vacua non fuit, sed plus omnibus illis laboravi* subiunxit atque ait, *Non ego autem sed gratia Dei mecum*: ac per hoc nec gratia Dei sola nec ipse solus, sed Dei gratia cum illo. Vbi D. Augustinus coniungit cum gratia Liberum Arbitrium, quod possit gratiam Dei vacuum reddere, id est, illi resistere, non enim aliter rogari deberet ne illam in vacuum reciperet.

Neque huic doctrinæ Doctor Angelicus cuius mentem infra magis inuestigabimus, aduersarius est *Leet. 3. in cap. 12. ad Hebræos*. Vbi apertè ait, *gratia Dei nulli deest, sed omnibus quantum in se est se communicat sicut nec sol deest oculis cæcis*. Quod vero Apologista dicat D. Thomam asserere quæ sequuntur. Si

gratia non datur ex operibus, sed tantum ex hoc quod aliquis non ponit obstaculum, ergo habere gratiam dependet ex solo Libero Arbitrio, & non ex electione Dei, quod est error Pelagij. Ibi euidenter sumit obiectionem pro solutione, ut patet ex verbis immediate sequentibus *respondeo dicendum* &c. Tantumque in hac lectione docet D. Thomas gratiam, intellige, habituales & sanctificantem non dari ex meritis, sed Deum eam dare voluntate liberalissimâ omni præparanti se. Quod est verissimum, quia si Deus homini se disponenti & pœnitenti quantum potest, gratiam iustificantem denegaret, nullam illi faceret iniuriâ, quia Deus non est illi debitor propter suam præparationem & pœnitentiam, qua se disponit, tantum igitur tunc Deus deesset suæ promissioni nec fidelis esset in verbis suis, non tamen iniustus erga pœnitentem, qui per suam dispositionem non meretur nec habet ius ad gratiam habituales sanctificantem, quam ibidem D. Thomas vocat gratiam gratum facientem, distinguitque à dono gratiæ Dei vocantis per misericordiam suam. Ex qua profluente ait quod aliquis remoueat obstaculum gratiæ sanctificantis. Quod itidem verissimum est, cum gratia vocans seu præueniens prærequiratur ad gratiam sanctificantem ut ex eius virtute se disponat per opera aut per actus illos, quos concilia vocat *ut oportet* ad eandem gratiam habituales sanctificantem recipiendam: Vnde sit ut discretio reprobatorum & electorum proueniat ex misericordiâ Dei tam ratione gratiæ sanctificantis quæ illos secernit, quam ra-

tione operum aut actuum Liberi Arbitrij quibus ad illam disponuntur, cum hi actus proueniant ex gratia praeueniente, quæ pura est Dei misericordia & primaria causa actuum illorum in Libero Arbitrio quod eorum tantum causa est minus præcipua, seu ut alijs placet, conditio sine qua non.

Obijciunt ibidem male interpretari, eos qui asserunt Christum mortuum pro omnibus, mortuum fuisse pro omnibus sufficienter, pro solis electis efficaciter.

Respondetur ipsosmet malè interpretari eandem distinctionem. Nam secundum rei veritatem dicendum est Christum mortuum fuisse pro omnibus & efficaciter in quantum mors eius aliquem effectum & fructum habet in omnibus: Et sufficienter in quantum omnibus sufficientia media obtinuit ad salutem. Nam qui dicunt Christum mortuum fuisse pro omnibus sufficienter, eo sensu quod mors eius sufficientis fuerit valoris ad omnes homines etiam reprobos redimendos, nihil dicunt quod huic controuersie dirimendæ proffit. Alio si quidem modo Christum fuisse mortuum pro omnibus hominibus agnoscendum est, quam pro dæmonibus, aut pro mille mundis quos è nihilo posset omnipotentia Dei educere. Nam eo sensu dici posset etiam mortuum fuisse Christum pro dæmonibus & mundis illis imaginarijs. Quam difficultatem satis præuidit R. Ipreusis, licet non satis dissoluerit. Verus itaque sensus istius distinctionis est ut dicamus Christum fuisse mortuum pro omnibus efficaciter vel efficienter ut

alii loquuntur, in quantum mors eius aliquem effectum aut fructum ex tribus sæpius à nobis in hoc opusculo inculcatis habuit in omnibus vel circa omnes, & mortuum etiam sufficienter pro omnibus in quantum media sufficientia ad salutem ex mortis eius merito obtigerunt, prout conuenerat inter ipsum Christum & patrem, si poneret pro peccato animam suam. Nam sublata hac interpretatione, & explosa illa tanquam inutili quam vulgo in ore & in scriptis habent Iansenij sequaces, non patet quomodo possint hac distinctione iuari: audiuique multos ex ipsis qui cum hac vterentur distinctione, semetipsos non intelligebant, cum nollent agnoscere ex amplissimis redditibus fructibusque vberrimis beneficij crucis, aliquam portionem ad omnes homines peruenire, sed tantum ad aliquos.

ARTICVLVS XI.

An ex mente D. Augustini gratia quæ non omnibus datur sit sufficiens, an gratia iustificans?

EXaminatis & expunctis quæ difficilia videbantur in puncto secundo tertie partis apologiæ, ad punctum tertium accedimus, in quo multo magis se aculeatos putant ad pungendum illos quos Molinistas vocant et si ipsi videantur Molinam non legisse aut sententias eius callere, cum hic scriptor non minus acer & incensus sit in Pelagianos ac Semi-pelagianos,

quam seueriores Baiani, qui si consequenter ad sua principia Philosophari velint, multo magis ipsi reipsa Pelagiani inuenientur, quam quilibet alij, qua de re forsan se dabit dissertandi occasio.

Interim excutiamus Articulum i. puncti istius tertij in quo D. Augustinus primum locum obtinet, quia in Epistola 107. quæ est ad Vitalem ostendit opinionem Semi-pelagianorum fuisse omnes homines gratiam fuisse accepturos, si non illi quibus non donatur, eam sua voluntate respuerent. Tum subiungit S. doctor. *Quoniam ergo propositio Christo Christiani Catholici sumus, Scimus gratiam non omnibus hominibus dari. Scimus ijs quibus datur, misericordia Dei gratuita dari. Scimus ijs quibus non datur, iusto Dei iudicio non dari.* Ex quo loco inferunt gratiam sufficientem omnibus communem non esse, nec posse asseri talem gratiam nisi à Semi pelagianis.

Verum ex inspectione attentiori eius Epistolæ, satis liquet gratiam illam de qua sermo est D. Augustino, non esse gratiam actualem præuenientem quam dicimus sufficientem quæ datur etiam rebellibus voluntatibus, quæ volentes nolentes ea mouentur, sed esse gratiam habituales sanctificantem, quam Semi-pelagiani à Deo concedendam esse credebant hominibus non solum secundum ea quæ in corpore gessissent, sed etiam quæ gesturi fuissent si diutius in corpore fuissent. Additque D. Augustinus contendens contra ipsos gratiam hanc non dari ex talibus meritis. *Quo modo voluntatis humana meritum*

meritum sequitur gratia cum detur et paruulis, qui hoc nondum possunt velle seu nolle. At gratia quæ datur paruulis non est alia ab habituali sanctificante, nisi velint ipsi cum Luthero sustinere in iisdem dum Baptisantur excitari motus quosdam fidei Quod paradoxon, vt puto, non admittent. Nemo autem dubitat quod talis gratia non detur omnibus nec de hac digladiamur inter nos. Vt mirum sit quosdam Theologos tam arcta societate Iansenio fœderatos, esse æquiuatione ista nominis gratiæ delusos in hoc textu. Nam si Augustino sermo est de gratia illa actuali sufficiente quam dicimus omnibus dari adultis & cui possunt obniti, ergo illam admisit D. Augustinus. Si autem de aliqua gratia loquatur (textus) non est proposito congruens. Vnde quoquo se vertant in ista obiectione, velut nudi pedes in medio veprium spinis punguntur.

ARTICVLVS XII.

An magis prospere cedat Apologista citatio versusum D. Prosperi, quam Ripalde.

O Bijiunt ex D. Prospero cap. 10. in carmine *de ingratis* Semi pelagianos admisisse talem gratiam sufficientem qualem admittunt hodie sectatores Molinæ, quam ipse D. Prosper impugnat in capitibus se-

quentibus : ac sic illam depingit.

*Quam sana fides sit vestra patefcatur,
Gratia qua Christi populus sumus, hoc cobi-
betur*

*Limite vobiscum & formam hanc adscribitis
illi,*

*Et cunctos vocet illa quidem, inuitetque : nec
vllum*

*Præteriens, studeat cõmunem afferre salutem
Omnibus, & totum peccato absolvere mundum
Sed proprio quemque arbitrio parere vocanti,
&c.*

Vbi D. Prosper ita graphicè delineat gratiam
illam hæreticorum, vt non videatur discrepare à
Gratia Sufficienti Molinistarum, vt vocant illi:
hanc autem opinionem vt stultam reiici à san-
ctis Patribus; Prosperum enim subiungere dum
eam refellit cap. 13.

Sed tamen hæc aliqua si vis ratione tueri

Et credi tam stulta cupis.

Inde aduersarii conficiunt argumentum quod
multi-faciunt.

Respondetur vero frustra iaci rete ante o-
culos pennatorum, & in illâ obiectione insignem
esse hallucinationem Iansenistarum, qui vel
ignorant mentem D. Prosperi in his carminibus,
vel si assequuntur, mala fide agunt, vt quoquo
modo decipiant simplices & minus perspicaces.
Ac primo carmina illa de ingratis non sunt con-
tra Semipelagianos sed contra Pelagianos, vt
ipse titulus indicat. Deinde nomen gratia non
sumitur ibi pro gratia aliqua interiori quæ præ-
ueniat liberum arbitrium, & cui liberum sit as-

sentire vel dissentire, qualis est gratia sufficiens quam admittimus. Pro qua ergo gratia sumitur, inquires? Dico Pelagium vocasse prædicationem Euangelij gratiam quâ Christiani sumus, sicut aliàs vocavit ipsa donâ naturalia gratiam Dei, ut se expediret à Patribus Concilij Diospolitani. Ludebat enim in æquivoco, & diuersâ acceptione huius nominis, plures fallebat. Dicebat igitur Pelagius prædicationem Euangelij communem fuisse omnibus populis, hanc omnes inuitare ad salutem, & in potestate arbitrij sine vlla gratia interiori situm esse, ut posita illa prædicationis gratiâ exteriori, salutem operaretur, vel illam contemnere si sit hæc mens D. Prosperi, vident omnes quam futilis est hæc obiectio & quam fraudulenta, licet primâ specie, minus intelligentibus videatur illis victoriam polliceri: hanc autem esse illius mentem probatur evidentissimè ex capitibus sequentibus in quibus illam cum hoc sensu intellectam refutat.

*Cap. 11. Dic vnde probes quod gratia Christi
Nullum omnino hominem de cunctis qui generantur*

*Prætereat, cui non regnum vitamque beatâ
Impertire velit? nec enim vel tempore nostro
Omnibus in terris iam certum est insinuatam
Christi Euangelium.*

& cap. 14. *Percurrat Apostolus orbem
Prædicet, hortetur, plantet, riget, increpet,
instet
Quâque viam verbo reseratam innenerit,
intret*

*Ut tamen his studijs auditor promoveatur
Nō Doctor, neq; discipulus, sed gratia sola
Efficit : inque graues adoleat plantaria
fructus:*

*& clarius c. 20. Dumque aliud non est vobiscum
gratia quam lex
Quamque propheta monens, &
quam doctrinā ministri.*

Satis vt opinor probatum est D. Prosperum imputare Pelagianis quod gratia Euangelij communis esset omnibus, & quod illā positā, salus hominis in eius esset libero arbitrio. Sed quid hoc ad gratiam sufficientem? Desinant ergo talia obiiicere & Catholicos scriptores Pelagianis adæquare, quorum sententias post euolutum Augustinum, spatio viginti duorum annorum nondum didicerunt

Verumtamen solatium est Baianis quod non soli impegerint in hos versūs D. Prosperi; insultant quippe Ripaldæ authori doctissimo trium tomorum *de Ente supernaturali*, in quorum tertio qui est contra Baium & Baianos disput. 22. grauiter deceptus est, laudans eosdem quasi opinionem Ecclesiæ Catholicæ de Gratia Sufficiente exponerent, cum verius non nisi opinionem Pelagianorum, quā ideo stultam vocat D. Prosper, exhibeant : vnde pullulauit libellus cum titulo *vulpes capta*; sed quia hoc vnum est priuatarum controuersiarum caput, quas hic non attingimus, tantum illud obiter notamus, cum etiam Baiani decepti sint in his versibus, non decere vt alios subsannent, quare cum iuxta vetus adagium, vulpes iungere absur-

dum sit, vtrique sua vulpes capta assignanda est.

Sed duabus anchoris, vt aiunt, sustentant se Baiani in hoc articulo, vt si vna sit inutilis, altera fulciantur, ideirco in eodem articulo adiungunt D. Prosperi versibus authoritatem Concilij Sardicensis, ac D. Fulgentij Episcopi Ruspensis, qui inter discipulos Diui Augustini annumeratur. Obiiciunt erga verba Concilij Sardicensis desumpta ex Epistola Synodica Episcoporum Afrorum in Sardiniâ exulum, quæ inter opera D. Fulgentij inuenitur, ne inter Concilia casto opere Lector eam inquirat: verba autem sunt hæc: *De Gratia non dignè sentit quisquis eam putat omnibus hominibus dari.*

Respondetur nec gratiam interiorem, quæ præueniuntur humanæ voluntates à Deo, vt ad bonum excitentur & adiuuentur omnibus dari, cum nec infantibus, nec amentibus detur, quibus alia media sufficientia, & alterius generis competunt. Sed nec patres istos de Gratia sufficienti habere sermonem, tam certum, quam certum est illam gratiam sufficientem adstruere, cum dicunt in eadem Epistola id ipsum quod dicimus. *Quod autem vos dicitis sola Dei misericordia saluari hominem, illi autem dicunt nisi quis propria voluntate concurrerit, & elaborauerit, saluus esse non poterit: dignè vtrumque tenetur, si rectus ordo seruetur diuinæ misericordiae & voluntatis humanæ: vt illa præueniat, hæc sequatur: sola Dei misericordia initium salutis conferat: cui deinde voluntas hominis cooperatrix suæ salutis existat, &c.* De qua ergo gratiâ loquitur? de gratia iustificationis, quam Pelagiani admittebant, quo

ad effectum remissionis peccatorum & quam omnibus idest, quibusuis promiscuè dari censebant ex bonis actibus aut operibus Liberi Arbitrij solius sine auxilio Spiritus sancti: quod derogat nobilitati illius gratiæ quæ cū sit supernaturalis prærequirit dispositiones supernaturales ex auxilio Spiritus sancti: vnde non dignè sentit de illa qui eam putat omnibus hominibus dari ex viribus nudi Liberi arbitrii. Hoc vero probatur ex hoc quod supra duas lineas ante hanc sententiam loquantur expressè de Gratiâ Iustificationis.

Obiiciunt ibidem plura loca D. Fulgentii ex lib. de Verit. Prædest. cap. 14. & 20. in quibus gratiam nec omnibus nec æqualiter dari adstruit.

Verum faciliè est perspicere ex tribus vltimis capitibus istius libri D. Fulgentium loqui de Fide Charitate formatâ; quam vocat gratiam ex misericordiâ Dei datam non ex operibus puri Liberi Arbitrii, ac omni auxilio destituti: quasi diceret ad Pelagianos. Vos existimatis omnibus æqualiter datam esse fidem per charitatem operantem quæ extirpet malitiâ, & desiderium regni cœlestis inspiret, in quantum vnusquisque libero donatus est arbitrio, & vbique personuit tuba euangelij: at non ita est, gratia Dei quæ est fides cum charitate, non vnicuique sic æqualiter competit ex naturali potestate arbitrij: *gratiæ opus est in homine vt gratia suscipiatur ab homine*, ait cap. 4. idest, gratia præueniens necessaria est præter naturales vires arbitrij, vt gratia fidei & charitatis suscipiatur: vnde & cap. 21. sic adhuc loquitur. *Hæc ergo charitas non ex*

nostra voluntate aut esse incipit aut crescit in nobis, sed gratia Dei faciente diffunditur in cordibus nostris. &c. Quisquis ergo in nomine gratiae non vult falli, audiat Apostolum tumorem humani superbiae, quae sibi nititur boni operis assignare initium, sollicitè comprimentem. Vbi totus est D. Fulgentius, ad adstruendam necessitatem gratiae praeuenientis, & quā praeperatur voluntas ad suscipiendam charitatis gratiam, quam solum nec omnibus nec aequaliter dari ex virtute Liberi Arbitrii contra Pelagianos contendit, nec plus asserit D. Fulgentius nec plus fulgoris ex illius dictis affulget, si rectè intelligantur.

ARTICVLVS XIII.

Excutiuntur probationes ex libro de Vocatione Gentium.

Obiiciunt septem probationes claras inquit & indubitatas, quibus constat, veram Iesu Christi gratiam ad salutem necessariam, secundum authorem librorum de Vocatione Gentium non omnibus dari, quem authorem alium à D. Prospero iam supra ex leuibus coniecturis diuinarunt.

Respondetur ne vnam quidem ex his probationibus valere. i. enim probat, aiunt, gratiam illam non dari omnibus quod asserit plures esse nationes quibus nondum fluxit gratia saluatoris; sed ad hoc responderet D. Prosperum loqui de

gratia prædicationis quæ ad omnes non peruenit, non de gratia præueniente interiori quæ non requirit necessario prædicationem Euangelij, cum prius homines excitet ad præcepta naturalia quam ad altiora legis euangelicæ propria præcepta.

2. Probat illam gratiam non esse communem omnibus, cum per quatuor mille annos nulli illuminati sint præter populum Iudæorum. lib. 2. cap. 14. *Et si fuerint ex alienigenis quos veritas illustrare dignata sit, tamen tam pauci fuerunt ut vix cognoscatur an fuerint.* Sed legat pius Lector caput illud integrum, & initium subsequæ capitis, quod est decimum quintum videbitque, seu mirabitur, quâ fronte caput illud pro se proferant, quo eorum doctrina pænitus destruitur, dicit enim D. Prosper: *Necque ob hoc excusabiles sunt nationes quæ alienatæ à conuersatione Israël, &c. Sub ignorantie tenebris perierunt, quia hac abundantia gratiæ quæ nunc vniuersum mundum rigat, pari antea largitate non fluxit (c. 15.) adhibita enim est semper vniuersis hominibus quedam supernæ mensuræ doctrinæ, quæ etsi parioris occultiorisque gratiæ fuit, suffecit tamen sicut Dominus indicauit quibusdam ad remedium, omnibus ad testimonium, &c.* Scilicet etiam illi habuerunt gratias præuenientes, sed non in pari gradu cum iis quæ tempore legis Euangelicæ nati sunt. Datur enim gratia illa sufficiens in diuersâ mensurâ alijs maior & extensior, alijs minor & remissior ex occulto Dei iudicio, ut patet ex eodem l. 2. c. 6. & adhuc ex 11. luculenter patet.

3. Probat infideles gratiam sufficientem non habere, quia Ecclesia orat pro ijs vt habeant ex eodem D. Prospero l. 1. de voc. gent. cap. 12. *Non autem Ecclesia oraret vt haberent quod iam habent.* Respondeo Ecclesiam orare vt infideles non solum gratiam sufficientem habeant, sed etiam abundantius habeant, & vt effectum suum sortiatur, sic Christus dicit de seipso, se venisse vt vitam habeant, & abundantius habeant. *Joan. 10.*

4. Probat non omnibus dari gratiam sufficientem, quod ex eodem lib. 1. cap. 8. nullus desiderio apperatur spirituales nōuigenis dignitatem, *qui calorem huius desiderij non accepit à Deo.* Plerique autem hominum nec calidi, nec tepidi sunt, sed omnino frigidi omnique pio carent desiderio: ergo nec habent gratiam sufficientem.

Respondetur gratiam sufficientem non semper requirere appetitū hunc tam intensum & feruidum, sicut egregiè ostendit Idem Prosper l. 2. de voc. gent. cap. 11. vbi postquam docuit dissimiles gradus, & impares quantitates gratiarum Dei, quosdamque ab ipso initio perfectissima gratia cumulari, ait, *non facile tamen reperitur in exordio maturitas, & in inchoatione perfectio, &c. Multoque numerosior pars illa hominum est cui particulatim quicquid superna largitas donat accrescit, vt conferendorum munerum casu, de his quæ sunt collata pariantur.* Dicimus ergo eos habere gratiam sufficientem, qui modico desiderio boni donati sunt, quia potest intendi paulatim istud desiderium & ad intensissimum peruenire.

quam seueriores Baiani, qui si consequenter ad sua principia Philosophari velint, multo magis ipsi reipsa Pelagiani inuenientur, quam quilibet alij, qua de re forsan se dabit dissertandi occasio.

Interim excutiamus Articulum i. puncti istius tertij in quo D. Augustinus primum locum obtinet, quia in Epistola 107. quæ est ad Vitalem ostendit opinionem Semi-pelagianorum fuisse omnes homines gratiam fuisse accepturos, si non illi quibus non donatur, eam sua voluntate respuerent. Tum subiungit S. doctor. *Quoniam ergo propitius Christo Christiani Catholici sumus, Scimus gratiam non omnibus hominibus dari. Scimus ijs quibus datur, misericordia Dei gratuita dari. Scimus ijs quibus non datur, iusto Dei iudicio non dari.* Ex quo loco inferunt gratiam sufficientem omnibus communem non esse, nec posse asseri talem gratiam nisi à Semi pelagianis.

Verum ex inspectione attentiori eius Epistolæ, satis liquet gratiam illam de qua sermo est D. Augustino, non esse gratiam actualem præuenientem quam dicimus sufficientem quæ datur etiam rebellibus voluntatibus, quæ volentes nolentes ea mouentur, sed esse gratiam habitualem sanctificantem, quam Semi-pelagiani à Deo concedendam esse credebant hominibus non solum secundum ea quæ in corpore gessissent, sed etiam quæ gesturi fuissent si diutius in corpore fuissent. Additque D. Augustinus contendens contra ipsos gratiam hanc non dari ex talibus meritis. *Quo modo voluntatis humane meritum*

meritum sequitur gratia cum detur et paruulis, qui hoc nondum possunt velle seu nolle. At gratia quæ datur paruulis non est alia ab habituali sanctificante, nisi velint ipsi cum Luthero sustinere in iisdem dum Baptisantur excitari motus quosdam fidei. Quod paradoxon, ut puto, non admittent. Nemo autem dubitat quod talis gratia non detur omnibus nec de hac digladiamur inter nos. Ut mirum sit quosdam Theologos tam arcta societate Iansenio fœderatos, esse æquiocatione ista nominis gratiæ delusos in hoc textu. Nam si Augustino sermo est de gratia illa actuali sufficiente quam dicimus omnibus dari adultis & cui possunt obniti, ergo illam admisit D. Augustinus. Si autem de aliqua gratia loquatur (textus) non est proposito congruens. Vnde quoquo se vertant in ista objectione, velut nudi pedes in medio veprium spinis punguntur.

ARTICVLVS XII.

An magis prospere cedat Apologista citatio versuum D. Prosperi, quam Ripalde.

O Bijiunt ex D. Prospero cap. 10. in carmine *de ingratis* Semi pelagianos admisisse talem gratiam sufficientem qualem admittunt hodie sectatores Molinæ, quam ipse D. Prosper impugnat in capitibus se-

Articuli disputati
 quentibus : ac sicillam depingit.

*Quam sana fides sit vestra pateſcat,
 Gratia qua Chriſti populus ſumus, hoc cobi-*
betur

Limite vobiſcum & formam hanc adſcribitis
illi,

Et cunctos vocet illa quidem, inuitetque : nec
vllnm

Præteriens, ſtudeat cõmunem afferre ſalutem
Omnibus, & totum peccato abſolvere mundum
Sed proprio quemque arbitrio parere vocanti,
&c.

Vbi D. Proſper ita graphicè delineat gratiam illam hæreticorum, vt non videatur diſcrepare à Gratia Sufficienti Moliniſtarum, vt vocant illi: hanc autem opinionem vt ſtultam reiici à ſanctis Patribus; Proſperum enim ſubiungere dum eam refellit cap. 13.

Sed tamen hæc aliqua ſi vis ratione tueri
Et credi tam ſtulta cupis.

Inde aduerſarii conficiunt argumentum? quod multi-faciunt.

Reſponderetur vero fruſtra iaci rete ante oculos pennatorum, & in illâ obiectione inſignem eſſe hallucinationem Ianſeniſtarum, qui vel ignorant mentem D. Proſperi in his carminibus, vel ſi aſſequuntur, mala fide agunt, vt quoquo modo decipiant ſimplices & minus perſpicaces. Ac primo carmina illa de ingratis non ſunt contra Semipelagianos ſed contra Pelagianos, vt ipſe titulus indicat. Deinde nomen gratia non ſumitur ibi pro gratia aliqua interiori quæ præueniat liberum arbitrium, & cui liberum ſit af-

sentire vel dissentire, qualis est gratia sufficiens quam admittimus. Pro qua ergo gratia sumitur, inquires? Dico Pelagium vocasse prædicationem Euangelij gratiam quâ Christiani sumus, sicut aliàs vocavit ipsa donâ naturalia gratiam Dei, ut se expediret à Patribus Concilij Diospolitani. Ludebat enim in æquivoco, & diversâ acceptione huius nominis, plures fallebat. Dicebat igitur Pelagius prædicationem Euangelij communem fuisse omnibus populis, hanc omnes invitare ad salutem, & in potestate arbitrij sine vlla gratia interiori situm esse, ut posita illa prædicationis gratiâ exteriori, salutem operaretur, vel illam contemnere si sit hæc mens D. Properi, vident omnes quam futilis est hæc obiectio & quam fraudulenta, licet primâ specie, minus intelligentibus videatur illis victoriam polliceri: hanc autem esse illius mentem probatur evidentissimè ex capitibus sequentibus in quibus illam cum hoc sensu intellectam refutat.

*Cap. 11. Dic unde probes quod gratia Christi
Nullum omnino hominem de cunctis qui generantur*

*Prætereant, cui non regnum vitamque beatâ
Impertire velit? nec enim vel tempore nostro
Omnibus in terris iam certum est insinuatam
Christi Euangelium.*

& cap. 14. *Percurrat Apostolus orbem
Prædicet, hortetur, plantet, riget, increpet,
instet
Quâque viam verbo reseratam invenerit,
intret*

*Ut tamen his studijs auditor promoveatur
Nō Doctor, neq; discipulus, sed gratia sola
Efficit : inque graues adoleo plantaria
fructus:*

*& clarius c. 20. Dumque aliud non est vobiscum
gratia quam lex
Quamque propheta monens, &
quam doctrinā ministri.*

Satis vt opinor probatum est D. Prosperum imputare Pelagianis quod gratia Euangelij communis esset omnibus; & quod illā positā, salus hominis in eius esset libero arbitrio. Sed quid hoc ad gratiam sufficientem? Desinant ergo talia obiiicere & Catholicos scriptores Pelagianis adæquare, quorum sententias post euolutum Augustinum, spatio viginti duorum annorum nondum didicerunt

Veruntamen solatium est Baianis quod non soli impegerint in hos versus D. Properi; insultant quippe Ripaldæ authori doctissimo trium tomorum *de Ente supernaturali*, in quorum tertio qui est contra Baium & Baianos disput. 22. grauiter deceptus est, laudans eisdem quasi opinionem Ecclesiæ Catholicæ de Gratia Sufficiente exponerent, cum verius non nisi opinionem Pelagianorum, quā ideo stultam vocat D. Prosper, exhibeant: vnde pullulauit libellus cum titulo *vulpes capta*; sed quia hoc vnum est priuatarum controuersiarum caput, quas hic non attingimus, tantum illud obiter notamus, cum etiam Baiani decepti sint in his versibus, non decere vt alios subsannent, quare cum iuxta vetus adagium, vulpes iungere absur-

dum sit, utrique sua vulpes capta assignanda est.

Sed duabus anchoris, ut aiunt, sustentant se Baiani in hoc articulo, ut si vna sit inutilis, altera fulciantur, ideirco in eodem articulo adiungunt D. Prosperi versibus auctoritatem Concilij Sardicensis, ac D. Fulgentij Episcopi Ruspensis, qui inter discipulos Diui Augustini annumeratur. Obiiciunt erga verba Concilij Sardicensis desumpta ex Epistola Synodica Episcoporum Afrorum in Sardinia exulum, quæ inter opera D. Fulgentij inuenitur, ne inter Concilia casto opere Lector eam inquirat: verba autem sunt hæc: *De Gratia non dignè sentit quisquis eam putat omnibus hominibus dari.*

Respondetur nec gratiam interiorem, quæ præueniuntur humanæ voluntates à Deo, ut ad bonum excitentur & adiuuentur omnibus dari, cum nec infantibus, nec amentibus detur, quibus alia media sufficientia, & alterius generis competunt. Sed nec patres istos de Gratia sufficienti habere sermonem, tam certum, quam certum est illam gratiam sufficientem adstruere, cum dicunt in eadem Epistola id ipsum quod dicimus. *Quod autem vos dicitis sola Dei misericordia saluari hominem, illi autem dicunt nisi quis propria voluntate concurrerit, & elaborauerit, saluus esse non poterit: dignè utrumque tenetur, si rectus ordo seruetur diuinæ misericordiae & voluntatis humanæ: ut illa præueniat, hæc sequatur, sola Dei misericordia initium salutis conferat: cui deinde voluntas hominis cooperatrix suæ salutis existat, &c.* De qua ergo gratiâ loquitur? de gratia iustificationis, quam Pelagiani admittebant, quo

ad effectum remissionis peccatorum & quam omnibus idest, quibusuis promiscuè dari censebant ex bonis actibus aut operibus Liberi Arbitrij solius sine auxilio Spiritus sancti: quod derogat nobilitati illius gratiæ quæ cū sit supernaturalis prærequirit dispositiones supernaturales ex auxilio Spiritus sancti: vnde non dignè sentit de illa qui eam putat omnibus hominibus dari ex viribus nudi Liberi arbitrii. Hoc vero probatur ex hoc quod supra duas lineas ante hanc sententiam loquantur expressè de Gratiâ Iustificationis.

Obiiciunt ibidem plura loca D. Fulgentii ex lib. de Verit. Prædest. cap. 14. & 20. in quibus gratiam nec omnibus nec æqualiter dari adstruit.

Verum facile est perspicere ex tribus vltimis capitibus istius libri D. Fulgentium loqui de Fide Charitate formatâ; quam vocat gratiam ex misericordiâ Dei datam non ex operibus puri Liberi Arbitrii, ac omni auxilio destituti: quasi diceret ad Pelagianos. Vos existimatis omnibus æqualiter datam esse fidem per charitatem operantem quæ extirpet malitiâ, & desiderium regni cœlestis inspiret, in quantum vnusquisque libero donatus est arbitrio, & vbique personuit tuba euangelij: at non ita est, gratia Dei quæ est fides cum charitate, non vnicuique sic æqualiter competit ex naturali potestate arbitrii: *gratiæ opus est in homine vt gratia suscipiatur ab homine*, ait cap. 4. idest, gratia præueniens necessaria est præter naturales vires arbitrii, vt gratia fidei & charitatis suscipiatur: vnde & cap. 21. sic adhuc loquitur. *Hæc ergo charitas non ex*

nostra voluntate aut esse incipit aut crescit in nobis, sed gratia Dei faciente diffunditur in cordibus nostris. &c. Quisquis ergo in nomine gratie non vult falli, audiat Apostolum tumoris humani superbiam, quæ sibi nititur boni operis assignare initium, sollicitè comprimentem. Vbi totus est D. Fulgentius, ad adstruendam necessitatem gratiæ præuenientis, & quâ præparatur voluntas ad suscipiendam charitatis gratiam, quam solum nec omnibus nec æqualiter dari ex virtute Liberi Arbitrij contra Pelagianos contendit, nec plus asserit D. Fulgentius nec plus fulgoris ex illius dictis affulget, si rectè intelligantur.

ARTICVLVS XIII.

Excutiuntur probationes ex libro de Vocatione Gentium.

Obiiciunt septem probationes claras inquit & indubitatas, quibus constat, veram Iesu Christi gratiam ad salutem necessariam, secundum authorem librorum de Vocatione Gentium non omnibus dari, quem authorem alium à D. Prospero iam supra ex leuibus coniecturis diuinarunt.

Respondetur ne vnâ quidem ex his probationibus valere. i. enim probat, aiunt, gratiam illam non dari omnibus quod asserit plures esse nationes quibus nondum fluxit gratia saluatoris; sed ad hoc responderet D. Prosperum loqui de

3. Probat infideles gratiam sufficientem non habere, quia Ecclesia orat pro ijs vt habeant ex eodem D. Prospero l. 1. de voc. gent. cap. 12. *Non autem Ecclesia oraret vt haberent quod iam habent.* Respondeo Ecclesiam orare vt infideles non solum gratiam sufficientem habeant, sed etiam abundantius habeant, & vt effectum suum sortiatur, sic Christus dicit de seipso, se venisse vt vitam habeant, & abundantius habeant. *Joan. 10.*

4. Probat non omnibus dari gratiam sufficientem, quod ex eodem lib. 1. cap. 8. nullus desiderio apperatur spiritualem nduigenis dignitatem, *qui calorem huius desiderij non accepit a Deo.* Plerique autem hominum nec calidi, nec tepidi sunt, sed omnino frigidi omnique pio carent desiderio: ergo nec habent gratiam sufficientem.

Respondetur gratiam sufficientem non semper requirere appetitū hunc tam intensum & feruidum, sicut egregiè ostendit Idem Prosper l. 2. de voc. gent. cap. 11. vbi postquam docuit dissimiles gradus, & impares quantitates gratiarum Dei, quosdamque ab ipso initio perfectissima gratia cumulari, ait, *non facile tamen reperitur in exordio maturitas, & in inchoatione perfectio, &c.* Multoque numerosior pars illa hominum est cui particulatim quicquid superna largitas donat accrescit, vt conferendorum munerum casu, de his quæ sunt collata pariantur. Dicimus ergo eos habere gratiam sufficientem, qui modico desiderio boni donati sunt, quia potest intendi paulatim istud desiderium & ad intensissimum peruenire.

5. Probat gratiam sufficientem ex D. Prospero non omnibus dari l. 1. c. 18. quia causa percipiendæ gratiæ *voluntas Dei est, apud quam ratio electionis abscondita est, ab ea gratia incipientibus meritis quam accipere sine meritis.* Si autem omnibus daretur non esset ex electione Dei. Ad hoc Respondetur D. Prosperum loqui ibi de Gratia iustificante quæ recipitur in sacramentis ut legenti manifestum est. Hanc autem gratiam dicit dari non ex meritis hominum ut contendebant Pelagiani sed ex liberalitate gratuita & voluntate Dei. Hæc autem nihil pertinent ad gratiam sufficientem. Ut mirum sit Doctos homines hæc in defensionem suæ causæ adducere.

6. Probat gratiam sufficientem non esse communem omnibus ex eodem authore de voc. gent. l. 1. c. 32. Quod ibi dicatur D. Paulum dicendo Deum esse saluatorem *omnium maxime fidelium*, ostendisse esse partem generis humani quæ merito fidei diuinitus inspirata, ad summam atque æternam salutem specialibus beneficijs prouehatur.

Respondetur Argumentationem istam non concludere, cum ex præcitatis locis Prosperi dispare sint quantitates gratiæ saluatoris, quædam minus & quædam magis speciales, quæ gratiæ licet inæquales non desinunt esse sufficientes, si voluntas accedat cooperatrix.

7. Ergo probat verisimiliori Argumento, quod propterea in finem reservauit, ut præcedentium ratiocinationum imbecillitatem compensaret. l. 2. c. 8. asserit quod aliud sit posse ope-

rari aliud operati, aliud posse habere charitatem, aliud habere charitatem &c. *Reparabilem & sanabilem esse de natura est: reparatum autem & sanatum esse, de Gratia.* Addit ex D. Augustino de Prædest. sanctorum c. 3. *Nunquid per hæc dona quæ omnibus communia sunt hominibus discernuntur homines ab hominibus?* Inde infert si gratia sit communis omnibus, non posse attribui gratiæ, cur vnus præ alio sanetur. Sed Respondetur facile, quod quamuis gratia sit communis omnibus, non est tamen communis in eodem gradu & in eadem quantitate, vt pluribus capitibus supra asseruit D. Prosper. Non est autem inconueniens quod per dona communia sed cum diuersitate gradus & quantitatis discernantur homines.

Instat magis D. Prosperum non agnoscere aliam gratiam quam efficacem, illam nimirum quæ actu sanat cum posse sanari naturæ attribuat. Sed etiam supra citauimus cap. 1. l. 2. vbi, expresse dicit gratiam parciozem sufficere ad remedium. Quibus verbis in terminis admittit ipsam gratiam sufficientem. Quod autem possibilitatem habendi charitatem naturæ attribuat, id verum est de quadam possibilitate remota, non de proximiori possibilitate, quæ ex gratia præueniente seu sufficiente profluit. Sic igitur euanescent septem illæ probationes, nihil habent ex authore illo librorum de *vocatione gentium*, quo dogmata sua inuictè firmentur vt præsumant, sed potius multa quo certissime euertantur. Quæ autem fusius tractant de alijs locis D. Prosperi, hæc Docto-

res illos respiciunt quos confutare moliantur, quibus facillimum erit expedire se ab eorum obiectis : in hanc messem alienam falcem non mitto.

ARTICVLVS XIV.

An evertatur funditus gratia sufficiens per principia quedam D. Augustini & de iracundia Baianorum contra illam.

Objiciunt art. 10. principia quedam esse in Doctrina D. Augustini quibus funditus evertitur prætenfa illa sufficiens gratia omnibus communis, quam, inquit, discipuli Molinæ defendunt. Primum ex his principijs est, quod semper distinguit D. Augustinus inter gratiam & naturam, quod hæc sit communis omnibus, illa sit particularis quibusdam hominibus. Sic *de Gratia & Libero Arbitrio* c. 13. sic *serm. 11. de Verbis Apostoli* & alibi pluries. Cum ergo communis sit omnibus natura non gratia, inde concludunt contra gratiam sufficientem, eamque sic conculcant veluti pedibus ut vocent gratiam falsam, spuriam, alienigenam, è terra non è cælo & ex inuentione hominum non ex inspiratione Spiritus Sancti profluentem.

Respondetur primo nec communem esse absolute omnibus hominibus gratiam hanc suf-

ficientem quæ consistit in interioribus quibusdam illuminationibus & admonitionibus secretis, quibus Deus pulsatur ad ostium cordis vniuscuiusque ad vitanda peccata & aliquid rectè operandum : nec enim infantes illam recipiunt, nec amentes : quare vno verbo destrui potest prolixa illa ratiocinatio. Sic D. Fulgentius refellit Pelagianos asserentes Deum expectare hominis voluntatem. *Interim testimonio, inquit, conuincantur non loquentium boninum, sed tacentium paruulorum &c. in eisnamque nec bona voluntas est, ut æquum sit in volentibus premium, nec mala ut sit in volentibus iusta damnatio;* Ita libro de Incarn. & gratia Iesu Christi. c. 30. Si ergo satis est vnica instantia ex infantibus petita ad refellendum dogma Pelagianum : cur nobis non sufficiet, ad refellendam imposturam Baianorum, qui gratiam quamdam interiori omnibus sufficientem à nobis admitti improperant?

Secundo negamus istud principium scilicet naturale esse quod omnibus nullo excepto competit, datur enim instantia in resurrectione omnium mortalium, quæ erit opus supernaturale, quod merito Christi, omnibus conueniet. Sicut enim in Adam omnes moriuntur, sic in Christo omnes viuificabuntur, licet diuersa futura sit resurgentium conditio. Sic interpretatur Theodoretus & in Concilio Palestino seu Diospolitano coactus est Pelagius id ipsum admittere, cum antea negaret omne genus humanum per Christum resurgere. Vnde & inferri potest, si quid commune omnibus

pro corpore sit, Christi Sanguine acquisitū, non debere alienum à ratione videri, si quid etiam cōmune pro anima, omnibus Christi Sanguine acquisitum sit, media scilicet sufficientia ad salutem: nunquid enim Christus magis corpus sanauit quam animam? Negent ergo illi articulum resurrectionis & solis prædestinatis, id est, sibi ipsis attribuunt, si hæc ratio valeat ad destituendam gratiam sufficientem, illudque pretiosum Dei donum, quo captiuitas primæua hominum soluta est, conculcent, iniurijs proscindant interim, ac sic iniuriosè Christi Sanguinem habeant vt ingratitudinem Pelagij longè superare videantur: nec enim tantum est negare se beneficium accepisse quantum est beneficium abiicere ac iniurijs afficere. Non immerito putamus castissimum ac mitissimum animarum sponsum amarum esse amariorum ac amarissimum, vt de seipso dixit l. i. reuelat. S. Brigittæ c. 58. cum non satis sit eum charitate sua nudare, nisi etiam adultero comparent qui edat spuriam prolem. Video hic quam verè scripserit D. Ephrem Syrus to. i de Gratia diuina. *Non omnes postquam viri euaserunt suas matres reuerentur: iidemque gratia licet multos enutrierit, à paucis tamen honoratur. Pariendi dolores laboresque educationis non omnes, intelligunt. Si noscere cupitis quid operetur gratia, vobis id optime declarabit Ioseph, cunctorum & bonorum & malorum curam gerit vt benigna mater.* Nesciunt forsàn illi quod dixit Plato l. 5. *de Republica.* veritati irasci nefas esse

Sed ad magis sedandum furorem hunc Ian-

senianum contra amabilem gratiam Dei quæ omnes inuitat ad vitam beatam, libet iisdem verbis eos compellare quibus Ionam Prophetam quondam Deus mitigauit, cum affligeretur ob misericordiam vniuersalem ad ciuitatem Niniues impertitam, in qua etiam vt putat Paulus Palatius commentarijs in Prophetas Minores Sardanapalus Rex erat, qui gratiam Dei consequutus est & remissionem peccatorum. exarescent enim hadera, cuius solijs ab ardore solis seruabatur Ionas, ex quo ille incommodum sentiens, magis doluit & iracundia efferbuit, vt etiam cum mortē vitam commutare desideraret. Tunc dicit Deus ad Ionam: *putas ne bene irasceris tu super hederam? & dixit bene irascor ego vsque ad mortem, & dixit Dominus, tu doles super hederam in qua non laborasti, neque fecisti vt cresceret. Quæ sub vna nocte nata est sub vna nocte perijt. Et ego non parcā niniue ciuitati magnæ, in sunt plusquam centum viginti millia hominum, qui nesciunt quid sit inter dexteram & sinistram suam, & immensa multa.* Hæc tunc Deus ad Prophetam iracundiorem, quæ ego ad Iansenij interpretem non minus aptè dixerim, qui tanto iræ impetu contra Dei gratiam incensus est, qua vniuerso orbi magnæ veluti ciuitati benignitatem suæ misericordiæ impendit, vt homines à morte peccati & ruinâ primi parentis educat *putasne bene irasceris tu?* Si equus tuus in oculo vel pede læsus sit, tu doles & vis eum sanum esse, & non potes audire velle Deum vniuersos homines saluos esse, sed gratiam qua primum illorum sa-

luti studet, iniurijs laceras. Comprime quæso istos ætus & disce te Deum habere patientissimum, benignissimum, & qui prius misericordiam quam iustitiam exhibeat.

Sed quoniam piæ nostræ meditationes corda ista non emolliunt, quod principijs Augustinianis se fulciri putent quæ nobis Obijciunt, propria ipsorum principia ipsis verius opponamus, nec enim verè obijci potest à Baianis quod inter naturam & gratiam non distinguamus, cum tam sæpe distinctionem illam, & tam expresse asseramus, sed hoc ipsismet improperari potest, qui si velint permanere in suis dogmatibus & consequenter ad sua principia Philosophari, convincentur ipsi de Pelagianismo & quod inter naturalia & supernaturalia sicut ipse Pelagius, non distinguant amplius, itaut à Pelagij laqueis nunquam se possint exuere. Enimvero si spectamus naturam in statu integritatis suæ ante peccatum Protoplasti, ipsis doctrina est communis cum Pelagio quod in illo statu gratia & virtutes Theologicæ fidei spei & charitatis naturaliter competeabant homini sicut quædam annexa primæ creationi hominis, sicut sæpius id asserentem Baium vidimus, & multis ruetur Dominus Iansenius *l. de stat. puræ nat. &c.* Tantūque ista fuisse supernaturalia propter peccatum hominis, ex quo eius natura sic vulnerata ac deformis facta est ut ijs indigna omnino reddita sit & nonnisi immerenti conferantur, cum ex meritis Christi donantur. Hæc ipsorum est Cœlestis Theologia. Sed quid respondebunt Pelagio cum ipsis obijciat,

obijciat, hæc debere esse naturalia in statu naturæ integræ. Nec peccatum eius esse virtutis; ut per illud naturalia desinant esse naturalia & efficiantur supernaturalia. Neque enim potior erit ratio cur virtutes fidei spei & charitatis atque ipsamet gratia, efficiantur supernaturalia post peccatum, quam sanitas, potentia videndi & ambulandi & alia eiusmodi quæ naturalem hominis constitutionem consequuntur. Quod Argumentū doctè pluribus alijs additis cōtra ipsos urget pater Annatus in suo Augustino à Baianis vindicato, l. 3. c. 4. qui liber cum permissione congregationis S. officij in lucem prodijt; & inter manus nostras venit cum iam ad prælum properaret hæc pars tertia de Beneficio crucis. Hunc authorem vtiliter legere possunt, ut eorum animæ erroris plaga sauciæ potentiori medicamento curentur quam nostro.

Sed & Pelagius confirmare poterit contra ipsos sententiam suam exemplo Angelorum, in quibus naturalia post peccatum remansisse testatur apex Theologorum Dionysius Areopagita de diuinis nominibus c. 4. & si in dæmonibus naturalia remanserunt integra, cur non etiam in hominibus? Maximè cum peccatum Angelorum grauius existimetur quam peccatum hominum. Sic quippe docet Alexander Alensis 3. parte Summæ, cuius tres rationes refert, idem asserens, Robertus de Licio *serm. 13. Quadrages. de Peccatis* 1. ratione Liberi Arbitrij, quod in homine ante electionem & post electionem habet se mutabiliter, & quod facilius errare possit homo in-

dicando quam Angelus. Vnde diabolus peccauit cum magis deliberata voluntate, & absque errore. 2. Quia homo peccauit appetendo scientiam, Angelus appetendo omnipotentiam Dei cum maiori inordinatione, eo quod hæc omnipotentia non sit communicabilis creaturæ. 3. Quod homo ex ignorantia crediderit peccatum suum tantum veniale, ideoque peccauit cum proposito pœnitendi & veniam petendi. Quod de Angelo non dicitur. Atque huic Alensis sententiæ adstipulatur Suares de opere sex dictum l. 4. c. 7. post Ricardum in 2. dist. 21. art. 3. q. 2. Vbi etiam pro eadem opinione laudat Scotum in eadem distinctione, qui tamen tantum asserit expressis verbis peccatum Luciferi fuisse grauius peccato Euxæ, idque tantum insinuat de peccato Adami, dum grauitatem eius plurimum extenuat. Si igitur naturalia in Angelis post peccatum perdurant; *Nec Angelica munera, vt loquitur Areopagita, his tributa aliquando, permutata sed integra sunt penitusque conspicua*, quamuis eorum lapsus grauior sit hominis lapsu: quanto magis idem asseuerari potest de his quæ naturalia erant in homine? Si igitur ante peccatum naturalia illi erant quæ supernaturalia nunc putantur, fides, spes, charitas, gratia; & nunc naturalia dicenda erunt.

Quod amplius confirmari potest ex definitione entis supernaturalis: vt enim ens naturale apud Thomam Hurtado disp. 1. de supernaturalitate rerum controuersia 1. membro 1. est vel ipsa substantia vel id quod illi debetur se-

cundum cursum & ordinem naturæ. Sic supernaturalis est quod est supra omnem naturam creatam eiusque rationem & potentiam ingenitam. At non magis dona gratiæ post peccatum Adami sunt supra omnem naturam creatam eiusque rationem & potentiam ingenitam, quam ante peccatum: unde conficiet Pelagius, ut si ante peccatum supernaturalia non fuerint nec post peccatum talia habenda sint, sed tantum naturalia sicut in principio creationis. Inuenitur ergo Iansenius Pelagij socius, & cuius se debellatorem profitebatur, eius cogitur esse propugnator, nisi à suis principijs longè velit discedere. Et iam cum ipsi sint magis Pelagiani, gloriantur se magis esse anti-Pelagianos.

ARTICVLVS XV.

*Excutitur secundum principium ex Augustino peti-
tum quo gratia sufficiens destrui
putatur, & de admiratione D. Au-
gustini.*

Objiciunt in art. 12. secundum principium multis in locis à D. Augustino assertum & repetitum, quo destrui putant gratiam sufficientem. Scilicet mysterium esse occultum, incomprehensibile, omnino inscrutabile & admirabile, quod cum omnes homines in Adam peccauerint, ac gratia indigni sint, aliqui tamen gratiam recipiant, alij non recipiant. Nihil tam

sepe miratur D. Augustinus contra Pelagianos scribens. Hâc humili admiratione magni Apostoli confundit superbiam Pelagianorum: atque hoc stupore expugnat reliquias illorum hæresis. Sic dicit D. Augustinus l. 1. de peccator. meritis c. 21. *Hæc gratia cur ad illum veniat, ad illum non veniat, occulta esse causa potest, iniusta non potest. Sed prius sanctarum scripturarum auctoritatibus colla subdenda sunt, ut ad intellectum per fidem quisque perueniat. Neque enim frustra dictum est, iudicia tua abyssus multa. Cuius abyssi altitudinem veluti expauescens exclamat Apostolus. O altitudo diuitiarum sapientie & scientia Dei &c.* Plures alios locos proferunt ex Sancto Doctore D. Augustino, quibus ipse admiratur discrimen hoc ac incomprehensibile esse asserit: ergo non datur gratia sufficiens, quia illa admissa satis intelligeretur ratio cur vnus gratiam qua liberatur actu à peccato reciperet, scilicet bonum illius vsum, alius vero non reciperet, quia scilicet gratiæ sufficienti non assensisset ac cooperatus fuisset. Sicque nullus restaret locus tot admirationibus & exclamationibus.

Ad hoc vero respondetur primò, quo magis gratiæ diuinæ præcellentia cognoscitur eo magis stupendam esse ac admirabilem, quia vt iam dictum est, in entitate sua est occulta, ineffabilis, intrabilis, secreta, opus insigne adorandæ Trinitatis, de qua alias plura meditati sumus, itaut solis ignaris minus sit admirationi. Deinde cum D. Augustinus loquatur ibi de Gratia adulta & perfecta quam comitatur fides per

charitatem operans, quam gratiam adstruere contra Pelagium molitur, magna ex parte difficultas exhauritur ex imparibus quantitativis gratiæ sufficientis, quæ sæpe sæpius causa sunt præcipua huius discriminis. Quæ tamen impares quantitates in occulta Dei iudicia refundendæ sunt, cum in his humanæ rationes conticescere debeant. Sic idem D. Augustinus asserit l. 2. de pec. meritis & remiss. c. 5. *cur autem illum adiuuet, illum non adiuuet: illum tantum, illum autem non tantum: istum illo, illum isto modo; pones ipsum est æquitatis tam secretæ ratio quæ excellentia potestatis* Verumtamen, quia etiam dicit ibi D. Augustinus etiam illum adiuuare non istum, nulla facta mentione de modo aut de quantitate auxilij, non prænitent exhausta est nec respectu omnium ista difficultas. Ideo notare iuvat ex eodem D. Augustino Epist. 107. duplex esse genus admirationis, alterum quod oritur ex ignorantia causa: alterum ex eo quod appareat res aliqua inusitata, singularis, rara, adde, verè magna aut si miramur, inquit, non inopinata stupendo, sed excellentia laudando miramur: sic l. 8. confes. c. 6. audiens mirabilia de vita D. Antonij. *Omnes mirabamur nos quia tam magna erant.* Sic qui videt aquam ex profundo loco ad montis culmen ascendere, etiam si aperto artificio causam nouerit, adhuc miratur. Sic Theologi qui nouerunt causam cur filius sit genitus, non Spiritus Sanctus, non desinunt admirari generationis illius & processioneis magnitudinem. Sic viri spirituales in suis meditationibus, sæpe in

affectum admirationis rapti exclamant super magnitudine & singularitate rerum quas meditantur, etiam si non laborent earum ignorantia. Sic Christum miratum fuisse fidem centurionis Matth. 8. afferi potest, etiam si non ignoraret nec abscondita esset ab eius mente ratio & causa huius fidei. Quidni ergo D. Paulus, quidni D. Augustinus Doctor inter omnes maxime affectivus & contemplationi deditus, miratus sit mysterium istud gratiæ perfectioris, quæ vni datur, alteri non datur, cum valde raro accidat, ut ita fiat, si æqualis gratia sufficiens duobus collata fuerit? Sed ordinariè & fere semper ex inæqualitate illius gratiæ sufficientis proveniat, quæ inæqualitas ad abyssum iudiciorum diuinorum mentibus humanis inaccessam pertinet. Sed & quamvis se miretur & secretum istud incomprehensibile esse velit, id tamen fieri potest, quia etiam posita gratia sufficiente in quacumque mensura, aliquid est simul mirandum & incomprehensibile in eo qui liberatur à peccato per gratiam Christi, cum alius non liberetur. In eo enim qui liberatur mirabilis & incomprehensibilis est amoris diuini magnitudo qui sic mundum dilexit ut filium suum vnigenitum daret. In alio autem qui non liberatur miranda est & incomprehensibilis ingratitude, durities & rebellio cordis humani admonitionibus gratiæ resistentis & in peccato perseverantis. Sic Ierem. 2. Deus loquitur de corde duro. *Obstupescite tali super hoc & porte eius desolamini vehementer: duo enim mala fecit populus meus; dereliquit*

sunt me fontem aque viue. &c. Hæc sunt propter quæ merito exclamare possumus *ô altitudo diuitiarum &c.* & propter quæ sæpe mirabatur D. Augustinus, cuius pietatem non dignè æstimat & colit, quisquis causas has admirationis, illius animà indignas esse putauerit. Legantur pii eius tractatus, quot similes admirationes passim offendet?

Quod vero aliquando in iisdem locis D. Augustinus arguat eos qui secretum hoc scrutantur & eius rationem aliquam volunt assignare, ita ad hominem loquitur contra Pelagianos qui in sola Liberi Arbitrij etiam gratia denudati merita, causam totam refundebant, quos propterea asserit in fabulas vanitatis abiisse l. 4. ad Bonifac. c. 6. quod non asserit de iis qui primariam causam Dei gratiæ præuenienti attribuerent. Scilicet incomprehensibilia sunt Dei iudicia, cur hic conuertatur, alter non, secundum tua principia, ô Pelagi, qui hoc discrimen ex nûdis naturæ viribus esse repetendum putas. Etiam suas partes habet easque primarias Dei gratia excitans & iuuans infirmitatem Liberi Arbitrij, nec aliter rem istam mens potest assequi. Incomprehensibile est quod dicis, causam istius tanti momenti esse meritum merè humanum, etiam interuenire debet gratia, quæ opus est immensæ Dei misericordiæ. Denique totum istud Argumentum est ab authoritate negatiua, nec in ijs negat gratiam sufficientem Augustinus, vt tales consequentias secundum eius mentem non esse, affirmari possit.

Instant D. Augustinum de *dono perseuer.* c. 9

asserere adhuc esse inscrutabiliora Dei iudicia, cur ex duobus iustis vni detur perseuerantia vsque in finem, alteri non detur. Ergo nullo modo refundendam illam esse causam istius discriminis in gratiam sufficientem vtrique datam, cur vnus cooperetur, alter non coope-
retur.

Respondetur eadem quæ in priori Argumento dicta sunt, dici etiam posse pro præsentis ratiocinatione. Sed & istud Argumentum soluendum est aduersariis, qui admittunt gratiam sufficientem in statu innocentiz in quo iusti quidam perseuerassent, non alii. Deinde Perseuerantia de qua loquitur D. Augustinus esse perseuerantia actu completa per mortem, quæ saepe ex quibusdam adiunctis externis dependet quæ non nisi specialiori Dei prouidentia accidere potuerunt. Verbi gratia vnus iustus, statim post acceptam gratiam iustificantem moritur absque eo quod opus illi sit resistere tentationibus per multum tempus. Vel moritur in hoc loco & tempore inter has & illas personas, à quibus iuuatur plurimum vt in Domino & sancte expiret, vel in momento casu aliquo improviso rapitur ex hac vita. Quæ omnia cum non leuiter conferant ad piè moriendum in statu gratiæ, & ex iudicijs Dei proueniant, non immerito dixit D. Augustinus esse Dei iudicia magis inscrutabilia super iustis, quorum vnus dono perseuerantiæ cumulatur, non alter: nam quod possint perseuerare qui non perseuerarunt, non obscure affirmat idem D. Augustinus de corrept. & gratia c. 7. *potest dici*

homini in eo quod audieras & tenueras, perseverares si velles.

In stare adhuc possent acius in eodem libro de corrept. & gratia D. Augustinum statuere discrimen inter primum hominem & ceteros homines, quod ad perseverantiam spectat, quod primo homini datum sit non ut perseveret sed ut perseverare posset si vellet, nunc vero dari prædestinatis ut actu perseverent, non tantum ut possint, ergo imaginariam esse gratiam sufficientem iniustis, qua possint perseverare si velint: habent quippe auxilium quo perseverent inuicte & cui non possint resistere.

Respondetur per verba Doctoris Parisiensis Martini de Magistris qui Molinam sæculo vno præcessit, in tractatu *de fortitudine*, q. 3. *de perseverantia*, verba D. Augustini intelligi posse vno modo, quod Deus nunc in prædestinatis mediantibus donis suis totaliter causet actum perseverandi, ita quod voluntas non se habeat causaliter liberè respectu productionis eius, in primo vero parente dederit ea dona quibus poterat causari partialiter, sed cum his exigebatur causalitas voluntatis, & hoc est falsum pro prima parte, quia ad quemlibet bonum actum voluntas nostra concurrit effectivè liberè. Secundo modo potest intelligi quod dedit primo parenti ut perseverare posset, & non ut perseveraret. i. dedit principia quæ cum libero arbitrio poterant esse causa perseverandi, & tamen non fuerunt causa perseverandi, sed electis dat principia non solum quæ possunt esse causa perseverandi, sed etiam quæ de facto sunt causa per-

seuerandi; & in hoc sensu verum est: Hæc Martinus Doctor.

Porro inde intelligitur differentia inter auxilium *sine quo*, & auxilium *quo* quorum auxiliorum distinctionem dat D. Augustinus l. *de gratia primi hominis*, cap. 17. quam, malè intellectam, putant Baiani esse clauem ad aperienda & penetranda arcana omnia doctrinæ D. Augustini de Gratia: Voluntque per auxilium *quo* induci necessitatem ad perseuerandum, sed hæc distinctio non rectè ab ipsis intellecta est potius basis & fundamentum plurium aberrationum quibus à vero deflectunt: quippe auxilium primum *sine quo* datum est Adamo. Secundum *quo* datur electis: per primum poterat Adamus perseuerare: per secundum electi de facto perseuerant, nec tamen propterea gratia possibilitatis, si possibilitas illa sit etiam ex gratia, desinit esse vera gratia Christi, sed tantum possibilitas quæ est ex solâ naturâ qualem admittebat Pelagius, & qualem improbat D. Augustinus; nam veram gratiam dare etiam posse agere, probandum assumit Doctor Parisiensis Arboreus. etiam Molina anterior, *Theosophia*, l. 7. cap. 5. probatque ex D. Augustino enarrante illud Pauli ad Rom. 8. *Corpus quidem mortuum est propter peccatum, &c. Liberum ergo, inquit, arbitrium perfecte fuit in primo homine, in nobis autem ante gratiam non est liberum arbitrium vt non peccemus, sed tamen vt peccare nolimus: Gratia vero efficit vt non tantum velimus rectè facere sed etiam possimus non viribus nostris, sed liberatoris auxilio, qui nobis etiam perfectam pacem in resurrectione tribuit.*

Atque hæc forsan prolixius contra nostrum institutum scripta sunt, non tamen inutiliter ad retundenda principia Iansenistica quæ illi inuita falso putant, & tantopere extollunt.

ARTICVLVS XVI.

An desint in D. Augustino principia ad adstruendam Gratiā Sufficientem.

Ceterum non desunt in D. Augustino plura alia principia, quibus fortius stabiliatur gratia sufficiens, quam per alia concutitur.

Primum principium est quod Christus desideret omnium salutem, ad quam inuitat, & pro qua mortem obiit, ut est in Homilia 12. ex 50. homilijs. *Quare eligis mortem & deseris vitam?* &c. huiusmodi enim textus passim inueniuntur apud D. Augustinum, & plures in hoc opere afferimus.

Secundum principium est quod D. Augustinus asserat homines esse inexcusabiles, si Deum non ament, si recte non operentur: sic lib. 10. Confess. cap. 6. & lib. de Natura & Gratia cap. 67. & alibi pluries: excusare quippe se possent de defectu gratiæ, sine propria ipsorum culpa.

Tertium principium est quod dicat mandata Dei esse possibile; quam in rem plures textus euentissimos iam produximus art. 2. huius partis & alibi.

Quartum principium est quod asserat D. Au-

gustinus nemini deesse auxilium diuinum ad superandas tentationes, sic in Psal. 79. sic sermone 197. de Tempore, quod multoties alibi inculcat.

Quintum principium est quod quibuscumque in hac vita facile est Pœnitentiam de peccatis agere: vt in Psal. 92. *Qui hodie tenebræ sunt: si velint, cras lux erunt, &c.* & lib. 8. Confess. cap. 6. *Amicus autem Dei si voluero ecce nunc fio*, quæ verba laudat D. Augustinus à quodam aulico prolata, cum perspiceret, quot laboribus & periculis amicus Imperatoris Romani fieri posset, quæ supponunt Gratiā Sufficientem.

Sextum principium est quod D. Augustinus afferat sæpe Deum in patientia expectare peccatores ad Pœnitentiam, vt in Psal. 102. *Vocat undique ad correctionem & ad pœnitentiam, &c.* *expericris iustam quem contempsisti benignum: item libro de Prædest. & Gratia cap. 14. & 15. an forte siptè de Deo sicut expedit sentiamus, etiam Pharaoni datam misericordiam reperimus? Patientia enim Dei valere ei debuit ad salutem, &c.* *Numquid non potuit sicut flagellis casus expulit populum, ita miraculis credens Deum tantæ virtutis agnoscere.*

Septimum principium est quod sæpe D. Augustinus referat peccata hominum eorumque indurationem ac damnationem in neglectam gratiarum aut vocationum diuinarum vt cum dicit de Esau lib. 1. ad Simplicianum q. 2. *Noluit Esau & non cucurrit, sed si voluisset & cucurrisset Dei adiutorio peruenisset, qui etiam velle & currere præstaret nisi vocatione contempta repro-*

bus fieret. Sic tract. 2. in Ioan. si tu feceris casum, ille tibi facit ocafum. Sic in Psalm. 39. Nusquam tibi deest tu noli illi deesse.

Hæc principia Gratiz Sufficientis longè manifestius eam comprobant, quam destituant omnia quæ adducunt aduersarij, vt propterea illis opponere nobis visum fuerit, vt nos nihil nisi Augustinum sapere & spirare appareat, nec in Augustino colendo, laudando, ac intelligendo illis cedere videamur. Plura autem in hanc rem collecta inueniri possunt apud Petrum à sancto Ioseph Fulienti cap. 11. *De consensu orbis, de Gratia Sufficiente.*

ARTICVLVS XVII.

An Patres qui D. Augustinum sequuntur sunt Iansenij mentem confirmant?

Obiiciunt adhuc insigniores Ecclesiæ scriptores post D. Augustinum in hoc consensisse, quod vera Christi gratia ad salutem necessaria omnibus non detur, citantque Patres omnium sæculorum ac scriptores quosdam Ecclesiasticos ex quibus cathenam conficiunt, qua sese aduersarios constringere posse præsumunt: hæc autem cathena videtur argumentum eorum palmare ac præcipuum: Diffringetur tamen cathena hæc Deo opitulante, vt iactare se desinant, se Patrum defensores esse pro vera Christi gratia, quorum potius supra aduersarij in hac causa, cum

plerosque ex his scriptoribus contra ipsos retor-
quere possimus, sicut præliatores occupatis ho-
stium castris tormenta ipsorum bellica contra ip-
sos dirigunt: nec enim scriptores illi dicunt,
non dari omnibus Gratia Sufficiens auxilia, sed
id per quasdam consequentias à se fabricatas, &
quæ sæpius remotæ sunt ab ipsorum scriptorum
mente, deducunt. Qui modus probandi, si
approbatus est, nullus est scriptor Ecclesiasti-
cus ex cuius aliquibus saltem verbis contra ip-
sos concludi non possit: hæc in genere dicimus
nam specialius modo res excutienda.

Obiiciunt ergo iterum art. 16. D. Prospe-
rum, qui in V. sæculo floruit; quia dicit fidem in-
choatam & perfectam esse donum Dei, ita *ad*
excerpta Genuensium dubios. Rursus *dubio* 6. di-
cit, nos non posse conqueri, de eo quod in præ-
teritis sæculis dimisit omnes gentes ingredi vias
suas; inde concludunt secundum mentem D.
Prosperi non dari Gratiam Sufficientem.

Respondetur id malè concludi, quia non re-
pugnat Gratia Sufficiens, cum eo quod fides seu
inchoata, seu perfecta, sit donum Dei & ex
misericordia Dei; quod negabant Pelagiani, di-
citur enim donum Dei, ex eo quod vel datur im-
mediatè à Deo, vel datur gratia aliqua præue-
niens, ex Dei misericordia, qua ad fidem præ-
paratur, tum voluntas, tum etiam intellectus.
Rursus & si Deus dimiserit gentes ingredi vias
suas, non impedit istud quin auxilia quædam
interiora ad vitanda pleraque peccata, & ali-
quod bonum operandum acceperint, Deus enim
dicitur deserere, non denegatione omnimodè

gratiæ ; sed non appositione quarundam gratiarum magis specialium quas omnibus non concedi apud nos indubitatum , sed vel illas vel quamdam gratiam generalem parcius & occultius omnium hominum corda pulsanter, ut modo nos docebit prosperè idem D. Prosper , cum dispares sint mensuræ , & quantitates gratiarum ut supra ex eodem pluries dictum est : quāto melius ex alijs verbis eiusdem Patris confici potest Gratiam Sufficientem dari etiam his qui pereunt. Sic enim loquitur in responsionibus ad obiectiones Vincentianas in fine. *Quid enim voluntatem Dei spreuerunt inuitantem, voluntatem Dei sentiunt vindicantem.* ex lib. 2. & de vocat. gentium cap. 10. id ipsum assumit probandum omnibus sæculis misericordiam Dei, & corpora aluisse & mentes iuuisse. *Manifestauerunt*, inquit, *diuinorum eloquiorum multæ auctoritates & continua omnium sæculorum experimenta docuerunt, iustam Dei misericordiam, & iustitiam nec alendis vnquam corporibus hominum, nec docendis iuuandisque eorum mentibus vnquam defuisse.* Et loquens de hominibus qui tempora diluuii præcesserunt & cum idem neglecta obseruantia patrum illicitis se reproborum conubiis miscuissent, atque ob nefariam societatem digno exterminio iudicarentur, Dominus ait, Genes. 6. *Non permanebit Spiritus meus in hominibus istis quia caro sunt:* vnde apparet quod iste populus cuius generationes discreto ordine cum annorum numero digeruntur, *Spiritalis antea fuit ea vtique voluntate cui Spiritus sanctus præsidebat.* Quem textum sancti patris ideo produci-

mus vt appareat quam nullum sit eorum effugium, dum dicunt infideles qui Christum præceſſerunt, non habuisse niſi litteram quæ occidit, non autem Spiritum qui viuificat: vt mirum non videri debeat ſi tot folijs conati ſunt, libros iſtos de Vocatione Gentium, alii à Proſpero vindicare, ex quo etiam addo quodlib. 2. cap. 23. ait, *Sicut autem circa maiores præter illam generalem gratiam parcius atque occultius omnium hominum corda pulſantem excellẽtiore opere, largiore munere, potentiore virtute, vocatio ſpecialis exeritur: ita etiam circa innumeros pueros eadem manifeſtatur electio, & quæ quidem nec illis qui renati ſunt deſuit in parentibus.* &c. quibus verbis ſanctus Proſper manifeſtiſſimè gratiam ſufficientem aſſerit & adultis & paruulis non deeſſe.

Obiiciunt in eodem ſæculo D. Leonem magnum ſerm. 8. de Epiph. *Dicente diſcipulis ſuis Domino, ſine me nihil poteſtis facere, dubium non eſt hominem bona agentem à Deo habere & effectum operis, & initium voluntatis, vnde & Apoſtolus copioſiſſimus fidelium cohortator, cum timore inquit, & tremore ſalutem veſtram operamini: Deus eſt enim qui operatur in vobis, & velle, & operari: & hac ſanctis cauſa eſt tremendi atque metuendi ne ipſis operibus pietatis elati deſerantur ope gratiæ, & remaneant in infirmitate nature.*

Reſpondetur hæc verba intelligi de Gratia Sanctificante quæ per ſuperbiam amittitur, ſitque exinde vt qui erant antea ſancti, remaneant in peccato, quod verè eſt infirmitas nature: atque etiam aliquando deſtituatur ſpecialioribus gratiæ

gratiæ actualis auxiliis, unde fit vt numquam re-
surgant à peccato: sicut alibi explicauimus. Ac-
que vt ita D. Leonem interpretemur cogit nos
sermo septimus eiusdem, *de ieiunio decimi mensis*
& elemosynis: vbi redemptos & baptisatos nun-
quam destitui omnibus diuinæ gratiæ præsidio
sic disertè, asserit: *Natura quippe mutabilis &*
de peccati labe mortalis, licet etiam iam redempta
& sacro baptisate sit renata: in quantum est
passibilis, in tantum est ad deteriora procliuus, cor-
rumpereturque carnali desiderio, nisi spiritali mu-
niretur auxilio, quia sicut illi numquam deest
vnde corruiat, ita semper præsto est, vnde substi-
stat, dicente Apostolo, *fidelis enim Deus qui vos*
non patietur tentari supra id quod potestis, &c.
Cateium alibi mentem suam manifestius ape-
rit D. Leo: vt serm. 11. de passione, nec non
serm. 12. vbi ita de dæmone, *Qui dum in eum*
scieuit quem sub peccati lege non tenuit: ius impie
dominationis amisit: effusio enim pro iniustis
sanguinis iusti, tam potens fuit ad priuilegium,
tam diues ad precium, vt si vniuersitas captiuo-
rum in redemptorem suum crederet, nullum tyrânica
vincula retinerent, quoniam sicut ait Apostolus,
(ad Rom. 5.) *Vbi abundauit delictum supera-*
bundauit & gratia, & cū sub peccati præiudicio na-
ri potestatem acceperint ad iustitiam renascendi,
validius donum factum est libertatis. Quæ verba
si de solis prædestinatis scripta imaginentur, con-
siderent quo pacto dæmon ius dominationis
amisit. quomodo possit Christus esse redemptor
vniuersitatis captiuorū, quomodo maius sit do-
num libertatis quam seruitutis, si tot homines

non habeant potestatem renascendi , quæ est Gratia Sufficiens. Nullum ergo in D. Leone patrociniū habent , sed potius ipsius verbis damnantur , qui iuxta verba Tridentini in libro *de Scriptoribus Ecclesiasticis* , fuit Ecclesiasticæ dictionis Tullius , sacre Theologiæ Homerus , rationum fidei Aristoteles , authoritatis Apostolicæ Petrus , & in Christiano pulpito Paulus.

ARTICVLVS XVIII.

An patres aliqui in sexto sæculo faueant Baianis.

Obiiciunt pro sexto sæculo D. Fulgentium, Concilium Sardicense , Petrum Diaconum, Abbatem Ioannem Maxentium, Concilium Arausicanum secundum ac S. Primasium. Sed quia supra mens Concilij Sardicensis , ac D. Fulgentij satis elucidata est , quicquam ex ijs non rerexemus.

Textus Petri Diaconi *de Incarn. & Gratia*, cap. 6. nihil habet de Gratia Sufficiente , sed contra eos est qui volebant naturaliter hominem posse credere , & aliquid boni velle , qui impugnantur. Ad ea quæ habet de inscrutabilibus Dei iudicijs , supra satis responsum est.

Quod spectat ad Abbatem Ioannem Maxentium , verba eius quæ producant , nihil aliud significant nisi quod sine auxilio gratiæ nullus

potest quicquam boni agere aut cogitare, aut velle quod ad vitam æternam pertineat. Quod nullam patitur difficultatem, sicut quod additur, quod Faustum refellat inficiantem non esse fidem donum Dei speciale, quia scilicet volebat Faustus fidem opus esse solius Liberi Arbitrij sine gratia interiori præueniente, quæ nihil Officiunt gratiæ sufficienti, nec iuuant causam Apologiæ, vt frustra & ad solam vanam ostentationem huiusmodi authoritatibus onerata sit.

Obiiciunt Canones quosdam Concilij secundi Arauscani, qui canones conditi sunt contra Semipelagianos, qui initium fidei aliquod à libero arbitrio nudo & Gratiâ Præueniente non illuminato aut vestito profluere arbitrabantur. Ista nihil ad præsentem controuersiam, cum necessitatem Gratiæ Præuenientis adstruamus ad quodlibet opus bonum, vt oportet. Istud autem Concilium manifestè admittit Gratiam Sufficientem in omnibus baptisatis, sic enim can. 25. *Hoc etiam secundum fidem Catholicam credimus, quod accepta per baptismum gratia omnes baptisati, Christo auxiliante & cooperante possint & debeant, si fideliter laborare voluerint, adimplere.* Atque hæc non est ipsorum fides Catholica, qui plerosque ex baptisatis gratia Dei auxiliante pænitus destitui arbitrantur & falso prædicant.

Obiiciunt Primasium qui in cap. 9. ad Rom. vnum vocari, alterum non vocari asserit.

Respondetur Primasium respondere ad hanc questionem quam sibi proponit. *Sed dicet aliquis cur alium sic & alium non sic: & cur non om-*

*nes aequaliter & numquid personarum est acceptor
Deus?* ex quibus patet eum loqui de gratiarum
differentia & tantum significare vnum vocari
vna vocationis specie, qua alter non vocetur.

Cæterum annotari potest, non posse aduer-
sarios promouere causam suam his patrum locis,
in quibus asserunt generaliter gratiam vni dari
non alteri, quia cum multiplici sit gratia Christi,
& conueniamus omnes aliquas gratias non dari
omnibus, scilicet gratiam iustificantem, aut gra-
tias quas vocat D. Prosper lib. 2. *de Voc. Gent.*
cap. 23. largioris muneris, potentiorisque virtutis,
quas alii dicunt gratias magis speciales, aut pro-
ximè disponentes ad aliquod bonum magis ar-
duum ac perfectum, solumque disceptemus de
quadam remotâ Gratia Præueniente aut exci-
tante quæ inseruiat ad vitanda peccata & facien-
dum aliquod bonum, quam sufficientem voca-
mus: quæ parcius & occultius pulset corda; gene-
ralis est tamen vt eam D. Prosper ibidem mani-
festissimè asserit. De qua gratia patres non lo-
quuntur: dum dicunt gratiam non omnibus da-
ri, consequens est vt nihil efficiant eorum loca
quibus iuuari causam suam putant. Quod con-
firmatur hoc dilemmate: nam patres illis in
locis, vel loquuntur de Gratia Sufficiēte aut non:
si de illa loquantur, ergo iam illam admittere co-
guntur, tanquam veram gratiam Christi, non
spuriā, vt vocant: si de illa gratia non loquun-
tur, ad quid proferunt textus patrum qui de ea
gratia non loquuntur? sed pergamus ad alia
eorum obiecta.

ARTICVLVS XIX.

*Discutitur mens patrum septimi & octavi
seculi.*

Obiiciunt D. Gregorium magnum cuius
equidem sanctitas & doctrina satis laudari
non possunt. Hic scribit lib. II. Moral. c. 5. Cain
diuina voce admoneri potuisse, mutari non po-
tuisse, quia exigente culpa malitiæ, *Jam intus
Deus cor reliquerat, cui foris ad testimonium
verba faciebat*, benè autem subditur, *si incluserit
hominem, nullus est qui aperiat, quia sicut nemo
obstitit largitati vocantis, ita nullus obuiat iustitiæ
relinquentis, &c.*

Respondetur D. Gregorium verba hæc du-
riora correxisse in libris sequentibus; posteriora
autem derogāt prioribus. Nā quod existimet dā-
natos potuisse benè agere, probat hic textus in
hom. 39. in Euang. *Operari iam bona non licet, quæ
cum licuit agere contempsit.* ex libro trigef. tertio
moral. cap. 20. *Bene itaque dicitur, quis ante de-
dit mihi ut reddam? ac si aperte diceretur: ad par-
cendum reprobis nulla ratione compellor: quia eis
debitor ex sua actione non teneor, idcirco enim ne-
quaquam celestis patria præmia æterna percipiunt:
quia ea nunc dum promereri poterant ex libero
arbitrio contempserunt: quod videlicet liberum ar-
bitrium in bono formatur electis, cum eorum mens
à terrenis desideriis gratia adspirante suspenditur:
et nonum quippe quod agimus & Dei est & nostrum.*

Dei per praeuenientem gratiam, nostrum per obsequentem liberam voluntatem, si enim Dei non est, unde ei gratias in æternum agimus? rursum, si nostrum non est, unde nobis retribuere præmia speramus? quia ergo non immerito gratias agimus, scimus quod eius manere praeuenimur? rursum, quia non immerito retributionem querimus, quod subsequente libero arbitrio bona elegimus quæ ageremus. Attendant Apologistæ quantum D. Gregorius libero arbitrio attribuat & in reprobis qui poterant gloriam æternam promereri, & in electis qui libero arbitrio praeueniente gratia adiuto bona elegerunt. Poterant-ne reprobi sine gratia promereri æterna præmia? ergo illam habuerunt, aliter enim non poterant, nisi quis cum Pelagio sentiat gratiam non esse necessariam, quod procule est à mente tanti Doctoris, cuius & hic est Hymnus in Dominica Palmarum.

*Magno salutis gaudio
Latetur omne sæculum
Iesus redemptor omnium
Sanauit orbem languidum.*

Porro si ex mente D. Gregorii Christus redemptor est omnium, omnibus media salutis suppeditare consequens est, est quippe mors Christi pro omnibus fons & origo indefinenter scaturiens Gratiæ Sufficientis aut mediorum ad salutem aptorum pro omnibus. In quo etiam consentientem habemus Iansenium lib. 3. de gratia Salvatoris, cap. ultimo. Unde & Cain sceleratissimū fratricidā non sic Deus deserit aut supplicio afficit quin simul illi misericordiam ex-

hibeat, inducens illum ad amandum fratrem mortuum, ne cum illius odio à vita migraret in statu mortalis peccati: quod egregie observauit D. Ioannes Chrysost. in cap. 13. Epist. ad Rom. Ergo, ait, *Cainum Dominus punit, imo ne punit quidem, sed tremore constringit ad exuendam culpam, ut vel sic ad illius amorem reuersus ad amandum etiam sublatum fratrem induceretur: Neque enim volebat illum mortuo fratri adhuc inimicum ex hac vita migrare.* Vnde non sic Deus Cainum deseruit, quin etiam saluti eius sufficienter prouiderit, etiam post horrendum scelus admissum in interfectione Abelis: Vt enim præclare D. Ioannes Damascenus lib. 2. *fidei orthodoxæ*, cap. 29. docet, duplex est Dei desertio vna temporalis, cum permittit Deus ad tempus aliquod, hominem in peccata labi à quibus postea resurgit, alia vero finalis est, *Cum Deo*, inquit, *cuncta faciente quæ sunt ad salutem, incorrigibilis & immedicabilis, magis autem insanabilis ex proprio proposito magis permaneat homo.* Quod ergo dicit D. Gregorius Cainum mutari non potuisse, id in omni verborum rigore non est accipiendum; sed sic ut non potuerit ex solius istius diuinæ admonitionis externæ, sic homilia 33. in Euangelia ludit in verbo isto *posse*, nec in omni rigore usurpat, dum loquitur de muliere peccatrice. Ecce inquit, paradigma turpis mulieris. *Ostendit quod post turpitudinem recipi non possit, sed hoc ipsum paradigma quod protulit per misericordiam vincit, cum dicit fornicantem mulierem recipi nequaquam posse, & tamen ipse fornicantem animam ut recipiat expectat.* Penseate fratres pondus tantæ pia-

tatis: dicit quod fieri non potest, & demonstrat quia hoc ipse facere etiam contra morem potest, &c. nemo ergo tanta misericordie tempus perdat, nemo oblata remedia diuina pietatis abiiciat. Ex quibus verbis colligimus non deesse peccatoribus ex parte diuinæ pietatis auxilia ad conversionem, mutationem vitæ, & D. Gregorium intelligere id fieri non posse, quod aliquo modo fieri non potest etsi absolute fieri possit.

Obiiciunt D. Isidorum Episcopum Hispalensem l. 2. sent. cap. 6. scripsisse. *Gemina est predestinatio, siue electorum ad vitam siue reproborum ad mortem. Vtraque agitur diuino iudicio, ut semper electos superna & interiora sequi faciat, semperque reprobos infirma & exteriora deserendo sectari permittat.* & c. 15. nonnulli autem ita despicuntur à Deo ut deplorare mala sua non possint etiam si velint ex hoc inferunt non dari gratiam sufficientem.

Respondetur non sequi ex derelictione Dei non dari gratiam sufficientem, cum derelictio Dei non inferat omnimodam subtractionem gratiarum, imo & gratiam aliquam supponere soleat, quæ fuerit in derelicto. Quod vero dicit nonnullos deplorare mala sua non posse etiam si velint, hoc supponit in illis gratiam sufficientem: quomodo enim volunt? ex sola natura? Hoc pelagianum: ergo si volunt habent aliquam gratiam per quam Deus operatur in illis velle. Quomodo ergo non possunt deplorare? Respondetur distinguendam esse Phrasim quorundam scriptorum apud quos verbum non posse, non negat virtutem sufficientem,

sed tantum actum significat. Hæc Phrasis familiaris est D. Isidoro. Sic eodem libro 2. c. 5. *Plerique autem dum deuotione non conuertuntur, plagæ stimulis feriuntur qui tamen nec sub verberere sentiunt vt aliquatenus corrigantur sicut Ægyptus cui plagas dedit & emendare nequirit. De talibus enim ait Propheta, percussisti eos & non doluerunt.* Hæc verba non significant defuisse in Deo qui omnipotens est, virtutem sufficentem ad Ægyptum emendandam : tantum ergo significant id quod factum est, non quod fieri potuit, aut non potuit. Quamuis & dici possit D. Isidorum dixisse id fieri nõ posse quod non fit nisi difficillimè, sicut disertè asserit eiusdem l. c. 23 *nequissimum est peccare, peius est peccati consuetudinem facere : ab illo facile, ab hoc cum magno labore resurgitur, dum malæ cõsuetudini repugnatur.* Patet autem sic etiam intelligendum D. Isidorum, quia vbi asseruit aliquos sua mala plangere non posse, statim addit. *Consilio immundorum spirituum hoc est, quod ipsis negatum est post præuaricationem regredi ad iustitiam, obserare aditum pænitentia hominibus cupiunt.* Vbi satis innuit, non eodem modo impossibile esse hominibus regredi ad iustitiam ac dæmonibus, qui absolutè id non possunt, cum possint homines reprobi in vita, sæpe tamen non nisi cum labore & difficultate. Cæterum quod Isidorus non credat defuisse gratiam sufficientem ijs qui perierunt, euinci potest ex c. 3. enarrationis in Genesim. Vbi ita, *Lignum autem scientiæ boni & mali propriæ est voluntatis arbitrium, quod in medio nostris est positum ad discoscendum*

bonum vel malum , de quo qui derelicta gratia gustauerit morte morietur. Idem euinci potest quod tantum vituperat desperationem l. 2. de summo bono c. 14. & quod nolit quibuscumque peccatoribus desperandum esse, enarratione in Genes. c. 5.

ARTICVLVS XX.

De Sententia venerabilis Bedæ & Alcuini.

Objiciunt pro octauo sæculo venerabilis Bedæ locum ex comment. in Ioan. c. 6. ubi tantum asserit necesse esse vt Deus intus doceat, Iudæos autem incredulos, non fuisse doctos à Patre. Ex hoc inferunt gratiam sufficientem quæ nulli desit somnium esse & Phantasma.

Respondetur Præceptorem aliquando docere cum fructu, aliquando sine fructu, quia discipuli non discunt, vel ex distractione ad alia, vel ex stupiditate mentis. Pater ergo docuit Iudæos priori illo modo, sed non fuerunt docibiles Dei, & docilitate caruerunt ad addiscendum, id quod audierunt. Bedam ipsum audiamus in alio loco se explicantem commentarijs in Psal. 18. *Si enim in aliqua domo esset magnus rogas accensus, calor eius & splendor omnes angulos domus penetraret & ad omnes manentes ibi perueniret: similiter Christo in medio mundi, hoc est in Iudæa quæ circumclusa erat gentibus, posito,*

*quasi ardente rogo eluxit. Fulsit enim miraculis
 & claruit in verbo prædicationis notitia eius &
 per se & præcones suos ad omnes peruenit. Et
 possumus vocare calorem eius, dilectionem illam
 qua se tradidit pro nobis, quæ omnibus per præ-
 cones annuntiata est. Et ideo nullus per ignoran-
 tiam se excusare potest. Si gentes non excusat
 Beda quantominus Iudæos: de quibus expressius
 adhuc loquitur retract. in c. 7. actuum Aposto-
 lorum ad hæc verba, vos semper Spiritui San-
 cto restitistis, Apparuit ergo Dominus Moyfi in
 rubo ignem habente sed non combusta: vt in-
 dicaret quod ipse quidem cum illustratio-
 ne atque ardore Spiritus Sancti ad erudiendum
 populum veniret, nec tamen peccata eiusdem
 populi esset consumpturus, quin potius eius Pij
 Beneficijs, illis nequitie suæ spinetis semper obsi-
 steret. & in c. 6. Epist. ad Rom. gratiam suffi-
 cientem in Baptisatis non obscure asserit his
 verbis ex D. Augustino expromptis in l. de
 Bapismo paruulorum: nam si post Baptismum
 vixerit, atque ad ætatem capacem præcepti per-
 uenire potuerit, ibi habet cum qua pugnet, eam-
 que adiuuante Deo superet, si non in vacuum gra-
 tiam Dei susceperit, si reprobatus esse noluerit.*

Obijciunt Alcuinum Caroli Magni Præ-
 ceptorem l. 6. in Ioan. c. 35. vbi ait multa dici
 quotidie per Sanctos Prædicatores, quæ audien-
 tes interius non recipiunt quia Spiritus Sanctus
 non suggerit eis interius.

Respondetur Deum equidem non suggerere
 semper omnibus interius ea quæ exterius au-
 diunt per prædicatores: non tamen propterea

destitutos esse omni gratia præueniente & sufficiente: quia ad alia prius per Spiritum Sanctum interius mouentur, quam quæ prædicantur, quibus si assentirent ad alia etiam gradatim mouerentur. Vnde non sequitur eum carere gratia sufficiente, qui audit concionatorem exterius exclamantem nec tunc adiuuatur interius. Forsan enim Prædicator quædam sublimia & alta annuntiat ad quæ ille qui audit peruenire non potest, nisi prius alia quædam legis naturalis magis demissa & facilia exequatur. Quæ sit autem mens Alcuini magis ipse explanat in eundem Ioannem l. 2. c. 5. ad ea verba, *non enim misit Deus Filium suum in mundum vt iudicet mundum, sed vt Saluetur mundus per ipsum.* ergo, inquit, quantum in medico est, sanare venit ægrotum & alia quæ ex D. Augustino habet. Et l. de diuinis Officijs c. 18. *Christus per passionem crucis Angelis profuit in cælo, quorum numerus &c. nobis qui sumus in terra, & illis qui propter originale peccatum detinebantur apud inferos, sed & ipsis qui in diuersis mundi partibus habitabant.* Vbi non de ipsa veritate nobis sermo est, sed de mente auctoris qui reprobis apud inferos vtilitatem attulisse censet Christi passionem: quanto magis cæteris in terrâ habitantibus:

ARTICVLVS XXI.

De patribus noni seculi.

Objiciunt pro nono sæculo Paschasium Abbatem Corbeicensem, Aymonem Episcopum Alberstadiensem & Amolonem Archiepiscopum Lugdunensem. Paschasius enim in c. 20. Matthæi concludit parabolam vocatorum per patrem familias ad culturam vineæ his verbis. *Unde fatendum est quia non secundum electionis gratiam vocati sunt omnes, neque omnes, sed multi vocati sunt omnes, sed multi vocati sunt & ex ipsis pauci electi.*

Respondetur Abbatem Corbeicensem loqui de vocatione ad culturam vineæ seu Ecclesiæ qua vocantur tantum aliqui vt laborent in verbo & doctrinâ ad conuersionem animarû non autem devocatione ad declinandû à malo & faciendum bonum aliquod, in qua vocatione est ipsa gratia sufficiens. Sed & ipse Paschasius in eundem Matthæum c. 25. mentem suam euidentius aperit. *Et ostendit, inquit, se regem esse & iudicem omnium seculorum, ante quem congregabuntur omnes gentes vt iudicentur de vniuersis pro quibus tanta ipse sustinuit.* quæ verba inflecti non possunt ad solos electos.

Objiciunt Aymonem in c. 6. ad Romanos. vbi asserit ex massa perditionis Deum quædam vasa purificare, alia impurificata dimittere, quia est in sua potestate, omnesque perire debebant.

Respondetur Deum non facere vasa contumeliæ, sicut figulus, quia non est author peccati, sed tantum quædam vasa impurificata dimittere, vt ipse ait Aymo, quod potest fieri; etiam si homines qui proprio pereunt arbitrio, acceperint gratiam sufficientem, cui postquam defuerunt, à Deo derelicti sunt in massa perditionis, Vt ex D. Damasceno iam obseruauimus: est enim aliud derelictio Dei, aliud priuatio vel subtractio omnium gratiarum sufficientium. multi quippe abundant sufficientibus auxilijs cum quibus ex malitia voluntatis indurantur, Deo permittente, & eos de facto non liberante auxilijs magis specialibus & extra ordinarijs, quæ cuilibet non elargitur, Satis habens ea quæ absolute sufficientia sunt impertiri. Sed & aduertendum ista commentaria Aymonis in Epistolas D. Pauli eadem esse cum illis, quæ tribuuntur Remigio Remensi Archiepiscopo, quæ ab aliquot annis Romæ edita sunt, vt cum incerti sint auctoris, frustra tribuantur Aymeni, qui commentarijs suis in Psalmos ad Psal. 35. aliam esse mentem suam prodit. Sic enim ad illa verba. *Homines & iumenta saluabis Domine. Tu saluabis spiritali saluatione homines, idest rationales & iumenta, idest irracionales faciens eos rationales:* & post pauca subiungit: *sed illi rationales male vtuntur saluatione sua.*

ARTICVLVS XXII.

An nonum sæculum multum fauceat dogmatibus Iansenij.

DOctrinæ quâ multi hodie abripiuntur, non minima pars etiam animos plurimorum in sæculo nono exagitauit, cum Monachus Benedictinus in Diocesi Sueffionensi Gotescalchus, nolens ad sobrietatem sapere, nouas quæstiones mouere cœpit, ad mentem quorundam antiquiorum hæreticorum, qui à primario errore de prædestinatione, Prædestinatiani vocabantur, de quibus Prosper in Chronicis quæ antiquis Galliæ monumentis inseruit Ducennius, & Sigebertus meminerunt, atque ex hoc vltimo Genebrardus in Chronologia. Quibus magis habenda fides quam Iansenio, l. 8. *de heresi Pelagianorum* c. 8. contendenti hanc Prædestinatianorum hæresim commentitiam esse, aut Apologistæ, quod secta fuerit Phantastica, art. 19. huius puncti.

Vt vero suos sectatores habuit Gotescalchus, sic etiam aduersarios non paucos nactus est, qui eius doctrinæ sese constanter opposuerunt. illi vero maximè qui doctrinæ laude magis excelluerunt Rabanus Maurus & Hincmarus, quorum plura supersunt doctrinæ monumenta, quam aliorum huius sæculi turbulenti: in illis lenitas vituperanda quod ab antiqua doctrina recesserint, in his grauitas laudanda, quod non

omni vento doctrinæ se circumferri passi sint, sed sic spiritus probauerint, vt etiam improbauerint qui improbandi erant. *Cum quæ libet nouitas ebullit*, scribit appositè Vincentius Lirinensis commonitorio 1. c. 25. *statim cernitur frumentorum grauitas & leuitas palearum?*

Hinc est quod Apologista pro hoc sæculo laudet S. Amolonem Episcopum Lugdunensem, Ioannem quendam Hybernum, Prudentium Episcopum Trecensem, Remigium Archiepiscopum Lugdunensem, Florum Diaconum, Lupum Abbatem Ferrericensis, Lupum alterum, Seruatum Presbyterum Moguntinum ac Ratramnum monachum Corbeiensis, quibus addit Concilium secundū Tullense an 860. celebratum, præter Valentinū de quo satis dictum. De quibus omnibus sic existimo.

Primo quod Amolo Archiepiscopus Lugdunensis nequaquam illis faueat, cum in quadam Epistola quam à paucis annis publici iuris fecit Pater Sirmondus, manifestè refuter errores Gotescalchi. Et si verò ab eo auctore gloriosū putent arma aliqua decerpere, in eo quod dicat paruulos quosdam non potuisse baptisari, & quosdam adultos non potuisse Christum inuocare, *nec prædicatorem habere, quia*, inquit, *nullum ad se mitti meruerunt*, ista tamen arma contra gratiam sufficientem potentia non sunt, quandoquidem etsi plures infideles gratiam proximam & immediatam ad fidem non habeant, non carent tamen gratia alia remotiori ad eandem fidem per gradus quosdam bonorum quorundam operum capescendam, si ei cooperaren-

cooperarentur, sicut diximus art. i. huius partis. Nam ut præclare scripsit pius author Auila l. i. Epist. *Qui recte exequitur bonum quod agnouit, illustratione alia donabitur ad id exequendum quod nondum agnouit. Nec illam illustrationem sibi infundi petere merito potest, quandoquidem illi respondere potest: cur tu petis notam tibi fieri voluntatem meam, si quidem illi obluētis in his ipsis, in quibus iam tibi aperta est?* Itaque frustra se putant inuari his verbis ex ea Epistola desumptis, cum totus incumbat Amolo in eadem Epistola ad refellendos errores Gotescalchi.

Quod idem de Hincmaro Archiepiscopo Remensi dici potest in l. de *prædestinatione*, aliisque Epistolis ac tractatibus, quibus nihil copiosius ab ullo ex antiquis scriptoribus ad illius conuellenda dogmata exaratum est. Quapropter inutile est quod tam seueros inquisitores in omnes actus totius vitæ Illustrissimi Archiepiscopi se exhibeant, cum non hic de moribus sed de doctrina agatur. Et valde absurdum est, ipsos qui tam se propensos esse iactant ad tuendum decus Pontificale, contra ordines Religiosorum, in hac causa, ut vnum monachum solemnibus duarum Synodorum amplissimarum Iudicijs conuictum ac damnatum innocentem esse probent, ac, si Deo placet, sanctorum albo adscribant, cum tot contumelijs Archiepiscopum exagitent.

Secundo quod Remigius Lugdunensis, quascumque verborum Phaleras in eius laudem, cui nihil volumus esse detractum, proferat Apologista, nihil aliud dicat, nisi quod infidelibus Liberum Arbitrium liberum est in operibus

mortuis, at sine redemptione Christi non est liberum in operibus viuis, & nullatenus valet asurgere ad æternum & beatificum bonum. Quod tantum significat Liberum Arbitrium non posse mereri vitam æternam sine gratia.

Tertiò quod Ioannes Hybernus & Ratramus Monachus Corbeiensis steterint à partibus Gotescalci. De primo illis credo. De secundo vero patet ex Flodoardo in *Historia Remensi* l. 3. c. 15.

Quarto quod Prudentius Tricassinus, Remigius Lugdunensis, nec non Florus diaconus nihil dicant aliud in sententijs productis ab Apologista, nisi Liberum Arbitrium nihil posse sine gratiâ. Et Concilium Tullense tantum asserit post peccatũ, factam esse massam perditionis ex quâ multi saluantur ineffabili Dei misericordia. Ex quibus antecedentibus minimè sequitur destructio gratiæ sufficientis. Vt frustra tempus teratur in his prolixius excutiendis. Sed & si qui illorum erroribus Gotescalci implicati fuerint, id maiori venia dignum videri potest quam sit hodie post Concilium Tridentinum, in quo mors Christi pro omnibus, directe contra Caluini mentem asserta est, vt status harum controuersiarum hodie sit alius, & cum maiori periculo in ijs erretur. Addimus etiam, plures qui sententiæ Gotescalci primo adhæserant, sententiam mutasse ac correxisse, post decretum Concilij Carisiacensis contra Gotescalcum authorem turbarum sui sæculi, quod decretum dedimus in nostra additione secunda ad Summam Conciliorum, quo damnatus fuit ad perpetuum

tarcerem, præter alias pœnas ei inflictas¹, ob quas pro Martyre habetur à quibusdam, quibus magis hodie probantur eius dogmata, pœnam perfidiæ & contumaciæ crudelem persecutionem arbitrantibus.

Synodorum vero conflictus in hoc sæculo ex mala intelligentia propositionum Gotescalci profluxisse iam diximus, ut cum idem senserint patres harum Synodorum, verbis tamen discrepauerint in diuerso sensu sibi inuicem contradicentes, præferendam tamen esse sententiam Synodi Moguntinæ sub Rabano Mauro Archiepiscopo, nec non Carisiacensis sub Hincmaro Archiepiscopo Remensi, quod in his Synodis comparuerit Gotescalcus, interrogatus, ac conuictus de errore fuerit, prius perspecta eius mente ex ore eius proprio: quod in alijs Synodis actum non est. Ac posteriori Synodo Carisiacensi Prudentius cum alijs contra Gotescalcum subscripserat, Licet postea subscriptioni suæ inconsultè derogauerit, dum ageretur de ordinatione Aenæ in Episcopum Parisiensem, ut illi exprobrat Hincmarus in l. *de Predest.* c. 21. Existimamus autem illum resipuisse, vnde & sancto obitu decessit, & tot honorum titulis cumulatur in Martyrologio Gallicano præstantissimi viri Andreæ Saulæi.

Restat controuersia de Lupo Abbate Ferreriensi, & Lupo Seruato. Presbytero Moguntino, ex quibus coniecturâ aliquâ licet leuâ coniecere possumus Lupum Ferreriensem Gotescalco fauisse, aduerto enim inter eius Epistolas in vigesima, eū nugari cū quodam Probo no-

mine sibi familiari, quasi Probus ille voluisset Ciceronem & Virgilium in collegium Electorum admittere, *ne frustra*, inquit, *Dominus Sanguinem fuderit & in Inferno otium trinerit*, si verum sit illud Propheticum *eros mors tua o mors* &c. Vbi cum Ludat istas opiniones quas Scoti quidam tuebantur de effuso Christi Sanguine pro infidelibus ante Christi Passionem defunctis, videtur innuere se non admittere Effusum Christi Sanguinem pro omnibus. Sed & extant quædam eiusdem Lupi Epistolæ ad Gotescalcum, ex quibus magna familiaritate cum illo deuinctum fuisse apparet.

Quod spectat ad Lupum Seruatum, valde probabilius est eum seruatum fuisse ab erroribus Gotescalci, si quidem referente Tritemio in *Cronico Hirsaugiensi* disputauit contra ipsum in Synodo Moguntina ac confutauit. Sed & cum librum illius de *tribus questionibus* typis editum approbassent antiqui professores facultatis Sacræ Duacenæ Coluenerius & Syluius, ac ea de causa male audirent apud aliquos quasi arma suppeditassent Iansenij defensoribus, Apologeticam scripserunt, Epistolam, in qua demonstrant illum authorem alienum esse ab opinionibus Iansenij, multaque in illo libro contineri dogmatibus Iansenij contraria. Sic inter cætera.

Hoc nos mouit ad faciendam quantum in nobis est, potestatem non librum nouum ex ingenio excudendi, sed antiquissimum orthodoxum à tenebris in lucem vindicandi, quo nemo abuti potest, nisi malignitate ferè pari

ac scriptura sacra. At inquiunt Seruatus agnoscit prædeterminationem ad pœnam : audiatur pag. 73. *Augustinus in multis libris & in eo quem fecit ultimum non dubitat dicere prædestinatos ad pœnam, non intelligens fatalem periturorum necessitatem* (quis non videat quantum abhorreat hic auctor à libertate necessitatē ad malū quam damnat Bulla, & iactant eius aduersarij) *sed immutabilem relictorum desertionem* : hoc est non præparat Deus omnibus auxilia efficacia , multos deserit cum sufficientibus. *Nemo opinetur* inquit Lupus pag. 68 *aut iustis aut reprobis prædestinationis veritate fatalem necessitatem induci, cum in utrisque suspicionem necessitatis libertas voluntatis excludat.* Nil magis orthodoxè dictum, auditum, scriptum , quam quod libertas voluntatis etiam suspicionem necessitatis excludat.

Aiunt Lupum asserere *Christum non pro omnibus mortuum* nec esse saluatorem omnium quæst. 3. certè catholicus non esset si diceret Christum saluare omnes , damnare neminem : damnaretur ipse Pontificia Bulla si affirmaret cuiuspiam non suppetere sufficientia per Christum auxilia ad abstinendum à peccato, & hominem etiam peccare damnabiliter in eo quod necessaria facit art. 64. hic error est à quo alienissimus est Seruatus qui pag. 63 cū Chrysostomo sapit *quod Deus pro omnibus gustauerit mortem non pro fidelibus tantum sed pro mundo vniuerso & ipse quidem pro omnibus mortuus est.* Quid autem si non omnes credunt ? ille quod suum erat implevit, id est auxilia gratiæ sufficientia cuique ne in peccatum labatur & ut à peccato resur-

gat promeritus est, vt sit omnium redemptor
 sufficienter, paucorum efficaciter, & verum sit
perditio tua ex te Israel tantummodo ex me auxi-
liū tuum. Imo vult Lupus tanti praiij merito etiam
damnatos mitius puniri pag. 62. Vtinam ex do-
 ctrina Seruati discant Pontificum Bullis aduer-
 santes Deum nullos æternis gehennæ crucia-
 tibus addicere, quibus non dederit ex Christi
 meritis aliqua auxilia sufficientia ad salutem vel
 saltem ad orandum vt impetrent vberiora: mul-
 to minus seipsum decipiat quisquam quasi de-
 stitutus auxilijs ad non peccandum sufficienti-
 bus, æternas sibi pœnas peccando non accumu-
 let. &c.

Ex quibus perspicuum est Lupum Serua-
 tum falso adscribi inter patres gratiæ, qualis à
 Iansenio fingitur, defensores. Tantumque ab-
 esse vt neget Christum mortuum pro omni-
 bus fuisse; vt etiam doceat quod supra insinuaui-
 mus, profuisse damnatis eius sanguinem vt mi-
 rius torquerentur. Quare mihi dubia videtur
 resolutio quæstionis quæ ex quibusdam dictis
 Patris Annati l. i. c. 8. in suo Augustino à Ba-
 ianis vindicato, moueri potest. Mordeantne Ba-
 iani dentibus Luporum, an potius mordeantur.
 Quam quæstionem alijs amplius relinquimus
 excutiendam.

ARTICVLVS XXIII.

*An sæculum decimum nullos habuerit gratiæ
sufficientis defensores, & de*

D. Anselmo.

OMittunt sæculum decimum, quod vocant
sæculum tenebrarum & ignorantie & quo-
uis authore illustri destitutum : atque adeo,
sæculum infœlix, & valdè obscurum : ita nimi-
rum Deo disponente, vt in præcedenti sæculo,
extincto Gotescalcho cum suis erroribus, nulla
amplius remanerent peruersæ illius doctrine ve-
stigia. Quare in hoc sæculo ferreo traditionem
suam interruptam esse agnoscunt in art 24. Vn-
de à nono ad vndecimum cito transuolant.

Non tamen ita facile ex hoc sæculo abibunt,
cum in eo Marcus Eremita de *Baptismo* nouam
eorum Theologiam in capite percutiat, vbi statû
Adami cum præsentis hominum statu compo-
nens, ait. *Et perinde ac ille pro arbitrio possu-
mus obtemperare ac non obtemperare.* Et Moses
Bar-cepha Episcopus Syrus parte 3. *Commen-
tarij de paradiso*, totus est in refellendo dogma-
te Ianseniano de naturali immortalitate homi-
nis, cõcluditque discrimen esse, non inter homi-
nes & homines, sed inter homines & Dæmo-
nes. Quod illi, non hi gratiâ donetur. *Nos enim,*
inquit *gratiâ suâ dignatur, non illos: nec dicendo*
nos intellexit solos prædestinatos. Hoc enim
perridiculum.

Sed Sinamus modo eos properare ad sæcu-
lum vndecimum, in quo

Obiiciunt D. Anselmum scripsisse in l. de Concordia gratiæ, & liberi arbitrii c. 13 Deum non omnibus dare gratiam Sed euidenter patet D. Anselmum loqui de Gratia iustificante, quæ datur voluntati rectitudo sua erga Deum, cui per illam gratiam saltem in habitu subdita & summissa est. Et mirum est id non aduertere in istis verbis quæ citant, cum loquitur de Gratia, quæ ipsos infantes & amentes saluat sine liberi arbitrii cooperatione. Afferunt alia eius verba quæ obscura sunt, & quæ magis Pelagianos ipsos, quibus à Pelagij ætate vix caruit Anglia, confutant, contra quos ipsi certamen est. Imo & tam parum cauti sunt, vt ea verba ex D. Anselmo afferant, quibus ipsimet confutantur, vt ex eodem libro cap. 17. *Notandum est quia impotentia quæ descendit ex culpâ, non excusat impotentem culpâ manente. Vnde in infantibus in quibus exigit Deus à naturâ humana iustitiam, quam accepit in primis parentibus cum potestate seruandi illam in omnem prolem suam, non excusat eam impotentia habendi iustitiam &c.* Quibus verbis confutatur, id quod asserunt de renatis omnibus, eos non excusari si gratiam non recipiant, quia ex peccato originali meruerunt illâ privari. Verum remissum est illis peccatum originale in baptismo, tantum autem ea impotentia quæ descendit ex culpa non excusat impotentem, si culpa maneat, at non manet: ergo excusarentur per impotentiam seruandi diuina præcepta, ex mente D. Anselmi: qui ideo subdit de hac impotentia *Similiter in non baptisatis imputatur ad peccatum, quoniam pariter descendit à peccato.*

Cæterum quo sensu dicat D. Anselmus aliquando hominem non posse quod iustum est exequi, ipsemet explicat in dialogo *de libero arbitrio* cap. 6. *Quapropter iam dubitare hanc impotentiam seruandi reëlitudinem non debes, quam dicis in nostra voluntate esse: cum temptationibus consentimus non esse ex impossibilitate, sed ex difficultate. Frequenti namque usu dicimus nos non posse aliquid, non quia nobis est impossibile, sed quia sine difficultate non possumus.* Legatur idem de concordia gratiæ & lib. arb. c. 20.

Adde D. Brunonem Theologum Parisiensem ac Ordinis Carthusiani Patrem, qui ordo non melius seruabitur quam si inuiolabilem seruet doctrinam tãti Doctoris, sicut & ipsius leges intemeratè custodit à pluribus sæculis. Sic ille in c. 9. Epist. ad Rom. Vbi ventilans exemplum de figulo luti, & eius potestate in vasa contumeliæ & honoris sic concludit. *Quid etiam dicetur de hoc si Deus quibus non debet ex misericordiâ dat gratiam, & illi acceptâ gratiâ abutuntur, nonne qui huiusmodi sunt merito reprobantur?* Numquid videtur satis apertè dicere reprobos gratiæ datæ non cooperatos fuisse, ideoque gratiam sufficientem habuisse? Legi idem potest in cap. 2 Epist. 1. ad Timoth. *Christus tamen, inquit, pretium dedit: quod sufficiens esset saluti omnium, si omnes boni esse vellent, & quia pro omnibus redemptionem dedit, omnes æque saluare voluit.* Quod idem alibi pluries.

ARTICVLVS. XXIV.

An Hildebertus Episcopus, & D. Bernardus Abbas conspirent pro Iansenio.

Obiiciunt pro vndecimo & duodecimo sæculo Hildebertum Cœnomanensem Episcopum, pro quo præmissa inutili ad præsentem controuersiam Apologia ad illius castitatem tuendam, cum aliquid eximium ab ipsis expectaremus, vim argumenti sui in quibusdam eius verbis ponunt, in quibus dixit, per Adamum libertatem ad malum conualuisse, ac proiectam à gratiâ, ad vitium viam patentem inuenisse, ac impositum esse nobis iugum, quod nisi à facie olei cõputrescere non potuit. Hæc ille Epist 54.

Atqui nos non dubitamus, amissâ gratiâ per Adamum nobis opus esse oleo misericordiæ Christi ad proiiciendum à nobis peccati Iugum: ad quid ergo tam debilia argumenta & inualida deducunt, nisi vt simplicibus falso ostendant, se habuisse propugnatores aliquos errorum suorum, cum verius impugnatores habuerint: nam præterquam illa Epistola 54. verba hæc non contineat, (quâ de re litem illis non intendo; quia forsan error est typographiæ, aut alio codice quo non vtor, vsi sunt,) certissimum est longè clarioribus verbis eundem Hildebertum Cœnomanensem Episcopum eorum damnare dogma, cum sic scribit Epistolâ 33. *Sic omnia ad virtutem prouidentur, & inter tot*

armamenta iustitiæ, non esse iustum, creaturæ defectus est, non incuria creatoris: vult enim bonos fieri homines quoniam vult omnes homines saluos fieri Deus, & ad excludendum periculosa excusationis refugium preparat gratiam suam cui innitantur, distribuit instrumenta quæ suffragentur, offert præmia quibus excitentur, intendit arcum suum quo pigritantes terreantur. Nihil est quod vacet, quod homini sit inutile, nisi homo ipse, cum enim tam diligenter homini procuret omnino Deus, spernitur tamen ab homine, tam diligens hominis procurator Deus. &c. Hæc ne verba sunt Ianseniana? Quicquam ne scribi potest Iansenianis placitis è diametro magis oppositum? quis ergo non iudicet nomen Hildeberti delendū esse ex Apologia Baianorum? quis hæc paululū trāquillā ac sedata mente perpendat, & non credat illico Hildebertum Cænomanensem Episcopum ab errorum prauitate, quibus hodie pax Christiana labefactatur, longè esse alienum?

Sed ut sint ab illo Episcopo deiecti, statim ad Abbatem Claræuallensem D. Bernardum confugiūt, quod scripserit quædam de Christo. Sed cur tacēt in hoc sæculo Sigebertū qui recenset inter hæreticos, primos suorum errorum inuentores, qui Prædestiniani dicti sunt? cur Gosfridum Abbatem Vindocinensem, cuius est hæc Psalmodia Opusculo 17.

*Et miseras & miseros
Vocat Deus misericors,
Omnes ad pœnitentiam,
Et pollicetur veniam.
Contemptor pœnitentiæ,*

*Articuli Disputati,
Solutus est expers veniæ
Factor misericordiæ,
Christe nostri miserere.*

Videant primos eius sermones de Natiuitate Domini & alia opera, in quibus eorum opinion-
nes arguuntur.

Obiiciunt D. Bernardum serm. 73. in Cant.
dicentem. *Verum ibi secundum dispensationem
gratia qua in presenti vita alijs datur, alijs non da-
tur, iusto quidem Dei iudicio sed occulto, salire &
transilire is hinnulus dictus est.*

Responderetur D. Bernardum loqui de Gra-
tia sensibilis deuotionis quâ substractâ aut non
concessâ, anima dicitur arida & si non desinat ef-
fe in gratia sanctificante. Sic serm. 14. in eadem
Cantica, vbi idem hinnulus dicitur transire &
salire, quod nolit ad omnes pertingere, sermo est
de Gratia visitationis spiritualis, quæ quidem gra-
tia peculiaris est quibusdam, vt & serm. 81. vbi
ait hominem iugo cuiusdam seruitutis premi post
peccatum: additque *Nunc vero nusquam exitus
misero patet quem & voluntas vt dixi inexcusabi-
lem, & incorrigibilem necessitas facit.* Non alio
sensu hæc à D. Bernardo dicuntur, quam quod
valde homini difficile est concupiscentiis resi-
stere, vt necessitas illa difficultas sola sit, sicut
supra ex D. Anselmo dictum: nam in eodem ser-
mone luculenter satis se explicat D. Bernardus,
vt non alio præceptore schola Sorbonica, quam
in contemptu vocant illi Mollinisticam & Semi-
pelagianam, opus habeat quâ ipsomet mellifluo
Doctore: sic enim ibidem loquitur & vt merito
laudatur non is tantum qui potuit facere mala &

non fecit, sed & qui potuit non facere bona & fecit: ita malo non caret meritorum is qui potuit non facere mala & fecit, quam qui potuit & facere bona & non fecit. Vbi autem non est libertas nec meritum. Hæc verba perspicua sunt, quid ista transfiliunt isti hinnuli? nisi quod euidentiora sunt, quam ut sub eorum obscuritate aut æquiocatione, dogmata sua valeant obtegere?

Sed ut è diuerticulo ad gratiam sufficientem redeamus, attendant ad ea quæ idem D. Bernardus habet in serm. de Epiphania. *Parvulus enim datus est nobis, &c. O dulcissima reconciliatio, o reconciliatio suavisissima, O verè reconciliatio facilis sed perutilis. Satisfactio parva sed non parvipendenda? etenim quam facilis modo, tam difficilis postea: & sicut modo nemo est qui reconciliari non possit: ita post paululum, nemo qui possit: quoniam sicut benignitas apparuit ultra omnem spem, ultra omnem estimationem: similem expectare possumus iudicij distractionem. Videant Prædestiniani, si hæc ad solos electos aptari queant.* sed & idem D. Bernardus serm. 23. in Cantica sic scribit, &c. *Quam excusationem habet, qui in odorem unguentorum non currit, nisi fortè ad quem odor minime pervenit, sed enim in omnem terram exiit odor vitæ, quoniam misericordia Domini plena est terra, &c. Ergo qui vitalem hanc sparsam ubique fragrantiam non sentit, & ob hoc non currit, aut mortuus est, aut putidus.* Idem serm. 5. de Quadragesima: *In nobis est se vinci nolumus & nemo vestrum in hoc certamine vincitur inuitus, sub te homo appetitus tuus est, & tu dominaberis illius: potest inimicus excitare tota-*

tionis motum, sed in te est si volueris dare vel negare consensum. Idem serm. de Conuers. ad clericos cap. 2. *Neque sane laborandum est ut ad vocis huius perueniatur auditum, &c.* quæ nimis prolixum foret transcribere, cum alibi habeatur sylua locorum huiusmodi ex D. Bernardo collectorum.

ARTICVLVS XXV.

An Ricardus à sancto Victore & Magister sententiarum stent à partibus Baianorum.

Obiiciunt Ricardum de sancto Victore assertentem lib. de statu interiori hominis cap. 2. hominem integram gratiam recuperare non posse, nec *primam possibilitatem quam habebat ante peccatum, quia secundum Salomonem, non est iustus in terra qui non peccet.*

Respondetur hæc verba æquè militare contra gratiam efficacem ac sufficientem: sed contra neutram militare verius est: dicit enim Ricardus hominem in statu innocentiae potuisse vitare omne illicitum etiam veniale, modo non posse. Quid hoc contra gratiam sufficientem, quàm ad omne veniale vitandum sufficere non admittimus? Addunt eundem asserere gratiam posse omni hora subtrahi: *quia numquam potest homo sine culpa inueniri*, cap. 22. & illam non semper presentem esse cap. 31. sed ista non destruunt gratiam sufficientem, quam tantum ho-

mini non deesse putamus, cum vel vrgetur graui tentatione, vel premitur obligatione necessarium aliquod præceptum obseruandi, à quibus plura vitæ humanæ momenta libera sunt. Quod addunt ibidem de quatuor sterilitatibus, dicerem f. ciliùs, quo sensu dictū sit à Ricardo, nisi ante duodecim annos, satis à me dictum esset in tract. de gratiâ.

Quod autem Ricardus gratiam sufficientem admiserit, patet ex eius sermone de Spiritu sancto! Nihil itaque, inquit, aliud dicimus vnum quemlibet gratiæ plenitudinem accipere, quam secundum præsentis vitæ statum & vniuscuiusque capacitatem gratiam sufficientem habere; & paucis interiectis: ante peccatum si quidem homo sufficientem gratiam habuit, & ad omne malum cauendum, & ad omne debitum soluendum, alioquin non potuit vitare peccatum. Hanc autem gratiæ plenitudinem, in hac vita sicut nemo habet, sic absque dubio nec habere valet, cui enim hominum vniquam datum est, vel omne debitum impleſſe, vel omne illicitum vitasse, hoc de illo solo rectè creditur de quo veraciter scribitur: qui peccatum non fecit nec inuentus est dolus in ore eius. (1. Petri 2.) ex quibus intelligere debemus, in præsentī statu differre gratiā sufficientem à Gratia Sufficiente status innocentiae, quod hæc erat, etiam sufficiens ad vitanda omnia etiā venialia, sed ista tantū ad mortalia: quapropter idem Ricardus tract. de Spiritu blasphemie, absurdum putat aliquem iocarere remedio ad vitanda mortalia, Alij, inquit, qui peccatum in Spiritum Sanctum dicunt irremediabile malum, hæc ratione id fieri affirmant, quid

sicut statim obdurantur, ut deinceps pœnitere non valeant, sed iuxta hoc, eo ipso omni remedio carent quod pœnitere non valent. Tantum ergo abest quod Ricardus Gratiam Sufficientem inficiatus sit, ut nemo ex antiquis expressius illam asserat, ad illa omnia quæ Deus distriçtè ab homine vult exigere, ut idem locuples author loquitur serm. *de Spiritu sancto*. Vnde & idem Ricardus ad caput 3. Apocalypsis scribit in hunc modum: *Ego sto ad ostium & pulsò, noli diffidere quia paratus sum per misericordiam ad te intrare ut simus ambo sicut esse debemus in vna dilectione, quod enim indifferenter promitto, non denego.*

Porro Alredum Cisterciensis ordinis Abbatem non moror quem in duodecimo sæculo Ricardus Victorino subiungunt, quod dicat in speculo charitatis c. 15. Deum ex damnata radice quosdam ramos discreuisse sola sua misericordia. *Deus ergo miseretur cui voluerit & quem vult indurat iustissimè deferendo, & quem vult emollit pijsimè miserando.* Hæc quippe verba verum habent sensum considerando progressum totalem salutis humanæ, cuius exordium est in prima gratia præueniente, quæ opus est solius misericordiæ & bonæ voluntatis diuinæ. Ideo Deus ex misericordia discreuit prædestinatos à massa perditionis, in quâ, ex iustitiâ reprobos dimittit propter eorum peccata. Hæc autem non indicant eos caruisse gratia sufficienti, sed tantum reprimunt eorum audaciam qui Dei gratiam, humanorum operum solius Liberi Arbitrij meritis, deberi contendunt, ut Gentiles & Iudæi quos suo tempore redarguit D. Paulus,

lus, & Pelagiani quorum in Anglia potissimum reliquæ superfuerunt, vt ex qua oriundus esset Pelagius, Angliæ coluber propterea dictus, quos arguit Alredus, quasi diceret, non opera humana Deum inducunt ad impertiendam gratiam suam sanctificantem qua corda emolliuntur & Deo subiiciuntur, quasi gratiæ suæ debitor sit ob humana merita, tantum iuris non obtinent in eum, quin imo illam gratiam dat ex mera liberalitate & misericordia per quam præuenit primum hominum voluntates, sicut ex iustitia ob peccata eam denegat alijs, quo fit vt indurati remaneant & non sint subditi eius voluntati

At omittimus responsionem Augustinianam Alredi ad obiectionem Pelagianam Scolæ Molinisticæ, qua contendit culpam non imputandam fore si deesset gratia ad illam vitandam, *Curenim*, inquit Alredus c. 13. *non iustissime ipsa impotentia ei imputetur, quam non ei creator imposuit, sed cui ipse se sponte submitit.* Sed his verbis tantum intēdit Alredus impotentiam habēdi gratiam & charitatem non excusare à peccato Originali contrahendo propter voluntariam Adami præuaricationem. Nec alio sensu loquitur quam D. Anselmus quem art. 23. se suis verbis explicantem produximus. Vt non necesse sit ea de nouo retexere. Cæterum quam absurdum sit velle inducere necessitatem ad peccatum ex Adami offensâ nobis omnibus insitam, vt facultatem non peccandi tum subitum suis posteris perdiderit, ex eo patere potest, quod per hanc doctrinam tolleretur humilitas

omnis & confusio pœnitentium, dum post quælibet peccata dicerent, omnes se ex necessitate peccasse. Vnde ergo pœniterent de peccato? an quod Adamus Lapsus sit & facultatem non peccandi pro pomo commutauerit? Sed de alieno peccato non agitur pœnitentia. An quod nati sint ex Adamo? Sed ortus ex his illisue parentibus non est in cuiusquam optione. Vnde ergo ad humilitatem excitabuntur peccatores? Nam peccatum originale non est materia necessaria pœnitentiæ, quamuis illius maculam in tantum exaggerent, quasi solum sit propriè peccatum, & cætera excusatione digna reddant, quia necessitate sunt perpetrata. Quod doctè aduertit Annatus in Augustino à Baianis vindicato l. 2. c. 4. §. 7.

Obiiciunt pro duodecimo sæculo Lombardum sententiarum ac scholæ Parisiensis magistrum, quem addunt potius sectandum esse quam phantasias Iesuitæ Hispani. Dicit autem Magister lib. 1. dist. 40. post. D. August. in epist. ad Sixtum: *nec obdurat Deus impertiendo malitiam, sed non impartiendo gratiam, &c.* inde conficiunt gratiam non dari omnibus.

Respondetur Magistrum sententiarum omni honore prosequendum esse; cæterum malè inferri ex his verbis non admisisse gratiam sufficientem, quia illa gratiæ subtractio aut non appositio intelligitur tantum de specialioribus gratiæ auxilijs, non de sufficientibus, sicut iam dictum post D. Damascenum lib. 2. *fidei Orthod.* cap. 29. qui Magistro præluxit doctrina & exemplo, ut totidem libris sententiarum quos ille fi-

dei Theologiam ordine, & methodo explanaret, non multum discrepanti: vnde vt D. Damascenus, si bene expendatur mens illius quæ ex versionum varietate tantisper obducitur caligine, Deum sollicitè procurare ea quæ sunt ad salutem obduratorum vique ad vltimum eorum exitium quod est damnatio edocet, sic principis sententiarum doctrina ad eundem scopum tendit: quod enim omnimoda gratia non denegatur quibullibet obduratis etiam reprobis in sententiâ Magistri, euidenter patet ex lib. eiusdem secundo dist. 43. vbi tractans de peccato ad mortem de quo ait D. Ioannes, *Non pro eo dico vt quis orèt, sic accipiendum videtur, inquit, vt pro aliquo peccante ad mortem vel in Spiritum sanctum postquam finierit hanc vitam non oremus, &c.* Vnde Augustinus serm. II. de Verbis Domini. *De nullo enim desperandum est quamdiu ad poenitentiam patientia Dei adducit, Paganus est hodie, Iudeus, infidelis, quid si cras amplectatur fidem catholicam, &c. ex his ostenditur, infert Magister, pro singulis peccatoribus esse orandum in hac vita, nec de aliquo esse diffidendum: quia conuerti potest dum in hac vita est.* Ecce Magister dicit vnumquemque conuerti posse in hac vitâ, nullum excipit, de nullo vult desperandum; ergo vel potest per naturam vel per gratiam: primum est Pelagianum & contra mentem illius: ergo per gratiam potest: ergo datur vel offertur vnicuique nullo excepto: nam desperandum esset de salute infinitarum animarum, nec possunt hic recurrere ad ignorantiam qua noscimus discernere reprobos ab alijs, nam

Magister non adducit inscientiam illam anquam rationem . propter quam non sit desperandum sed potestatem quæ est in vnoquoque peccatore, quâ conuerti potest dum in hac vita est, quæ potestas vera non esset, si deficeret in illis gratia sufficiens quâ sublatâ conuersio ad meliorem vitam illis est impossibilis.

Nec prodest quorundam solutio qui dicunt ad similia argumenta, vnumquemque conuerti posse, si Deus dederit Gratiam : nam propositio magistri est absoluta. Cum autem additur conditio hæc, si Deus dederit gratiam, fit propositio hypotetica & diuersa à propositione magistri, qui asserit absolute vnumquemque conuerti posse in hac vitâ, vt nullus supersit locus desperationi in eius opinione, sicut superest plurimum in aliorum sententiâ. Adde quod & eodem modo dici posset de damnatis quod possent conuerti, si nempe Deus illis daret gratiam : quod pœnitus repugnat verbis & menti illius.

ARTICVLVS XXVI.

An D. Thomas recensendus sit inter aduersarios Gratia sufficientis.

ID sibi persuaferunt Baiani propter quosdam textus perperam intellectos, quibus confodi ac perimi hanc gratiam contendunt. Quos eò diligentius discutere opus est, quod magnum causæ suæ momentum in eo ponant, si ad partes suas hunc Doctorem trahere possint, quem omnes merum sal sapientiæ ac pleniore haustu

scientiæ rerum diuinarum compotem esse arbitrantur.

In primis incudi reddunt textum ex commentariis in Epist. D. Pauli ad Hebræos 12. Lect. 3. vbi sic habet Doctor Angelicus. *Respondeo dicendum quod hoc ipsum quod non ponit obstaculum ex gratiâ procedit, quod ergo à quibusdam remouetur istud obstaculum, hoc est ex misericordiâ Dei: quod autem non remouetur hoc est ex iustitia eius.*

In quo textu omittunt Apologistæ plura verba, quæ eorum sententiæ aduersantur, quod nemo resistat gratiæ interiori. Sic enim habet D. Thomas. *Respondeo dicendum quod hoc ipsum, quod aliquis non ponit obstaculum, ex gratiâ procedit. Vnde si quis ponat, et tamen moueatur cor eius ad remouendum illud, hoc est ex dono gratiæ Dei vocantis per misericordiam suam &c. Hoc autem donum gratiæ non est gratum faciens.* Vbi D. Thomas docet etiam illos ponere obstaculum gratiæ Dei, iustificanti scilicet, qui ex dono gratiæ præuenientis vocantur, id est, qui habent gratiam sufficientem. Cum igitur subiungit. *Quod ergo à quibusdam remouetur illud obstaculum* (quo scilicet impeditur receptio gratiæ sanctificantis) *hoc est ex misericordiâ Dei* (propter gratiam præuenientem misericorditer impensam) *quod vero non remouetur, hoc est ex iustitia eius.* Quia scilicet iustum vt Deus permittat Libero Arbitrio gratiæ præueniente facere quod velit se disponendo vel non disponendo ad gratiam sanctificantem. Hic est intellectus D. Thomæ, ex quo nullo

modo infertur gratiam sufficientem non dari omnibus, quin imo contrariam ostendunt verba hæc immediate subsequenter. *Non autem dicit ne tu desis (supple gratiæ Dei) sed ne quis id est, quicumque, quia quilibet debet esse sollicitus de proximo.*

Probatum secundo D. Thomam gratiam sufficientem non agnouisse, quia 1. 2. q. 106. art. 3. ait. *Lex noua est lex gratiæ, & ideo primo oportuit quod homo relinqueretur sibi in statu veteris legis, vt in peccatum cadendo suam infirmitatem cognoscens, recognosceret se gratiâ indigere & hanc rationem assignat Apostolus ad Rom. 5. dicens, lex sub intravit vt abundaret delictum, vbi autem abundauit delictum, superabundauit & gratia.* Inde inferunt homines in veteri lege sibi ipsis relictos caruisse gratia: ergo gratiam non esse communem omnibus.

Sed malè, id inferunt, nec Apostolicum dictum apostolicè intelligunt: non enim defuit Dei gratia in veteri lege, sed non fuit tam abundans ac copiosa, sicut in noua lege, postquam pretium humanæ redemptionis pretioso Christi sanguine solutum est, ideo Apostolus dicit in noua lege non quidem simpliciter gratiam exhibitam fuisse, sed ait superabundasse; vt ex hoc agnoscamus differentiam nouæ & veteris legis fuisse maiorem & minorem gratiam, abundantiorē & parciorem: sicque D. Thomas in corpore articuli eo sensu loquitur. *Lex noua, inquit, sicut dictum est principaliter est gratia Spiritus Sancti, quæ abundanter dari non debuit antequam impedimentū peccati ab homine tolleretur, &c.*

Probant iterum Apologistæ ex eodem articulo in respons. ad 1. vbi respondens ad id quod sibi obiecerat legem nouam debuisse dari à principio mundi vt homini subueniretur, respondet, sic ad 1. ergo dicendum quod humanum genus propter peccatum primi parentis meruit priuari auxilio gratiæ, & ideo quibuscumque non datur hoc est ex iustitia, quibuscumque autem datur hoc est ex gratia, vt Augustinus dicit libro de perfectione iustitiæ, vnde non est acceptio personarum apud Deum, ex hoc quod non omnibus à principio mundi legem gratiæ proposuit, quæ erat debito ordine proponenda,

Respondetur D. Thomam per auxilium gratiæ intellexisse ipsam legem nouam quæ auxilium gratiæ abundantius suppeditat, nec enim aliter textus D. Thomæ apte cõstrui poterit. Hæc autem lex non omnibus data est, nec mirum videatur hoc nomine insignitam legem nouam, cum & legem naturæ simili nomine afficiat Laurentius Iustinianus Sanctissimus ac Doctissimus Patriarcha Venetus in l. de obedientia cap. 3. vbi postquam dixisset, neminem gratiæ suæ Deum exortem reddere, nullum spernere, subiungit paucis interiectis. Porro pro adiutorio salutis diuina clementia in eorum cordibus ab ipso sue creationis initio legem naturæ instituit fidei fundamento subnixam, &c. Lex nimirum est auxilium ad gratiam & adiutorium ad salutem: sic Dionysius Carthusianus in cap. 1. Ioan. 7. vocat nomine gratiæ tam legem veterem quam nouam, Veraque autem lex, inquit, gratia appellatur quoniam gratis & misericorditer data.

ria: & saltem originalis peccati.

Respondetur non sequi inde gratiam sufficientem non dari, quia priusquam detur auxilium proximum gratiæ ad credendum & ad habendam charitatem, dantur ordinariè aliquæ aliæ gratiæ præuenientes ad vitandum aliquod peccatum & faciendum aliquod bonum morale saltem ex obiecto: quibus si renitatur homo, punitur sapè per priuationē auxilii immediati ad habendam fidem: ideoque suâ culpâ non potest habere fidem carens illo auxilio. Habuit tamen gratiam aliam interiorem, quâ si bene usus fuisset, etiam illud auxilium habuisset, in illâ autem primâ gratia interiori consistit gratia sufficiens.

Quod vero hæc sit mens S. Doctoris, aperuit in summâ *contra Gentiles* lib. 3. cap. 159. iuncto commentario Ferreriensis. Sic ibi sanctus Doctor, *Et cum hoc inquit, sit in potestate Liberi Arbitrij impedire gratiæ diuinæ receptionem vel non impedire: non immerito in culpam imputatur ei qui impedimentum præstat gratiæ receptioni, Deus enim quantum in se est, paratus est omnibus gratiam dare, vult enim omnes homines saluos fieri, & ad agnitionem veritatis venire ut dicitur. ad Timot. 2. sed illi soli gratia priuantur, qui in seipsis gratiæ impedimentum præstant: sicut sole mundum illuminante, in culpam imputatur ei qui oculos claudit, si ex hoc malum aliquod sequatur: licet viacere non possit nisi lumine solis præueniatur.* Super quæ verba commentatur sic Ferreriensis, præmissa prius distinctione duplicis auxilij: vnius non communis omnibus quod

est habitualis gratia : alterius communis omnibus , quod est diuina motio interior quæ omnibus datur. Dicitur ergo Deus paratus esse quantum in se est, omnibus gratiam habituales dare, quia eam omnibus se ad eam præparantibus vult dare , *nullique deest auxilium suum ipsum quandoque mouens & instigans vt se ad gratiam præparet.* &c. Quod si auxilium illud sine quo non potest homo aliquod bonum agere non esset omnibus commune, sed alicui deesset , fortassis aliquam haberet apparentiam, si is qui dicto auxilio caret, gratiam non acquireret &c.

Et quamuis capite sequenti D. Thomas dicat, non esse in potestate eius nullum impedimentum gratiæ præstare, qui per inordinationem præcedentem declinauerit ad culpā, propter quam priuabitur auxilio ad resurgendum à peccato. Per hoc tantum intēdit D. Thomas, quod etsi omnibus detur auxilium quo sciliberè præparare possint ad gratiam habituales, prima vice recipiendam, quod auxilium est gratia sufficiens communis omnibus, non tamen dari semper omnibus qui propria culpa è gratia habituali exciderunt, vt iterum eandem recipiant. Quod his verbis dicit c. 16. *& sicut non omnes cæcos illuminat, nec omnes languidos sanat, vt in illis quos curat opus virtutis eius appareat, & in alijs ordo nature seruetur : ita non omnes qui gratiam impediunt, auxilio suo præuenit vt auertantur à malo & conuertantur ad bonum : sed aliqui in quibus vult misericordiam suam apparere, ita quod in alijs iustitie ordo manifestetur.*

Vbi ex tenore & contextu totius disputationis apparet D. Thomam per eos qui gratiam impediunt, eos intelligere qui præuenti primis gratiæ interioris auxilijs non se præparauerunt ad gratiæ habitualis receptionem, vel ab ea recepta per culpam propriam exciderunt. Quorum quidem aliquos non amplius præueniri auxilio gratiæ ad hoc vt resurgerent à statu peccati, forsitan eius mens erat cum summæ contra gentiles infudaret. Quamuis istud castigauerit postea cum in fine vitæ scriberet tertiam partem Summæ Theologicæ; non primo absolutè asserit infideles omnes posse conuerti & fieri membra Christi, qui est caput omnium hominum. Sic enim q. 6. art. 3. *in respons.* ad 1. dicendum quod illi qui sunt infideles etsi actu non sint de Ecclesia, sunt tamen de Ecclesia in potentia. Quæ quidem potentia in duobus fundatur *primo quidem & principaliter in virtute Christi, quæ est sufficiens ad salutem totius humani generis: secundò in arbitrij libertate.* Porro virtus illa Christi sufficiens ad omnium salutem de qua sermo D. Thomæ, est ipsa gratia sufficiens, quam influit in omnes durante hac vita, postquam cessante eius influxu, desinunt infideles esse membra Christi. Sed adhuc expressius in eadem tertia parte q. 86. art. 1. *dicere*, inquit, *quod aliquod peccatum sit in hac vita de quo quis pænitere non possit, est erroneum. Primo quidem quia per hoc tolleretur libertas arbitrij. Secundo quia per hoc derogaretur virtuti gratiæ per quam moueri potest cor cuiuscunque peccatoris ad pænendum.* Itaque cum D. Thomas tantum admit-

teret gratiam sufficientem communem omnibus ante lapsum in peccatum mortale, cum disputaret contra gentiles, eandemmet etiam post culpam admisit communem omnibus scribens Summam Theologiæ. Neque hoc infrequens in magnis authoribus ut aliqua obscurius dicta in prioribus libris, in posterioribus & ultimis castigant. Nam & D. Thomam variasse in hac materia, ingenuè fatetur Ferrariensis ad c. 160. l. 3. *contra gentiles*. Aduertendum autem inquit quod Sanctus Thomas in *secunda sent.* dist. 28. impugnât opinionem dicentem existentem in peccato mortali non posse vitare omnia peccata, licet singula vitare possit: sed ut apparet, illam suam opinionem retractauit non solum hoc loco, sed etiam primâ secundæ qu. 109. & de *veritate* qu. 24. Quæ cum ita sint, non possumus certius vltimum doctoris Angelici Iudicium inuestigare, quam ex tertia parte summæ, quæ extrema illius elucubratio est, ac veluti testamentum doctrinæ quam post se reliquit, in quo & ante iustificationem adeptam & post ipsam deperditam gratiæ sufficientis auxilia semper admittit. Vnde & Thomistæ omnes gratiæ sufficientis defensores sunt, licet peculiarem viam sequantur in explicatione gratiæ efficacis. De qua nunc non est nobis dissertatio;

ARTICVLVS XXVII.

Quid censendum de Aegydio Romano, Hernao Britone, Petro de Alliaco & Dionysio Carthusiano.

ETSI Baianorum Coriphæus Scholasticos Theologos lib. i. *Proœmiali*, contumeliosè dilaceret, & sæpissimè eos in toto opere proterat, vt Augustinus solus instar omnium, loco omnium & supra omnes habeatur nec ququam vetustate Scholasticarum opinionum terreatur, quantumcumque sit numerus authorum qui patrocinantur, & locorum quibus disseminatæ sunt, & sæculorum quibus confirmatæ sunt, quasi neglectis scripturarum & traditionis oraculis, res diuinas philosophicis coniecturis explicare conati, omnem verbi diuini sinceritatem corruperint, ac venenatâ mixturâ Pelagianam doctrinam pro catholica populo propinarint, ipse tamen & eius sequaces, ex iis ipsis quascumque possunt auxiliares sibi copias aduocant, si quid in ipsis nanciscantur, quod tantillum eorum dogmatibus fauere videatur vel specie tenus, continuo magnis effertur laudibus, eosque aculeata argumentorum suorum cuspide armatos producunt vt quaqua via opiniones suas tueantur. Hinc est quod ex Scholasticis Theologis D. Thoma posterioribus, quatuor potissimum selegerunt maximè il-

lustres, quos flagrantius contra Gratiā Suffi-
cientem vibrare fulmina opinantur.

Ac primo obiiciunt *Ægidium Romanum Do-*
ctorem Parisiensem ac Ecclesiæ Romanæ Car-
dinalem, ex nobili Colomnarum Familiâ, Ord-
inis Eremitarum Priorem Generalem Archiepis-
copum Bituricensē, & Aquitanix Primatem,
dissidentium a D. Thomæ placitis aduersarium,
& quo post D. Augustinum neque plura quis-
quam in diuinis, aut accuratius scripsit, quod
in 1. dist. 41. art. 1. asserat non habere rationem
sed admirationem quare Dēus hunc saluat. Hunc
damnāt, quia cum non teneatur dare sua dona
dat cui voluerit ex libertate.

Ita dixerit *Ægidius Romanus* sed & illud
intellexit *Ægidius* de toto processu saluationis,
cuius initium est prima gratia præueniens, in
adultis, in paruulis baptismus. Huius autem pro-
cessus nulla est causā præter voluntatem Dei
vt benè explicat Durandus in 1. dist. 42. qu. 3 &
alij plerique scolastici. Cæterum videant in alijs
Locis Doctorem illum qui plures libros edidit.
Videbunt illum non abhorre à gratia suffi-
cienti. In quodlibetis enim quæ prodierunt ab
aliquot annis quod l. 3. qu. 2. quodl. 2. pagina
144. quærit vtrum nutritus in aliqua lege fal-
sa possit venire in cognitionem quod lex illa
falsa sit: cui quæstioni respondet id fieri posse
triplici medio, scilicet naturali ratione, per mi-
racula, & per diuinā gratiam. Sic autem ex-
plicat tertium illud medium. His autem præ-
libatis volumus tradere viam tertiam, qua pa-
reat quomodo possit talis falsitas deprehendi;

omnino enim piè debemus credere, quod aliquis nutritus in falsa lege, si det se bonis operibus, vt Eleemosynis faciendis, & alijs operibus pijs, & faciat quod in se est & deprecetur Deum vt sibi ostendat salutis viam, & si lex bona sit quam habet, dimittatur in ea: si mala est eruatur ab ea, *vt Deus reuellet ei quid agendum sit. Exemplum habemus de Cornelio act. 10. &c.* nullus doctorum hoc asserit de infidelibus; de quibus potissima est difficultas an gratiam sufficientem habeant, quin illam gratiam admittant, cum qua & per quam facientes quod in se est gradatim ad iustificationem accedant, nec enim pia illa opera fieri posse sine gratia admitterunt cum non sint Pelagiani nec ex toto nec ex parte. Scribit enim idem Doctor quodlib. 2. qu. 2. pag. 121. explicans quid sit facere quod in nobis est. *Nostrum est enim secundum Damascenum sequi Deum vocantem ad virtutem, vel diabolum vocantem ad malitiam. Vnde l. 2 c. 3. dicit ipse est enim omnis boni principium & causa & sine eius cooperatione & auxilio impossibile est bonum velle vel facere. In nobis autem est: vel permanere in virtute & sequi Deum ad hanc vocantem. &c.* Et si vero infideles aliqua bona moralia absque auxilio gratiæ operari non repugnet, quanto æquius estimare Deum gratiam supernaturalem tunc ijs non denegaturum vt se preparent ad iustificationem, si eandem gratiam ijs etiam concedat qui omni peccatorum spurcitie se coinquinant, ac maxime Deo rebelles sunt:

Obijciunt Herueum Britonem ex Fratre

Laico ordinis Dominicani Doctorem Parisiensem inter insignes clarum & nominatum, ac totius ordinis sui magistrum quod scripserit in 3. sent. dist. 40. q. 1. Prædestinationem esse præordinationem intellectus diuini de conferendo quibusdam id, vel media quibus vel per quod infallibiliter vitam æternā cōsequetur. Dicunt etiā (inquit, idem Herueus) quidam moderni quod bonus vsus Liberi Arbitrij informatus gratia est causa quare Deus conferet electis totum effectum Prædestinationis. Sed istud non potest stare, quia illud quod includitur in effectu Prædestinationis non potest esse causa totius effectus Prædestinationis. &c. Hæc Magister Herueus Generalis ordinis sui. Ex quibus sequi putant non dari gratiam sufficientem; quia per huius Theologiæ dogmata, ostendit vsum bonum Liberi Arbitrij non esse causam prædestinationis sicut imaginantur Molinæ Scolastici.

Sed quis nisi cæcus non videat Herueum loqui de prædestinatione completa & integra prout est ad gratiam omnem & ad gloriam simul & coniunctim non diuissim. Sic autem accepta prædestinatio non habet causam vsum bonū pergratiæ Liberū Arbitriū, sed tātum prout est ad gloriam solum, idque in adultis ac ratione vtentibus. Cæterum dum illi immorantur in primo libro sententiarum ad secundum librum properabimus dist. 6. q. vnica; vbi clariùs se explicat Magister Herueus. *Non enim inquit est imaginandum, quod Deus homines & Angelos ita crearet ad beatitudinem, quod infallibiliter velit omnes attingere ad eam; sed voluntate*

luntate antecedente vult omnes ordinare ad beatitudinem conferendo eis vnde possint tendere ad beatitudinem. Sed voluntate consequente considerato toto euentu & omnibus actibus eorum: vult vni beatitudinem & alteri damnationem, vnde eius intentio nunquam frustratur. In istis verbis asserimus Gratiā Sufficientem asseri, & qui aliter sentiunt non satis assequuntur distinctionem voluntatis antecedētis & consequentis; de qua nos primā parte Theologiæ Affectiux, tract. 1. Medit. 21. puncto 1. editionis 3. & 4. post eundem Heruēum & Scotum in report. lib. 1. dist. 46. nec non Michaelē Palatium inter Theologos Hispanos doctissimum, æque ac disertissimum in 1. dist. 45. disput. vnica sed & videant vltima verba eiusdem Heruei in libros sententiarum dist. 14. qu. 2. si autem, inquit, quæstio quærat secundo modo, vtrum, si pœnitentia interrumpatur possit iterari, dicendum quod sic, quia si non posset esse, hoc esset, vel quia homo non posset habere displicentiam de peccato suo, quod non potest esse, quia durante vita liberum arbitrium non se habet immobiliter in bono vel in malo, & ideo potest sibi displicere malum vel peccatum: vel quia Deus nollit ipsum recipere ad misericordiam, quod similiter non potest esse, quia hoc est contra misericordiam Dei: quia Deus quantum est de se semper est paratus ad misericordiam, dum tamen homo faciat quod in se est. Quotiescumque similia verba in Doctoribus lego, videor mihi videre ipsam gratiam sufficientem, quæ ad vltimum instans vitæ homini ratione vtenti non deest: hanc autem illi

non adspiciunt quia summopere abhorrent, & auertunt cum voluntate oculos ne videant veritatem.

Obiiciunt Cardinalem de Alliaco in 1. sent. dist. 40. & 41. vbi asserit, nullum prædestinari propter bona in ipso præuisa; itemque Deum aliqua dona gratiæ specialis dare vni, quæ non dat alteri. Item illum cui Deus non vult gratiam conferre & cuius non vult misereri à peccato non resurgere. In quibus tria simul iungunt argumenta ex isto Doctore petita.

Ad quæ facile responderetur, Petrum Cameraensem Episcopum loqui de de Prædestinatione ad gratiã & gloriam simul, sicut ex stylo scholæ loqui solebant Doctores: hæc autem Prædestinatio præcedit omnia merita. Quod vero dicit alicui dare gratiæ specialis dona, non alteri, hoc ipsum etiam dicimus sicut, hoc ipsemet eodem loco interpretatur de fide, & aliis donis infusis, quæ solet distinguere ab adiutorio supernaturali actuali, vt patet in dist. 191. Porro secundum dona illa magis specialia non miseretur horum qui à peccato non resurgunt, id est vt ipsemet se explicat, misericorditer vitam æternam non largitur. Licet in alio sensu eorum misereatur in quantum alia dona magis communia elargitur, quibus ipsi non rectè vtuntur: si enim Deus dicitur misereri eorum quos bonis tantum temporalibus afficit, quanto magis eorum quibus spiritualia dona concedit? nam vt in eadem distinctione scribit, Deus est agens vniuersale in omnes, sic quod dat omnibus aliqua dona gratiæ, scilicet esse, viuere, cognoscere, &c.

& tamen aliqua dona gratia specialia, dat vni, quæ non alteri: nec ista patiuntur difficultatem. Ceterum mentem suam prodit aliis in locis Petrus de Alliaco, nam super primum lib. sent. inter primas quæstiones, disertè asserit diuinum velle ad nullum impossibile posse obligare, quia inquit, *nullum impossibile est in rationalis creaturæ libera potestate*. Vnde consequitur omnes qui obligantur ad mandata Dei, gratiam aliquam habere, qua sint in eorum libera potestate. Vnde in consequentibus asserit, nullum viatorem à legis Christi actuali fide excusari, vt eam habeant loco & tempore, præter paruulos ac mente captos, tanquam naturali impossibilitate prohibitos, & cum idem Doctor velit omnes viatores exceptis prædictis ad vitandum peccatum teneri & ad rectè agendum, id tamen expressè docet fieri non posse ex puris naturalibus excluso adiutorio Dei supernaturali, ita circa distinct. 19. vnde sequitur adiutorium istud supernaturale, quod nos dicimus gratiam sufficientem, commune esse omnibus.

Obiiciunt Dyonisium Carthusianum quasi à tramite D. Brunonis ipse recessisset, cum nihil minus cogitauerit: dicit, inquiunt, reprobationem esse Dei desertionem gratiam non conferentis, vnde licet reprobatus non possit gratiam finalem adipisci vsque ad mortem, tamen quod in illud peccatum vel in illud labitur, ex eius libero arbitrio contingit, vnde merito sibi imputatur ad culpam; *de Prædest.* art. 12. Dicit idem Carthusianus in cap. 9. epist. ad Rom. Origenem errasse asserendo gratiam con-

ferri vni, alteri subtrahi propter merita & demerita præcedentia in vita priori, quia si non præcessissent, iniustum esset inæqualiter gratias distribui, vni conferri, alteri subtrahi; quæ ratio non conuincit, quia in his quæ liberaliter dantur iniustitia non intercedit. Item Deum esse causam cur indurantur peccatores, quia non confert illis gratiam cordis duritiam mollificantem, sicut nauta per absentiam est causa submersionis nauium & sol per elongationem est causa frigiditatis: ex his conficiunt secundum mentem Carthusiani gratiam omnibus non conferri.

Respondetur reprobum non posse gratiam finalem adipisci ex hypothesi quod sit reprobus propter præuisa peccata, absolutè tamen potest melius sapere ac gratiam illam consequi & corrigi vt explicat Durandus in 1. dist. 40. qu. 2. ex liberi scilicet arbitrij facultate, & assistente gratia Quod vero dicit etiam Deum non conferre gratiam quæ corda emolliat, sicque derelinquere peccatores, id debet intelligi de derelictione & elongatione Dei per magis specialia dona gratiæ, quæ pluribus subtrahit, licet sufficientia & communia donet omnibus etiam reprobis Quapropter sicut sol est causa frigiditatis in hyeme, quia tantum calorem non emittit, nisi aliquem non desinat influere, sed non adeo intensum sicut in æstâte: Ita ad mentem Carthusiani Deus erit causa indurationis peccatorum, non quia totam eis gratiam mouentem ad meliorem frugem denegat, sed quia tantam ac tam copiosam non impendit. Quod

probari posset ex pluribus tomis eiusdem authoris, qui numero non sunt impares voluminibus D. Augustini. Occurrit primo liber eius de *quatuor nonis* quem eo lubentius laudamus quod frequentius euoluerimus non sine fructu & sensu deuotionis. Ibi metuendam esse iudicium vltimum probat ex pluribus, maximè vero ex misericordia & benignitate Dei quam exercuit in reos eius tribunali tunc sistendos. Sic autem ait *art. 24.* denique non tantum piè tolerat Deus iniquos, sed etiam beneficia multa ipsis largitur, non sinens eos à Diabolo suffocari, sicut merentur, sed conseruans eos in esse, & præstans necessaria vitæ, ad conuersionem quoque & pœnitentiam multipliciter admonens eos sicque assidue reddens eis bona pro malis. Quid responsuri sunt isti iudici summo, cum cœperit cum eis ponere rationem? qualiter indignabitur eis? ubi miserrimi se abscondent? *Quid respondebunt vnigenito Filio Dei, qui propter eos factus est homo, conuersatus in mundo, affixus patibulo, cui non solum subtraxerunt seipsos vitiose viuendo, sed alios quoque ipsos varijs modis ad peccatum alliciendo. sicque fructum Passionis & Sanguinis Christi in seipsis ac alijs impediendo.* Hæc Carthusianus. Quibus verbis sensa sua satis expromit & de morte quam Christus subiit pro reprobis, & de medijs sufficientibus quibus confirmati ac corroborati sunt non vna specie admonitionis, sed multiplici, vt non omnino derelicti à Deo in hac vita censeretur debuerint. Sed & idem pius Auctor Rikelius in *Dialogo seu colloquio de iudi-*

cio animarum art. 9. narrat ex l. 4. capitulo 7. reuelationum Sanctæ Brigittæ vt ei in imaginaria visione, Angelus custos cuiusdam animæ multis sceleribus horrendis maculatæ, cum eam ante separationem à corpore vellet torquere Dæmon, sic eum continuit his dictis. *Miser cordia Dei quam libet animam sequitur vsque ad mortem, & vsque ad vltimum punctum vitæ, & postea fit iudicium.* In isto autem adhuc coniuncta sunt corpus & anima, & manet discretio. Hæc cum dæmonis spiritum mitigarunt, quæ nequam eorum spiritus sedabūt, apud quos fixum est, sic confundere statum plurimorum cum damnatis in inferno, quibus nullum amplius superest remedium: quemadmodum gratiam huius vitæ cum cœlesti gloriæ lumine confundunt, cuius impetui velut torrentis nihil obstat.

ARTICVLVS XXVIII.

An vltima tempora fœliciora sint pro Baianis.

Objiciunt pro decimo sæculo censuras facultatum Louaniensis & Duacensis, quæ propositiones Lessij de Gratia sufficiente improbarunt.

Respondetur frustra Iansenium Reuerendum l. 3. de gratia Saluatoris c. 1. ac eius asseclas in art. 31. suæ Apologiæ, has censuras in suæ doctrinæ confirmationem asserre, quoniam à Xisto V. Pontifice maximo reprobata sunt velut

iniustæ & contra sanam doctrinam latæ. Quare illudunt ignaris huius rei, dum eas velut autenticas obtrudunt, dissimulando imperitis earum reprobationem. Ita auctor Anti Iansenismi recens editi disp. 1. sect. 6. post Habertium in 1 de fide.

Quid quod optima pars Doctorum Louanien-
sium anno 1645 publico scripto requirente R.
D. pronantio Apostolico, declarauit, Bullam Vr-
bani VII. qua confirmantur constitutiones Pij
Papæ V. & Gregorij XIII ac prohibetur Augu-
stinus Cornelij Iansenij, se reuerenter recipere
ac ei per omnia parituros. Itemque Doctores
Duacenses Epistola missa ad Serenissimum Ar-
chiducem Leopoldum an. 1648. Iulij 27 testan-
tur nullum ex suis vnquam infectum fuisse do-
ctrina proscripta Iansenij, quâ, inquirunt, ne-
quaquam docetur mens D. Augustini. Illumque
obnixè rogant vt pergat doctrinam illam extir-
pare. Extat vtriusque facultatis programma hoc
ad calcem tomi 4. *de ente supernaturali* Marti-
nes de Ripalda Extatque eadem protestatio
Duacensium in libro prænotato *veritas & aequi-
tas censure Pontificiæ* Duaci edito, & in præci-
tata disput sect. 7. Anti-Iansenij

Obijciunt pro decimo septimo sæculo, Estium
Cancellarium Vniuersitatis Duacensis. Respon-
demus innumeros in vniuersa Ecclesia Catholi-
ca illi contradicere merito & doctrina non infe-
riores, quorum testimonia nuper congeffit Pe-
trus à Sancto Ioseph Fulienfis. Sed & Estium
falso ab ipsis in patronum assumi non dubita-
bit qui legerit eius antitheses cum Baio, vt in

paucis doctrinæ articulis cum illis consentiat, in plurimis dissentiat

Obiiciunt in eodem sæculo librum quemdam Clementis octauæ, quo gratia sufficiens ex principijs D. Augustini destruitur.

Respondetur Clementem VIII. istum librum non edidisse, nec eius haberi ullam mentionem in Bibliotheca Pontificia Ludouici Iacob Carmelitæ, qui satis exactè librorum omnium Summorum Pontificum Catalogum texuit Verum est tamen cum eius tempore mota fuisset ea de re controuersia, quod consultores ab ipso congregati varias propositiones Molinæ adscriptas examinarunt, at nullum decretum tulit summus pontifex nec quicquam contra Molinam decreuit. Sed Paulus V. Clementis successor controuersia quæ inter Iesuitas & Dominicanos magnis studijs agitabatur de diuinæ gratiæ auxiliis & Libero Arbitrio, finem imposuit. Istud sciens ut utrique parti, dum aliud decerneretur liberum esset in Scholis suam sententiam modestè tueri sed sine damnatione alterius partis. Ut refert Spondanus in *prolusione* ad sæculum 17. anno M. DC. VI. ex quibus non leuiter conijci potest opinionem Molinæ non fuisse damnatam nec fidei aduersari, cum post tam diuturnum examen ac concertationes tam prolixas de eitis opinionibus, dissimulare non debuisset Summus Pontifex si à fide Catholica alienæ aut Pelagianæ fuissent. At non ita se res habet, circa R. Iansenij Iprensis Episcopi Librum, cui Augustini nomen fecit, quem summus Pontifex Urbanus VIII. prohibuit, utpote opiniones damna-

tas, ut à se compertum asserit, continentem ac renouantem Bullâ datâ 1641. Quam Bullam Innocentius decimus confirmavit. Qui etiam nunc propositiones quinque ex præcipuis illius libri, eo Zelo qui decet Summum Pontificem, discuti prouidet, ut si Deus vitam illi proroget de controversijs istis è cathedra ferat iudicium, quo nihil vtilius ad bonum totius Ecclesiæ præstari potest ab ipsius supremo pastore.

ARTICVLVS XXIX.

Afferuntur sententiæ Patrum qui D. Augustinum antecesserunt.

ATque hætenus discussimus quæ obijciunt Baiani ex sanctis Patribus, quos ab Apologix erroribus liberos esse demonstraui-
mus. Quæ cum ita sint, satis perspicuum est, quam falso traditionis nomen tantum personent Apologistæ, quam cum verè non habeant, nec nisi mutilatam exhibeant, perfectius completam reddemus, si ordine retrogrado eam à posterioribus sæculis ad priora producamus. Atque vnum saltem Ecclesiæ Catholicæ patrem, ne longius excurreret oratio, si à pluribus testimonium quæreremus, in illis sæculis, quæ D. Augustini sæculum quod est quartum Ecclesiæ antecesserunt, producemus. Qua in re non multum nobis aduersabuntur, cum putent seruatum fuisse primum D. Augustino, ut mysteriorum gratiæ scientiam haberet, in qua valde rudes fuerint antiquiores, nondum illorum tem-

poribus exorta Pelagianorum hæresi : à quibus mota quæstio , de Gratia & Libero Arbitrio , discendi fuerit occasio Sed vt ista non curent, alij in pretio habebunt , apud quos persuasum est D. Augustinum nihil innouasse in Ecclesia, & si quædam nouè dixerit , cum stylo sublimiori , ac pluribus probationibus validissimis , nulla tamen noua dixisse ex fidei dogmatibus Itaut depositum ab antiquioribus patribus , doctrinæ seruans, idem quod illi , senserit , docuerit , scripserit ac tradiderit.

Igitur pro tertio Ecclesiæ sæculo , prodibit D. Cyprianus Carthaginensis Episcopus , totius Africæ primas , ac gloriâ martyrij illustris. Non ille agnouit distinctionem illam , qua secernunt ita prædestinatos à reprobis vt pro illis solis , Sanguinem Christus fuderit, ijsque solis, exclusis alijs , salutem exoptet. Scribens quippe ad Fidum tum suo nomine tum sexaginta sex Episcoporum collegarum , qui in concilio adfuerant in quo actum erat de Baptisandis paruulis ante octauum diem , sic loquitur. *Nam Deus vt personam non accipit , sic nec ætatem cum se omnibus ad cælestis gratiæ consequitionem æqualitate librata præbeat patrem (vel vt alij legunt ,) patrem)* & in alia Epistola ad Antonianum directâ , de relapso in peccata eadem loquens , hortansque vt benignè ad pænitentiam suscipiatur. *Iacet, inquit, ecce saucius frater ab aduersario in acie vulneratus. Inde diabolus conatur occidere quem vulnerauit. Hinc Christus hortatur ne in totum pereat quem redemit. Cui de duobus assistimus? in cuius partibus stamus? Vtrum ne diabolo fa-*

uenus ut perimat, & semianimem fratrem iacentem, sicut in Euangelio Sacerdotes & Leuites præterimus? An vero ut Sacerdotes Dei & Christi, quod Christus & docuit & fecit imitantes, vulneratum de aduersarij faucibus rapimus? Et post pauca. Nam cum scriptum sit, Deus mortem non fecit nec latatur in perditione viuorum, utique qui neminem vult perire cupit peccatores pœnitentiam agere, per pœnitentiam denuo ad vitam redire. Ponderanda ista verba. Ne in totum pereat quem redemit. Et hæc qui neminem vult perire, ut inde agnoscamus mentem D. Cypriani fuisse, Christum pro quolibet redemptionis prætium obtulisse, & neminem præterire, quem saluum non velit, ut nemini gratiam sufficientem ex parte illius deesse concludamus. Quo motiuo vult D. Cyprianus Sacerdotes duci ut pœnitentes duritia & inhumanitate sua non perdant. Quo motiuo cum illi non percelluntur, illum pœnitentiæ modum introducere voluerunt, in quo Sacerdotes non nisi sanos curare præsumant, nec nisi viuos resuscitare, eos scilicet quorum peccata iam deleta sint, tam per contritionem charitate perfectam, quam per opera cõpletæ satisfactionis. Contra quos in eadem epist. D. Cypriani verba hæc in trāscurſu annotare ex occasione libuit. *Non est opus sanis medicus sed malè habentibus. Quam potest exercere medicinam qui dicit: ego solos sanos curo, quibus medicus necessarius non est: opem nostram medellam nostram vulneratis exhibere debemus.* Sed de his forsan alias agendum erit, interim tranſeamus ad secundum sæculum.

In hoc sæculo secundo floruit D. Irenæus Episcopus Lugdunensis, hic vnus pro multis in hanc arenam prodibit, & quod caput contorsit aduersus hæreses Valentini & similium quod est caput 91. l. 4. illud ipsum contorquebimus aduersus assertiones Iansenij & similium: *Aliud autem quod ait, inquit, quoties volui congregare filios tuos & noluisti. Veterem legem libertatis hominis manifestauit, quia liberum eum Deus fecit ab initio habentem suam potestatem sicut & suam animam ad vtendum scientiâ Dei voluntarie & non coactum à Deo; vis enim à Deo non fit, sed bona sententia adest illi semper, & propter hoc consilium bonam dat omnibus semper. Posuit autem in homine potestatem electionis quemadmodum & in Angelis, &c. Dedit ergo Deus bonum quemadmodum & Apostolus testificatur in eadem Epistola, & qui operantur quidem illud, gloriam & honorem percipient, quoniam operati sunt bonum cum possent non operari illud: ij autem qui illud non operantur, iudicium iustum recipient Dei, quoniam non sunt operati bonum cum possent operari illud.* Hæc D. Irenæus, quæ quomodo quadrent cum Gratia Sufficienti, non est difficilis aut arduæ considerationis, at quomodo conueniant cum gratiâ illa Ianseniana, quæ paucis datur, cui refragari nullus possit, quis posset ostendere? certè non conueniunt inter se D. Irenæus Lugdunensis, & Iansenius Iprensis, vnum ergo ex Duobus in errorem lapsum necesse est, videant quâ æquitate sententiam suam proferent, & cuius tribuent in hac controuersia: quâ de re dum inter se consulent, in primum sæculum ingredietur.

In quo Theologus Maximus eluxit magnus
Dionysius Areopagita Episcopus primus Pari-
siensis, non enim alios ab Episcopis adducere in-
tendimus, quod hi specialius patrum nomen
mereantur, cum præter antiquitatem & doctri-
nam, patres ac pastores populorum fuerint. Ma-
gnus ille Dionysius cap. 9. *Cælestis Hierarchie*,
questionem non ab similem ei quæ inter nos con-
trouertitur, agit. *Quod si quærat aliquis cur po-
pulus Iudeorum ad diuinas illustrationes solus ef-
ferretur & excitaretur: respondendum est erro-
rem quo aliæ nationes in eos, qui dii non sunt de-
flexerint, rectis Angelorum præfecturis non esse
tribuendum, sed illis ipsis, qui procliuitate sua de
recta ad Deum ferente via deflexerint amore sui,
&c. neque enim in vita nobis data est, cui vis illata
sit aut imposita necessitas, nec eorum quæ prouiden-
tur libertate diuini radij illustrationis, quæ à pro-
uidencia manat vel obruuntur vel obscurantur:
sed oculorum mentis dissimilitudo facit ut effluens
paternæ benignitatis lucis largitio vel omnino com-
municari capique non possit, & propter eorum
obstaculum ac repugnantiam infundi: aut commu-
niones facit dissimiles paruas aut magnas obscuras,
vel claras, cum vnus sit & simplex, eodemque
modo semper habeat, & valdè explicatus fusus-
que sit diuini fontis radius: præsertim cum alijs
gentibus (ex quibus nos quoque animum ereximus)
non alienigenæ quidam dii, moderatores aderant
ad immensum copiosumque; quod vero omnibus se
communicandum aperit ex Deo nascentis lucis pe-
lagus, sed vnum principium omnium & ad illud
Angeli qui unicuique nationi præfecti erant, se-*

quæcunq; deducerent.

In quibus D. Dyonisij verbis plura sunt consideratione digna, vt plura detegantur Gratia Sufficientis attributa propria, ac 1. illam gratiam quam monstrum appellare non exhorrent, varijs adornat elogijs, vocat siquidem, *diuinas illustrationes effluentem paternæ benignitatis lucis largitionem, immensum copiosumque quod omnibus se communicandum aperit ex Deo nascentis lucis pelagus*, Quod scilicet inexhausta sit illa gratia nec vnquam deficiat, sicut immensi oceani aqua, quæ numquam exsiccari, aut exhauriri posset. 2. Docet hominem non agere ex necessitate, cum nobis vita data non sit, cui sit *imposita necessitas*, vel per concupiscentiam ad malum, vel per gratiam ad bonum. 3. Resoluit ad illam illustrationem alios populos à Iudæis, non excitatos fuisse ad verum Dei cultum, etiã si ad id adniterentur boni Angeli, propter eorum contumaciam, qua ipsi rebelles fuerunt lumini, cui Iudæi morigeros se præbuerunt. 4. Afferit hominum libertatem quorū Deus prouidentiam gerit, non posse efficere vt non sint aut omnino obruantur ac desinant huiusmodi illustrationes, quia nimirum velint nolint homines, gratia illa sufficiens illuminat & inspirat quoslibet, licet sit in eorum potestate cum illuminati, aut inspirati fuerint, sequi aut non sequi quod duceret. 5. Determinat has Gratia Sufficientis illustrationes in quibusdam omnino non capi, aut recipi propter eorum repugnantiam, puta in infantibus, aut adultis fatuis aut amentibus. 6. Explicat etiam dispares qualitates harum illustra-

tionum cum inæquali sorte donantur hominibus ex mera Deliberalitate. 7. Denique cōmunes esse omnibus has illustrationes, cum eorum pelagus sit immensum, quod omnibus se communicandum aperit. Hæc est vera Gratiæ Sufficientis Theologia, cui nos tradere haud equidem reformidare debemus cum illam à D Paulo acceptam tradat tantus vir D. Dyonisius, quo alter non est maior Theologus. Neque vero nos primi aut soli istud aduertimus: nam & antiquus eius scoliasies S. Maximus videns in istud collimare D. Dyonisium sic has sententias concludit. *Quod Deus natura bonus existens paratum seipsum omnibus præbet, ut participant de sanctitate ipsius & in anima illustrentur, reliquum in nobis situm requiritur, nempe quomodo cupimus participes fieri eius cognitionis, ut ostendatur Liberrimum Arbitrium.*

ARTICVLVS XXX.

Probatur Gratia Sufficiens ex libris Novi Testamenti.

AT non solum à patribus omnium sæculorum probatur hæc veritas, sed etiam omnibus fere Scripturæ Sacræ libris, ut non supersit locus de ea dubitandi.

Ac primo probatur ex cap. 3. Apocalypsis, *Ego sto ad ostium & pulso, si quis mihi aperuerit, intrabo ad eum.* Hic enim Dei impulsus fit per

Gratias Præuenientes seu excitantes quas nos sufficientes vocamus, quibus incitatur voluntas ad consentiendum bono operi. Quomodo vero diceret, *si quis aperuerit intrabo*, si non esset in potestate cuiuslibet aperire? ducta quippe est similitudo ab iis qui clausis foribus domi recluduntur, qui interdum pulsantibus aperiunt, nonnumquam dissimulant, ad quod alludens sponsa dixit, Cant. 5. *Pessulum ostii mei aperui dilecto meo*. Sed si plura exoptas in hunc locum Apocalypsis, suppeditabit abundè Sherlogus in cap. 2. *Canticorum vestig. 22. in explanat. Mystica sect. vnica.*

Secundo probatur ex Epistolis Canonicis, ex cap. 3. epist. 2. D. Petri, *Non tardat Dominus promissionem suam, sicut quidam existimant; sed patienter agit, nolens aliquos perire; sed omnes ad pœnitentiam reuerti.* An expectat quispiam ab aliquo, quod probe scit eum præstare non posse? quomodo ergo excæcos aut obduratos expectaret Dominus ad pœnitentiam, si non haberent auxilium sufficiens, quo possent ad pœnitentiam reuerti?

Tertio probatur ex Epistolis D. Pauli: ex cap. 1. epist. 1. ad Timothæum: ubi hortatur Apostolus ut orationes ad Deum fundantur pro omnibus hominibus, *Quia, inquit, hoc bonum est & acceptum coram saluatore nostro Deo, qui vult omnes homines saluos fieri, & ad agnitionem veritatis venire, vnus enim Deus, vnus mediator Dei, & hominum homo Christus Iesus, qui dedit redemptionem semetipsum pro omnibus. Quæ sententia pluries repetitur ab Apostolo, ut intelligamus*

ligemus Christum omnibus auxilium sufficiens ad salutem impetrasse, quandoquidem pro omnibus redemptionem se obtulit, ut omnibus quantum est ex parte suâ salutem procurauerit, cupiens omnes saluos fieri, si non apponerent obicem. Quod etiam D. Augustinus sensit tractans hunc locum Apostoli, de Spiritu & littera cap. 33. & si alias variè philosophetur. Sed & Theophylactus versans similem locum Apostoli ad Hebræos 2. *ut gratia Dei pro omnibus gustaret mortem*: sic explicat eius mentem: Deus enim non ex debito, sed ex gratia filium suum nobis dedit in mortem, non pro fidelibus tantum sed pro vniuerso terrarum orbe: *et si enim omnes non sunt seruati, ipse tamen quod sui officij erat impleuit.* Scilicet redemptoris omnium, cui incumberebat media sufficientia ad salutem omnibus acquirere, vnde connexæ sunt inter se assertiones de morte Christi pro omnibus, & de gratia sufficiente, ut qui vnâ admittit alteri subscribat necesse sit: vnde nec induratos eximit Apostolus, quin auxilium à Deo sufficiens sibi paratum habeant, cum scribit ad Rom. 2. *Ignoras quod patientia Dei ad pœnitentiam te expectat?* Non enim aliter patientia exerceretur à Deo erga induratos, si non possent ad pœnitentiam gratiarum excitantium subsidijs se flectere, sicut non exercetur erga dæmones & damnatos, qui priuati sunt omni gratiæ subsidio, ut se ad Deum conuertant.

Probat ex libro Actuum Apostolorum in quo D. Stephanus Protomartir, sic increpabat obduratos Iudæos, cap. 7. *Dura ceruice & in-*

stantiam immensitatis suæ semper præsens est.

Probatum deinde ex Euangelij ac primo ex præcitato proximè textu Ioannis cap. 1. *Et lux in tenebris lucet, & tenebræ eam non comprehenderunt.* Quia scilicet gratia illuminationis, non desinit tenebrosos quoslibet peccatores illustrare, etsi ipsi non intelligant nec sciant donum Dei & quæ sunt ad pacem illorum ac reconciliationem cum Deo: unde in eodem capite dicit, *Qui illuminat omnem hominem venientem in hunc mundum:* ad quem locum respiciens D. Augustinus in libro de Genesi contra Manichæos, dicit, omnes homines posse servare Dei mandata si velint, quia *Dei lumen illuminat omnem hominem venientem in hunc mundum:* sed & apud eundem Euangelistam cap. 7. in die magno festivitatis clamabat Iesus & dicebat, *si quis sitit veniat ad me & bibat,* cui generali vocationi correspondent similia verba apud Matthæum, cap. 11. *Venite ad me omnes qui laboratis & onerati estis, & ego reficiam vos: tollite iugum meum super vos.* Quæ verba sic commentatur D. Ioannes Chrysostomus hom. 39. in Matthæum. *Non autem dicite venite ille & ille. sed omnes qui in sollicitudinibus, qui in tristitijs, qui in peccatis estis, Venite non quoniam indigeo vestra gloria, sed quia volo vestram salutem.* Atque in eodem capite eadem veritas elucescit ex verbis quibus exprobrat civitatibus Corozain & Bethsaida. *Vae tibi Corozain vae tibi Bethsaida, quia si in Sydone & Tyro factæ fuissent virtutes quæ factæ fuerunt in te, olim in cinere & cilicio pœnitentiam egressent.* Quæ exprobratione denotat & Corozain & Bethsaida

habuisse sufficientia media ad pœnitentiam amplectendam : cum si paria accepissent Tyrus & Sydon , satis superque illis fuisset ad eandem pœnitentiam. Quod enim vni ciuitati infideli satis est, cur non esset satis alteri Iudææ ciuitati in qua iam notus erat ? Sed nec sequitur Sydonem & Tyrum caruisse auxiliis internis ad pœnitendum sufficientibus, cum eorum conuersioni nihil defuerit præter auxilia externa miraculorum Christi, quæ sine internis vana fuissent & egena elementa , haud idonea ad conuersionem operandam. Quare supponuntur Tyrus & Sydon non caruisse auxilijs internis gratiæ interioris sufficientis, quæ plus virtutis habitura fuissent, si ro-bore externorū auxiliorum confortata fuissent.

Sed & si tantillum obscuritatis in his locis esse videatur alicui, pöderet alia Saluatoris Christi verba quibus cum tanto affectu loquitur, eiusdem Matthæi cap. 23. *Quoties volui congregare filios tuos sicut gallina congregat pullos suos sub alas & noluisti ?* Quibus sermonibus respondere potuissent ciues Ierusalem , si defuisset Gratia Sufficiens : quid mirum si noluerimus , nullum datum est nobis auxilium supernaturale , sine quo conuerti non poteramus : siue quomodo dicis tibi in votis fuisse congregare nos ne disperfi ab accipitre raperemur , cui nulla fuit cura, nulla prouidenti a nostræ salutis , quam solis electis tuis impendere decreuisti , abiectis alijs , quasi non essent tui ? Quare ergo misero data est lux , si remoues ab eo lumen tuum ? cur faciem tuam abscondis, & arbitraris tot homines inimicos tuos ? nonne omnia pacificasti per san-

ba illuforiè dicerentur à Deo , fi non effet in potestate peccatorum ad eum feſe conuertere , carerentque auxilio ad conuersionem ſufficienti, quam conſequentiam pij abhorrent , ſolus Calvinus admittit lib. 1. inſtit. cap. 24. his verbis. *Ecce vocem ad eos dirigit, ſed vt magis obſurdeſcant; lumen accendit, ſed vt reddantur ceciores; doctrinam proferit, ſed quâ magis obſtupeſcant; remedium adhibet, ſed ne ſanentur.*

Alter textus eſt apud Iſaiam vbi Deus conqueritur cap. 5. contra Iſraelitas , *quid vltra debui facere vine meæ & non feci: an quod expectaui vt faceret vvas & fecit labruſcas?* quibus ſatis Deus demonſtrat ſe ex parte ſua non deſuiſſe Iſraelitis præuaricatoribus, at quo pacto? ſi nè quidem auxilium ſufficientis ſuppeditauit? hoc regerere poſſent Iudæi, caruimus omni auxilio ſufficienti; quare non eſt æquum quod deſiciente circa nos cultura ſufficienti vvas expectares , & ſterilitatem nobis improperes : an expectant ſapientes de tribulis ficus, & de ſaxis oleum? quid ſumus abſque gratiâ tuâ niſi tribuli, & ſaxa duriffima, expectaſne vt quod nobis eſt impoſſibile præſtemus , cum imperfectum noſtrum videant oculi tui? Nec inuat eos ſolutio ridicule aſſerentium auxilium iſtud ſufficientis de-diſſe in Adamo ; cum eſſet in ſtatu innocentiz, adquem Deus reſpexit hæc improperans Iudæis. Neque enim hæc exprobratio ad Iudæos magis attineret quàm ad barbaros quoslibet qui in Adamo eodem fauore & gratiâ donati ſunt. Legi poteſt inter cæteros D. Baſilius magnus in hoc caput Iſaie.

In hoc sæculo secundo floruit D. Irenæus Episcopus Lugdunensis, hic vnus pro multis in hanc arenam prodibit, & quod caput contorsit aduersus hæreses Valentini & similium quod est caput 91. l. 4. illud ipsum contorquebimus aduersus assertiones Iansenij & similium : *Aliud autem quod ait, inquit, quoties volui congregare filios tuos & noluiisti. Veterem legem libertatis hominis manifestauit, quia liberum eum Deus fecit ab initio habentem suam potestatem sicut & suam animam ad vtendum scientiâ Dei voluntarie & non coactum à Deo ; vis enim à Deo non fit, sed bona sententia adest illi semper, & propter hoc consilium bonam dat omnibus semper. Posuit autem in homine potestatem electionis quemadmodum & in Angelis, &c. Dedit ergo Deus bonum quemadmodum & Apostolus testificatur in eadem Epistola, & qui operantur quidem illud, gloriam & honorem percipient, quoniam operati sunt bonum cum possent non operari illud : ij autem qui illud non operantur, iudicium iustum recipient Dei, quoniam non sunt operati bonum cum possent operari illud.* Hæc D. Irenæus, quæ quomodo quadrent cum Gratia Sufficienti, non est difficilis aut arduæ considerationis, at quomodo conueniant cum gratiâ illa Ianseniana, quæ paucis datur, cui refragari nullus possit, quis posset ostendere ? certè non conueniunt inter se D. Irenæus Lugdunensis, & Iansenius Iprensis, vnum ergo ex Duobus in errorem lapsum necesse est, videant quâ æquitate sententiam suam proferent, & cuius tribuent in hac controuersia : quâ de re dum inter se consulent, in primum sæculum ingrediemur.

In quo Theologus Maximus eluxit magnus
 Dyonisius Areopagita Episcopus primus Pari-
 siensis, non enim alios ab Episcopis adducere in-
 tendimus, quod hi specialius patrum nomen
 mereantur, cum præter antiquitatem & doctri-
 nam, patres ac pastores populorum fuerint. Ma-
 gnus ille Dyonisius cap. 9. *Cælestis Hierarchie*,
 quæstionem non absimilem ei quæ inter nos con-
 trouertitur, agit. *Quod si quærat aliquis cur po-
 pulus Iudeorum ad diuinas illustrationes solus ef-
 ferretur & excitaretur: respondendum est erro-
 rem quo aliæ nationes in eos, qui dii non sunt de-
 flexerint, rectis Angelorum præfecturis non esse
 tribuendum, sed illis ipsis, qui proclinitate sua de
 recta ad Deum ferente via deflexerint amore sui,
 &c. neque enim vita nobis data est, cui vis illata
 sit aut imposita necessitas, nec eorum quæ prouiden-
 tur libertate diuini radij illustrationis, quæ à pro-
 uidentia manat vel obruuntur vel obscurantur:
 sed oculorum mentis dissimilitudo facit ut effluens
 paternæ benignitatis lucis largitio vel omnino com-
 municari capique non possit, & propter eorum
 obstaculum ac repugnantiam infundi: aut commu-
 niones facit dissimiles paruas aut magnas obscuras,
 vel claras, cum vnus sit & simplex, eodemque
 modo semper habeat, & valdè explicatus fusus-
 que sit diuini fontis radius: præsertim cum alijs
 gentibus (ex quibus nos quoque animam creximus)
 non alienigenæ quidam dii, moderatores aderant
 ad immensum copiosumque; quod vero omnibus se
 communicandum aperit ex Deo nascentis lucis pe-
 ligus, sed vnum principium omnium & ad illud
 Angeli qui unicuique nationi præfati erant, se-*

quates deducerent.

In quibus D. Dyonisij verbis plura sunt consideratione digna, vt plura detegantur Gratia Sufficientis attributa propria, ac 1. illam gratiam quam monstrum appellare non exhorrent, varijs adornat elogijs, vocat siquidem, *diuinas illustrationes effluentem paternæ benignitatis lucis largitionem, immensum copiosumque quod omnibus se communicandum aperit ex Deo nascentis lucis pelagus*, Quod scilicet inexhausta sit illa gratia nec vnquam deficiat, sicut immensi oceani aqua, quæ numquam exsiccari, aut exhauriri posset. 2. Docet hominem non agere ex necessitate, cum nobis vita data non sit, cui sit *imposita necessitas*, vel per concupiscentiam ad malum, vel per gratiam ad bonum. 3. Resoluit ad illam illustrationem alios populos à Iudæis, non excitatos fuisse ad verum Dei cultum, etiã si ad id adniterentur boni Angeli, propter eorum contumaciam, qua ipsi rebelles fuerunt lumini, cui Iudæi morigeros se præbuerunt. 4. Asserit hominum libertatem quorum Deus providentiam gerit, non posse efficere vt non sint aut omnino obruantur ac desinant huiusmodi illustrationes, quia nimirum velint nolint homines, gratia illa sufficiens illuminat & inspirat quoslibet, licet sit in eorum potestate cum illuminati, aut inspirati fuerint, sequi aut non sequi quod duceret. 5. Determinat has Gratia Sufficientis illustrationes in quibusdam omnino non capi, aut recipi propter eorum repugnantiam, puta in infantibus, aut adultis fatuis aut amentibus. 6. Explicat etiam dispares qualitates harum illustra-

tionum cum inæquali sorte donantur hominibus ex mera Deliberalitate. 7. Denique cōmunes esse omnibus has illustrationes, cum eorum pelagus sit immensum, quod omnibus se communicandum aperit Hæc est vera Gratiæ Sufficiens Theologia, cui nos tradere haud equidem reformidare debemus cum illam à D Paulo acceptam tradat tantus vir D. Dyonisius, quo alter non est maior Theologus. Neque vero nos primi aut soli istud aduertimus: nam & antiquus eius scoliasies S. Maximus videns in istud collimare D. Dyonisium sic has sententias concludit. *Quod Deus natura bonus existens paratum seipsum omnibus præbet, ut participant de sanctitate ipsius & in anima illustrentur, reliquum in nobis solum requiritur, nempe quomodo cupimus participes fieri eius cognitionis, ut ostendatur Liberum Arbitrium.*

ARTICVLVS XXX.

Probatur Gratia Sufficiens ex libris Novi Testamenti.

AT non solum à patribus omnium sæculorum probatur hæc veritas, sed etiam omnibus fere Scripturæ Sacræ libris, ut non supersit locus de ea dubitandi.

Ac primo probatur ex cap. 3. Apocalypsis, *Ego sto ad ostium & pulso, si quis mihi aperuerit, intrabo ad eum.* Hic enim Dei impulsus sit per

Gratias Praeuencientes seu excitantes quas nos sufficientes vocamus, quibus incitatur voluntas ad consentiendum bono operi. Quomodo vero diceret, *si quis aperuerit intrabo*, si non esset in potestate cuiuslibet aperire? ducta quippe est similitudo ab iis qui clausis foribus domi recluduntur, qui interdum pulsantibus aperiunt, nonnumquam dissimulant, ad quod alludens sponsa dixit, Cant. 5. *Pessulum ostij mei aperui dilecto meo*. Sed si plura exoptas in hunc locum Apocalypsis, suppeditabit abunde Sherlogus in cap. 2. *Canticorum vestig. 22. in explanat. Mystica sect. vnica.*

Secundo probatur ex Epistolis Canonicis, ex cap 3. epist. 2. D. Petri, *Non tardat Dominus promissionem suam, sicut quidam existimant; sed patienter agit, nolens aliquos perire; sed omnes ad penitentiam reuerti.* An expectat quispiam ab aliquo, quod probe scit eum praestare non posse? quomodo ergo excruciatos aut obduratos expectaret Dominus ad penitentiam, si non haberent auxilium sufficiens, quo possent ad penitentiam reuerti?

Tertio probatur ex Epistolis D. Pauli: ex cap. 1. epist. 1. ad Timotheum: ubi hortatur Apostolus ut orationes ad Deum fundantur pro omnibus hominibus, *Quia, inquit, hoc bonum est & acceptum coram saluatore nostro Deo, qui vult omnes homines saluos fieri, & ad agnitionem veritatis venire, vnus enim Deus, vnus mediator Dei, & hominum homo Christus Iesus, qui dedit redemptionem semetipsum pro omnibus. Quae sententia pluries repetitur ab Apostolo, ut intelligamus*

ligemus Christum omnibus auxilium sufficiens ad salutem impetrasse, quandoquidem pro omnibus redemptionem se obtulit, ut omnibus quantum est ex parte suâ salutem procurauerit, cupiens omnes saluos fieri, si non apponerent obicem. Quod etiam D. Augustinus sensit tractans hunc locum Apostoli, de Spiritu & littera cap. 33. & si alias variè philosophetur. Sed & Theophylactus versans similem locum Apostoli ad Hebræos 2. *ut gratia Dei pro omnibus gustaret mortem*: sic explicat eius mentem: Deus enim non ex debito, sed ex gratia filium suum nobis dedit in mortem, non pro fidelibus tantum sed pro vniuerso terrarum orbe: *et si enim omnes non sunt seruati, ipse tamen quod sui officij erat impleuit.* Scilicet redemptoris omnium, cui incumberebat media sufficientia ad salutem omnibus acquirere, vnde connexæ sunt inter se assertiones de morte Christi pro omnibus, & de gratia sufficiente, ut qui vnam admittit alteri subscribat necesse sit: vnde nec induratos eximit Apostolus, quin auxilium à Deo sufficiens sibi paratum habeant, cum scribit ad Rom. 2. *Ignoras quod patientia Dei ad poenitentiam te expectat?* Non enim aliter patientia exerceretur à Deo erga induratos, si non possent ad poenitentiam gratiarum excitantium subsidijs se flectere, sicut non exercetur erga dæmones & damnatos, qui priuati sunt omni gratiæ subsidio, ut se ad Deum conuertant.

Probatur ex libro Actuum Apostolorum in quo D. Stephanus Protomartir, sic increpabat obduratos Iudæos, cap. 7. *Dura ceruice & in-*

stantiam immensitatis suæ semper præsens est.

Probatur deinde ex Euangelij ac primo ex præcitato proximè textu Ioannis cap. 1. *Et lux in tenebris lucet, & tenebræ eam non comprehenderunt.* Quia scilicet gratia illuminationis, non definit tenebrosos quoslibet peccatores illustrare, etsi ipsi non intelligant nec sciant donum Dei & quæ sunt ad pacem illorum ac reconciliationem cum Deo; vnde in eodem capite dicit, *Qui illuminat omnem hominem venientem in hunc mundum:* ad quem locum respiciens D. Augustinus in libro de Genesi contra Manichæos, dicit, omnes homines posse seruare Dei mandata si velint, quia *Dei lumen illuminat omnem hominem venientem in hunc mundum:* sed & apud eundem Euangelistam cap. 7. *in die magno festiuitatis clamabat Iesus & dicebat, si quis sitit veniat ad me & bibat,* cui generali vocationi correspondent similia verba apud Matthæum, cap. 11. *Venite ad me omnes qui laboratis & onerati estis, & ego reficiam vos: tollite iugum meum super vos.* Quæ verba sic commentatur D. Ioannes Chrysostomus hom. 39 in Matthæum. *Non autem dicite venite ille & ille, sed omnes qui in sollicitudinibus, qui in tristitijs, qui in peccatis estis, Venite non quoniam indigeo vestra gloria, sed quia volo vestram salutem.* Atque in eodem capite eadem veritas elucescit ex verbis quibus exprobrat ciuitatibus Corozain & Bethsaida. *Vae tibi Corozain vae tibi Bethsaida, quia si in Sydone & Tyro factæ fuissent virtutes quæ factæ fuerunt in te, olim in cinere & cilicio penitentiam egissent.* Quæ exprobratione denotat & Corozain & Bethsaida

ba illuforiè dicerentur à Deo, fi non efferet in po-
teftate peccatorum ad eum fele conuertere, ca-
rerentque auxilio ad conuersionem fufficienti,
quam confequentiam pij abhorrent, folus Cal-
uinus admittit lib. 1. intit. cap. 24. his verbis.
*Ecce vocem ad eos dirigit, fed vt magis obfufcanc;
lumen accendit, fed vt reddantur ceciores; doctri-
nam profert, fed quâ magis obfufcanc; reme-
dium adhibet, fed ne fanentur.*

Alter textus eft apud Ifaiam vbi Deus con-
queritur cap. 5. contra Ifraelitas, *quid vltra de-
bui facere vine meæ & non feci: an quod ex-
pectaui vt faceret vvas & fecit labruscas?* qui-
bus fatis Deus demonftrat fe ex parte fua non
defuiffe Ifraelitis præuaricatoribus, at quo pacto?
fi ne quidem auxilium fufficiens fuppeditauit:
hoc regerere poffent Iudæi, caruimus omni au-
xilio fufficienti, quare non eft æquum quod de-
ficiẽte circa nos cultura fufficienti vvas expe-
ctares, & fertilitatem nobis impropere: an ex-
pectant fapientes de tribulis ficus, & de faxis
oleum? quid fumus abfque gratiâ tuâ nifi tribuli,
& faxes duriffima, expectasne vt quod nobis eft
impoſſibile præſtemus, cum imperfectum no-
ſtrum videant oculi tui? Nec iuuat eos folutio ri-
dicule afferentium auxilium iſtud fufficiens de-
diſſe in Adamo, cum eſſet in ſtatu innocentie,
adquem Deus reſpexit hæc impropere Iu-
dæis. Neque enim hæc exprobratio ad Iudæos
magis attineret quàm ad barbaros quolibet
qui in Adamo eodem fauore & gratiâ donati
ſunt. Legi poteſt inter ceteros D. Baſilius ma-
gnus in hoc caput Iſaiæ,

guinem crucis tuæ, & ibi exauditus propter reuerentiam tuam, litem filiorum Adæ diremisti nonne ascendit ad Patrem tuum suavis valde sacrificii tui exuenti odor, quo cor patris tui æterni placatum est ad filios & filias vniuersas Adæ frustra ne ergo pedes tui in altum sublati sunt, & manus tuæ, quæ captiuis libertatem reddunt, clauis affixæ? si ex innumeris animabus tamen paucas dilexisti, hi quas descenderent miserationes tuæ ut viverent? O amantissime custos hominum qui misericors & suavis es super omnia, maius fuit incendium cordis tui, dum purissimam & salutis humanæ laudissimam animam tuam inter manus patris benignissimi commendasti, ut primi parentis inobedientiam morte tuâ reparares, & ubi abundauit delictum gratia superabundaret, &c.

ARTICVLVS XXXI.

Probatur Gratia Sufficiens ex libris veteris Testamenti.

Impugnatorum Gratia Sufficiens antistes R. Iprensis in titulo capitis 8. lib 3. tom. 1. ait statum veteris Testamenti figuratiuum & propheticum non attulisse Iudæis Gratiā Sufficiētem, sed potius impediētem. Quasi vero sine iniuria Christi dici possit, vllam gratiam ab eo profluxisse, quæ fuerit impediens. Quod minus conuenienter dictum impulit nos, ut à nouo Testamento ad vetus procedamus, præsupposita

gis enim omnia quæ sunt & nihil odisti eorum quæ fecisti: parcis autem omnibus, quia tua sunt, Domine, qui amas animas. In qua sententia quod verba tot fere argumenta pro gratia sufficienti. Quid enim est misereri omnium, ut bene perpendit Lessius in tract. de Prædestinatione & reprobatione Angelorum & hominum sect. 6. nisi omnibus præbere opem ut à miseria resurgant, & dissimulare peccata hominum propter prænitentiam, nisi non punire priuando vita, ut poenitentiam agere queant, quam sine auxilio sufficienti agere nequeunt? Diligis enim omnia. Ad quid nisi ad bonum salutis &c. & nihil odisti eorum quæ fecisti, denegando eis illud sine quo necesse esset in perditionem abire. Parcis autem omnibus quia tua sunt, Domine qui amas animas. Potuissetne scriptura clarioribus verbis sinceritatem diuini amoris & viscera paterna erga omnes aperire, cum omnes creaturæ Dei sint, qui salutem animarum exoptat. Ecce, inquit, Ezechielis 18. omnes animæ meæ sunt, ut anima patris ita & anima filij mea est. Vnde certè colligas Deum unicuique animæ auxilium aliquod dare sufficiens ad salutem, quomodo enim aliter eius amor erga animas spirituales ad æternitatem paradisi creatas, patefieret?

Quod idem adhuc expresse denotatur c. 12. Quam bonus & suauis est Domine spiritus tuus in omnibus: ideoque eos qui exerrant partibus corripis: & de quibus peccant admones ut relicta malitia credant in te Domine. Nec istis obstat textus Ecclesiastes 11. considera omnia opera altissimi, quod nemo potest corrigere quem ille despexerit.

D. Augustinus dum Psalmos Dauidicos commentarijs suis illustrat. Sic autem Ruffinus. Vel sic potest intelligi *Non est qui se abscondat à calore eius, id est, qui non habeat aliquem calorem, vel aliquam gratiam Spiritus Sancti: cum omnes intellectum habeant & rationem.*

Nec ab isto sensu abludit Babbista Folengius Psalmorum interpres non ignobilis. Et ante ipsum Rémigius Altisiodorensis Episcopus in eundem Versum. *Non est qui se abscondat, id est, excusare possit, à calore eius, id est, à cognitione vel à munere.* Sicut enim magnus ignis calet & splendet, ita Christus calet, quia nullus est qui non habeat aliquod munus suæ gratiæ quo cum possit agnoscere, nec etiam paganus aliquis &c. Sed & hoc ipsum intellexit ipse D. Augustinus cum scribit l. de pastoribus c. 14. Non habebis quid respondeas iudici tuo quem non vis esse pastorem tuum. Non habebis inquam quod respondeas iudici tuo, non vidi, non audiui. Quid est quod non scisti? *Nec est qui se abscondat à calore eius.* Et in eundem Psalmum D. Augustinus, cum autem verbum etiam Caro factum est & habitavit in nobis non permisit vllum mortalium excusare se de umbra mortis. *Ipsam enim penetravit verbi calor.*

12. Eadē veritas cōfirmatur ex libris Sapientialibus quales sunt illi qui vulgo Salom. esse dicuntur. Ac maxime ex cap. 15. Ecclesi. *Dens ab initio constituit hominem, & reliquit eum in manus consilij sui: adiecit mandata ac praecepta sua. Si volueris mandata servare, conservabunt te.* vers. 18. *apposui tibi aquam & ignem ad quod volueris.*

complere. Nec iuuat aduersarios, quod hic post Calvinum l. 2. instit. c. 5. solent respondere, impotentiam seruandi præcepta non excusare à peccato, nec à peccati pœna, quia nimirum ex originali peccato deriuata est illa impotentia, & ex ea naturæ corruptela quâ vltro Adam se diaboli tyrannidi addixit, Dei mandatum in paradiso prætergrediens. Vnde factum est vt illa impotentia sit pœna peccati, nec à peccato excuset quemquam. Hæc pluribus Iansenius l. 2. 3. & 4. de statu naturæ lapsæ per plura capita. Sed cum nonobstante hoc Caluini effugio damnata sit propositio Caluini in Trident. sess. 6. c. 11. vbi decretum est Deum impossibilia non iubere, per latus Caluini confossum est dogma Iansenianum quod omnino rationi repugnat. Nisi velit, Deum poste peccatum præcipere posse homini, vt nunquam ægrotet, nunquam senescat aut morti cædat, & his præceptis si non obtemperauit, æternis addicat supplicijs. Tam enim orta est impotentia hæc seruandi ex peccato, quam impotentia seruandi præcepta decalogi. Quare si iuste toties populus Israel in libro Iosue, Iudicum, Regum, & alijs, aduersariorum suorum potestati, fuso prius exercitu, traditus est, ob præuaricationem Legis diuinæ, si reges ipsi Israel ob eandem causam toties à Deo mulctati sunt, & transgressionem Legis, & transgressionis pœnam cauere poterant, & cum id aliter fieri non posset etiam ex aduersariorum mente, quam per gratiæ auxilia, & hæc illis præsto fuisse, & his illos restituisse concludendum est.

Sed fortassis probationem istam generalem esse & conuenire posse omnibus fere scripturæ libris conquerentur, nec esse specialem ijs libris in quibus Historiæ Sacræ delineantur. Agamus ergo & pro eorum voto, aliquid specialius eis exhibeamus ex ijsdem libris depromptum. Mulier sapientis titulo donata Thecuitis nimirum, illud nobis suppeditabit 2. reg. c. 14. Quæ cum vellet fortissimo quodam argumento inducere Dauidis animum ad misericordiam erga filium Absalonem, iampridem ab illo eiectum propter fratricidij crimen, *Omnes morimur inquit ad illum & sicut aquæ dilabimur in terram quæ non reuertuntur: nec vult Deus perire animam, sed retrahens cogitat ne penitus pereat qui abiectus est.* Quasi diceret ad Dauid, tu Rex imago Dei es in terra, ad te spectat potissimum Dei virtutem & magnificentiam imitari. Ille non vult vel vnum ex omnibus mortalibus vitæ æterna priuari sed quantum est in se vellet omnes ad conspectum suum in æterna beatæ visionis requie aliquando admitti: cur ergo tu filium tuum Absalonem tamdiu exulem ab aulâ tuâ & à facie tuâ, non in gratiam recipis? Et enim verba illa, *qui non vult animam perire* intelligunt Angelomus & Tostatus ad illum locum de perditione animæ per damnationem æternam, à qua Deus vellet omnes & singulos liberari, si gratiæ eius ad pia opera vocanti obsequi vellent ex animo. At sapientis istius argumentum insipiens esset, si tunc temporis Iansenianum dogma viguisset. Ex illo enim respondere potuisset Dauid. Falsum est quod Deus

neminem velit perire, imo vero paucos admodum ad salutem promouet, eiectionis cæteris à suâ curâ & prouidentia, quare si filium Absalonem reduci non patiar, faciam quod Deus agit erga innumeros homines. Quod cum factum non sit, non solum sapientis illius Thecuitis, sed & ipsius pii regis mentem fuisse hanc sentire debemus, quod Deus erga singulas animas pia viscera gereret ad eorum salutem, si ex parte suâ non deessent.

4. Probatur id ipsum ex libris legalibus id est ex Pentateuco & quinque libris Moyfi qui idcirco legales dicuntur, quod primarium eorum argumentum sit lex data in monte Sinai. Et si enim totus liber Genesis ac fere media pars Exodi exordia mundi ac primorum hominum gesta delineent, id tamen in ordine ad legem ipsam ordinatur, ut ad eam audiendam ac seruandam præparentur homines ac excitentur, per exempla bonorum ac malorum, dum his vident bene cessisse ob exhibitum Deo cultum debitum: illis contra aduersa omnia accidisse ob numinis contemptu: sicut obseruauit Guilielmus Parisiensis *de leg.* Probatur autem ex Deuteronomio c. 30. *Mandatum quod ego precipio tibi hodie, non supra te neque procul positum, ut possis dicere quis nostrum valet ad cælum ascendere ut referat illud ad nos, ut audiamus & opere complamus?* Conuenio hic aduersarios. Quâ viâ mandatum Dei toti populo facile est, si non habeat vim & in illo non supponatur gratia sufficiens ad illud opere complendum. Sciunt enim ipsi quâ infirmitatis plaga percussum est genus

apud P. Ioannem *de la Haye* commentariorum in Genesim tomo 1. Non soluitur difficultas afferendo aliam interpretationem quorundam patrum, illa enim quæ pluribus patribus arrisit legitima erit, nonobstante alia explanatione, cum plures sensus possint esse vnus & eiusdem loci Scripturæ sacræ, quod eiusmodi sensuum vbertas & Dei scripturarum conditoris maiestatem & ipsius scripturæ excellentiam supra cæteros libros summopere commendat.

Quare vanum est, quod Calvinus l. 4. aduersus Pighium cum magno contemptu ac fastidio locum hunc & similes alios non multum negotij posse facessere etiam mediocribus ingenijs asserit, sub pretextu alterius explanationis, quæ textui etiam quadrare possit. Esto enim admittatur hæc explicatio, sed & propter hanc, illa non est repudianda, cui plures patres à Bellarmino laudati vbi supra, adstipulantur. Quibus addi potest Hugo de sancto Victore paruus Augustinus dictus, ad hunc locum Genesim, & Alcuinus in interrogatione 84. in Genesim, & D. Thomas in expositione illa aurea in eandem Genesim quæ inter eius opera adscribi solet, atque alij plures.

ARTICVLVS XXXII.

An argumentum ductum ab experientia destruat Gratiâ Sufficientem.

Hic mihi statuendum esse signum deliberabam, cum occurrit 4. & 5. puncti articulo 27. & 28. difficultas non modica, quam doctus author Apologiæ istius proponit: asserens enim, non minori stultitia quam fatuos ob dementiam incarceratos, laborare cum oportere, qui sibi imaginaretur Tiberios, Caligulas, Neronēs, & Domitianos motos fuisse secreto quodam instinctu ad implorandam Dei gratiam, cum corruptissimis suis passionibus ac desiderijs indulgerent, nec perditos homines experiri se habere piâ intellectus cogitationem ac voluntatis affectionem, dum in scelera ruunt præcipites, inde etiam infert tanquam ex certa demonstratione, destructionem opinionis communioris & minus subtilis cæterorum Molinistarum de Gratiâ sufficiente. Quia plures non sentiunt se habere cogitationem ac affectionem illam: ergo carent gratiâ sufficiente. Quod firmat auctoritate Bellarmini l. 2. de Gratiâ & Libero Arbitrio c. 6. Quod dicat non semper, adesse auxilium sufficiens ad conuersionem, ut vel experientia ipsa testatur, non enim sentimus assidue nos illuminari aut immitti bona desideria quibus excitemur ad conuersionem. Quod dictum Bellarmini ex pari-

tate rationis extendit ad destructionem gratiæ sufficientis in casu alicuius tentationis, quoniam neque tunc plures se sentiunt illuminari ac potius tangi desiderio. Tum prouocat quotquot in Vniuerso existunt Molinistas. Inquirant quantum conseruerint, certus sum, ait, hoc argumentum infirmius non esse argumento Cardinalis Bellarmini, aut illo minus inuietum, nec vtriusque inueniri posse ullam solutionem rationi innixam.

Verum, cum non ita coerceamus intra limites solius orationis, gratiam sufficientem, quia etiam, cum Deo ita placuerit, eam extendamus ad quamlibet cogitationem ac affectionem mali alicuius vitandi ac boni exercendi, tota hæc ratiocinatio collabitur, si demonstremus quoslibet etiam deprauatissimos, non carere pijs istis cogitationibus ac affectionibus, etsi illas non sentiant, quia non reflectunt se super se. Prius tamen quibusdam præmissis de dictis à Bellarmino, qui ibidem expresse asserit auxilium sufficiens ad resurgendum à peccato nemini deesse loco & tempore, Licet non detur omni momento, quia scilicet præceptum resurgendi à peccato non obligat sub pœna noui peccati incurrendi, omni momento & tempore. Et satis est si detur eo tempore quo obligat præceptum pœnitentiæ: sicut datur cum est necessarium ad vitandum nouum peccatum in periculo grauis tentationis. Vnde etsi in vtroque casu auxilium Dei sit necessarium, non tamen in omni momento necessarium est: quia, vt non semper obligat præceptum pœnitentiæ ad resurgendum à peccato: sic in periculo ex tentationibus pro-

ueniente, satis est ut ijs non vincatur homo, si vires aduersarij minuantur, vel remoueatur occasio, vel aliquid magis alliciens auferatur. Absque eo quod extra casum necessitatis habeatur aut sentiat inpiratio gratiæ sufficientis.

Quibus prænotatis progredimur ad caput primum, quod satis probatum est in hac tertia parte, eo enim tendunt quæcumque adduximus pro gratiæ sufficientis confirmatione. Sed ne quemquam terreat nomen Neronum, Caligularum, & aliorum huiusmodi perditissimorum hominum, qui non fuerunt deterioris conditionis quam Caini, Pharaones ac Sardanapali, in quibus gratiam sufficientem non defuisse iam diximus; etiam ipsum Antichristum hominem peccati & filium perditionis ut vocatur ab Apostolo 2. ad Thesalon. 2. in medium producimus, cui Deus committet Angelum custodem, qui eius salutis curam habeat, & si ad bonum aliquod inducere non possit propter exquisitam eius malitiam, à malis tamen pluribus deterreat. At credi non potest Angelos custodes eos velle ad salutem promouere, quibus id esset impossibile ob inopiam auxiliij sufficientis. Vnde non leue argumentum est Deum eorum salutem curasse quibus Angelos custodes destinauit. At Angelum custodem ipsi Antichristo delegaturus est.

Id testatur D. Thomas 1. p. q. 113. art 4. ad 3. Dicendum, inquit, quod sicut presciti & infideles non priuantur interiori auxilio naturalis rationis: ita etiam non priuantur exteriori auxilio toti naturæ humanæ diuinitus concessæ, scilicet custodia Angelorum, per quam, etsi non

inuantur, quantum ad hoc quod vitam æternam bonis operibus mereantur, *inuantur tamen quantum ad hoc quod ab aliquibus malis retrahuntur*, quibus & si ipsis & alijs nocere possent. Idem sentit D. Bonaventura in 2. sent. dist. 11. art. 2. q. 1. asserens bonum Angelum nec obstinatos nec Anti-Christum deserere, quantum ad actum custodiæ, qui respicit malum, quia semper retrahit hominem, ne labatur in peius.

Consentit Toftatus Abulensis in c. 18. Matthæi q. 62. vbi ob varias rationes Angelum custodem dandum esse Anti-Christo demonstrat, præcipuè vero quia licet Anti-Christus nunquam assentiret Angelo custodi ad hoc quod bonum agat; aut ad hoc quod malum caueat, saltem in desiderio, impediet tamen Angelus custos Anti-Christi Sathanam, ne ad tanta mala sollicitetur Anti-Christum immitendo ei prauas cogitationes, incendiando ad malum: & dato quod interdum permittat istas cogitationes immitti: non permittet eas exequutioni tradi &c. etiam ipsæ Anti-Christo indirectè proderit custodia Angeli, *quia suadente Diabolo. plura mala committeret Anti-Christus, nisi custos Angelus impediret Sathanam vt dictum est*: & tamen quanto pauciora fuerint peccata eius, tanto minus punietur. Si autem sine Angelo custode relinqueretur, committeret plura mala & puniretur grauius. Subscribit Suares to. 2: ad 3. partem D. Thomæ disp. 54. sect. 3. Vbi & addit Deum non denegaturum Anti-Christo gratiam suam sufficientem quantum est ex parte suâ, quamuis

propter malitiam vix vnquam det ipse locum alicui bonæ inspirationi aut effectui spirituali custodiæ Angelicæ aut diuinæ gratiæ. At si ita est de Anti Christo, quanto magis de alijs ?

At, inquiunt, sentirent id peccatores ac experirentur se illuminari & accendi. Sed hoc magis non est necessarium, quam vt sentiatur operatio custodiæ Angelicæ De qua loco præcitato sic Doctor Seraphicus. Credendum est quod multis modis Angeli qui nos custodiunt, & studeant promouere ad bonum & studeant retrahere à malo, quamuis hoc non percipiat hebetudo spiritus nostri; propter quod multi superbiunt, multi sunt ingrati, & frequenter sibi attribuunt quod est ex beneficio Angelico, & ex hoc minus efficiuntur digni, vt ab Angelis adiuuentur. Quæ non incongruè de Gratiâ sufficienti dicerentur, quæ tot modis operatur circa hominē, vt mirum sit aliquem qui attendat, de ea nihil experiri. Quis enim est, etsi Nero (de quo testis est Suetonius) sit insigni aliquo crimine se polluens, qui continuo Synderesi remordente, non torqueatur, si supra semetipsum sese reflectat? Iussit enim Dominus, & sic est, vt sibi ipsi pœna sit omnis animus inordinatus. Et de semetipso testatur D. Augustinus l. 7. *Confessionum* c. 8. dum vitam nefandam duceret, inter ipsas voluptates conscientia stimulis lancinatum pectus habuisse. Quod refert ad misericordiam diuinam & placuit in conspectu tuo reformare deformia mea & stimulis internis agtabas me, vt impatiens essem, donec mihi per interiorem adspectum certus esses.

Quod alibi luculentius asserit idem D. Augustinus ut cum in Psal. 3. concione 2. scribit malum hominem in conscientia nullum habere solatium. Cum in Psal. 33. & 35. malam conscientiam malam uxorem vocat, litigiosam scilicet cum qua nulla est pax. Cum in Psal. 45. conscientiam tribulationem vocat qua nulla maior, ei adaptans verbum regij Prophetæ adiutor in tribulationibus quæ inuenerunt nos nimis & cum in Psal. 57. ait, iudicis tribunal est in mente tuâ, sedet ibi Deus, adest accusatrix conscientia, tortor timor. Quod ipsum magno consensu firmant patres Ecclesiæ, nec non etiam ipsi infideles, quibus ita aperta fuit ista veritas ut propterea crederent quasdam esse furias quibus scelerati quique post admissum crimen torquerentur.

Nec eiusdem veritatis obscura est aut dubia in scripturis sacris probatio, quid enim aliud denotat scriptura Genes. 3. cum postquam primi parentes peccauerunt dicit *et aperti sunt oculi amborum*? quid aliud eum Deus Cain alloquitur Genes. 4. *Nonne si bene egeris recipies, sin autem malè, statim in foribus peccatum aderit*? ac si diceret, actutum delicti admissi pœna te dies noctesque immani quadam carnificina lancinabit. Aderit enim conscientia criminis, & suo tuam mentem satellitio circumdabit, supplicium à te patrati sceleris exposcens; tanquam Cerberus pro foribus excubans animæ oblatrabit, dentes exeret, morsum minabitur: at tu miser nec intus in mentis secessum ingredi poteris, quin in tuorum facinorum furiales pœnas inci-

das. Vt Paraphrastice & eleganter in c. 4. *Genes.* sect. 7. exaggerat Benedictus Fernandius. Qui & in c. 3. eiusdem *Genesis* sect. 18. in remedium peccati admissi datam esse conscientiae carnificinam ait Quare Procopius sic optime differit in *Genes.* c. 3. si quis vel parum se peccato dederit redarguitur clam à communibus animi conceptibus, quos Deus animo hominis impressit. Hi enim semper insonant sic volente Deo: *homo quid fecisti quod fœdissimo te mancipasti peccato?* Quibus addit D. Ioannes Chrysostomus in catenâ Barbari Achileiensis ad versum 15. Psalmi 7. *Simul ac quispiam de malo cogitavit etiam, priusquam in cogitatione concreuerit; tumultus ac perturbatio est in cogitatione.*

Atque in eam rem plura suppeditat Celada in Iudith. c. 11. versus 5. § 16. tum ex scriptura tum ex patribus, quæ hic congerere non libet, cum res sit manifestior quam quæ pluribus elucidari debeat. At obmurmuratio ista conscientiae improbz & partus peccati vipereus erat in Nerone & Heliogabalo & alijs hominum monstris velut auxilium quoddam saltem remotum, ad illud detestandum & de eo pœnitendum, & erat quædam bona mentis cogitatio, simulque voluntatis aliqua motio diuinitus immissa: atque in hac vita possent illi dicere Dei gratiam profitentes, *adiutor in tribulationibus quæ inuenerunt nos nimis.* Non igitur omni auxilio interiori destituti censendi & si solum istud habuissent. Sed & aliud habuerunt, etsi semper non aduerterint.

Nam & probi homines, vt ad hominem hic argumentemur, gratia medicinali, qualem solam

profficaci gratia admittit R. Iprensis l. 4. *de Gratia Christi Saluat.* non sunt priuati, etsi non sentiāt delectationem cœlitus inmissam, in qua illam totam constituit, dum benè quidpiam operantur. Namque & mysticorum Theologorum doctrina est, qui pœnitius res spirituales discutunt, perfectissimas animas vix supra suos actus se reflectere, imo & hanc reflectionem quamdam esse in vita eminentiori spiritualium speciem imperfectionis, qua anima à Deo vnict dilecto auertit se, dum actui suo creato inspiciendo incumbit. Sic quippe delicata est eminentioris vitæ spiritualis perfectio, vt distractionem reputet hanc introuersionem, qua aliud quam Deum ipsum respicit. Et tamen cœlestes illæ animæ inter cæteras gratiâ Christi abundant, etiam inter ipsas sterilitates quibus omni solario sic sibi destitutæ apparent, vt cum Christo moriente exclament gemebundæ, *Deus Deus meus vt quid me dereliquisti?* Si igitur inualida est consequutio quod probæ animæ gratia medicinali careant, quia non experiuntur suauitatem cœlestem in qua illa sita sit tota, vt putant: & iners erit illa ratiocinatio, qua similiter concludunt, flagitiosorum maximos carere sufficienti gratia, quia non sentiunt se illuminari aut moueri ad bonum.

Quod si pertinacius contendant se experiri cœlestem illam delectationem, omni concupiscen-
tiarum delectatione maiorem in omnibus operibus bonis, hoc inter prætensa eorum priuilegia numerabimus, quod adeo felices sint horum dogmatum sectatores, non solum quod nun-

quam gratiæ Spiritus Sancti resistant, quod ut Filij Dei aguntur, quod in illis nunquam Dei gratia vacua sit. Non solum, quod si forsan peccauerint, statim excusationem paratam habeant, mandatum Dei sibi fuisse impossibile, ut qui gratiam suam medicinalem non haberent, qua vinceretur insuperabiliter concupiscentia. Non solum, quod vix præ alijs à se, Christus Sanguinem fuderit, cum à se dissidentes Pelagiani, sint aut ad minus Semi-Pelagiani, id est hæretici, qui nequaquam à massa perditionis segregati dici possunt, sicut ipsi qui orthodoxi sunt. Sed etiam quod suauitatem quamdam cœlestem in omni bono opere habeant & sentiant, in qua ex hac vita prægustant delicias vitæ cœlestis. Atque hæc sola sit Christi gratia, nam si quidpiam agatur ex motiuo timoris aut doloris aut alterius cuiuspiam à dulcedine illa & delectatione distincti, ex gratia non fit nec verè bonum dici potest.

Sed ut tales sint ac tam splendida hæ prærogatiua, putamus quod futuro sæculo stupori erunt, cum eas legent aut ab alijs eas narratas audient, qui tunc erunt, diceturque etiam viros doctrina illustres ac pietatis nomine insignes sic ijs dogmatibus adhæsisse ut in ijs fidem Catholicam ac doctrinam cœlestem D. Augustini constituerent, quam nisi quisque integram inuiolatamque seruaret, saluus esse non posset, ut qui ad Pelagianorum sortem pertineret. Sed fateor me non posse fidem ijs accommodare, etiam si D. Thoma Apostolo magis incredulus ab ipsis haberi debeat: quare iuxta Apostolum 2. *Timot.* 4.

arguo obsecro increpo in omni patientia & in eâ doctrina quam mihi Deus dedit, vt ab illa mente auertantur.

Ne vacet pagina, addita est sequens questio in curia Ecclesiastica Parisiensi inter plures alias, agitata nuper, coram venerando Domino Andrea Saussio Officiali eiusdem curiæ; in causa cuiusdam religiosæ, quæ de magia accusabatur.

Queritur an demonibus, cum inter exorcismos aliquam accusant personam, fides adhibenda sit in Iudicio.

Videri poterat quibusdam fidem ijs adhibendam esse, quia hæc virtus est exorcismorum, vt adigant dæmonem ad vera dicendum. Quod firmari potest ex pluribus antiquorum patrum testimonijs, in quibus asserunt dæmones, cum exorcisantur, ad veritatem fatendam coactos fuisse, nec potuisse oblucriari. Id ipsum ab exemplis corroborabatur, quod ex similibus dæmonum accusationibus, quidam rei inuenti fuerant & condemnati.

In contrarium proponebatur, vita huius religiosæ tota plena operum charitatis & misericordiæ. Vnde factâ inquisitione de eius vita ac moribus, nihil iniqui deprehensum, Sed luculentum redditur testimonium de eius probitate à virginibus, quæ à pluribus annis sub eius modera-

mine vitam religiosam instituerant. Et cum Duplex sit maleficium: vnum veneficum quo detrimentum ac ruina procreatur alijs, aliud amatorium, quod datur ad inflammandum corda, igne carnalis amoris: nec venefici maleficij illa potest rea agi, cum instituerit ac ædificauerit plures domas religiosas Hospitales in quibus calamitas beata recensetur, vt de quodam xenodochio loquitur Nazianz orat. 20. cum in illis ægrotæ pauperes puellæ ac mulieres recipiuntur, fouentur, nutriuntur, curantur & sacramentis Ecclesiæ pascuntur, vt si ex fructibus arbor cognoscenda sit, bona arbor dicenda sit ex qua fructus vtilissimi ac sine cuiusquam detrimento, nascantur assidue. Nec etiam maleficij amatorij argui potest. Quandoquidem nusquam auditum, quod poculum amatorium cuiquam propinauerit aut suaserit, nullique extent ea de re conquestus.

Ad solutionem quæstionis, supponendum est non esse vana ac fabulosa omnia quæ dicuntur de sagis ac earum congregationibus in quibus dæmon præsidet, quas vulgo dicunt, *Sabbatum*. Id quippe diuturna experientia, & multorum exemplis sic confirmatum est, vt nullus de ea re super sit dubitandi locus. Et quamuis canon *Episcopi* 15. q. 1. ex Concilio Ancyrano, reuocet ad imaginaria phantasmata illas congregationes; perpendi tamen potest, Concilium id determinare in particulari casu, de quibusdam mulierculis dumtaxat, quæ dicebantur per aera equitare super diuersa animalia cum Herodias & Dianâ. Quæ verè Phantastica haberi de-

bēbantur, cum Diana & Herodias non amplius essent in rerum natura. Deinde canon iste fictitius videtur, cum Binius eum non agnoscat ut legitimum canonem Concilij Ancyranī, nec reperiatur in collectione Cresconiana, nec in nouissima Coriolani. Nec plus habeant virtutis ea quæ scripta sunt à Gratiano in decreto, quam illa ex quibus desumpta sunt ab eo.

Quamuis autem realia sint aliquando huiusmodi sagorum sagarumque conuenticula, non tamen credendum est dæmonibus, cum inter Ecclesiæ exorcismos accusant, quempiam ijs interfuisse, aut aliquod aliud crimen perpetrasse. Quod probatur rationibus, & autoritatibus.

Primo quidem rationibus, quia dæmon pater est mendacij, fallax & subdolos hostis humani generis, & ideo omni fide indignus.

Secundo quia est calumniator, qui maxime sanctorum famam impetit: ut eos odio prosequantur omnes ac de ijs male sentiant, ut cum eorum vitam despexerint, eorum quoque doctrinam ac exempla pro nihilo habeant.

Tertio quia potestas data Ecclesiæ super energumēnos, extendit se ad eos à corporibus humanis eiiciendos cum potestate & imperio, non vero ad sciscitandam rerum occultarum veritatem: quare si quid verum dicat diabolus non est id attribuendum virtuti ordinariæ exorcismorum, sed magis eius voluntati, quia aliquando vult aliqua vera dicere, ut sub eorum pallio falsum quid insinuet, quod intendit persuadere propter fines illos quos sibi proponit, seu ad infamandos pios homines, seu ad con-

citandas turbas , aut quidpiam aliud mali diffeminandum inter mortales.

Vnde non est consultum ut tam multiplici quæstionum congerie pulsetur dæmon ab exorcistis , sicut factum est in vltimis Galliæ exorcismis , quorum plura extant volumina : sed magis ut ieiunio & oratione , ac adiuratione eum cogant discedere , quod vix aut parumper observatum est.

Hoc autem probatur varijs authoritatibus , tum antiquorum tum magis recentium.

Primo enim sic censet Origenes in c. 17, Matth. tract. 4. Si ergo, inquit , oportuerit nos circa curationem tale aliquid patientium permanere , non adiuremus , *neque interrogemus, neque loquamur quasi audienti spiritui immundo, sed abigamus ieiunijs & orationibus nostris spiritus malignos.* Quæ Origenis verba referuntur à D. Thoma in catena super Euangelia c. 17. Matthæi. Vbi & hæc nota marginalis additur (*notate exorcistæ*) ut scilicet discant , non multa inquirere à dæmone , ne fallantur perpetuis eius mendacijs.

Deinde sic Theophilactus super c. 11 Marci. Porro *non sinebat dæmonia loqui* sicut dixi , docens nos , *ne credamus eis , etiam si vera dicant.* Nam dum quosdam , dum mentiuntur , inveniunt credentes sibi : quid non fieret si & veris falsa permiscerent ? Ita & Paulus prohibuit spiritum Pythonicum dicentem homines illos servos esse Dei altissimi (act. 16.)

Idem Tostatus Abulensis qui stapor est mundi qui scibile continet omne in c. 10. Matth. q. 60.

Quæritur, inquit de potestate data Apostolis super dæmones. Et dicendum quod ista non fuit absoluta: itaut possent quicquid vellent super dæmones, *sed tantum vt possent eos eiicere*. Sic etiam supra in littera, *dedit illis potestatem spirituum immundorum* vt eiicerent eos, imo non poterant facere quod dæmones non tentarent ipsosmet Apostolos, nam sæpe eos tentabant. Fauet etiam Gerson Cancellarius Parisiensis *de erroribus circa artem magicam, tertio dicto*. Nunc perplexis sermonibus inuoluit sententias, vt Tullius loquitur, nunc semitas tortuosas suæ fraudis mille modis tegit. Nobis propter hoc interdicta est societas sua. *Ne queramus ab eo veritatem* quia mendax est, sicut Christus & Apostolus, ipsum etiam vera loquentem obmutescere præceperunt.

Consentit Delrio istarum rerum scriptor maxime gnarus in *Anacephaleosi* l. 6. *disquis. Magicarum*, monitione decima asserens dæmonem diffamare innocentes, dum peculiaribus ritibus & diuersis à communibus Ecclesiæ, sunt exorcismi, monetque vt exemplo Christi paucis iubeant dæmonem tacere & exire, nec garriendi præbeant vel causam vel potestatem.

Atque hoc ipsum pluribus insignis notæ authorum sententijs confirmari posset. Sed pro pluribus erit autoritas facultatis Parisiensis, quæ in comitijs ordinarijs Sorbonæ anno 1623. die 2. Ianuarij & iterum die 2. Martij, librum de *Vocatione Magorum* &c. tanquam impium, nefarium, horrendum, blasphemij & obscenitatibus plenum, scandalosum, bonis moribus

aduersantem, etiam in fide & Religione periculosum, reiecta omni approbatione, censura afficiendum iudicauit. Qui liber primum latino idiomate editus fuerat, cum hoc titulo, *vera & memorabilis Historia de tribus energumenis in partibus Belgij*. Deinde linguæ gallicæ redditus fuerat cum altero titulo *de la vocation des sorciers*. Causas autem censuræ reuocantur in actis facultatis ad hæc quatuor capita.

1. Quod vellet Author & contendat Dæmonem, si certis rationibus quas protert se sacramento obstrinxerit, non posse fallere eique fidem esse adhibendam. Quod omnibus dolis & deceptionibus viam sternit, cuius generis est quod de nato Anti-Christo proponit ex testimonio magarum & dæmonum atque adeo sui ipsius dum mente captus esset. Idque pro certo haberi vult.

2. Si hoc præstito iureiurando assereret dæmon se tanquam Ministrum Dei accepisse Prouinciam enuntiandi aliqua ad Dei gloriam & fidelium institutionem, ei auscultandum & obediendum censet. Quod aliquo Pacto Idololatriam sapit, quasi scripturæ sacra totaque Ecclesia cum Pastoribus & Doctoribus ad hoc non sufficerent.

3. Nouas & insolentes, ab vsu Ecclesiæ alienas & Erroneas exorcismorum rationes inuehit.

4. Execrandas magorum & sortilegorum blasphemias propalat omnibus, horrendaque omnia illorum scelera aperit idiomate gallico, quæ quantum periculi curiosis & infirmis mentibus creare possint, nemo satis pensare potest.

Ex quibus infertur ex sententia facultatis,
nullam

nullam omninò fidem adhibendam esse dæmoni in exorcismis , in quibus author ille intendebat dæmonem non posse fallere & si ad verum dicendum se Sacramento obstrinxisset.

Quod adeo mihi certum videtur , vt nequidem propter quaslibet huiusmodi dæmonum accusationes , personam aliquam in corpore visitari debere existimem , si caractere aliquo in signum Magiæ , insignitam esse dixerint. Vt enim caracter iste dæmonis valde dubiæ fidei est , nihil insuper potest certò colligi si appareat quæpiam nota in cuiusdam corpore. Quid si enim ex casu aliquo pueritiæ aut inuentutis id acciderit ? Quid ergo si corruptam esse quamdam Virginem dixerit , posset ne propterea experimentum fieri de integritate sigilli virginitatis ? quot inde absurda ? Neque vero illa accusatio dæmonum vel pro semi-probatione aut adminiculo aliquo haberi potest , quoniam si fiat ex virtute exorcismi , qui vim habet à Deo , non dimidiata solum , sed integra fides ei habenda esset. Nam tunc dæmonum dicta ex virtute exorcismorum prolata , opus forent diuinum : & cum Dei perfecta sint opera , nihil desiderari posset amplius ad conuincendum & condemnandum pro arbitrio dæmonum , quaslibet personas. Quod quam iniquum sit , quilibet prudens diiudicare poterit. Nos sanè Christiani sumus , satanæ nuntium remisimus in Baptismo , ei penitus abrenuentiauius , vt magis Christianum sit in nullâ re minima illi cedere. atque hoc exemplum habemus à Christo , qui cum in deserto variis tentationibus à dæmone pulsaretur , nec in licitis nec in illicitis yllo

modo cessit. Generoso itaque pectore Christiani dignum est, ut nullius probitatem suspectam habeat propter dæmonum dicta, seruetque quod monet sapiens Ecclesiastes 10. *Si spiritus potestatem habentis super te adscenderit locum illi ne cedas*, Sicut est in Theologia affectiua 3. p. tract. 1. medit. 33. puncto 3.


Sed in presenti lue duæ sunt singulares circumstantiæ, ob quas frustranea videtur talis visitatio, quamvis inuenirentur satis oculati visitatores ad discernendam in sexagesaria Virginis corpore dæmonis notam, si forsan inueniretur. Prima est quod propter diuturnitatem temporis, à quo nefanda sagarum opera illi affinguntur, iure præscriptionis gaudeat, ne ob ea accusari possit: Et si enim in foro animæ, præscriptio nulla detur quoad peccata, quæ tanto grauiora sunt, quanto diutius infelicem animam detinent alligatam: attamen ut obseruat Valerus de *differentiis vtriusque fori* verbo *præscriptio: differentia* 4. & 7. in foro contentioso diuturnitas temporis minuit pœnam peccati l. *si diutino ff. de pœnis*. Vbi Modestinus ait. *Si diutino tempore aliquis in reatu fuerit, aliquatenus pœna eius subleuanda erit*. Vnde dicit Nauarrus in cap. 1. in principio. num. 125. de pœnis. distinct. 5. eum qui occidit hominem ab hinc decem annis, non esse decapitandum: quia pœna ordinaria homicidæ est mors: imo eadẽ temporis diuturnitate, multa crimina prescribuntur, ut non possit quisquam de iis accusari. Ut de adulterio post quinquennium l. *adulter c. de adulteriis* & de

quolibet alio crimine post 20. annos l. *querelam c. de falsis.* at præfata Religiosa non est accusata de operibus Magicis, nisi post elapsum tempus 20. annorum ab huiusmodi delicto, si tamen eius vnquam conscia fuerit. Secunda circumstantia est, quod à tempore huius preten- sæ cum dæmone conspirationis, profes- sionem religiosam emisit coram illustrissi- mo Archiepiscopo Parisiensi, nec ante illam professionem lis à quoquam illi intenta est de Maleficio: Est autem Decretum Pij V. in suâ constitutione quàm refert Suarez to. 3. de *religione* l. 1. c. 7. contra personas religiosas, si criminossæ aliquando fuerint, non competere facultatem iudicibus ac curiis sæcularibus pro- cedendi nisi cum actis publicis constiterit ipsos iudices & curiam sæcularem ante susceptionem habitus de ipso crimine aduersus eas accusatio- nem suscepisse vel inquisitionem instituisse. Quod minimè aduersus illâ factum est, sed tan- tum post emissâ vota, vt sic vtroque iure Cæ- sareo & Pontificio iuuari possit, vt sine vltiori inquisitione absoluta omnino dimittatur.

Ad oppositum dicendum est in primitiua Ec- clesiâ quædam miraculosè & extraordinariè fa- cta fuisse, seu ob eximiam sanctitatem exorci- santium dæmonem, seu ad corroborandam fi- dem, sicut arbuta cum plantantur rigari solent. Non est autem hæc potestas ordinaria exorcis- morum. Quod vere aliqui rei sint reperti, quos dæmon accusabat, esto: multo tamen plures innocentes ab iisdem notati sunt, minimè tamen rei: vnde nulli propter Sathanæ testimonium

damnari debuerunt, et si forsan ita factum sit:
cum acceperit tempus Deus iustitias indica-
bit.

FINIS.



*Errata Typographiae sic corrige ubi sensus deesse
videbitur.*

Pagina 8. linea 15. alix *lege* alia. pag. 9. li. 19. hæ-
reses *lege* hæresis p. 17 l. 4. genium *lege* ingenium
p. 18. l. 17 ex sintilla *lege* sint ex illâ. p. 41. l. 2. & si
liber ita *supplendum est* l. 1. de doct. Christ. c. 38.
fide titubante charitas ipsa languescit. p. 92 l. 5.
adde Gerson in sequentibus se corrigit ut lect. 4.
non Baius. p. 100. l. 20. *adde* supernaturaliter infu-
sam, orationes tuæ & eleemosynæ & c p. 101 l. 24.
q. 2. 2. 10. *lege* 2. 2. q. 10. p. 131. l. 6. elicitus *lege* eliciti.
l. 7. relatus *lege* relatum. p. 137. l. 10. Deum *lege*
cum p. 151. l. 20. voluntatem *lege* voluntarium p.
210. l. 10. ea *lege* eas. p. 224. l. 12. post superstitibus
adde asseruerunt. p. 225 l. 11. *adde* sed & quod ait
glossa decreti parte l. ad dist. 19. præsumitur quod
sit decretalis si reperitur inter decretales ad in-
star illius quæ reperitur inter moniales quæ præ-
sumitur ex hoc monialis. pag. 229. li. 6. nullo *lege*
nulli. pag. 303. l. 10. exarescent *lege* exarescente.
pag. 322. l. 4. Tridentini *lege* Trithemii. pag. 371.
l. 12. habeant *lege* habeat. p. 374. l. 21. decimo *lege*
decimosexto p. 389 l. 8. tamen *lege* tam. l. 9. ni *lege*
in. p. 390. l. 24. *dele* ex p. 397. l. 23. contemptu *lege*
contemptum p. 403. l. si ipsis *lege* sibi ipsis.

②

72

r.

a

fi

8.

5.

4.

fu.

24.

iciti

leg

m p

tibu

od ar

quoi

d in

prz

o leg


ente

g. 37

o leg

ni leg

u leg



- 5-5-1 -

RESTAURAZIONE LIBRO ANTICO
CAR. G. DI CIAGOMO
PESCARA

1973

